

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**S PETNAESTE SJEDNICE GRADSKOG VIJEĆA TUZLA ODRŽANE 30.
MAJA 2022. GODINE U POSLOVNOM OBJEKTU „GRAFIČAR“ S POČETKOM U
10 SATI**

- SJEDNICI PRISUSTVUJE 30 VIJEĆNIKA

U Tuzli, maj 2022. godine

NATAŠA PERIĆ – predsjedavajući Gradskog vijeća Tuzla

(Intoniranje himne Bosne i Hercegovine.) Poštovani vijećnici Gradskog vijeća Tuzla, obrađivači materijala, predstavnici medija, otvaram 15. redovnu sjednicu Gradskog vijeća.

Konstatujem, da prema evidenciji Stručne službe Gradskog vijeća, sjednici prisustvuje 28 od ukupnog broja vijećnika.

Za današnju sjednicu svoj izostanak je najavila vijećnica Esana Kavazbašić Huskanović, a svoje kašnjenje su najavile vijećnice Lejla Osmančević i vijećnica Merima Softić Sprečić te predlažem da im opravdamo odsustvo.

Podsjećam vijećnike da su, uz materijale za današnju sjednicu, dobili i Zapisnik, a svaki klub vijećnika i stenogram, sa 14. redovne sjednice Gradskog vijeća Tuzla, održane 28. aprila 2022. godine.

Da li ima primjedbi na Zapisnik sa 14. redovne sjednice Gradskog vijeća Tuzla, održane 28. 04.?

Ako nema, stavljam na izjašnjavanje Zapisnik sa 14. redovne sjednice Gradskog vijeća Tuzla, održane 28. 04. 2022. godine i pozivam vijećnike da se izjasne. Podsjećam 1 je za, 2 protiv i 3 suzdržan. Glasanje je okončano.

Konstatujem da je Zapisnik sa 14. redovne sjednice Gradskog vijeća Tuzla usvojen...Molim? Poništavam glasanje.

Molim vijećnike da ponovo se izjasnimo za Zapisnik pošto je bilo problema tehničkih. Glasanje je okončano.

Konstatujem da je Zapisnik sa 14. redovne sjednice Gradskog vijeća Tuzla usvojen sa, 27 glasova za, nije bilo protiv i nije bilo suzdržanih.

Za današnju 15. redovnu sjednicu Gradskog vijeća Tuzla predlažem dnevni red koji ste dobili u materijalu za sjednicu.

Nikica Vidović, vijećnik Hrvatske demokratske zajednice Bosne i Hercegovine, je dostavio prijedlog da se u dnevni red 15. redovne sjednice Gradskog vijeća uvrsti tačka pod nazivom:

Potporna futsal klubu Salines Tuzla City kojom se zadužuje gradonačelnik Tuzle Jasmin Imamović i Služba za društvene djelatnosti da iz raspoloživih sredstava i tekuće rezerve osiguraju i na račun futsal kluba Salines Tuzla City uplate iznos od 20.000 konvertibilnih maraka kao potpora radu i organiziranju finalnih utakmica Kupa Bosne i Hercegovine u futsalu i finalnih utakmica play-offa za prvaka Bosne i Hercegovine u futsalu kao i nagrada za osvojeno U19 prvenstvo Bosne i Hercegovine u futsalu za tekuću sezonu prije nekoliko dana održano u Sarajevu.

Kolegij Gradskog vijeća je, prilikom definisanja dnevnog reda današnje sjednice Gradskog vijeća, razmatrao ovaj prijedlog i isti nije prihvatio.

Pozivam vijećnika Nikicu Vidovića da, ukoliko želi, da ukratko obrazloži ovu dopunu. Izvolite Nikice.

NIKICA VIDOVIĆ – vijećnik Hrvatske demokratske zajednice BiH

Hvala, Ja se zahvaljujem. Pa mislim da ne treba neko veliko obrazloženje, vi ste već išitali. Vi znate da treću godinu za redom u samom vrhu klub futsal Salines Tuzla City i da je stalno što u Tuzli što u nekim drugim gradovima igra utakmice. Ovaj iznos od 20.000 maraka vi znate da je sigurno nije dostatan ali vjerujem da bi im pomogao do kraja sezone. Eto toliko od mene. Mislim da veće obrazloženje nije potrebno. (NATAŠA PERIĆ – U redu.) Unaprijed se zahvaljujem.

NATAŠA PERIĆ

U redu hvala. Stavljam na izjašnjavanje prijedlog Nikice Vidovića. Glasanje je okončano.

Konstatujem da prijedlog vijećnika Nikice Vidovića nije dobio potrebnu potrebnu većinu, 9 vijećnika je glasalo za, niko nije bio protiv i 18 suzdržanih.

Klub vijećnika Socijaldemokrata Bosne i Hercegovine - SD BiH, je predložio da se u dnevni red 15. redovne sjednice Gradskog vijeća uvrsti tačka dnevnog reda pod nazivom:

Osuda neistinitih i gnusnih navoda Republičke stranke Srpske u vezi zločina na Tuzlanskoj kapiji.

Evo ja ću zamolit predsjednika Kluba da kao što smo se dogovorili da upoznamo Vijeće.

MIREL MIŠKOVIĆ – vijećnik Socijaldemokrata BiH

Evo mi kao Klub SD BiH povlačimo ovu tačku predloženog dnevnog reda Osuda neistinitih i gnusnih navoda Republičke stranke Srpske u vezi zločina na Tuzlanskoj kapiji, a molimo predsjedavajuću i rukovodstvo Gradskog vijeća da pročitaju zaključke sa Komisije koje smo donijeli a na prijedlog Kluba SD-a i Komisije Istina o Tuzli. Eto.

NATAŠA PERIĆ

Hoću ali kad usvojimo dnevni red onda ćemo pročitati prije realizacije dnevnog reda pročitati ćemo sve zaključke Komisije i Gradskog vijeća. (MIREL MIŠKOVIĆ - Dobro.) Hvala vam.

Vijećnik Omer Berbić, vijećnik Naše stranke, je predložio da se u dnevni red 15. redovne sjednice Gradskog vijeća Tuzla uvrsti tačka dnevnog reda pod nazivom:

Zahtjev Gradskog vijeća Tuzla za izručenje Novaka Đukića organima Bosne i Hercegovine. Izvolite Omere.

OMER BERBIĆ – vijećnik Naše stranke

Pa ništa evo isto u skladu sa dogovorom odustajem od ove tačke, naravno pod uslovom da se pročita (NATAŠA PERIĆ – Pročitati će.) zaključak Komisije (NATAŠA PERIĆ – Koje ste vi...) A da se pošalje svim onim koje sam ja tamo nabrojao u obrazloženju. (NATAŠA PERIĆ – Dobro. Na sve adrese je li?) Na sve adrese. (NATAŠA PERIĆ – Dobro.) Hvala ljepo.

NATAŠA PERIĆ

Dobro. Hvala i vama.

Gradonačelnik Grada Tuzle je predložio da se u dnevni red 15. redovne sjednice Gradskog vijeća Tuzla uvrsti tačka pod nazivom:

RAZMATRANJE I DONOŠENJE ODLUKE O UTVRĐIVANJU JAVNOG INTERESA ZA IZGRADNJU PJEŠAČKE STAZE – TROTOARA U DUŽINI OKO 3.510 METARA NA DIJELU REGIONALNE CESTE R470 TUZLA – DUBRAVE NA PODRUČJU MJESNA ZAJEDNICA PAR SELO.

Stavljam na izjašnjavanje prijedlog i predlažem da se uvrsti kao tačka, kao tačka jedanaest. Molim? Aha. Dobro. Evo samo da Lejla...Glasanje je okončano.

Konstatujem da je PRIJEDLOG GRADONAČELNIKA ZA UVRŠTAVANJE TAČKE DNEVNOG REDA POD BROJ JEDANAEST USVOJENO SA, 28 glasova za, niko nije bio protiv i nije bilo suzdržanih.

Vijećnik Admir Čavalić, vijećnik Stranke za Bosnu i Hercegovinu je dostavio...

OMER BERBIĆ

Oprostite. Ako može pauza 3 minute jer Čavalić je u toaletu? (NATAŠA PERIĆ – Aha. Dobro.) Ili da idete sa mojom, mojim dopunama pa da se na njega vratimo na kraju?

NATAŠA PERIĆ

Hajde sačekat ćemo. Pauza 3 minute. (Pauza.)

Predlažem da počnemo pa ćemo se vratiti na prijedloge Čavalića. Sad nema ni Berbića. Dobro. Pa sve su njegovi prijedlozi i Čavalićevi. Ništa. Omere? Admire? Izvolite Admire.

- Znači ovako vaš prijedlog je da se u dnevni red 15. redovne sjednice Gradskog vijeća Tuzla uvrsti tačka pod nazivom: Rasprava o nepoštivanju tačke 167. Statuta Grada Tuzla. Molim vas ukratko da obrazložite. (vijećnik Admir Čavalić govori bez uključenog mikrofona op.a.) Ne, ne. Jednu po jednu.

ADMIR ČAVALIĆ – vijećnik Stranke za Bosnu i Hercegovinu

E hvala puno predsjedavajuća. Dakle, ja danas predlažem jednu tačku dnevnog reda koja se odnosi na tačku 167. Statuta Grada Tuzla kojeg smo usvojili prošle godine. Naslov ove tačke je Rok za donošenje Statuta mjesnih zajednica. I ovaj dakle, ova tačka Statuta glasi: U roku do šest mjeseci od dana stupanja na snagu ovog Statuta Savjeti mjesnih zajednica su dužni donjeti statute mjesnih zajednica i izvršiti sve poslove organiziranja mjesnih zajednica u skladu sa odredbama ovog Statuta. Na žalost mi smo probili ovaj rok, odnosno da nepoštujemo tačku 167. Statuta Grada Tuzla jer taj rok je bio u novembru, tako da bi volio da danas otvorimo diskusiju/raspravu. Idealno bi bilo da nešto uradimo po pitanju poštivanja ove tačke, ali ako ne bi generalno u okviru ove diskusije mene zanima da li mi snosimo neke sankcije kao Gradsko vijeće zato što ne poštujemo Statut kojeg smo prošle godine usvojili, a evo kolege pravnici će vjerovatno potvrditi da je Statut nešto najvažnije dakle, u smislu prava i trebamo ga poštovati kao takvog? Tako da bih vas zamolio da glasamo o ovom.

NATAŠA PERIĆ

U redu. Stavljam na izjašnjavanje prijedlog vijećnika Čavalića. (Pogriješila sam.) Da ponovim je li? Poništavam glasanje. Molim ponovo da se izjasnite. Glasanje je okončano.

Konstatujem da prijedlog za dopunu dnevnog reda vijećnika Admira Čavalića nije dobio potrebnu većinu,

10 vijećnika je glasalo za, niko nije bio protiv i 17 suzdržanih.

- Vijećnik Admir Čavalić sljedeći prijedlog. Izvolite. Informacija o demografskim kretanjima na području Grada Tuzle.

ADMIR ČAVALIĆ

Hvala puno predsjedavajuća. Dakle, uputio sam zahtjev da se dnevni red sjednice Gradskog vijeća Tuzla dopuni sa tačkom Informacija o demografskim kretanjima na području našeg grada. Zamolio sam i nadam se da su službe ukoliko postoji politička volja da se raspravlja o ovoj situaciji pripremila je sažetu Informaciju o demografskim kretanjima na području Grada Tuzla. Dakle, šta se dešava, da li možemo imati tačnu informaciju koliko nas ima u ovome gradu dakle, prisutno?

Zašto je bitna ova informacija? Ako se ne varam dakle, evo idu sada i opšti izbori, oni su aktuelni. Uglavnom u Tuzli se navodi da da ima isto birača dakle, registrovanih koliko ima i građana, a opet ne znamo koliko ima građana, tu se referišemo na popis iz 2013. koji je imao niz nekih problema, nelogičnosti itd.

Tako da sam ja zamolio da ovu tačku, ovo pitanje otvorimo čisto kako bi donjeli zaključak da zadužimo nadležne službe da nam pripreme informaciju o broju ljudi koji defakto fizički žive u našem gradu razumijevajući da značajan broj ljudi odlazi vani. Hvala.

NATAŠA PERIĆ

U redu. Stavljam na izjašnjavanje prijedlog vijećnika Čavalića. Glasanje je okončano.

Konstatujem da prijedlog vijećnika Admira Čavalića nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

- Sljedeći prijedlog vijećnika Admira Čavalića je da se uvrsti tačka pod nazivom: Informacija o potencijalu snabdijevanja toplotnom energijom od strane Centralnog grijanja Tuzla. Izvolite.

ADMIR ČAVALIĆ

Hvala puno predsjedavajuća. Mislim da je ovo jedno vrlo bitno pitanje zato sam ga uputio za današnji dnevni red. Čak sam bio u dilemi da bude ovo urgentno jer se dovodi u pitanje dakle, potencijal snabdijevanja toplotnom energijom od strane našeg Centralnog grijanja Tuzla. O čemu se konkretno radi? Dobio sam informacije da generalno novogradnja, odnosno nove zgrade koje će se graditi u Tuzli u narednom periodu su dobile formalno ili neformalno, odnosno da kažemo kompanije koja treba da gradi te zgrade informaciju da jednostavno neće biti u mogućnosti da sintegrišu sistem daljinskog grijanja. Ukoliko je ovo tačno ovo je jedan izuzetan skandal, da kažem bombastična stvar za naš grad jer to znači da nećemo moći nove zgrade uvoditi u sistem centralnog grijanja. Zbog tog sam želio i sebi i svima nama građanima i tim investitorima otkloniti sve nedoumice. Da otvorimo ovo pitanje da zamolimo predstavnike centralnog grijanja da nam jasno kažu i zato sam to postavio kao vijećničko pitanje također da li je, da li je ovo tačna informacija dakle, da li će se nove zgrade morati možda grijati na pelet, na ugalj i sl.? Hvala.

NATAŠA PERIĆ

U redu hvala. Stavljam na izjašnjavanje prijedlog. Glasanje je okončano.

Konstatujem da prijedlog vijećnika Admira Čavalića nije dobio potrebnu većinu, 9 vijećnika je glasalo za, niko nije bio protiv i 19 suzdržanih.

- Sljedeći prijedlog vijećnika Admira Čavalića je da se uvrsti tačka pod nazivom: Iskazivanje podrške Gradskog vijeća Grada Tuzla Centralnoj izbornoj komisiji i procesu održavanja opštih izbora 2022. godine u Bosni i Hercegovini. Molim vijećnike da se izja...Ne. Hoćete vi kratko? Izvolite.

ADMIR ČAVALIĆ

Hvala puno predsjedavajuća. Ovo je dakle, samo molba da imamo ovu tačku radi zaključka da deklarativno podržimo Centralnu izbornu komisiju i proces održavanja opštih izbora 2022. godine u Bosni i Hercegovini. Pazite ovo je samo simbolika deklarativno. Opet se moramo svrstati na dobru ili lošu stranu. Loša je strana u ovom slučaju dakle, predstavnici određenih političkih subjekata nastoje blokirati održavanje izbora tako što će onemogućiti dakle finansiranje rada Centralne izborne komisije i generalno postupak održavanja izbora. Ja sam čak naveo u obrazloženju ovdje mislim simbolično da kažemo Gradsko vijeće Grada Tuzla podrža-va i Grad Tuzla svakako i CIK i opšte izbore, jer su bitni i ako treba, a znam da neće ovo spasti na nas, a znate da je to Entitet RS ranije radio posuđivao novac, ako treba iz neke tekuće rezerve ili sl. ali neće trebati nadam se, državni nivo to treba regulisati. Grad Tuzla će podržati to i u smislu posudbe dakle, jednokratne CIK-u koji će nam vratiti ta sredstva kako bi se izbori održali. Mislim da je ovo bitno da se svrstamo na kojoj smo strani. Hvala.

NATAŠA PERIĆ

U redu. Izvolite Mensure.

MENSUR ALIĆ – vijećnik Tuzlanske alternative

Tražim pauzu od 5 minuta.

NATAŠA PERIĆ

Pauza 5 minuta. Sastanak većine molim vas. (Pauza.)

Pozivam vijećnike u salu.

Molim vijećnike da se izjasne o prijedlogu vijećnika Admira Čavalića o Iskazivanju podrške Gradskog vijeća Grada Tuzle molim vas tišina, Centralnoj izbornoj komisiji i procesu održavanja opštih izbora 2022. u Bosni i Hercegovini. Glasanje je okončano.

Konstatujem da pročitani prijedlog nije dobio potrebnu većinu, 9 vijećnika je glasalo za, 1 je bio protiv i 18 suzdržanih.

- Vijećnik Admir Čavalić je predložio da se u dnevni red uvrsti: Informacija o projektima koji se spominju u tuzlanskoj javnosti, a nikada nisu, niti će biti realizovani.

Izvolite ukratko obrazložite.

ADMIR ČAVALIĆ

Hvala puno predsjedavajuća. Mislim da je ovo jedna vrlo bitna tačka i zašto, zašto sada? Evo vidjet ćemo u rebalansu izbacuju se ove pokretne stepenice, odnosno popularno nazvani eskalatori. Ako se sjećate ja sam u decembru prošle godine govorio takođe dakle, prvo da je to glupost od projekta. Govorimo za Mejdan. A druga stvar da se neće uopšte realizovati, da do toga neće doći, da trošimo vrijeme i da se na taj način samo stvara da kažemo neka pompa i sl. Vjerovatno će isto biti i sa Kućom bosanskog jezika. Evo vidim u rebalansu se samo naziv promijenio dakle, te kuće. Postoji još niz projekata. Natkrivanje Panonskih jezera dakle, svi znate, makete razno-razne itd. I posebno evo interesantan mi, čak i privatne investicije su počele da sljede tu praksu javnih investicija pa imamo zgradu Crystalico. Ja se sjećam prvi put dakle, i nije dobro da iz našeg grada idu izjave da je to preko milijardu investicija. Dakle, Bosna

i Hercegovina u većini godina, u zadnjih 10 godina ne može imati milijardu investicija za jednu godinu dakle, ne može se investirati u čitavu državu a kamoli u jednu zgradu. I vidimo da nema ništa od tog.

Mene zanima da dobijemo, da nam službe pripreme i to bi bio zaključak ove tačke. Koji su to sve projekti koji su se spominjali, a da je izašlo iz Grada Tuzla a da ništa se nije realizovalo po tom pitanju dakle, da nije ni jedna cigla ugrađena i sl.? Hvala.

NATAŠA PERIĆ

U redu hvala. Selma izvolite.

SELMA ČATIBUŠIĆ – vijećnik Platforme za progres

Pa ništa ja bih samo htjela da u ovom dijelu stvarno podržim kolegu Čavalića jer smatram da na neki način ne trebamo da pravimo u javnost, dovodimo u nedoumicu zapravo da li će se neki projekti realizirati ili neće. Vjerujem da su svi ispratili na neki način na društvenim mrežama koliko ljudi zapravo negiraju ili negoduju tako neke projekte tj. više im smeta što od tih projekata ili očigledno neće biti ništa a onda se odjednom pojave, evo sad, sad će se to desiti i mislim da naši sugrađani i sugrađanke zaslužuju da na neki način dobiju informaciju makar dokle su ti projekti, da li će uopšte biti realizirani i da ako je to 50 godina da kažemo u narednih 50 godina da će biti ti neki projekti realizirani? Eto toliko.

NATAŠA PERIĆ

U redu hvala. Vijećnik Berbić. Izvolite.

OMER BERBIĆ

Hvala ljepo. Ja bi isto da podržim i da kažem počevši od stadiona „Tušanj“ koji se nije završio. Od nadkrivenih Panonskih jezera, kupole za koje smo imali makete. Od nadkrivene pijace koja nije bila u ovom obliku nego je bila okruglo nadkrivena. Od led-a rasvjete. Od projekta kao što su recimo izbori u mjesnim zajednicama koji se nikada nisu održali niti će se najvjerojatnije održati kako je krenulo. Ovo je zaista dobra tačka i mislim da ima potrebe da nam dođe šef Grada gradonačelnik zajedno sa službama i da nam kaže zašto se izbacuju makete, ideje i neke stvari koje ne mogu i nikada neće biti realizirane? Hvala ljepo.

NATAŠA PERIĆ

U redu. Stavljam na izjašnjavaње prijedlog vijećnika Admira Čavalića. Glasanje je okončano.

Konstatujem da prijedlog vijećnika Admira Čavalića nije dobio potrebnu većinu, 9 vijećnika je glasalo za, niko nije bio protiv i 19 suzdržanih.

- Sljedeći prijedlog vijećnika Admira Čavalića je da se uvrsti tačka pod nazivom: Rasprava o dopisu radnika Javne ustanove Centar za socijalni rad Tuzla i potencijalnom štrajku ovih rudara, radnika pardon. Izvolite.

ADMIR ČAVALIĆ

Hvala puno predsjedavajuća. Ja mislim da svako od nas ovdje prisutnih Gradskih vijećnika i vijećnica bi ovo htio da uputi i možda sam ja prestigao pa nije uputio svejedno. Zašto? Svi ste na meil dobili i dobili ste u materijalima dopis radnika Centar za socijalni rad Tuzla. Nije bezazleno vidite da se spominje riječ štrajk. Ja je nisam umetnuo dakle, u ovo obrazloženje, ona se tamo spominje. Oni prijete štrajkom. Možda ne bi bilo loše da preuzmemo političku odgovornost kao Gradsko vijeće da raspravimo to. Mi ćemo svakako otvoriti to na temu rebalansa ovo pitanje ali posebnu tačku njima i da pozovemo predstavnike i službi i sindikata da nam kažu o čemu se ovdje konkretno radi. Ja koliko sam dobio informacije od tih radnika koji su se meni lično takođe obratili jeste da ima problema sa sindikatom jer njihov sindikat potpada pod zajednički sindikat, a zajednički sindikat je izgleda samo pregovarao za sve osim njih po informaciji dakle, predstavnika Centra za socijalni rad i oni su izuzeti i zbog toga negoduju. Volio bih da ne dođe do štrajka i mislim da će to, u stvari neće niko od nas ovdje prisutnih platiti tu cijenu, neće ni u Gradskoj upravi, platiti će samo korisnici ovih usluga. Hvala puno.

NATAŠA PERIĆ

Stavljam na izjašnjavanje prijedlog vijećnika Čavalića. Glasanje je okončano.

Konstatujem da prijedlog vijećnika Admira Čavalića nije dobio potrebnu većinu, 9 vijećnika je glasalo za, niko nije bio protiv i 21 suzdržan.

- Vijećnik Omer Berbić je predložio da se u dnevni red 15. redovne sjednice Gradskog vijeća uvrsti tačka pod nazivom: Informacija u vezi sa požarom na gradskoj deponiji. Izvolite Omere.

OMER BERBIĆ

Hvala lijepo. Pa kao što smo svi vidjeli i većina nas osjetila prije par dana je bio požar na gradskoj deponiji „Desetine“. Mislim da je ovo izuzetno bitna tačka s obzirom da bi trebali da pozovemo direktora Javnog komunalnog preduzeća „Komunalac“ da nam da izvještaj da li su radili neka ispitivanja oko štetnosti tog požara jer to su plinovi, to je smeće koje je gorilo nad gradom Tuzla. Kolika je šteta, da li Grad Tuzla ili Gradsko vijeće može uraditi nešto da pomogne da se to ne desi ili da se sanira postojeća šteta? Da li je, da li su urađena ispitivanja koliko je štetno za građane? Ukoliko jesu da znamo šta je u pitanju (nerazgovjetno izgovorena riječ op.a.) da se može izdati potrebna upozorenja ljudima da odu eventualno na neke, na neke preglede kod doktora itd.

Ovo je jedna vrlo ozbiljna tematika i mislim da bi Gradsko vijeće trebalo da popriča o ovom. Pogotovo zato što je gorila gradska deponija, a ja mislim da smo mi svi ovdje upoznati o tome barem iz medija. Hvalja lijepo.

NATAŠA PERIĆ

Molim vijećnike da se izjasne o prijedlogu. Glasanje je okončano.

Konstatujem da prijedlog vijećnika Omera Berbića nije dobio potrebnu većinu, 9 vijećnika je glasalo za, niko nije bio protiv i 21 suzdržan.

- Vijećnik Omer Berbić je predložio da se uvrsti tačka pod nazivom: Informacija o izgradnji nove zgrade na Slatini na području „Marakana“. Izvolite Omere.

OMER BERBIĆ

Hvala. Pa nova zgrada je već evo izašla iz zemlje. Područje Marakane je područje gdje su se generacijama djeca igrala fudbala, gdje je to bilo neko područje za razonodu da kažem ovih ovih mlađih uzrasta. U proteklom periodu građani na području Slatine su skupili potpise. Napravili su peticiju protiv izgradnje, pa evo zanima nas imal neka mogućnost da Gradsko vijeće reaguje povodom ovog pitanja i da Gradsko vijeće eventualno zaustavi gradnju dok nije prekasno, dok nije to otišlo u neki, u neki nivo gdje je to nezaustavljivo kako bi naša djeca na Slatina još uvijek imali zelenog prostora i zelene površine da se igraju fudbala i ostalih igara? Hvala ljepo.

NATAŠA PERIĆ

U redu. Stavljam na izjašnjavanje prijedlog vijećnika Berbića. Glasanje je okončano.

Konstatujem da prijedlog nije dobio potrebnu većinu, 9 vijećnika je glasalo za, 1 je bio protiv i 20 suzdržanih.

Stavljam na izjašnjavanje cjelokupni dnevni red sjednice Gradskog vijeća. Molim vijećnike da se izjasne. Glasanje je okončano.

Konstatujem da je dnevni red u cjelini usvojen sa, 26 glasova za, 1 je bio protiv i 3 suzdržana.

DNEVNI RED

- Usvajanje Skraćene verzije Zapisnika sa 14. redovne sjednice Gradskog vijeća Tuzla, održane 28. 04. 2022. godine

1. VIJEĆNIČKA PITANJA I INICIJATIVE

2. RAZMATRANJE I USVAJANJE:

a) IZVJEŠTAJA O IZVRŠENJU BUDŽETA GRADA TUZLE ZA PERIOD 1.1.-31.12.2021. GODINE

b) IZVJEŠTAJA KORIŠTENJA SREDSTAVA TEKUĆE REZERVE ZA PERIOD 1.1.-31.12.2021. GODINE

c) IZVJEŠTAJA O IZVRŠENJU BUDŽETA GRADA TUZLE ZA PERIOD 1.1.-31.3.2022. GODINE

d) ODLUKE O IZMJENAMA I DOPUNAMA BUDŽETA GRADA TUZLE ZA PERIOD 1.1. – 31.12. 2022. GODINE

e) ODLUKE O IZMJENAMA I DOPUNAMA ODLUKE O IZVRŠAVANJU BUDŽETA GRADA TUZLE ZA 2022. GODINU

f) ODLUKE O IZMJENAMA ODLUKE O KREDITNOM ZADUŽENJU GRADA TUZLE

3. RAZMATRANJE I USVAJANJE NACRTA:

a) ZONING PLANA REKREACIONE ZONE ŠIĆKI BROD U TUZLI

b) ODLUKE O PROVOĐENJU ZONING PLANA REKREACIONE ZONE ŠIĆKI BROD U TUZLI

4. RAZMATRANJE I USVAJANJE ODLUKE O PRISTUPANJU IZRADI REGULACIONOG PLANA ZBR "STARA KASARNA – KAMPUS UNIVERZITETA U TUZLI"

5. RAZMATRANJE I USVAJANJE ODLUKE O IZMJENAMA I DOPUNAMA ODLUKE O JAVNIM PARKIRALIŠTIMA NA PODRUČJU OPĆINE TUZLA

6. RAZMATRANJE I USVAJANJE:

a) ODLUKE O DAVANJU PRETHODNE SAGLASNOSTI NADZORNOM ODBORU JKP PANNONICA D.O.O. TUZLA ZA IMENOVANJE VRŠIOCA DUŽNOSTI DIREKTORA.DRUŠTVA

b) ODLUKE O DAVANJU PRETHODNE SAGLASNOSTI NADZORNOM ODBORU JP DIREKCIJA ZA IZGRADNJU D.O.O. TUZLA ZA IMENOVANJE VRŠIOCA DUŽNOSTI DIREKTORA DRUŠTVA

7. RAZMATRANJE I USVAJANJE:

a) ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM UDRUŽENJU HO "MERHAMET" MDD SARAJEVO – REGIONALNI ODBOR TUZLA

b) ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM JU CENTAR ZA KULTURU TUZLA

c) ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM MINISTARSTVU SIGURNOSTI BIH – SLUŽBI ZA POSLOVE SA STRANCIMA

8. RAZMATRANJE I USVAJANJE ODLUKE O IZMJENAMA I DOPUNAMA ODLUKE O ADMINISTRATIVNIM TAKSAMA I TARIFI OPĆINSKIH ADMINISTRATIVNIH TAKSI

9. RAZMATRANJE I USVAJANJE:

a) ODLUKE O DAVANJU SAGLASNOSTI ZA ZAKLJUČENJE UGOVORA IZMEĐU GRADATUZLE I UDRUŽENJA „ZEMLJA DJECE U BIH“ U TUZLI O REGULISANJU MEĐUSOBNIH PRAVA I OBAVEZA U VEZI SA KORIŠTENJEM OBJEKTA U OKVIRU STADIONA „JEDINSTVO“ U KLOSTERSKOJ ULICI U TUZLI (S TEKSTOM UGOVORA)

b) ODLUKE O DAVANJU SAGLASNOSTI ZA ZAKLJUČENJE UGOVORA IZMEĐU GRADA TUZLE I JKP PANNONICA D.O.O. TUZLA O REGULISANJU MEĐUSOBNIH PRAVA I OBAVEZA U VEZI SA KORIŠTENJEM SPORTSKOG TERENA I PRATEĆEG OBJEKTA U OKVIRU STADIONA „JEDINSTVO“ U KLOSTERSKOJ ULICI U TUZLI (S TEKSTOM UGOVORA)

10. RAZMATRANJE I USVAJANJE ODLUKE O USPOSTAVI I NAČINU VOĐENJA ADRESNOG REGISTRA I NAČINU OZNAČAVANJA NASELJENIH MJESTA, NASELJA, ULICA, TRGOVA I UTVRĐIVANJA KUĆNIH BROJEVA OBJEKATA I ZEMLJIŠTA U GRADU TUZLI

11. RAZMATRANJE I DONOŠENJE ODLUKE O UTVRĐIVANJU JAVNOG INTERESA ZA IZGRADNJU PJEŠAČKE STAZE – TROTOARA U DUŽINI OKO 3.510 M NA DIJELU REGIONALNE CESTE R470 TUZLA – DUBRAVE NA PODRUČJU MZ PAR SELO

12. RAZMATRANJE I USVAJANJE IMOVINSKO-PRAVNIH AKATA:

a) Rješenje o odbijanju zahtjeva za kupovinu nekretnine u vlasništvu Grada Tuzla („Inter Auto” d.o.o. Tuzla)

b) Zaključak o odbacivanju zahtjeva za utvrđivanje prava vlasništva (Skenderović Isat)

c) Zaključak o obustavi postupka (Okanović Davor)

13. UTVRĐIVANJE DRUGOG PREČIŠĆENOG TEKSTA POSLOVNIKA GRADSKOG VIJEĆA TUZLA

14. RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2021. GODINU

a) JP Gradska veterinarska stanica d.o.o.Tuzla

b) JP RPC Tuzla-Inkubator „Lipnica” d.o.o. Tuzla

c) **JKP Komemorativni centar d.o.o. Tuzla**

15. RAZMATRANJE I USVAJANJE IZVJEŠTAJA O RADU JAVNIH USTANOVA ČIJI JE OSNIVAČ ILI SUOSNIVAČ GRAD TUZLA ZA 2021. GODINU

a) **JU Gradski stadion „Tušanj” Tuzla**

b) **JU Dom penzionera Tuzla**

16. RAZMATRANJE IZVJEŠTAJA KOMISIJE ZA IZBOR I IMENOVANJA

17. INFORMACIJA U VEZI SA IZRADOM ZONING PLANA PRIVREDNE ZONE “PISKAVICA” I “GRIJAČICE” U GORNJOJ TUZLI

18. TEKUĆA PITANJA

a) **Obavještenje JP SKPC „Mejdan“ d.o.o. Tuzla o razlozima prolongiranja izrade Izvještaja o radu i poslovanju za 2021. godinu**

b) **Obavještenje Službe za kulturu, sport, mlade i socijalnu zaštitu o razlozima prolongiranja izrade Gender akcionog plana Grada Tuzle za period 2022. - 2024. godina**

Prelazimo na prvu tačku Dnevnog reda. Aha. Prije vijećničkih pitanja i inicijativa zamolit ću sekretara Gradskog vijeća gospođu Slađanu Krajinu da pročita zaključke Komisije Istina o Tuzli 92-95 i prijedloge koje su imali vijećnici Klub Socijaldemokrata i vijećnik Omer Berbić između ostalog. Izvolite.

SLAĐANA KRAJINA – sekretar Gradskog vijeća Tuzla

Ja pozdravljam sve prisutne. Komisija za istinu o Tuzli '92-'95 je na sjednici održanoj 30. maja 2022. godine, na inicijativu Kluba vijećnika Socijaldemokrata Bosne i Hercegovine i vijećnika Omera Berbića, povodom neistinitih i gnusnih navoda Branislava Šušljika i Anatolija Milovanovića, članova Savjeta za bezbjednost i boračko-invalidsku zaštitu Republičke stranke Srpske u vezi sa tuzlanskom Kapijom, usvojila sljedeće zaključke:

1. Komisija za istinu o Tuzli '92-'95 i Gradsko vijeće Tuzla osuđuju neistinite i gnusne navode Branislava Šušljika i Anatolija Milovanovića, članova Savjeta za bezbjednost i boračko-invalidsku zaštitu Republičke stranke Srpske, koji su nedavno izjavili da je tuzlanska Kapija teroristički akt i zločin učinjen od strane muslimanskih vojnih snaga a nikako vojni napad srpskih snaga i vojnika te da mi izigravamo žrtve kako bi izazvali osudu i izmolili neku vojnu, političku, ekonomsku i drugu pomoć od zemalja Zapada.

2. Komisija za istinu o Tuzli '92-'95 i Gradsko vijeće Tuzla smatraju da je ovo još jedan u nizu napada na državu Bosnu i Hercegovinu, na žrtve tuzlanske Kapije i njihove porodice, na Tuzlu, grad kojem je ubijena mladost i na njene građane, na istinu i pravdu, međunarodno pravo i međunarodne sudove i još jedan besraman pokušaj negiranja jednog od najvećih pravosnažno osuđenih ratnih zločina u Bosni i Hercegovini te još jedan pokušaj plasiranja potpuno iskrivljenog koncepta sakrivanja istine koja je dokazana u sudskom postupku pred Sudom Bosne i Hercegovine u kojem je Novak Đukić, kao komandant taktičke grupe Ozren Vojske Republike Srpske, koji je 25. maja 1995. godine naredio granatiranje Tuzle, proglašen krivim i pravosnažno osuđen na 20 godina zatvora za ratni zločin granatiranje Kapije - urbanog područja Tuzle, kada je ubijeno 71, a lakše i teže ranjeno 137 lica.

3. Komisija za istinu o Tuzli '92-'95 i Gradsko vijeće Tuzla smatraju da ove, po ko zna koji put ponovljene laži, žrtvama tuzlanske Kapije ponovo ne daju mira i na besraman i beskrupulozan način vrijeđaju kako nevino stradale, tako i porodice žrtava stravičnog masakra koji se dogodio 25. maja 1995. godine kao i sve građane Tuzle.

4. Komisija za istinu o Tuzli '92-'95 i Gradsko vijeće Tuzla pozivaju vlasti Srbije da poštuju pravosnažnu sudsku odluku te da, po zahtjevu pravosudnih institucija Bosne i Hercegovine, izruče Bosni i Hercegovini pravosnažno osuđenog ratnog zločinca Novaka Đukića.

5. Komisija za istinu o Tuzli '92-'95 i Gradsko vijeće Tuzla traže od nadležnih organa u Bosni i Hercegovini da konkretnim pravnim radnjama zaštite žrtve osuđenog ratnog zločinca Novaka Đukića i da zahtijevaju njegovo izručenje radi služenja zatvorske kazne.

6. Komisija za istinu o Tuzli '92-'95 i Gradsko vijeće Tuzla upozoravaju međunarodnu zajednicu da falsificiranje činjenica i negiranje ratnog zločina, kojeg su, kao takvog, okarakterizirali Međunarodni krivični sud za bivšu Jugoslaviju i nacionalni sudovi za ratne zločine i zaštita i skrivanje presuđenog ratnog zločinca, predstavlja dodatne tenzije i ozbiljnu prijetnju miru i stabilnosti u regiji.

7. Pozivamo vlade Sjedinjenih Američkih Država, vlade zemalja članica Evropske unije, Ujedinjenih nacija te Vijeće Evrope i Odbor Evropskog parlamenta za stabilizaciju i pridruživanje Srbije Evropskoj uniji da zaštite žrtve ratnog zločina na tuzlanskoj Kapiji i njihove porodice i da odmah, kao uslov za ulazak Srbije u Evropsku uniju, zatraže od vlasti Republike Srbije da poštuju pravosnažnu sudsku odluku te da, po zahtjevu pravosudnih institucija Bosne i Hercegovine, izruče Bosni i Hercegovini osuđenog ratnog zločinca Novaka Đukića i druge osuđene zločince, u skladu sa važećim Protokolom o ekstradiciji, zaključenim između Bosne i Hercegovine i Srbije i da konačno počnu poštovati protokole i sporazume potpisane sa Bosnom i Hercegovinom.

8. Komisija za istinu o Tuzli '92-'95 i Gradsko vijeće Tuzla traže od Regulatorne agencije za komunikacije Bosne i Hercegovine da ispita da li medijski istupi članova Republičke stranke Srpske sadrže govor mržnje te da isti sankcionišu.

9. Zaključci Komisije za istinu o Tuzli '92-'95 će se, u ime Gradskog vijeća Tuzla, dostaviti Vladi Republike Srbije, Delegaciji Evropske unije i Specijalnom predstavniku Evropske unije u Bosni i Hercegovini (EUSR), Kancelariji Savjeta/Vijeća Evrope u Bosni i Hercegovini, Odboru Evropskog parlamenta za stabilizaciju i pridruživanje Srbije Evropskoj uniji, Visokom predstavniku za Bosnu i Hercegovinu, Ambasadi Sjedinjenih Američkih Država u Bosni i Hercegovini, Sudu Bosne i Hercegovine i Tužilaštvu Bosne i Hercegovine te svim medijima.

NATAŠA PERIĆ

Molim? (vijećnik Omer Berbić govori bez uključenog mikrofona op.a.) De samo uključite radi stenograma.

OMER BERBIĆ

Ako može ja sam samo napisao i da se dostavi parlamentarnim klubovima u Parlamentu Evropske unije zato što ih ima, ima šansa da to možemo progurat.

NATAŠA PERIĆ

Dobro. Molim vijećnike da se izjasne o pročitanim zaključcima. Glasanje je okončano.

Konstatujem da su pročitani zaključci usvojeni sa 30 glasova za, niko nije bio protiv i nije bilo suzdržanih.

Prelazimo na prvu tačku Dnevnog reda:

VIJEĆNIČKA PITANJA I INICIJATIVE

Zamolit ću vas samo zbog velikog broja tačaka Dnevnog reda da ukratko obrazložite i pitanja i inicijative.

VIJEĆNIČKA PITANJA

Prvi je postavio vijećnik Admir Čavalić. Neka se pripremi vijećnik Damir Muratović.

ADMIR ČAVALIĆ

Hvala puno predsjedavajuća. Dakle, ja sam pripremio tri vijećnička pitanja. Ukratko ću samo in obrazložiti.

Prvo se pitanje odnosi evo i direktno je upućeno Centralnom grijanju dd Tuzla. Maloprije sam to pokušao deleegirat i kao tačku dnevnog reda.

- Da li je zaista tačno da nema više toplotnih kapaciteta, odnosno kapaciteta sistema da prihvati nove zgrade koje će se graditi u Tuzli dakle, u sistem daljinskog grijanja i kako možemo riješiti taj problem?

I zamolio bih dakle za konkretan odgovor.

Drugo pitanje:

- Zanima me u čijem je vlasništvu su barake u Moluhama - bivše kancelarije UMELA – raskrsnica ulice Admira Dedića i Alije Ibrića, te da li Grad Tuzla može uraditi bilo šta po pitanju zapuštenosti datih baraka?

Nedavno je također evo bio je i na deponiji Desetine al bio je i takođe požar u ovim barakam. Tu su psi litalice, pacovi i ostale životenje koje mogu prenositi zarazu. Takođe imamo i odlaganje smeća dakle, lošu praksu tu. Ja sam ranije predlagao da se tu stave nadzorne kamere ili da s epokuša riješit, očistiti ali generalno nas zanima pitanje vlasništva.

I zadnje pitanje:

- Zanima me da li su ispunjeni kapaciteti deponije Desetine u Moluhama i ako jesu šta se planira poduzeti po tom pitanju? Također, šta je uzrok nedavnog požara na ovoj deponiji?

Zašto ovo postavljam pitanje? Dakle, čak su se javljali i pored molušana mještani Rasovca i Mandića i oni se žale na izuzetan smrad naročito tokom ljeta. Boje se da se deponija nekontrolisano širi prema Rasovcu. Dakle, moje pitanje da li da li su ispunjeni kapaciteti? Hvala puno.

NATAŠA PERIĆ

U redu hvala. Vijećnik Damir Muratović. Neka se pripremi vijećnik Anel Ibeljić.

DAMIR MURATOVIĆ – vijećnik Socijaldemokrata BiH

Hvala. Pozdrav svim prisutnim. Znači pitanje postavljam samo jedno direktorima javnih preduzeća i Uredu gradonačelnika.

- Znači, obraćam im se sa vijećničkim pitanjem kojim tražim da se izjasne koliki su bili troškovi reprezentacije u njihovim preduzećima, odnosno Uredu u 2021. godini, da li su dobavljači, odnosno pružaoci usluga reprezentacije izabrani u skladu sa Zakonom o javnim nabavkama i koji je postupak primjenjen? Hvala.

NATAŠA PERIĆ

U redu hvala. Vijećnik Anel Ibeljić. Izvolite.

ANEL IBELJIĆ – vijećnik Socijaldemokratske partije

Prilažem.

NATAŠA PERIĆ

U redu hvala. Vijećnica Ana Pejić.

**ANA PEJIĆ - zamjenik predsjedavajućeg Gradskog vijeća Tuzla,
- vijećnik Socijaldemokratske partije**

Prilažem.

NATAŠA PERIĆ

Hvala. Vijećnik Senad Mehmedinovi. Izvolite. Neka se pripremi vijećnica Selma Čatibušić.

SENAD MEHMEDINOVIĆ – vijećnik Pokreta demokratske akcije

Ne prilažem. (NATAŠA PERIĆ – Dobro.)

Vijećničko pitanje Službi za komunalne poslove, izgradnju i poslove mjesnih zajednica:

- Po kojim kriterijima i ko odlučuje o sanaciji puteva koji se finansiraju iz sredstava tekućeg održavanja puteva?

Obrazloženje:

Odgovori koji se dobijaju na vijećnička pitanja, a tiču se sanacije udarnih rupa ili puteva, generalno glase: „...Služba ima u planu u tekućoj godini sanirati put ili prema raspoloživim sredstvima Služba će u toku godine sanirati put...“. Stoga, zanima me ko i po kojim kriterijima odlučuje koji će put u toku godine biti saniran iz sredstava tekućeg održavanja puteva.

NATAŠA PERIĆ

U redu hvala. Vijećnica Selma Čatibušić. Izvolite.

SELMA ČATIBUŠIĆ

Dobar dan svima još jednom.

Imam tri vijećnička pitanja. Prvo ide Službi za komunalne poslove, izgradnju i poslove mjesnih zajednica kao i eto Centralnom grijanju Tuzla.

- „Da li je u naselju Šesta Bosanska u određenim ulicama planirano priključenje na Centralno grijanje u zgradama, i ako jeste zbog čega onda ne postoji mogućnost za priključenje na Centralno grijanje i u obližnjim kućama, pogotovo jer bi iste trebale biti prioritet obzirom na stepen zagađivanja, te da mi se dopuni odgovor na pitanje sa prethod sjednice šta se sve uradilo do sada na rješavanju ovog problema, tačnije kakav je angažman Grada Tuzla bio prethodnih godina kada je u pitanju priključivanje na Centralno grijanje domaćinstava koja još uvijek nemaju tu mogućnost?“

Uz ovo vijećničko pitanje skupljeno je, skupljeni su i potpisi građana koji žive na tom području.

Drugo vijećničko pitanje Komisiji za stambena pitanja Grada Tuzla i Službi za boračko-invalidsku zaštitu, stambene poslove i integraciju raseljenih lica:

- „Sa koliko stambenih objekata raspolaže Grad Tuzla, koliko je trenutno slobodnih stanova u gradu, po kojim uslovima se isti izdaju, na kojim lokacijama se ona nalaze, koliki su ti stambeni objekti i ko su imenom i prezimenom osobe koje trenutno koriste te stanove?“

Ovo je ujedno i uregencija na moje već postavljeno vijećničko pitanje na koje nisam dobila odgovor.

I treće vijećničko pitanje:

- „Da li je tačno da su građani dužni učestvovati i u sufinansiranju sprovođenja kanalizacije, ako su isti učestvovali u sufinansiranju asfaltiranje ceste?“

Ovo se odnosi na ulicu Ive Andrića od od 107 do 109 jer su građani uzeli učešće u asfaltiranju ove ulice, skupili novac. Reklo im se da će naravno Grad finansirati uvođenje tj. sprovođenje kanalizacije međutim, kada je trebalo da dođe do toga rečeno im je da oni moraju sufinansirati i sprovođenje kanalizacije, odnosno kanalizacione mreže. Tako da eto interesuju me odgovori i na ova vijećnička pitanja.

NATAŠA PERIĆ

U redu hvala. Da li ima još neko vijećničko pitanje a nije priložio? Omer berbić. Izvolite.

OMER BERBIĆ

Hvala ljepo.

Prvo moje, moje prvo vijećničko pitanje:

- Koliko je koštala izrada idejnog projekta pokretnih stepenica u Mjesnoj zajednici Mejdan, te prema UKC-u s obzirom da smo vidjeli da je gradonačelnik iznjelio neko idejno rješenje zanima me koliko je to koštalo i koliko se platilo ili koliko je novca bačeno u vjetar evo znajući da ćemo danas odustati od ovih populističkih projekata koji nikada nisu ni mogli biti završeni?

Drugo pitanje je:

- Zbog čega je promijenjen standardni protokol za 15. Maj?

Znači, obrazloženje je:

Standardni protokol za 15. Maj je bio polaganje cvijeća a nakon toga govori. Ovaj 15. Maj je protokol promjenjen te su prvo bili govori a nakon toga polaganje cvijeća. Naime, na taj datum ima mnogo RVI-a, demobilisanih boraca u poznim godinama te ostalih građana koji ne mogu stojati preko pola sata slušajući govore. Shodno tome, želim pismeni odgovor zbog čega je standardni protokol, koji je bio dugi niz godina za ovaj datum, promijenjen. (NATAŠA PERIĆ – Jel to sve?)

Treće vijećničko pitanje:

- Da li je gradonačelnik Tuzle koristio novu Škodu SuperB nabavljenu prošle godine od strane Civilne zaštite i ukoliko jeste koliko puta je koristio? Hvala ljepo.

NATAŠA PERIĆ

Hvala. Prelazimo na VIJEĆNIČKE INICIJATIVE

Zamoliti ću da budete kratki. Ukratko. Jasno. Vijećnik Admir Čavalić. Izvolite. Neka se pripremi vijećnik Damir Muratović.

ADMIR ČAVALIĆ

Hvala puno predsjedavajuća. Dakle, ja sam pripremio tri vijećničke inicijative.

Prva je:

- Da se uvede centralno grijanje u ulici doktorice Milice Kosorić i ulice 4 april u naselju Miladije.

Zamolili su me dakle, mještani Miladija oni kažu da već godinama unazad šalju dopise nadležnoj službi i centralnom grijanju međutim, uvijek dobivaju negativan odgovor. Ono što je problematično jeste da se u novoizgrađenim zgradama sa socijalnim stanovanjem dakle, uvodi centralno grijanje, što je svakako pohvalno i opravdano, al s druge strane mještani koji žive oko ovih zgrada ne mogu imati dakle, to centralno grijanje tako da možda je riječ o diskriminaciji koju moramo čim prije riješiti ovom inicijativom.

Druga vijećnička inicijativa je:

- Da se postave ležeći policajci na magistralnom putu M4 preko puta ulaza u BCC (naselje Miladije) i regionalnom putu R459 prema naselju Solina od Skojevske ulice.

Ja ovdje naglašavam da moramo i to sam uputio na JP Ceste Federacije Bosne i Hercegovine i Saobraćaj i komunikacije Tuzla. Volio bi da mi Služba prosljedi na obje adrese. Da moramo zajednički dakle, raditi sa Federalnim institucijama kako bi zaista riješili pitanje tih prometnica jer generalno se tu razvija izuzetna brzina pogotovu gore prema Solini dakle, bilo je i ljudskih žrtava.

I zadnje. Zadnja inicijativa:

- Da se pod hitno sanira i uredi Čaršijska česma i prostor oko navedene.

Vi ste dobili svi kao kolege vijećnici i vijećnice dakle, slike. Strašno je dakle, kako izgleda gradska česma. Pogotov sada evo kada dolaze predstavnici dijaspore, kada će biti pune noći dakle, šetati se okolo. Vidjeli ste nije higijenski, prljavo je, zapušteno, pogotovo ono izrovareno ono problematične su one kocke i ja sam priložio dakle i fotografije-slike. Imate in printano tu. Bilo bi dobro molim vas da to riješimo od ovih svih inicijativa čim prije do narednih 15-tak dana pa da, da, jer je to ipak simbol našega grada. Hvala puno.

NATAŠA PERIĆ

U redu hvala. Vijećnik Damir Muratović. Izvolite. Neka se pripremi vijećnik Anel Ibeljić.

DAMIR MURATOVIĆ

Prilažem.

NATAŠA PERIĆ

Prilažete. U redu hvala. Anel Ibeljić.

ANEL IBELJIĆ

Prilažem.

NATAŠA PERIĆ

U redu hvala. Vijećnik Nedžad Jusić. Izvolite.

**NEDŽAD JUSIĆ – samostalni vijećnik iz reda
nacionalnih manjina**

E hvala. Poštovana predsjedavajuća, poštovana zamjenice predsjedavajuće, sekretaru, kolege, kolegice vijećnici i vijećnice i ostali želim da vas pozdravim te u skladu sa Poslovníkom o radu Gradskog vijeća Tuzla podnosim inicijativu Javnom komunalnom preduzeću „Vodovod i kanalizacije“ doo Tuzla i Službi za komunalne poslove, izgradnju i poslove mjesnih zajednica Grada Tuzle za rekonstrukciju i sanaciju vodovodne mreže, kao i asfaltnog puta u ulici Branislava Nušića od broja 18 do broja 50.

Obrazloženje:

Izgradnja vodovodne mreže kao i asfaltnog puta u ulici Branislava Nušića od broja 18 do broja 50 je urađena prije otprilike 50 godina, koliko je staro i samo u dijelu Crvenih njiva u Tuzčl. U posljednjih 10-tak godina, stalno pucaju cijevi, zaposlenici Vodovoda često izlaze na teren, popravljaju dotrajale cijevi, koje iznova i iznova pucaju, iskopine na ulici stvaraju mještanima i prolaznicima velike probleme. Trenutno u pomenutoj ulici ima oko 12 iskopina, koje su u veoma lošem stanju, nasute su kamenjem, koje je rasuto po cijeloj ulici, sa velikim udubljenjima, koje takođe i automobilima prave određene probleme prilikom vožnje i kočenja jer pomenuta ulica je u brdu, odnosno u visinskoj zoni a što svjedoči i saobraćajna nesreća, koje se dešavaju, ovim problemom prouzrokovane, i samim tim su životi mještana i prolaznika i na ovaj način ugroženi. Asfalt je takođe u jako lošem stanju, istrošen, klizav, a iskopine po cesti dodatno otežavaju i ugrožavaju živote mještana.

Prema navodima mještana, tokom zime, kada puknu cijevi, voda izlazi na površinu i stvara poledicu tokom cijele zime. Dvije kuće su bile ugrožene, prilikom sjeline koja je prouzrokovala voda iz puknutih cijevi, a nedavno je evo i svi smo i svjedoci tome, desila se velika saobraćajna nesreće kod kuće evo i gospođe Šabanović Azemine, gdje je bio ugrožen život vozača, gospođe Azemine i njene kćerke, a kuća je vidno uništena.

Zbog toga smatram da je neophodno u što kraćem roku da se ova inicijativa realizuje da ne bi imali sve veće i veće na kraj krajeva i posljedice zbog toga što nije rekonstrukcija puta urađena, odnosno dio vodovodne mreže. Hvala.

NATAŠA PERIĆ

U redu hvala. Sljedeća vijećnička inicijativa vijećnice Ane Pejić i vijećnika Alena Kapidžića ispred SDP-a.

ANA PEJIĆ

Prilažemo.

NATAŠA PERIĆ

Prilažete. Dobro. Vijećnica Ana Pejić.

ANA PEJIĆ

Prilažem.

NATAŠA PERIĆ

Prilažete. Vijećnik Alen Kapidžić.

ALEN KAPIDŽIĆ – vijećnik Socijaldemokratske partije

Prilažem.

NATAŠA PERIĆ

Prilažete. Dobro. Vijećnik Hasib Hirkić i Šefik. Vijećnici Šefik Husić i Hasib Hirkić zajednička inicijativa. Izvolite.

HASIB HIRKIĆ – samostalni vijećnik

Evo da pozdravim sve prisutne. Ja imam dvije inicijative, u stvari imamo tri jednu smo priložili.

- Prvo ću krenut od te inicijative vezano za formiranje preduzeća za proizvodnju peleta. To je već kolega kapidžić podnio prije, pa samo evo urgentno da se pokuša riješiti nešto po tom pitanju.

- Što se tiče zajedničke inicijative Šefika Husića i mene vezano je znači za naseljeno mjesto Krojčica Mjesna zajednica Kreka. Trebal nastaviti uličnu rasvjetu. Mi smo već postavili stubove eu saradnji sa TXXV-om pa evo Služba SiK-a da pokuša riješiti te četiri sijalice kako bi evo nastavili rasvjetu u tom dijelu, radi se o uličnoj rasvjeti pored glavnog puta.

Sljedeća inicijativa je:

- Za aktiviranje laboratorija na području zapadnog i istočnog dijela grada.

Zajedničku inicijativu sam potpisao ja mensur Alić i gospodin Alen Kapidžić a suštinski gledano da znamo svi da su osnovne životne namirnice poskupile, da je prevoz poskupio, da građani više nemaju priliku da vode računa o svom zdravlju. To je za njih postao luksuz. S obzirom da evo imali smo nekakvih prijedloga, iza nas je pandemija koja je bila. Pričano je o redomatima i o svemu tome. Možda je ovo bolje od redomata da uđemo u svaku mjesnu zajednicu i da pokušamo riješiti laboratorijske nalaze u mjesnim zajednicama.

Na zapadnom dijelu grada možda bi dobro bilo vezano za Mjesne zajednica Dobrnja, Ljepunice, Dragunja, Obodnica, Šićki Brod i Mihatovići i ostali znači da to bude ambulanta Mramor. Na Husinu, Ljubače, Pasci, Kreka, Par selo, Kiseljak pardon. Par Selo to bi se možda radilo u ambulanti na Husinu.

Što se tiče istočnog dijela grada to je Gornja Tuzla gdje bi se obuhvatile te prigradske mjesne zajednice tj. Simin Han, Požarnica i druge Slavinovići da ne nabrajam. Solina, Crno Blato, Dokanj, Breške i na taj način bi možda riješili jedan od velikih problema građana.

Zašto ovo treba uraditi? Mislim da bismo izbjegli gužve u Domu zdravlja. Sutra da se desi ponovo pandemija evo ne bi nam trebali redomati, ne bi nam trebali redovi, ne bi imo ko stajat u redovima znači, to bi se završavalo u mjesnim zajednicama, tj. u određenim ambulantama. To je vrlo malo para. Dok se ne riješe laboratorijski, dok se ne riješe laboratorije u tim ambulantama evo predlažem i rješenje odmah od sutra može da se krene. S obzirom da su mjesne zajednice dobile termine, pa svaka mjesna zajednica ima određeni termin u Domu zdravlja kad treba da vadi nalaze, evo ja predlažem da vozač i jedna ili dvije sestre koje su obučene zato da odu u ove mjesne zajednice, izvade krv, svakako idu elektronski nalazi i mislim da je to jedno od najboljih rješenja koje bi se moglo desiti u ovom nekakvom vremenu a gdje bismo mogli pomoći našim građanima. Hvala.

NATAŠA PERIĆ

Hvala. Vijećnik Senad Mehmedinović. Neka se pripremi vijećnica Selma Čatibušić.

SENAD MEHMEDINVIĆ

Hvala najljepša predsjedavajuća.

Prva inicijativa je:

- inicijativa za hitno uređenje Čaršijske česme.

Obrazloženje je isto kao što je imao kolega Čavalić. Na osnovu pritužbi građana i turista, a tiče se neodržavanja jednog od najljepših simbola grada Tuzle „Čaršijske česme“ podnosim inicijativu da se pod hitno ista uredi, te da se izmjene česme koje su dotrajale. Također, apelujem da se u budućnosti vodi računa da jedan od simbola Tuzle ne bude zapušten.

Druga inicijativa je Uredu gradonačelnika:

- „Inicijativa za formiranje Ureda za pitanje osoba s invaliditetom pri Službi za kulturu, sport, mlade i socijalnu zaštitu.“

Obrazloženje:

Statutom grada Tuzle član 41. stav 7 i 8 definisano je da Gradonačelnik „utvrđuje organizaciju gradskih službi za upravu u skladu sa zakonom i donosi pravilnik o unutrašnjoj organizaciji i sistematizaciji gradskih službi u skladu sa Zakonom“. Stoga, podnosim inicijativu da u skladu sa Statutarnim nadležnostima, Gradonačelnik krene uproceduru izmjene pravilnika o unutrašnjoj organizaciji i sistematizaciji gradskih službi kojim će se predvidjeti zapošljavanje osoba s invaliditetom. Predlažem da se i paralelno utvrdi nova organizacija Službe za kulturu, sport, mlade i socijalnu zaštitu na način da se pri istoj formira Ured za pitanja osoba s invaliditetom. Vodeći se podacima svjetske zdravstvene organizacije koja navodi da je u svjestkoj populaciji 15% osoba s invaliditetom, za pretpostaviti je da u Gradu Tuzli živi 13 000 do 15 000 osoba s različitim vrstom i stepenom invalidnosti. Ovaj podatak je sasvim dovoljan da se inicijativi pristupi ozbiljno i vjerujem da će Gradonačelnik imati sluha, te svojim postupkom potvrditi da je Tuzla društvo jednako za sve. Hvala.

NATAŠA PERIĆ

U redu hvala. Vijećnik...samo malo. Vijećnica Selma Čatibušić. Neka se pripremi vijećnik Nikica Vidović

SELMA ČATIBUŠIĆ

Imam tri vijećničke inicijative kao što sam imala i tri vijećnička pitanja.

Prvo se odnosi na to da mi se odgovori:

- „Koliko tačno kulturno-historijskih spomenika i kipova broji grad Tuzla, na kojim mjestima se oni nalaze?“

Ujedno kroz ovo vijećničko pitanje prilažem i inicijativu za osvjetljavanje svih navedenih spomenika kulture, izrađivanjem prigodne pločice sa imenom umjetnika, opisom šta spomenik predstavlja i njegovu historijsku pozadinu. Naravno i sam spomenik kulture kao i pločica trebali bi biti osvjetljeni.

Obrazloženje:

Ovo pitanje i inicijativu sam već jednom, jednom prilikom prilagala, ali nisam dobila pozitivan odgovor na isto navedeno. Smatram da naš grad ipak raspolaže korektnom spomeničkom kulturom, koja ipak na pravi način nije reprezentna. U parku kod bivše Medrese naprimjer imamo spomenik za koji mnogi ne znaju ni šta predstavlja, a skoro nigdje u gradu nemamo određeni putokaz, mapu, koji bi vodili i davali odgovore šta taj spomenik znači za Grad Tuzlu zbog čega je značajan. Spomenička kultura osim spomenika Tvrtka u Centralnom parku, nikako nije reprezentna. Ujedno željela bih kroz ovu vijećničku inicijativu da apeliram

da se i Tuzlanska kapija tj. mjesto održavanja, mjesto obilježavanja zločina nad Tuzlanskom mladošću na pravi način redovno kreći i održava jer trenutno nije na zavidnom nivou.

Druga vijećnička inicijativa odnosi se na:

- „Stavljanje rasvjete, video nadzora i redovno čišćenje podhodnika u naselju Šićki Brod.“

Podhodnik koji je napravljen na ovom mjestu služi svrsi, međutim osim par građana niko o njemu ne vodi računa. Neophodno je staviti jednu solarnu svjetiljku, jer je veoma mračno i neprijatno prolaziti kroz isti koji nije osvijetljen na pravi način. Po mogućnosti ugraditi video nadzor, i da komunalna služba redovno čisti navedeni podhodnik.

I treća vijećnička inicijativa odnosi se na:

- „Asfaltiranje dva puta na Rimokatoličkom groblju „Borić“ Grad Tuzla“.

Obrazloženje:

Priložila sam dopis Pogrebnom udruženju od Pogrebnog udruženja „Borić“ koji je priložio tačan izvještaj o kojim se putevima trenutno, o kojim se putevima govori i fotografije i sve ono što je neophodno i isto udruženje je tražilo da se asfaltiraju ovi putevi i eto apeliram na Grad Tuzlu i na svakako na , na nadležne službe da odgovore na ovu inicijativu. Eto. Hvala.

NATAŠA PERIĆ

U redu. Hvala Selma. Vijećnik Nikica Vidović. Neka se pripremi vijećnik Berbić. Samo isključite mikrofona.

NIKICA VIDOVIĆ – vijećnik Hrvatske demokratske zajednice BiH

Hvala. Sve vas lijepo još jednom pozdravljam. Podnosim dvije vijećničke inicijative:

- Vijećnička inicijativa kojom se poziva nadležna služba i gradonačelnik Tuzle da ispita jesu li rušeni objekti (slučajno vikendom) u vlasništvu države (ili TK da ne bude zabuna) i tko i po čijem nalogu smije ulaziti u privatno ili državno, rušiti objekte i sve to javno objavljivati.

Obrazloženje:

Informiranost i transparentnost svima nam je prioritet i podnesena inicijativa bi uveliko unaprijedila navedeno.

Stanovnici Tuzle žele pravnu državu i grad u kojem se ne može raditi mimo zakona i raditi tko što želi i ne odgovarati za to. Iz javnosti smo upoznati da su pojedinci, politički ili neki drugi subjekti rušili objekte u gradu Tuzla (slučajno vikendom) a riječ je o objektima i dionicama postojećih i nepostojećih prometnica u naselju Mandići. Poznato je da je navedeni put sporan 50-tak godina, da je postao tema „Prepućavanja političkih i svih drugih subjekata“ da je pun nejasnoća i pravnih i drugih zavrzlama te da se u javnosti krivo informira na paušalnim podacima. Tražim i zahtjevam da grad pokrene sve pravne i druge radnje da se rasvijetle događaji, podnesu prijave, izvijesti i upita Rudnik soli Tuzla d.d. Tuzla o navedenom i to sve predstavi na vijeću i informira nas istinom. Ako je prekršen zakon, uništavala se privatna ili državna imovina žurno podnijeti prijave. Ako je ovo sve dozvolila većina u Gradskom vijeću, a upoznati smo da otimaju mjesta u mjesnim zajednicama, krši zakon i sve navedeno, potreban je odgovor na inicijativu da nam to potvrdite.

Tražim i očekujem da nadležna Gradska služba i gradonačelnik razmotre ovu inicijativu, te žurno pristupe realizaciji iste.

I druga inicijativa:

- Kojom se poziva nadležna služba da u suradnji sa JKP Saobraćaj i komunikacije poveća broj parking mjesta za motocikle tijekom ljetnih mjeseci.

Obrazloženje:

Modernizacija grada i povećanje kvaliteta života svima su nam prioritet i podnesena inicijativa bi uveliko unaprijedila navedeno.

Stanovnici Tuzle žele moderniji grad a to je i naša zadaća kao vijećnika. Inicijativom pozivamo nadležne službe da se u suradnji s poduzećima grada pretvori od dva parking mjesta za automobile u parking mjesta za motocikle tijekom moto sezone (npr. 1. svibanj. do 30. rujna) na više lokacija. Prijedlog kod gradske vijećnice, kod zgrade Cipelići, na Stupinama, kod Mellaina, Merkatora i dr. Izvršiti iscertavanja i postaviti znak da je u navedenom trajanju od 1. svibanj. do 30. rujna dozvoljeno samo parkiranje motocikala.

Realizacija ove inicijative bi modernizirala grad, učinila ga sličnim gradovima u svijetu a motociklisti ne bi parkirali po nepropisnim mjestima, nogostupima i sl.

Tražim i očekujem da nadležna Gradska služba i gradonačelnik, razmotre ovu inicijativu , te pristupe realizaciji iste jer je sezona u tijeku. Hvala.

NATAŠA PERIĆ

U redu hvala. Vijećnik Omer Berbić. Izvolite. Nikice molim vas.

OMER BERBIĆ

Hvala. Prva vijećnička inicijativa se odnosi na:

- Definisane izgleda centra grada. Ovo je nešto što smo i prošlo Vijeće potegnuli. Nešto što je i služba rekla da je saglasna i da mi treba na Kolegiju da definišemo kako bi to trebalo da izgleda.

Ova inicijativa se odnosi na to da bi stara jezgra grada trebala biti izdefinisana kao što je u slučaju većih sredina. Stolice i stolovi se moraju izdefinisati kao metalni a suncobrani jedoobrazni. Trenutni problem centra, odnosno gradskog šetališta jeste što su nargila barovi preuzeli centar grada i izbacili kućni namještaj kao što su ljubičasti kaučevi na zonu šetanja.

Dalje treba izdefinisati vrstu i jačinu muzike na gradskom šetalištu od poteza kipova Ismeta i Meše do kapije te trgovačkom ulicom do trga Slobode.

Kapiju i zonu oko kapije treba zaštititi od nargila barova, preglasne muzike i kića.

Na trgu Soli treba postaviti minimalno 4 javna toaleta.

Donjeti odluku po kojom se sankcionišu neuredne fasade u centru grada te izdati gradske prostore mladim poduzetnicima po najjeftinijoj zakonskoj cijeni.

Srušiti iz gradskog budžeta objekte koji prijete stanovništvu te fakturisati vlasnicima te rušenje.

Druga vijećnička inicijativa jeste za:

- Kreiranje službene Facebook i Instagram stranice Grada Tuzla.

Obrazloženje je veoma jednostavno. Nevjerovatno je da Grad Tuzla nema službenu Facebook i Instagram stranicu.

I treća inicijativa je:

- Da građani sa CIPS-om iz Tuzle u Tuzli imaju karte za Panonska jezera u 50% od ostalih građana.

Obrazloženje je veoma jednostavno.

Građani Tuzle su platili Panonska jezera iz budžeta. To je novac koji se trebao utrošiti na ulice, na dječija igrališta, na toplifikacionu mrežu itd. Međutim, mi smo taj novac utrošili u izgradnju Panonskih jezera koji su odličan projekat ali građani Tuzle nemaju trenutno nemaju nikakvu jeftiniju cijenu za ulazak na Panonska jezera od ostalih iako su građani Tuzle isto platili. Cijena je moram podsjetiti 8 maraka vikendom. Za četvoročlanu porodicu ukoliko se iznajmi i ležaljke i sunocobrani itd. to je cijena koja je bezobrazno skupa. Hvala ljepo.

NATAŠA PERIĆ

U redu hvala. Sljedeća vijećnička inicijativa. Tri inicijative vijećnice Sabihe Mujkanović.

**SABIHA MUJKANović MUJAČIĆ – zamjenik predsjedavajućeg
Gradskog vijeća Tuzla,
- samostalni vijećnik**

Prilažem.

NATAŠA PERIĆ

U redu. I ja imam dvije inicijative koje prilažem. Da li se još neko javlja? Ako ne dajem pauzu od 20 minuta. (Pauza.)

Pozivam vijećnike da uđu u salu počinjemo sa radom.

Molim vijećnike da uđu u salu počinjemo sa radom.

Prelazimo na drugu tačku Dnevnog reda molim tišinu:

RAZMATRANJE I USVAJANJE POD:

a) IZVJEŠTAJA O IZVRŠENJU BUDŽETA GRADA TUZLE ZA PERIOD 1.1.DO 31.12.2021. POD

b) IZVJEŠTAJA KORIŠTENJA SREDSTAVA TEKUĆE REZERVE ZA PERIOD 1.1. DO 31.12.2021.

c) IZVJEŠTAJA O IZVRŠENJU BUDŽETA GRADA TUZLE ZA PERIOD 1.1.DO 31.03.2022. GODINE

d) ODLUKE O IZMJENAMA I DOPUNAMA BUDŽETA GRADA TUZLE ZA PERIOD 1.1. DO 31.12. 2022.

e) ODLUKE O IZMJENAMA I DOPUNAMA ODLUKE O IZVRŠAVANJU BUDŽETA GRADA TUZLE ZA 2022. I

f) ODLUKE O IZMJENAMA ODLUKE O KREDITNOM ZADUŽENJU GRADA TUZLE

Predlagač je gradonačelnik Grada Tuzle.

Obrađivač: Služba za budžet i finansije. Molim vas tišina malo.

Materijal su razmatrali: Komisija za statutarna pitanja i propise (pod d, e i f), Komisija za ekonomske odnose, Komisija za poduzetništvo, Komisija za prostorno uređenje i zaštitu okoline, Komisija za komunalne poslove i pitanja mjesnih zajednica i klubovi vijećnika.

Podsjećam vijećnike da su u dopuni materijala, dobili i Mišljenje Ministarstva finansija Tuzlanskog kantona, broj 07/1-11-12536/22 od 25.05.2022., o usklađenosti planiranih prihoda i primitaka i planiranog tekućeg bilansa iskazanih u prijedlogu izmjena i dopuna Budžeta Grada Tuzla za 2022. godinu sa članom 33. stav 2. i članom 43. stav 1. Zakona o budžetima u Federaciji Bosne i Hercegovine.

Obavještavam vijećnike da su amandmane na Odluku o izmjenama i dopunama Budžeta Grada Tuzla za period 1.1. do 31.12.2022. godine podnijeli:

- Klub vijećnika Socijaldemokrata Bosne i Hercegovine – SD BiH – 1 amandman
- vijećnik Damir Muratović – 2 amandmana

- vijećnik Admir Čavalić – 32 amandman
- vijećnik Nikica Vidović – 2 amandmana
- vijećnik Admir Hasanbašić – 1 amandman i
- vijećnik Omer Berbić – 34 amandmana.

U međuvremenu vijećnik Nikica Vidović je dostavio obavijest da povlači amandman II.

Podnesene...Molim? Poslovnička. Izvolite. Vijećnik Admir Hasanbašić. Molim vas za tišinu malo.

ADMIR HASANBAŠIĆ – vijećnik Tuzlanske alternative

Hvala predsjedavajuća. Evo povlačim i ja amandman na Odluku o izmjenama i dopunama Budžeta Grada Tuzla za 2022-u.

NATAŠA PERIĆ

U redu hvala. Poslovnička. Vijećnik Mirel Mišković. Izvolite.

MIREL MIŠKOVIĆ

Eh hvala. I mi kao Klub smo podnijeli još 3 amandmana. Ne znam zašto nisu pročitana sada? Osim ovog što ste nabrojali, još 3. (NATAŠA PERIĆ – Kao Klub?) Kao Klub jeste.

NATAŠA PERIĆ

Dobro. Još 3 amandma...Znači ukupno 4 amandmana ispred Kluba Socijaldemokrata. Molim? (MIREL MIŠKOVIĆ – I dva od Damira Muratovića.) Dobro. (MIREL MIŠKOVIĆ – Ja. Šest ispred SD-a.) U redu. Ko se javio sljedeći?
Vijećnik Admir Čavalić. Izvolite.

ADMIR ČAVALIĆ

E hvala. Poslovnička. Amandman broj 17 povlačim.

NATAŠA PERIĆ

U redu. U međuvremenu je vijećnik Nikica Vidović dostavio obavijest da povlači amandman II.

Podnesene amandmane ste dobili u dopuni materijala.

Imal potrebe za uvodnim izlaganjem? Nema. Dobro.

Imal potrebe da se pročitaju izvještaji komisija? (Nema.)

Otvaram raspravu klubova vijećnika i pozivam predstavnika Socijaldemokrata Bosne i Hercegovine - SD ukoliko to smatra potrebnim da obrazlože svoje amandmane kao Klubovi vijećnika. Evo ko će? Vijećnik Mirel.

MIREL MIŠKOVIĆ

Jel prvo obrazložemo amandmane ili je diskusija na Rebalans budžeta?

NATAŠA PERIĆ

Prvo amandmane. Ispred Kluba. (SLAĐANA KRAJINA – Amandmani Kluba.)

MIREL MIŠKOVIĆ

Aha. Amandmane Kluba. Evo samo da pripremim amandmane.

NATAŠA PERIĆ

Samo vi. (OMER BERBIĆ – Poslovnička.) Molim? (OMER BERBIĆ – Jel mogu poslovničku?) Može. Poslovnička vijećnik Berbić. Izvolite.

OMER BERBIĆ

Samo koliko se ja sjećam do sada je bila praksa prvo rasprava a onda amandmani. (NATAŠA PERIĆ – Nije.) Nije? (NATAŠA PERIĆ – Nije.)

SLAĐANA KRAJINA – sekretar gradskog vijeća Tuzla

Nije. Sigurno nije. Nije zadnjih nekoliko godina nije sigurno. Otvara se diskusija klubova vijećnika, podnosioci amandmana a onda se nastavlja sa diskusijom klubova. Onda se otvara rasprava vijećnika.

NATAŠA PERIĆ

Znači imaju prednost klubovi vijećnika koji su podnijeli amandmane.

OMER BERBIĆ

Dobro. OK. (SLAĐANA KRAJINA – Nije, nije sigurno.)

MIREL MIŠKOVIĆ

Evo zahvaljujem. Ispred Kluba imamo 4 amandmana.

Prvi amandman.

U Izmjenama i dopunama Budžeta Grada Tuzla za 2022. godinu predvidjeti sredstva u iznosu od 60.000 KM za sufinansiranje smještaja djece predškolske dobi u registrovanim predškolskim ustanovama na području Grada Tuzla a koji zbog ograničenih smještajnih kapaciteta nisu pod ingerencijom Javne ustanove „Naše dijete“ Tuzla.

Sredstva za ovu namjenu osigurati na način da se formira novi ekonomski kod. Ekonomski kod bi namaknuli sredstva umanjnjem sljedećih ekonomskih kodova tj. skinuli bi sa „Veterinarske stanice“ 20.000, ekonomskog koda Grant „Aero klubu Tuzla“ 20.000 i ekonomskog koda Grant neprofitnoj organizaciji OKK-a „Sloboda“ Tuzla 20.000.

Imamo i obrazloženje amandmana. Evo pokušat ću ga da u što kraćoj verziji da pročitam.

Suočeni smo sa činjenicom da su ograničeni kapaciteti za smještaj djece sa predškolske dobi u Javnoj ustanovi „Naše dijete“ Tuzla, pa samim tim je onemogućeno svim zainteresovanim da koriste usluge ove ustanove čiji je osnivač Grad Tuzla, koji je prema Zakonu o budžetu predškolskom odgoju i obrazovanju izdvaja sredstva za njen rad.

Na listi čekanja za upis u Javnu ustanovu „Naše dijete“ trenutno se nalazi preko 50 djece. Posmatrajući pozitivnu praksu u Gradu Sarajevo, vidimo da Kanton Sarajevo koji je osnivač Javne ustanove „Naša djeca“ Sarajevo, osim participacije za djecu koja su u navedenoj ustanovi, participira u visini od 200 KM-ova i za djecu koja zbog smanjenih kapaciteta u Javnoj ustanovi „Naše dijete“, „Naša djeca“ koristi usluge privatnih registrovanih ustanova za predškolski odgoj i obrazovanje. Sličan način sufinansiranja je uveden i u gradu Banja Luka. Sva djeca koja bi bila na listi čekanja u Javnoj ustanovi „Naše dijete“ Tuzla najmanje mjesec dana, treba da budu sufinansirana sa minimalno 100 KM-ova iz Budžeta Grada Tuzla.

To nam je bio jedan amandman.

Sljedeći amandman Ispred Kluba Socijaldemokrata je Grant jednokratne pomoći penzionerima sa najnižom penzijom za ublažavanje socio-ekonomske posljedice izazvane povećanjem cijena potrošačke korpe.

To bi bio Grant jednokratne pomoći penzionerima sa najnižom penzijom u iznosu od 300.000 KM-ova. Sredstva za ovu namjenu osigurali bi na način predložen da se rad zimske službe smanji u iznosu sa 520.000, na 220.000 KM-ova.

Mislim da obrazloženje za ovaj amandman nam nije nešto posebno potrebno. U samom znači naslovu amandmana imamo i objašnjenje.

Sljedeći amandman je Grant podrške za porodice sa jednim ili ni jednim zaposlenim članom u svrhu finansiranja cjelokupnog iznosa za pohađanje predškolskog odgoja i obrazovanja u Javnoj ustanovi za predškolski odgoj i obrazovanje obdanište „Naše dijete“ Tuzla. Sličan je ono prvom amandmanu. Samo ovdje tražimo sufinansiranje znači, dijela sredstava za predškolski odgoj i obrazovanje za roditelje i porodice koji imaju jedan ili ni jedan zaposleni. Sa jednim ili ni jednim zaposlenim članom.

I sljedeći amandman je Grant neprofitnoj organizaciji Atletski klub „Sloboda Tehnograd“ Tuzla. Grant neprofitnoj organizaciji Atletski klub „Sloboda Tehnograd“ Tuzla u iznosu od 50.000 KM-ova. Sredstva za ovu namjenu osigurali bi na način da se predloženi iznos osigura iz iznosa izdaci za održavanje zelenih površina koji se povećava sada sa 800.000 na 960, da se taj iznos umanju za 50.000.

Evo samo ću dati kratko obrazloženje. Imajući u vidu ostvarene rezultate u dosadašnjem periodu kao i u kalendarskoj 2022. godini atletskom klubu su neophodna dodatna sredstva jer na listi za nastupe za Balkanskim igrama, Evropskim svjetskim prvenstvima nalazi se 10 atletičara i atletičarki iz ovog kluba. Sredstva su neophodna kako bi se obezbjedili adekvatni uslovi za pripreme, takmičenja, vitaminizaciju i zdravstvenu zaštitu. Bitno je istaći da ovaj klub ima i veliki obхват djece predškolskog, osnovnog i školskog uzrasta koji aktivno treniraju bez ikakve naknade čime je ovaj klub jedinstven na području Bosne i Hercegovine. Dodjeljivanjem ovih sredstava dala bi se velika garancija da se plasmani koji su do sad zauzimali naši atletičari na Evropskoj rang listi najboljih juniora, mlađih seniora mogu poboljšati i ostvariti. Eto. Zahvaljujem

NATAŠA PERIĆ

U redu. Hvala Mirele. Nastavljamo sa diskusijom klubova vijećnika. Ko se javlja? (ADMIR ČAVALIĆ – Jel sad o amandmanima ili...?) Ne, ne. Sad je diskusija klubova vijećnika. Vijećnica Sabiha Mujkanović Mujačić. Izvolite.

SABIHA MUJKANOVIĆ MUJAČIĆ

Zahvaljujem predsjedavajuća. Evo pred nama imamo prvi ovogodišnji Rebalans budžeta. Vidimo da iznosi nešto manje od 4,8 miliona konvertibilnih maraka. Vidjeli smo da se Izmjene i dopune budžeta vrše na prijedlog Gradskih službi i drugih budžetskih korisnika uzimajući naravno u obzir zaključke, prijedloge, sugestije sa sjednica Gradskog vijeća Tuzla. Definitivno je ponovo najviše sredstava izdvojeno za oblast komunalne infrastrukture i to je ono što se i pokazalo da nas najviše zanima s obzirom da najveći broj vijećničkih inicijativa i pitanje je upravo vezan za komunalnu problematiku a i to je naša povezanost direktno sa terenom, sugrađanima i lokalnom zajednicom.

Kada je riječ o službama vidjeli smo njihove prijedloge i ja bih svakako pohvalila povećanje sredstava u iznosu od 200.000 konvertibilnih maraka za rad Javne ustanove obdanište „Naše dijete“ Tuzla. Zajedno smo jednoglasno usvojili zaključak na aprilskoj sjednici Gradskog vijeća s obzirom da je došlo do neplaniranog porasta cijena namirnica koje ustanova svakodnevno znači koristi za pripremu obroka djece. Izdvojeno je i 28.000 konvertibilnih maraka za Sportsko-kulturno privredni centar Mejdan Tuzla i vidimo da je do toga došlo usljed poskupljenja cijene električne energije ali i održavanja higijene u sklopu objekata kao i tekućeg održavanja i vidimo na višje mijesta u ovoj odluci vezanu za Izmjenu i dopune budžeta da upravo je došlo do izmjena zbog povećanja cijena električne energije.

Podržavam dakle, i povećanje tekućeg Granta Javne zdravstvene ustanove Gradske apoteke Tuzla u iznosu od 50.000 konvertibilnih maraka iz razloga pokrivanja troškova rada nerentabilnih poslovnih jedinica. Dakle, to su one jedinice koje se uglavnom nalaze u prigradskim mjesnim zajednicama gdje imamo manji broj stanovnika ali ovo je način da olakšamo njihov svakodnevni život i da ne moraju dolaziti do centra grada da bi kupili lijekove.

Ono čemu ću se ja definitivno najviše posvetiti u svojoj diskusiji svakako je komunalna infrastruktura. Dakle, vidimo i podržavam dakle, veća sredstva za tekuće održavanje javne rasvjete zbog poboljšanja energetske efikasnosti javne rasvjete ugradnjom led svjetiljki na području Grada Tuzla, a benefite će Grad svakako osjetiti nešto kasnije.

Puna podrška za sanaciju pješačke zone Korzo čini mi se u iznosu od 280.000 konvertibilnih maraka. To posebno dakle, pozdravljam ali svakako i predlažem da se prilikom sanacije pješačke zone vodi dakle o popločanoj površini. Ova koju trenutno dakle imamo je zaista klizava i to se posebno osjeti u kišnim danima i u zimskim i u zimskom periodu tako da treba zaista voditi računa o tome kako će izgledati nova popločana površina.

Izdvajaju se i veća sredstva za nabavku materijala u odjeljenjima mjesnih zajednica, naravno za potrebe mjesnih zajednica, a vidimo i za namještaj ali ono evo što je moj prijedlog za neki budući period da se potrudimo da se izdvoje sredstva za uvođenje interneta u svim mjesnim zajednicama i poboljšanje kompjuterske opreme kako bismo olakšali rad samih sekretara u mjesnim zajednicama, savjeta mjesnih zajednica a i uspostavili bolju komunikaciju između gradske uprave i mjesnih zajednica.

Vidimo iz odluke da se preusmjeravaju dakle, sredstva za izgradnju pokretnih stepenica u Mjesnoj zajednici Mosnik na izgradnju centralnog gradskog groblja Drežnik za finansiranje njegove izgradnje i mislim da je ovo projekat sa kojim smo svi jako dobro upoznati i da ovo definitivno treba biti prioritet u narednom periodu. Dakle, blizu 4 miliona konvertibilnih maraka bit će potrebno za realizaciju prve faze izgradnje kako bi se osiguralo oko 4 i po hiljade ukopnih mijesta i samo jedan pogled na bilo koja od pretrpanih tuzlanskih mezarja pokazuje koliko je zaista važan i bitan ovaj projekat. Grad se posljednjih godina zaista suočava dakle, sa smanjenim brojem slobodnih ukopnih mijesta a o cijeni i visokim troškovima ukopa dakle, ne treba ni govoriti. I dok se na tuzlanskim mezarjima na svakakve načine pokušavaju osloboditi dakle, mjesta za ukop, a umrli se ukopavaju naizgled dakle, bez ikakvog reda ovaj kompleks je kao što smo i vidjeli zamišljen sa unaprijed određenim ukopnim mjestima. Cijene ukopa

zaista ne bih trebala komentarisati ali ne mogu da ne kažem da je činjenica da ogroman broj starijih ljudi i ljudi zrelije dobi počinje odvajati od svojih usta da odvoje za troškove ukopa kako bi skinuli teret sa leđa svoje djece i to je ono o čemu stvarno trebamo posvetiti pažnju i ovo je projekat koji zaslužuje maksimalnu pozornost i nešto što prije mora biti realizirano.

Puna podrška izgradnji spomen-obilježja na Brčanskoj Malti u iznosu od 131.000 konvertibilnih maraka. Neki dan smo bili gore i znači 15. maj jedan je od najbitnijih datuma u istoriji našeg grada. Dan kad je odbranjen ovaj grad, a prema mom skromnom mišljenju i čitava Bosna i Hercegovina i zaslužuje jedno spomen-obilježje.

Što se tiče Službe civilne zaštite znači o zelenim površinama i svemu ostalom nema potrebe da svaki put govorim. Higijena grada, putna infrastruktura. Nema potrebe da se svaki put ponavljam. Naravno puna podrška ali ono što još moram da istaknem vezano je za Službu civilne zaštite. Dakle, evo vidimo da je subvencioniranje sanacija zajedničkih dijelova zgrada očigledno bila dobra Odluka koju je donijelo ovo Vijeće i sada se izdvaja dodatnih stotinhiljada maraka zbog povećanog interesa ali ono našto sam ja posebno ponosna evo ovdje vidimo da se planiraju uvećati sredstva u iznosu od stotinhiljada konvertibilnih maraka vezano za Profesionalnu vatrogasnu brigadu. Ako se sjećate ja sam prilikom usvajanja budžeta naglasila da treba naći način da se obezbijede bolji uslovi i kamion za vatrogasnu jedinicu sa ljestvama koje mogu dakle, doći do većih visina zbog zgrada i evo vidimo da se pronašao način da imamo kamion koji je u ispravno stanju ali se ljestve dakle, moraju dovesti u red, a one su dohvata do 40 metara visine. Znači, puna podrška što se ipak pronašao neki model, ali svakako treba voditi računa o profesionalnoj vatrogasnoj jedinici jer naši vatrogasci definitivno zaslužuju bolje uslove i načine rada.

I samo ću se kratko dotaći kapitalnog Budžeta Grada Tuzla. Dakle, izgradnja i rekonstrukcija ceste Tušanj- Mandići kroz krug Rudnika soli. Akobogda nadamo se da ćemo ove godine i započeti sa realizacijom projekta a prema nekim informacijama procedure su pri kraju. Još uvijek nisu završene ali evo nadamo se da će ove godine doći do realizacije. Ono šta sam željela pohvaliti sanaciju saobraćajnica u naselju Slavinovići, Mjesna zajednica Slavinovići. Vidimo da je izdvojeno blizu 520.000 konvertibilnih maraka. Zaista su saobraćajnice u ovom naselju bile u katastrofalnom stanju i drago mi je evo što vidimo danima da se radi na rekonstrukciji i nadam se da ćemo u narednom periodu vrlo brzo uživati u novom asfaltu u ovom naselju.

Svakako će Klub samostalnih vijećnika podržati Rebalans budžeta koji danas imamo. Hvala.

NATAŠA PERIĆ

U redu hvala. Sljedeća za riječ se javila vijećnica Selma Čatibušić ispred Kluba Platforme za progres. Neka se pripremi vijećnik Admir Čavalić.

SELMA ČATIBUŠIĆ

Evo ovako. Kada su u pitanju amandmani tj. Izmjena i dopuna budžeta ja želim da se referišem na prvi amandman Socijaldemokrata, odnosno Kluba Socijaldemokrata Bosne i Hercegovine da apsolutno podržim ovaj je li amandman obzirom da sam se i ja na usvajanje budžeta, a evo sad i na izvršenju budžeta slažem sa ovim amandmanom i na neki način isti sam uložila na usvajanju budžeta samo što sam tražila neka veća sredstva.

Kada je u pitanju obuhvat djece, predškolske djece veoma je mali procenat u Tuzli. U cijeloj Bosni i Hercegovini veoma je mali procenat a u Tuzli nekako pogotovo. Kanton Sarajevo kao i grad Banja Luka rade puno puno bolji posao na ovom pitanju i mislim da mi kao eto nadam se grad koji će ipak brinuti o svojoj omladini također će se potruditi da prioriteti

budu makar djeca koja se trenutno nalaze na čekanju i koja ne mogu da budu je li obuhvaćeni Javnom ustanovom „Naše dijete“ ili su roditelji na neki način primorani da upisuju djecu u privatne ustanove. Neophodno je napraviti i javno privatno partnerstvo između Javne ustanove „Naše dijete“ i privatnih vrtića koji stvarno u većini slučajeva zaista obavljaju svoj posao. Neophodno je napraviti jedan grant u Gradu Tuzla koji će pomoći roditeljima slabijeg imovinskog stanja koji ne mogu doći na red ni u javnu ustanovu da se mogu makar, makar je li registrovati i svoje dijete dovesti u privatnu ustanovu i dobiti za taj slučaj određeni grant. Ali smatram da to bi trebao biti neki prvi korak. Treba da idemo tom nekom cilju da po uzoru, evo sad čitam i u jednom knjizi što je i kolega Čavalić pisao. Taj statistički podatak nisam znala da susjedne zemlje kao što su Srbija i Hrvatska imaju preko 70% obuhvata predškolskih, djece predškolskog uzrasta, dok kod nas u Bosni i Hercegovini ne iznosi ni 11% , u Tuzli ne iznosi ni 10%. Mislim da trebamo ići ka sufinansiranju djece predškolskog uzrasta bila ona u javnoj ili privatnoj ustanovi. To ne znači da će javne ustanove pasti, da će se njihova konkurencija povećati i to samo znači da nam je stalo da svako dijete ima jednako pravo na vrtić, a ja nekako volim se referirati na to koliko sam se zaista zabavila i pitanjem djece sa poteškoćama u razvoju koja nisam sigurna da dobijaju pravi tretman. Na žalost zbog (nerazgovjetno izgovorena riječ op.a.) kapaciteta u javnoj ustanovi i smatram da je i to pitanje kojima se mi kao Gradsko vijeće i te kako moramo pozabaviti. Tako da puna podrška ovom amandmanu. Svi znamo na koji način, na žalost eto hajde funkcionise i koliko će se amandmana usvojiti koliko neće, ali pozivam zaista gradsku većinu da razmisli o usvajanju ovog amandmana. Ovo nije veliki novac. Svi smo se zabavili ovim pitanjem i u prethodnom periodu evo i drago mi je što i među kolegama i u razgovoru neformalno sam osjetila da vide da je to nešto što jeste potrebno, pa voljela bih da eto pozovemo se svi na neki način na taj glas razuma. Pokažemo da nam je stalo do naše djece i da ćemo se boriti da svako dijete ima pravo na vrtić. Grad Tuzla to zaslužuje i Grad Tuzla to može i mi kao Gradski vijećnici trebamo pokazati volju za, za time. Eto toliko.

NATAŠA PERIĆ

U redu hvala. Vijećnik Admir Čavalić. Izvolite.

ADMIR ČAVALIĆ

Hvala puno predsjedavajuća. Dakle, ja ću iskoristiti vrijeme predviđeno za ovu raspravu. Javit ću se vjerovatno još jednom kako bi dao obrazloženje nekih prijedloga na Rebalans budžeta. Ono što želim navesti jeste da je ovaj rebalans sasvim očekivan i nadali smo se dakle, navedenom i jasno je bilo, evo u prvom kvartalu ove godine imamo izuzetan rast generalno prihoda po osnovu indirektnih poreza zato što rast cijena je neminovan. Dakle, rastu cijene proizvoda i usluga. Građani više troše što znači javni sektor državni aparat ima više sredstva na raspolaganju.

Međutim, ovaj rebalans je posljedica i suficita dakle, odlaganja potrošnje iz ranijeg budžeta što možda nije dobro razumijevajući da imamo inflatorne efekte ako uzmemo teoriju o vremenskoj vrijednosti novca dakle, možda bi bilo bolje da smo trošili taj novac lajički kazano u neke projekte dok su bili dakle, materijali, repromaterijalai i sirovine jeftinije negoli sada kada imamo globalnu inflaciju, domaću inflaciju i onda su cijene faktora dakle inputa dosta skuplje.

Ja postavljam odmah na početku pitanje dakle, da li smo dobili u materijalima, jel mogu da vidim izjašnjenje nadležne službe u vezi amandmana koje smo postavili? Mi smo im dakle imali rok da postavimo u petak te amandmane dakle, dostavili smo. Znam da su neki predstavnici službe, kontaktirali su me dakle, obrađivali te amandmane. Zanima me da li

imamo tu informaciju jel koliko se sjećam prošli put na rebalansu smo dobili tu informaciju sa tačnim brojem postavljenih amandmana i generalno odgovorom službe, odnosno Ureda gradonačelnika, ili gradonačelnika lično na te amandmane da li su dobri, da li su loši i šta misle, a kako bi većina znala kako da glasa?

Nadam se da u ovome rebalansu će biti ispunjena obećanja, jer svašta se obećavalo prošli put i predstavnicima opozicije i predstavnicima pozicije makar da se izvrše ta obećanja za predstavnike pozicije ako ne već za predstavnike opozicije. Ono što je problematično jeste što sam dobio informacije da se obećavalo i nekim drugima npr. sindikatu, odnosno predstavnicima radnika Centra za socijalni rad Tuzla gdje im se navelo u decembru nemojte se brinuti parafraziram sve ćemo to riješiti u rebalansu dakle, bit će povećanja plata, dobit ćete te bolje uslove koje sada evo vidimo zahtjevaju i prijete štrajkom. Vjerovatno činjenica da oni prijete štrajkom pokazuje da nisu zadovoljni rebalansom. Nisam dakle, upratio da li su dobili, vjerovatno nisu. Kažu da su samo na nekoj opremi dobili, malo više opreme ali što se tiče uslova rada ništa se značajnije nije mijenjalo.

Slažem se s kolegicom Sabihom dosta dobrih stvari ima od ovog uređenja Korza. Napominjem da je dosta vijećničkih inicijativa dakle, svi vijećnici manje više u Vijeću su govorili o tome i da je to potrebno uraditi. Ja sam danas napomenuo da imamo tu Čaršijsku česmu koja se zaista nalazi u katastrofalnom stanju. Nije dobro za simbol grada, simbol Tuzle da je u takvom stanju pogotovo zbog nadolazeće dakle, ljetne sezone kada dolaze predstavnici dijaspora i ostvaruju svoja noćenja kod svojih kuća koje posjeduju u gradu Tuzla.

Dalje, fokus i dobro je rebalansa je Gradsko groblje Drežnik. Dobili smo u odgovorima na vijećničko pitanje da je planirana izgradnja, rok krajnji za izgradnju tog groblja naredna godina do oktobra. Postojeći tempo utroška u budžetu pokazuje da vjerovatno taj rok će biti probijen. Nisam siguran. Prije nekoliko sam mjeseci obilazio tamo tu lokaciju, nešto se nije, ne radi tako brzo ali evo finansijski posmatramo dakle, broj (nerazgovjetno izgovorena riječ op.a.) da nema u izvještaju, u izvršenju budžeta dakle, da je realizacija, odnosno utrošak po osnovu izgradnje gradskog groblja samo 14,69% za prošlu godinu što je vrlo niska cifra, nizak podatak ali eto svejedno ohrabruje me da upumpavamo još pola miliona u tu izgradnju a nadam se da će ta pola miliona za Gradsko groblje Drežnik dakle, ubrzati ove radove i slažem se kolegica Sabiha je to fino i dočarala. Zaista je problem ukopnih mjesta. Evo danas imamo Izvještaj Komemorativnog centra Tuzla gdje se navodi da neće biti jednostavno više slobodnih mjesta za ukop građana Tuzle barem u grobljima, mezarjima u vlasništvu „Komemorativnog centra“ Grada Tuzla.

Odakle dolazi tih pola miliona? Očekivano pokretne stepenice ili još popularnije nazvane eskalatori. To je jedna notorna ideja dakle, to spada u one projekte o kojima se priča ali ništa od toga nema. Nije dobro za budžet da se dosta ubacuje takvih projekata pa čak i ova evo Kuća bosanskog jezika ono što je u...malo mi je i simpatično u rebalansu je samo promijenjen naziv dakle, mislim da se zvala Bosanska kuća, sad u rebalansu je promijenjen naziv u Kuću bosanskog jezika. Mene zanima ko mijenja te nazive u rebalansu jel Služba za budžet i finansije je odlučila da se to zove Kuća bosanskog jezika umjesto Bosanska kuća ili je neko drugi dakle, i kako, na koji način? Nisam dobio obrazloženje jer samo piše jedna rečenica da se mijenja naziv te stavke. Hoćel bit Kuća bosanskog jezika il Bosanska kuća vjerovatno ništa neće biti dakle, da li je stepenica pokretna ili eskalator svejedno je jer sa pola miliona ide na nulu ali napominjem generalno ideja je bila suluda od početka dakle, pola miliona utrošiti na Mjesnu zajednicu Mejdan kad već imate možda alternativu da napravite te eskalatore, pokretne stepenice prema Gradini-UKC-u gdje već idu starije osobe, idu bolesni i ima smisla dakle, da postoji jedan takav projekat za njih da se mogu ići, ići i prema gore.

Naravno moramo razočarat dakle, ove mještane Mejdana. Ja sam razumio otprilike dvadesetak mještana je planiralo da koristi te stepenice od pola miliona. Nažalost neće ništa

biti od njih i gotovo je s tim projektom dakle, vjerovatno će se možda pojaviti sljedeći put 2024. godine ili kad budu ovi kalendarski izborni, izborni ciklusi.

Veći je budžet 73,5 miliona i više što znači izuzetna odgovornost dakle rekordan je zahvaljujući suficitu na utrošenim sredstvima iz prošle godine. Kažem nije pametno što in nismo utrošili. Kako znam zašto nije pametno? Iz dva osnova. Prvi jer nije došlo do realizacije projekata i građani su platili cijenu navedenog i privrednici grada Tuzla, a drugi razlog je što sada ćemo sve skuplje raditi i to se tačno vidi kroz rebalans. Uglavnom većina stvari koja se rebalansira kroz budžet idu, dopunjavaju u stvari rast troškova goriva, električne energije i sl. i vidite po javnim poduzećima i ustanovama ista stvar. Zbog toga smo i predložili ove korektivne amandmane dakle, zajedno Klub Stranka za BiH i Naša stranka, odnosno dva vijećnika koji čine smo predložili nekih šezdesetak amandmana. Očekujem otprilike da se usvoji makar jedan ili dva, jer vjerujemo da su zaista kvalitetni.

Koji su problemi dakle, sumiram polako jer mi je prošlo 7 minuta i 7 sekundi. Manipulacije projektima to je prvi problem budžetiranja. Dakle, nešto se izmišlja, stavi tamo pokretna stepenica bude pola miliona pa nestane. Sad ga vidiš sad ga ne vidiš. To nije dobro. Opet napominjem nije dobra praksa. Ne radi se tako dakle budžetiranje nemojte da upadamo u te zamke i evo kao što kolegica Selma Čatibušić kaže dajemo lažnu nadu ljudima bit će neki projekat, pa se ljudi čak svađaju. Govore jel dobro te stepenice ili nije dobro a mi već u decembru smo rekli nema ništa od ovog. I mi ćemo ući u raspravu da bude onako interesantno ali znamo da od toga nema ništa. Isto govorim za Kuću bosanskog jezika. Volio bih da me neko demantira pa da kaže u inat eto Čavaliću napraviti ćemo samo zato što si ti reko danas u maju da nema ništa od toga.

Druga stvar je što sve sporo ide. Sporo se troše sredstva. Sporo ide gradnja. To je problem. Nedostatak inovacija ovog budžeta i nastavak zavisnosti JU i JP, odnosno opet podržavamo javne ustanove i javna poduzeća čak realno gdje javna poduzeća mogu ostvariti vlastite prihode. Mi in potičemo. Opet guramo. Evo opet je RTV 7 ja mislim 50.000 u rebalansu dobio dakle, sad je na rekordnih 700.000 konvertibilnih maraka. Meni je žao.. Zašto mi je žao? Vjerovatno neka buduća Gradska uprava će možda odlučiti da nešto drugo radi sa TV kuće. Daje im lažnu nadu sad sa 700.000 konvertibilnih maraka ali možda se desi kao što se desilo sa nekih drugih organizacija da jednostavno danas sutra nestanu iz budžeta. Ja ću se prvi boriti da do toga ne dođe.

I na kraju moram se složiti zaista sa kolegicom Sabihom. Napravljen je određeni iskorak vjerovatno intervencijom određenih vijećnika. Čestitam na tome u vezi projekata u mjesnim zajednicama. U vezi generalno unapređenja komunalne infrastrukture i to uvijek podržavam i uvijek ću podržati. Međutim, ostalo je još praznina. Vidi se da inflacija jede sve. Da uzima. Da stvara dodatne troškove. Žao mi je što moramo tu cijenu plaćati toga u 2022. godini. Dobro bi bilo da smo platili dosta manju cijenu u 2021. godini.

Sve u svemu dakle, ima određenih stvari koje su u redu. Očekivano negdje se novac mora potrošiti i ima dosta stvari koje su problematične i ja sam jednostavno morao kroz diskusiju to naglasiti, a što se tiče onoga što smo predložili to ću u narednom javljanju dakle, u drugom krugu javljanja za klubsko obraćanje. Hvala puno.

NATAŠA PERIĆ

U redu hvala. Gradonačelnik se javio za riječ. Izvolite.

JASMIN IMAMOVIĆ – gradonačelnik Grada Tuzle

Dakle, mi smo još u decembru očekivali rebalans i sve službe, sva javna preduzeća i javne ustanove učestvovala su u pripremi prijedloga budžeta koji je pred vama poštovane dame i gospodo vijećnici.

Znamo da je budžet plan, da se prate okolnosti i očekivali smo zbog rasta cijena veći prihod u budžetu i mi sad raspoređujemo dodatna tri miliona. Ja sam predlagač budžeta i ja sam naziv Bosanska kuća promijenio u Kuću bosanskog jezika i hoćete li gospodine Čavaliću doći na otvorenje u toku ovoga ljeta? Vidjet ćete to će biti prva Kuća bosanskog jezika u kojoj će biti svi dokazi o bosanskom jeziku jer nam ga negiraju i namjenjeno je da bude na trgu, da bude pored trga i namjenjeno je da kada dijete koji je sedmi-osmi osnovne jednom prođe kroz tu kuću obezbjedi za budućnost sve dokaze da svakome može u verbalnom duelu odbraniti činjenicu da mi nemamo samo pravo na bosanski jezik nego sve relevantne činjenice i na tome radimo intenzivno. Naravno to neće biti samo tih 50.000 koje stoje u budžetu i tako dalje. Na osnovu možda ste toga posumnjali u taj, ali ćemo zapisati, tu sumnju pa ćemo vidjeti kakav će biti moj govor na otvorenju Kuće bosanskog jezika. Ma neću ja spominjati nikog konkretno. Tema će biti ono što je tema kuće. Bosanski jezik koji nam Dodik i drugi besramno negiraju i moramo u našoj muzejskoj i spomeničkoj kulturi da se suprotstavimo i to na najposjećenijem mjestu da to vide mase.

Mi smo imali dogovor sa termoelektranom kada je u pitanju groblje da nam kada krenu pripremi zemljani radovi u okviru termoelektrane Tuzla i potpisali s njima sporazum na tu temu, oni zemlju koja treba za nasipanje groblja obezbjede i oni to nisu uradili. Bila je to izborna godina. Nadam se da to nije radi izbora, radi ideologije jer se groblje pravi za sve građane bez obzira na njihovu vjersku ili ideološku pripadnost jer se pravi za mnoge decenije u budućnost jer je to prvo gradsko groblje po standardima kakve nalažu Evropski standardi u Tuzli. Prvo u Tuzli. Drugi gradovi su to napravili krajem sedamdesetih i početkom osamdesetih godina. Kako su nas oni oko zemlje iznevjerili morali smo zemlju kupiti. Da bih kupili zemlju, a stalo sve, stalo sve, niz podzemnih instalacija treba da se postavi pa da se zatrpaju zemljom morali smo obezbjediti sredstva. Smatramo da je od eskalatora hitnije groblje jer je sve za groblje obezbjeđeno osim ovo zemlje za ovih 500 hiljada i da možemo vršiti pritisak na izvođača da uradi u roku kakav je naveden u ugovoru. Samo da znate ti rokovi u ugovoru dakle, kišni dani se ne računaju. Dani kad je temperatura ne znam koliko, preko koliko stepeni ljeti itd. Neradni dani se ne računaju i ostalo.

Dalje, kada govorimo o subvencijama u federaciji je subvencija o kojoj ste govorili u nadležnosti kantona i to je propisano zakonom recimo kod nas u ovom kantonu o predškolskom odgoju i obrazovanju TK. Dokaz da je subvencija u nadležnosti kantona je činjenica da je to u Federaciji Sarajevski kanton uradio a ne neka općina ili Grad Sarajevo. Ja vas moli da nikad se ne poredimo sa sarajevskim općinama. Svaka sarajevska općina ima npr. desetak posto nadležnosti grada Zenice ili grada Tuzle ili općine Gračanica desetak posto nadležnosti, jer njima sve nadležnosti radi kanton, a onda ih dijele između općina, grada i kantona i kad saberete budžete tih općina, grada i kantona onda dođete do iznosa od milijardu i po za iste ove potrebe jer je kod njih kanton defakto grad, za iste potrebe koje mi moramo da riješimo sa pedeset, šezdeset, sedamdeset miliona koliko je zadnjih godina znao da bude budžet.

Dakle, po Zakonu o predškolskom odgoju i obrazovanju TK radi se o nadležnosti izričitoj kantona. Kanton ima deset puta veći budžet od nas. I sad dobija od federacije 40 miliona treba da ih raspoređi a mi ovdje raspoređujemo tri miliona i nije naša nadležnost.

Dakle, mnogo je potreba. Vi biste mogli na svaku stavku povećati iznos i još dodati desetak stavki. Nema potrebe da mi suprotno zakonu radimo nešto iz nadležnosti kantona kad kanton ima deset puta veći budžet i sada od federacije dobija 40 miliona. Nego treba da

izvršimo na njih pritisak da oni to urade na isti način kako je to, kako je to zapravo ovdje i predloženo. Da oni to rade.

Dalje, nije niko ništa obećao sindikatu Centra za socijalni rad. Dakle, ni ja kao predlagač budžeta, kao gradonačelnik, ni šefica budžeta i finansija, ni šef resorne službe Lugavić. Ja sam to provjerio i ja sam čuo tu priču da je neko nešto obećao na rebalansu Budžeta i mi smo obavili razgovor i mi smo obezbjedili sredstva za poboljšanje uslova rada i razgovarali smo i sa sindikatom vezano za auto, vezano za prijem novih radnih mjesta i nije niko ništa obećao pa da to obećanje prekrši.

Što se tiče eskalatora obećanja su na četiri godine a nama je u ovoj godini, svi ćete se složiti da ne čeka projekat groblja, nego da se ta zemlja kupi, zemlja je kupljena i radovi su nastavljeni. Cilj nam je da taj krupan problem, nepodnošljivo veliki problem sahranjivanja napokon gradnjom komunalnog objekta groblje bude riješeno. Oprostite imao sam potrebu (NATAŠA PERIĆ – Dobro. U redu hvala.) malo samo da se osvrnem na ove diskusije, a nemam namjeru sad ja ostvrtat, da ne misle da ću vam ovdje dosađivati i često izlaziti na svaku diskusiju.

NATAŠA PERIĆ

Replika Admir Čavalić.

ADMIR ČAVALIĆ

E hvala predsjedavajuća. Ovo nije klasična replika, ovdje imam samo potrebu da se osvrnem na ovih par stvari koje je uvaženi gradonačelnik naveo.

Prva stvar za Kuću bosanskog jezika ja ću prvi doći na tu svečanost otvaranja ukoliko se to zaista realizuje i naveo sam maloprije u raspravi da bilo bi dobro da neki inat proradi i evo vidim inat je proradio i dato je obećanje da će to biti ljeto. Hajde da kažemo onda očekujemo do kraja avgusta a najkasnije možda tamo prvi, drugi, treći septembar da zajedno odemo i posjetimo Kuću bosanskog jezika i prvi ću podržati navedeno. Dakle, to je odlična stvar ali je uvijek bojazan dakle, da se isti projekat ne realizuje. Tako da ja evo ovdje podržavam navedeno i jedva čekam na ljeto da otvorimo tu kuću, da svi budemo tu, da se družimo i da dovedemo dakle, najmlađe da uče o bosanskom jeziku.

Druga stvar vezano za groblje dakle, tu sam u izlaganju naveo podršku u izgradnji groblja i naveo sam da ne trebamo kasniti sa rokovima. Bilo bi dobro da dobijemo informaciju koliko je bilo kišnih i neradnih dana i koliko to pomijera dakle, da li to znači da će groblje biti gotovo poslje 2023. kao što sam ja naveo oktobar ili će ići u 2024-tu. Idealno bi bilo do 2023. i volio bih da mi se odgovori na pitanje. Ko god bude replicirao na moju repliku kada će biti zaista završetak centralnog groblja koje je potrebno jer to je groblje za sve bez obzira dakle, odakle ste, kakav je vaš socijalni status, koje ste religije, nacije i sl. to groblje treba da služi kao groblje svih građana Tuzle i generalno svih onih koji žele da se sahrane tu.

I na kraju zadnja stvar. Jednostavno nije tačno ovo vezano za predškolske ustanove. Jednostavnom analizom, evo ja sam vidio da je opština Kakanj u Federaciji Bosne i Hercegovine krajem 2021. godine uvela praksu subvencioniranja boravka u privatnim i u javnim predškolskim ustanovama a da ne govorim hajde to je samo jedan primjer za federaciju, vjerovatno postoje brojne. U RS-u istina i gradonačelnik je u pravu tu on navodi i kaže za Federaciju u RS-u i imamo od Bijeljine, Banja Luke, Teslića i brojnih drugih dakle primjera opština i gradova koje rade subvenciju.

Mi vodimo. Mi već dajemo te subvencije. Dakle, dajemo u kontekstu naše javne ustanove i sada samo želimo da onemogućimo diskriminaciju koja je očigledna. Kanton ne radi tu diskriminaciju zato što ne postoje kantonalne predškolske ustanove kao na nivou kantona

Sarajevo oni su upravo i uveli tu opciju subvencioniranja da bi suzbili tu diskriminaciju, jer kanton Sarajevo finansira vrtiće dakle, javne u Sarajevu i onda kako bi preduhitrio tu diskriminaciju koja je bila očigledna dao je i podticaj za, za privatne. Ali evo slažem se prihvatit ću jednu dobru ideju gradonačelnika. Hajde da pokušamo dakle, da tražimo od kantona, a da i mi malo to poguramo pa da to bude zajednička inicijativa naravno gdje Kanton možda može dati i 80% sredstava, a Grad Tuzla 20% ali svejedno dakle, da podržimo svu djecu grada Tuzla. Da ne bude tu diskriminacije dakle, po tome odakle su, koji su na listi čekanja i sl. (NATAŠA PERIĆ – Isteklo vam je vrijeme replike.) Hvala puno.

NATAŠA PERIĆ

Može Gradonačelnik samo na repliku, da odgovori na repliku.

JASMIN IMAMOVIĆ – gradonačelnik Grada Tuzle

Nemam namjeru mislim i zbog vas i zbog drugih vijećnika da na svaku oduzimam vrijeme, toliko vremena. Dakle, nemojte da proizađe sada s ove sjednice rekao Čavalić neće biti kuća pa iz inata gradonačelnik rekao hoće pa to nastala ideja sada. Radimo na tome dugo. Osmišljavamo to dugo. Dugo osmišljavamo. Mi smo već naručili namještaj rezbareni za tu kuću, radni sto. Dakle, na tome se radi dugo.

Ja sam otvoren. Koga god nešto zanima može da me nazove da samnom popije kafu da to. Ovaj ugovor naš može svako da vidi kakav je za groblje. Prema tome ja sam samo rekao da će biti i svima sam na raspolaganju. Mogu dati te informacije i dokle je došlo i šta je došlo i tako dalje, ne mogu kad će biti. Kad sam rekao u toku ljeta mislio sam do kalendarskog trajanja ljeta. Dakle, to može biti i septembar i avgust, ali vi ćete vidjeti kada krenu temelji kada to krene. Nije to veliki objekat i može jako brzo da se izgradi. Eto hvala vam.

NATAŠA PERIĆ

Dobro. Ispravka krivog navoda.

ADMIR ČAVALIĆ

Ništa samo da ne bude evo, evo ja se slažem sa gradonačelnikom. Dakle, ne moramo taj inat. Meni je drago da sam dobio informacije kalendarski kraj ljeta očekujemo i kažem puna podrška. Vjerujem da ćemo svi doći. Mislim ako se to zaista napravi svaka čast, čestitam, skidam kapu.

Vi znate da uvijek kad je neka dobra stvar, evo uključujući rebalans dakle, Korzo, spomenik Brčanska Malta, projekti mjesnih zajednica i sl. ja to sve pohvalim navedem dakle, neću kritikovat. (NATAŠA PERIĆ – U redu.) Tako vrijedi i za Kuću bosanskog jezika. Dakle, da kažem gradonačelniku. Hvala vam puno na informaciji. Trebalo nam je to u rebalansu jer nismo imali. Bila je samo jedna rečenica gdje se mijenja naziv. Nije bilo nikakve dakle, evo i za tepihe i za namještaj nikakve te informacije. Možda je trebalo to dostaviti i to je to.

NATAŠA PERIĆ

Hvala. Replika. Damir Muratović. Izvolite.

DAMIR MURATOVIĆ

E hvala. Ovdje je replika i sugestija. Ovaj amandman naš vezan za „Naše dijete“ Tuzle je bio i na usvajanju budžeta i u razgovoru sa šeficom Službe za budžet i finansije ja isto nisam naišao na razumijevanje, čak taj odgovor Službe za budžet i finansije je bio čisto ekonomski odgovor i mi tu gospođu cijenimo, ali ona ne razumije poentu.

Mi imamo ograničenu, ograničene kapacitete u našoj Javnoj ustanovi „Naše dijete“. Kanton Sarajevo je osnivač Javne ustanove „Naša djeca“ to je bitna razlika a Grad Tuzla je osnivač Javne ustanove „Naše dijete“ i mi imamo ograničene kapacitete. Ne želim da neko shvati da mi dajemo novac u privatna obdaništa. Mi dajemo novac u privatna obdaništa samim tim što nemamo kapacitete u našoj javnoj ustanovi.

Naša ideja je bila da ovdje pružimo podršku roditeljima ne u visini od 200 maraka košto pruža Banja Luka ili Sarajevo, nego u visini od 100 konvertibilnih maraka jer ako su oni mjesec, dva i tri, a evo ja vjerujem ovdje da nema vijećnika u sali da neko nije od vas nazvao da se dijete upiše u Javnu ustanovu „Naše dijete“ bez obzira kad je predao. Da li u avgustovskom roku ili ovom kasnijem. Znači, to želim gradonačelniku reći. Znači, moramo naći način evo podržati. Imam ja konkretan prijedlog. Podržati prijedlog Kluba SD-a da se otvori obdanište u Šićkom Brodu ili podržati evo danas možemo amandman prošlog Vijeća gospodina Hasanbašića da se otvori u Simin Hanu.

Mi imamo ograničene kapacitete i moramo ljudi pomoći tim roditeljima. Ti ljudi, ti ljudi ne mogu uplatiti 200 do 220 KM-ova nego moraju 400 i 500 u pojedinim privatnim obdaništima i ne mižemo ovdje osloboditi Grad Tuzla ni nas kao Gradske vijećnike, ni Gradsko vijeće, ni nadležnu Službu odgovornosti za ograničen broj smještajnih kapaciteta u Javnoj ustanovi „Naše dijete“. Znači, ovo je jedna dobra namjera i samo smo spomenuli ove gradove, ne želimo se porediti s njima, ali spomenuli smo. Prvo je Sarajevo to uvelo kao Kantona a evo uvelo je i grad Banja Luka koja ima nadležnost nad svojim obdaništem. Hvala.

NATAŠA PERIĆ

U redu. Selma vi ste tražili šta? (vijećnica Selma Čatibušić govori bez uključenog mikrofona op.a.) Dobro. Dobro. Replika Hasib.

HASIB HIKIĆ

Zahvaljujem predsjedavajuća. S obzirom na izlaganja gradonačelnika i Admira Čavalića ja vidim da se njih dvojica najbolje slažu i da njih dvojica najbolje kreiraju budžet.

Suprotno odlukama Gradskog vijeća ono što se nekad donijelo vidimo da se sad briše na inicijativu gospodina Čavalića i evo vidite i pozivnica za otvaranje znači, već tu inati rade. Samo kažem da parlamentarna većina uopšte nije kriva za brisanje nečega iz budžeta i evo to je znači kriv gospodin Čavalić. On traži, kritikuje, pokušava nešto da izbriše. Kad se izbriše onda opet ima kritiku zašto je izbrisano. Ja ne znam kako gradonačelnice vas...imate u stvari vas dvojica imate najbolju saradnju bez obzira na odluke Gradskog vijeća i ovog svega. Hvala.

NATAŠA PERIĆ

Replika. Admir Čavalić.

ADMIR ČAVALIĆ

Dakle, ako sam 1% utjecao da se eskalatori izbrišu i prebace u gradsko groblje Tuzla zadovoljan sam dakle, danas mogu mirno da spavam. Ako sam imao samo 1% učešća a vjerojatno nisam precjenjuje me kolega Hirkić dakle, vjerovatno 99% to unaprijed tako bilo planirano a vi znate mi smo u decembru to kritikovali dakle, prvo smo kritikovali u kontekstu gradine eskalatora, a onda smo kritikovali u kontekstvu nekih drugih potreba. Ali ako je, ako našom dakle, napadom opozicije ako tako možemo reći dakle, uticalo se na to da se pola miliona prebaci sa eskalatora na izgradnju groblja Drežnik evo mi prihvatamo 1% zasluge za navedeno ali mislim da je i kolega Hirkić mislim da je tad učestvovalo u tim sinhroniziranim napadima tako da (NATAŠA PERIĆ – Molim vas malo tišine.) da i i on ima (NATAŠA PERIĆ – Molim vas ozbiljnosti malo.) i on ima. Ja sam stvarno ozbiljan. I on ima zasluga, tako da vjerujem da smo svi zaslužni. Dakle, evo i kolega Hirkić i moja malenkost i gradonačelnik i ko god je još radio to, to prebacivo da da se to uradi. Hvala.

NATAŠA PERIĆ

U redu hvala. Ko je? Ispravka krivog navoda.

HASIB HIRKIĆ

Nisam mislio na groblje i sve, ali gospodine Čavaliću da sada mi trebamo da umiremo i da samo oko grobalja se bavimo onda vama na čast. (ADMIR ČAVALIĆ – Ispravka krivog navoda.)

NATAŠA PERIĆ

Ispravka krivog navoda.

ADMIR ČAVALIĆ

Ovaj samo da ispravim dakle, pored „Komemorativnog centa“ Tuzla o kojem ćemo danas raspravljat demografske slike koja na žalost pokazuje da više umiremo nego što se rađamo i generalno pitanje gradskog groblja mi se bavimo kontinuirano, evo i kolega Damir i Klub SD-a i kolegica Čatibušić i znam iz pozicije dakle, za kolegica Merima i sl. i predškolskim obrazovanjem dakle, pored smrti vjerujemo i život tako da (NATAŠA PERIĆ – Dobro. Hvala.) i obje strane pokušavamo balansirat. Hvala.

NATAŠA PERIĆ

Sljedeći za riječ se javio vijećnik Senad Mehmedinović. (vijećnik Zijah Rifatbegović govori bez uključenog mikrofona op.a.) Repliku kome? (vijećnik Zijah Rifatbegović govori bez uključenog mikrofona op.a.) Pa prošla je replika. Pa nije trebali ste... (vijećnik Zijah Rifatbegović govori bez uključenog mikrofona op.a.) Hajde izvoli. Hajde. Izvolite. Uključite molim vas mikrofon.

ZIJAH RIFATBEGOVIĆ

Svakako ovaj podržavam ovo što je izneseno vezano za Bosansku kuću ili Kuću bosanskog jezika i ovo što je govoreno za groblje. Htio bih samo podcrtati nešto što mislim da

je važno a da ne prođe neopaženo ili mislim da je više se može prepisati nekom lapsusu. Ne pravimo mi Kuću bosanskog jezika zato što Dodik negira bosanski jezik. Onaj ko negira bosanski jezik negira i bosansku Državu, Bosanskohercegovačku državotvornost. Prema tome mi to pravimo zato što je to nama nepravedno oduzeto i što pokušavamo na taj način da vratimo ono što nam je oduvijek pripadalo.

Znači, mi to radimo zato što mi-to jes-mo a ne zato da li će neko potpuno irelevantan poput Dodika koga ne držim ni-zašta smatrati da li je to nama, da li mi imamo pravo ili ne. Naše pravo je naš jezik, naša država i mislim da bi trebali to ubuduće, to je moj prijedlog, ne treba se referirati na takve likove, nego treba se referirati na to što je stvarna potreba.

NATAŠA PERIĆ

Dobro hvala. Sljedeći za riječ se javio vijećnik Senad Mehmedinović. Neka se pripremi vijećnik Nedžad Jusić. Naravno ovo je ispred Kluba još uvijek. Ja kad zaključim diskusiju klubova reći ću.

SENAD MEHMEDINOVIĆ

Poštovana predsjedavajuća, zamjenici predsjedavajuće, gradonačelnice, kolege vijećnici, predstavnici službi sve vas srdačno pozdravljam.

Nebitno je jel Kuća bosanskog jezika ili Bosanska kuća bitno je poruka koja se šalje samim tim što će se izgraditi a moje lično mišljenje je da Kuća bosanskog jezika ima jednu veću poruku i naravno da je trebamo poslat ali ja mislim da se s ovim njeguju tekovine koje se ne smiju zanemariti ni sekunde.

Drago mi je što postoji praksa konsultacije sa vijećnicima prilikom kreiranja budžeta ili izmjene budžeta pa vidimo tako danas da imamo šezdeset amandmana.

Pod drugom tačkom Dnevnog reda dakle, imamo Izvještaj o izvršenju Budžeta Grada Tuzle 01. 01 - 31. 12., zatim Izvršenje budžeta 01. 01. - 31. 03, imamo rebalans Budžeta i poštovana predsjedavajuća da bi se ovo iznijelo sve u nekih deset minuta stvarno čovjek treba da ima više proteina u mozgu, a to se naziva tzv. gen za govor da bi se izgovorilo toliko riječi u malo vremena, ali na nama je da radimo.

Nije problem vrijeme jel tako zato što mi možemo po svakom ovom podtačkom imamo deset minuta ako se ne varam? (NATAŠA PERIĆ – Ne, nemate.) Dobro. (NATAŠA PERIĆ – Nemate. Imate po tački Dnevnog reda 10 minuta.) Dobro. Eh. OK nastavljam.

Prvo ću se referirati na dokument Obrazloženje Izvještaja o izvršenju Budžeta Grada Tuzle za period 01. 01. - 31. 03. Ja bih se referirao i na ovaj do dvanaestog mjeseca prošle godine međutim, onda treba sat vremena, tako da sam se opredjelio za ova prva tri mjeseca i odmah ću otići na prihode opšteg fonda i uvijek komentarišem te stvari a tiču se sredstava od poreza dakle, ostvareni su u iznosu ili su povećani i iznose milion i 645 hiljada. E sad ja želim da podsjetim na nešto a to je da je članom 95. Poslovnika o Gradskom vijeću da se govori o različitim aktima i jedan od pojedinačnih akata koje donosi ovo Gradsko vijeće jeste zaključak. Vi ako ćete se sjetiti svaki put, u stvari dva puta sam do sad to ponavljao da smo mi usvojili jedan zaključak a tiče se ravnomjerne raspodjele prihoda od Uprave za indirektno oporezivanje i zanima me zašto to nije prosljeđeno Savezu općina i gradova jer smatram da je zaključak koje donese ovo predstavničko tijelo obavezujući za sve službe, pa tako i za gradonačelnika?

Zato tražim da mi se u skladu sa članom 106. (NATAŠA PERIĆ – Jel ovo zaključak znači?) Da, da Poslovnika dostavi do sljedeće sjednice potpisan akt u formi zaključka kakav je usvojen na sjednici Gradskog vijeća, a mislim da znamo svi o čemu se radi.

Dalje. Izuzetno mi je drago što vidim da se Javna ustanova Centra za kulturu Tuzla razvija i to je ljepa stvar za naš grad i naročito mi je drago kad vidim da je povećanje prihoda za koliko god, ali je povećanje prihoda i to je dobro. Dobro je i na kraju krajeva što se šalje jedna poruka da su građani Tuzle osvještali u smislu kulture i kulturnih manifestacija tako da mi je to izuzetno drago. Međutim, u sklopu ukupnih prihoda javnih ustanova ni-je bilo ostvarenja prihoda po ovom osnovu.

Moj zaključak, prijedlog zaključka bi bio sljedeći a to je: Da se ovom Gradskom vijeću dostavi informacija koliko su projekata realizovale javne institucije, javne ustanove u prošloj godini i to na način u koliko projekata su bili nosioci projekta kao koordinatori, a u koliko projekata su bili partneri jer to nije jedna te ista stvar i na koliko su projekata da ne kažem evo i Evropskih aplicirali u 2022. godini ili sa koliko projekata planiraju da apliciraju?

Najlakše je tražiti sredstva sa Budžeta Grada Tuzle a mene bi radovala činjenica da se namakne određeni broj sredstava iz fondova Evropske unije.

Struktura rashoda komunalne infrastrukture je prema namjeni, jel moguće da je toliko udarnih rupa u gradu, da se toliko moraju sanirati putevi što u gradskim što u prigradskim sredinama i jel moguće da smo mi do trećeg mjeseca da je potrošeno 200.000 ili 220.000 konvertibilnih maraka? Pretpostavljam da će veći dio ovih sredstava biti utrošen u periodu od avgusta do septembra ove godine. Ali isto tako ja bih pozvao evo predstavnike službe za komunalna pitanja da se provozamo na moj račun kroz grad, kroz prigradske mjesne zajednice i imam osjećaj stvarno da se ne vide kakvi su problemi građana jel se vidi po čemu mi idemo sa automobilima. Naročito ovdje aludiram na prigradske mjesne zajednice.

Kada je riječ o obrazloženju budžeta, odnosno rebalansu Budžeta za ovu godinu referirat ću se na određene stvari. Prije svega Sručna služba za poslove gradonačelnika za koju mislim lično da fantastično radi svoj posao da je jedna od vrijednih službi, proaktivnih službi koji su prisutni i koji razvijaju različite ideje, ali imam neke nedoumice pa evo možda ću dobiti i odgovor kroz pitanja koja ću postaviti.

Opšti je fond naziv pozicije bruto plate planirano povećanje za 45.000 konvertibilnih maraka. To me samo zanima jel to zbog povratka osobe sa pozicije? Ako jeste naravno u potpunosti podržavam to, a ako nije volio bih da mi se obrazloži zbog čega su ova povećanja? Ako nije zbog povratka osobe sa pozicije da li je to možda za angažovanje dodatnih, evo ako je to 50.000 konvertibilnih maraka, 50 volontera što bi bila fantastična stvar i ljepa poruka?

Izuzetno mi je drago da sredstva koja su planirana za 2022. godinu značajnim dijelom su utrošena u svrhu uplate Ministarstvu zdravlja Ukrajine kao finansijska pomoć zdravstvenim institucijama u Ukrajini i naravno da je to jedna odlična poruka i čestitam na tome i naravno da trebamo da pratimo ova geopolitička dešavanja koja se manje više reflektuju i u Bosni i Hercegovini tako naravno i u Evropi. Međutim, vidim da se ovdje planira dodatnih stotinhiljada konvertibilnih maraka u tekućoj rezervi što naravno podržavam. Ali evo moje je pitanje da li je do sada, a ako nije da predložim. Da li je do sada iz sredstava tekuće rezerve uplaćeno za podršku Ministarstvu zdravstva Palestine? Mislim da bi bila jedna ljepa poruka da ne bude diskriminacije da tako kažem prema različitim narodima da se ako nije uplaćeno određena sredstva uplate u smislu podrške Ministarstvu zdravstva Palestine za liječe-nje dakle, bolesnih i ranjenih i znamo svi kakav je problem tamo u pojasu gaze i to je moj prijedlog zaključka. (NATAŠA PERIĆ – Imate minutu još pa samo da znate.) Pratim ja. 50 sekundi ali ću se javiti opet. Ne sikirajte se.

Dalje. Jedan sam od onih koji je dugo bio prisutan u nevladinom sektoru i u potpunosti podržavam saradnju nevladinog i vladinog sektora i mislim da trebaju da budu u saradnji kada se tiče problema lokalne zajednice ali evo imam nedoumice oko nekih stvari.

Udruženje za razvoj „Nerda“ zbog povećanog obima aktivnosti planirano 35.000 konvertibilnih maraka okej je. Ja sad ne znam kad se daju ovi prijedlozi nadležnoj Službi jel tamo kad se dobije taj dopis jel piše koji je to povećan obim aktivnosti? Jel povećan obim

aktivnosti u smislu većeg broja sijela pod navodnim znacima, ručka? Šta znači povećan obim aktivnosti i našta se to konkretno odnosi? Ako je aktivnost oko realizacije, oko mora dakle, da postoji gdje ovaj novac ide i zato predlažem, predlažem da se 10.000 konvertibilnih maraka skine sa ove stavke i da se prebaci. (NATAŠA PERIĆ – To možete samo amandmanom ne možete zaključkom.) Dobro. Volio bih da se...(NATAŠA PERIĆ – Pa ne možete to.) Dobro ništa. Evo mogu samo da komentarišem. (NATAŠA PERIĆ – Aha možete komentarisati.) Volio bi da, da. Da e drago mi je. (NATAŠA PERIĆ - Ali isteklo vam je vrijeme. Ne možete ni komentarisati.) Hvala ja ću se javiti. Hvala veoma ste ljubazni.

NATAŠA PERIĆ

Ko i uvijek. Vijećnik Nedžad Jusić. Neka se pripremi vijećnik Elvir Bijedić. Izvolite Nedžade.

NEDŽAD JUSIĆ

E hvala. Ja ću pokušati što kraći da budem a da budem precizan vezano za dobrobit građana Grada Tuzle jer ja stalno govorim kada raspravljamo o budžetu između ostalog i o rebalansu Budžeta da je to najvažniji dokument koji usvajamo sa kojima regulišemo na kraj krajeva naše aktivnosti u narednom periodu, odnosno aktivnosti službi i gradonačelnika koji bi trebali dovesti do toga da poboljšamo status i stanje građana grada Tuzle.

Ja prije neg što se osvrnem na ovaj jedan dio Izmjene i dopune budžeta, odnosno rebalansa. Drago mi je na kraj krajeva što su povećana finansijska sredstva Službi za komunalne poslove, izgradnju i poslove mjesnih zajednica i nadam se između ostalog da će i jedan dio ovih sredstava biti utrošen za rekonstrukciju i sanaciju ulice Branislava Nušića, odnosno za onu inicijativu koju sam pokrenuo jutros na Vijeću.

Između ostalog. (NATAŠA PERIĆ – Molim vas tišina.) Između ostalog svjesni smo svi da je trenutna teška socijalna ekonomska situacija kod svih građana Bosne i Hercegovine i samim tim i kod građana grada Tuzle i dobro je, dobro je ponovo kažem što imamo u budžetu grantovi pojedincima, odnosno socijalne jednokratne pomoći. Ja se dobro sjećam na kraj krajeva kad smo usvajali budžet za 2022. godinu da sam naglasio da predviđena finansijska sredstva u odnosu 435 hiljada maraka ni-su dovoljne, niti će biti dovoljna za realizaciju svih potreba, odnosno da se ispune svi zahtjevi građana grada Tuzle koji ispunjavaju uslove sa Pravilnikom da bi dobili, odnosno primili jednokratnu novčanu pomoć i za pohvalu je što imamo s ovim rebalansom Budžeta povećan iznos od 100.000 maraka i to ukupno iznosi 535.000 maraka i to je dobro.

I moj je takođe jedan prijedlog u kolko je u stvari Služba za kulturu, sport, mlade i socijalnu zaštitu procijenila da će ovih 100.000 maraka dodatnih biti dovoljno do kraja 2022. godine to je dobro, ali s tim da obuhvatimo sve zahtjeve koji pristignu u toku 2022. godine, jel znamo da u prošloj godini zahtjevi koji su došli u dvadesetprvoj godini su tek realizovani u dvadesetdrugoj, odnosno iz budžeta iz dvadesetdrugoj i da pokušamo na kraj krajeva sve te zahtjeve riješiti, a paralelno da Služba ponovo prati na kraj krajeva pristiglost tih zahtjeva, te ukoliko dođe ponovo do rebalansa Budžeta, a nadam se zbog ove situacije kakva jeste u državi da će ponovo doći do rebalansa Budžeta, da se ponovo povećaju finansijska sredstva za socijalne jednokratne pomoći jel jednostavno ljudi očekuju i njima je potrebno pomoći, a u skladu normalno sa mogućnostima koji pruža Grad.

Takođe mi je drago na kraj krajeva što su povećana finansijska sredstva na poziciji Grantovi za kulturne manifestacije u iznosu od 34.000 maraka, ali s druge strane smatram ponovo da ni to nije dovoljno, da ni to nije dovoljno da bi se sve manifestacije pokrile u gradu Tuzla. Znači, ukupan iznos imamo 104.000 maraka i zbog toga na kraj krajeva i preporuka

Službi da razmotri kompletnu situaciju, te za narednu, kad dođemo do 2023. godine, odnosno budžeta za 2023.godinu da se predvide realna finansijska sredstva koji mogu pokriti sve manifestacije, odnosno važne manifestacije za Grad Tuzla koji će se realizovati u gradu Tuzla.

Takođe vrlo je važno da je Grant neprofitnim organizacijama kulturno nacionalna udruženja to su udruženja od konstitutivnih naroda koji rade na očuvanju kulturnog identiteta i da su i tu povećana finansijska sredstva i ja evo moram na kraj krajeva da to istaknem za kraj da bi ipak trebali nekad u narednom periodu takođe razmisliti da imamo sličnu poziciju za očuvanje kulturnog identiteta Romske nacionalne manjine jel i druge nacionalne manjine imaju kroz Budžet Grada Tuzla određena finansijska sredstva gdje se isključivo koriste za očuvanje kulturnog identiteta. Takođe tačno je da ima budžetska linija za Rome, ali to su za socijalne programe, ali mislim da je ključno, ključno za svaki narod, za svaku nacionalnu manjinu samim tim i za Rome da ima u sistemu finansijska sredstva za očuvanje kulturnog identiteta. Hvala.

NATAŠA PERIĆ

U redu hvala. Vijećnik Elvir Bijedić. Izvolite. Ispred Kluba SDP-a.

ELVIR BIJEDIĆ

Zahvaljujem predsjedavajuća. Pozdravljam sve kolegice i kolege vijećnike s obzirom da se prvi put javljam. Dakle, Klub vijećnica i vijećnika SDP-a je na svojoj sjednici razmatrao ove izvještaje kao i Odluku o izmjenama i dopunama Budžeta Grada Tuzla za period 01. 01 do 31. 12. ove godine.

Dakle, smatramo ga potpuno očekivano opravdanim i realnim za nastavak kontinuiteta i kvalitetnog razvoja grada. Podržat ćemo ga dakle, ovaj rebalans potpuno kao i sa izvještajima.

Primjetili smo dakle, uvećanje sredstava u po najviše u Službi za komunalne poslove, izgradnju i poslove mjesnih zajednica, a evo uvećanje u smislu sredstava za rasvjetu i za održavanje sportskih terena i igrališta.

S obzirom da sam na januarskoj sjednici imao jednu inicijativu, a koja je se ticala rasvjete dječijih igrališta, odnosno video nadzora na isti, ja bih evo ukoliko ste za da predložim jedan zaključak ovdje da se iz ovih sredstava ili iz nekih drugih ili evo da se razmotri mogućnost ako ne sad onda u nekom od narednih rebalansa da se rasvijetle sva dječija igrališta na području, odnosno osvijetle sva dječija igrališta na području grada Tuzla i da se uvodi kako bi rekao jedan kontinuirani video nadzor po prioritetima jel a pogotovo ona igrališta na kojima su uložena značajnija sredstva kako iz budžeta grada tako i privatna sredstva građana. Dakle, neka naravno Služba odredi prioritete ali evo zamolio bih kolegice i kolege da usvojimo ovakav jedan zaključak.

Dakle, još jednom Klub vijećnica i vijećnika će podržati ove izvještaje kao i odluku o rebalansu. Hvala.

NATAŠA PERIĆ

Da li se još neko javlja spred klubova vijećnika? Ako ne prelazimo na drugi krug. Vijećnica Selma Ćatibušić. Izvolite.

SELMA ĆATIBUŠIĆ

Ja ću samo kratko predložiti jedan zaključak koji je na neki način proistekao iz diskusije kako gradonačelnika pa tako i kolega vijećnika da će Gradsko vijeće zajedno sa gradonačelnikom ići sa inicijativom prema kantonu koja će podrazumijevati da tražim od

kantona da makar za narednu godinu, ako ne postoji mogućnost i u ovoj godini pomognu pri sufinansiranju djece, predškolske djece koja ne mogu dobiti boravak u Javnoj ustanovi „Naše djete“ jel su na čekanju, a isto tako da dalje težimo da sva djeca na području grada Tuzle imaju pravo na vrtić i da se sva djeca sufinansiraju iz budžeta kantona u iznosu od 80% a Grad Tuzla kao i ostale opštine u kantonu bi pomogli sa 20%, tako da napravimo da Tuzlanski kanton bude kanton koji će također bit dobar primjer kako se brinemo o našoj djeci, da svako dijete ima pravo na vrtić. Eto toliko. Ne znam da li je Slađa uspjela šta da napiše.

NATAŠA PERIĆ

Ako bude nešto nejasno zvat ćemo vas. Drugo javljanje ima Mirel Mišković. Izvolite.

MIREL MIŠKOVIĆ

Zahvaljujem predsjedavajuća. Evo još jednom vas pozdravljam. Evo danas između ostalog imamo na dnevnom redu Odluku o izmjenama i dopunama Budžeta Grada Tuzla za period 01. 01. – 31. 12. 2022. godine.

U samom dokumentu imamo preko 138 izmjena i dopuna i sa većinom tih izmjena i dopuna mi nemamo nikakav problem ali ono što nas brine je da opozicija kao punopravni član ovog Vijeća nije konsultovana niti prije kreiranja budžeta za ovu godinu, kao ni prije kreiranja ovog rebalansa Budžeta.

Radi kratkoće vremena ne bih sada da komentarišet svih tih 138 izmjena i dopuna, ali svakako se slažemo da se poveća stavka za održavanje sportskih terena, sanacija pješačke zone Korzo, rekonstrukcija terena stadiona „Tušanj“, rekonstrukcija semaforke signalizacije, održavanje trotoara itd.

Ali posebno hoćemo da istaknemo dvije stavke sa kojima se ne slažemo a to je: Izdaci za održavanje zelenih površina koji su bili 800.000 KM, povećani su za 160.000 KM i sada su 960.000 Mišljenja smo koliko god ova stavka bila da nema i da neće biti nekog pomaka i da nije problem tu do finansijskih sredstava, nego do same organizacije posla.

Isto tako i stavka Izdaci za rad zimske službe se povećava sa 520.000 na 624.000 KM zašto smatramo da nema nikakve osnove imajući u vidu da do sada gotovo da i nije bilo snježnih dana, da se ne očekuje do kraja godine, a poslovi koji se obavljaju za to vrijeme ne iziskuju, iziskuju puno manja novčana sredstva od ovih u budžetu koja su planirana kao i u rebalansu Budžeta.

Evo na kraju mi imamo šest amandmana. Na taj način bi da utičemo na kreiranje budžeta za ovu godinu jer ipak ovo je budžet svih nas kako i vladajuće većine tako i opozicije i bilo bi dobro da se ovi amandmani usvoje. Da i ostali klubovi u Gradskom vijeću na neki način učestvuju u kreiranju ovog budžeta. Ja se nadam da ćemo na kraju, bar neki od ovih amandmana imat i dobit podršku svih vijećnika Gradskog vijeća Tuzla. Zahvaljujem.

NATAŠA PERIĆ

U redu. Hvala vam Mirele. Po drugi put se javio vijećnik Admir Čavalić. Izvolite.

ADMIR ČAVALIĆ

Hvala puno predsjedavajuća. Evo ja ću se složiti sa kolegom Mirelom dakle, bilo bi malo ozbiljnije da su se radile konsultacije i sa kolegama iz opozicije, mada generalno vjerujem da i druge kolege dakle, su bile uskraćene pri konsultaciji za izradu. Čast izuzetcima dakle, ovog rebalansa Budžeta.

Ja ću iskoristiti sada ovo vrijeme da predstavim dakle, ove amandmane a naravno neću in čitati sve, neću obrazloženje čitati samo. Samo sam ukratko naveo neke stvari koje možemo dobiti sa prihvatanjem ovih amandmana.

Prva je stvar dakle, da možemo podržati kroz transfer za rad Udruženje „Zmajevno srce“. To su oni pojedinci dakle, koji su napravili kafić za osobe sa daunovim sindromom gdje oni rade, konobarišu, čitav grad je ponosan na to. Mislim da u još par lokalnih sredina u Bosni i Hercegovini postoje takvi slučajevi ali generalno mislim da mi možemo kroz skromu podršku od minimalni neki iznos za početak dakle, nagraditi trud i zalaganje tog udruženja i upravo jedan amandman dakle, ide tome u prilog, a ima sredstava. Evo i kolega Mirel je maloprije govorio mi smo pronašli sredstva u tekućoj rezervi, pronašli smo in dakle, u radu i mogućnostima ušteda određenih službi kao i nizu nekih drugih stvari gdje se jednostavno ušteda može napraviti.

Dalje, predloženo je kroz amandmane da se izdvoje sredstva, finansijska sredstva za sanaciju i održavanje spomenika „Vječna svjetlost“ nad Kapijom. Dakle, postoji gore taj projektor. Evo i sad kad smo obilježavali 25. maj ja sam baš gledao gore, on stoji ali je neaktivan već nekih desetak godina. Napominjem da sam ranije sa građanima skupljao peticije da se to pokrene. Ne košta puno, vrlo jednostavna stvar i to bi značilo naveče oko devet sati dakle, kada je pala granata, kada dođu one delegacije iz Srbije posebno da se upali ta vječna svjetlost. Lijepo je da imamo spomenike dakle, koji su da kažem zanimljivi, šalju jasnu poruku, jer je to bilo tačno koliko je žrtava bilo toliko i snopova svjetlosti. Jedna vrlo fina priča koja je na žalost jednostavno ne održava se dakle, stoji eto. Najgore je što stoji taj reflektor, niko nema hrabrosti da ga ukine. Ja sam predložio kroz rebalans da izdvojimo sredstva dakle, da se to sanira projektor i da bude aktivan, da se svakog 25. maja pali i da predstavlja jednu sliku o našoj Kapiji.

Dalje, Grant za aktivnu politiku zapošljavanja. Zašto? Bojim se stagflacije dakle, pratim evo izvještaje za drugi kvartal ove godine šta je stagflacija. Može biti problem da pored inflacije dođemo u situaciju kada će dosta građana gubiti svoja radna mjesta, gdje neće rasti plate i oni će možda napuštati radna mjesta. Zato trebamo podržati Službu dakle, za poduzetništvo na način da imaju više sredstava za aktivnu politiku zapošljavanja. Na žalost i to moram napomenuti. Kroz razgovor sa predstavnicima te Službe potvrde se oni podaci iz teorijskog modela da je daleko više neaktivnih nego nezaposlenih na tržištu Bosne i Hercegovine. Dakle, vjerovatno je nezaposlenost malo i precijenjena, dosta je neaktivnih što znači jednostavno da imamo dosta radne snage koja ne želi da se aktivira na tržištu rada.

Dalje je predloženo više sredstava za tekuće održavanje sportskih terena i igrališta. Evo nedavno je bila jedna fina akcija za igralište Grabovica. Nevjerovatan odaziv i privatni i. Grbovica pardon. Hvala puno Damire. Privatnih kompanija i fizičkih lica i skupili smo nevjerovatan iznos sredstava. Svi su učestvovali dakle, i kolege i drugi predstavnici dakle, čak iz drugih gradova je bilo donacija. Ipak mislim da Grad opet treba imati najveću odgovornost pri navedenom, zbog toga je taj prijedlog.

Dalje je predloženo da se izdvoji zaista za privatne predškolske ustanove. Evo ja sam argumentirao dakle, ako može Kakanj u Federaciji Bosne i Hercegovine kao opština vjerujem da može i Tuzla koja se nalazi unutar Federacije Bosne i Hercegovine kao grad. Dake, postoje zakonske mogućnosti samo je do nas da li želimo preuzeti političku odgovornost da podržimo svako dijete u Tuzli bez obzira u koju predškolsku ustanovu ide dakle, ili javnu ili privatnu za nas je u očima predstavničke vlasti to svejedno bitno je dijete dakle, dijete je dijete bez obzira u koju školu išlo, u koji vrtić išlo, u kojoj se liječilo zdravstvenoj ustanovi itd. To nas jednostavno ne treba zanimati kao takvo. To je diskreciono pravo svakog pojedinca. Nas interesuje dijete i dijete je centar tih politika i zato sam predložio taj amandman.

Dalje podrška FC Salines Tuzla. Brojni uspjesi. Evo skoro sam dobio dopis. Dakle, ostvaruju izuzetne sportske rezultate. Možda bi bilo dobro da podržimo navedene.

Nabavka redomata u Domu zdravlja Mustafa Šehović. Brojni su kazali odustat ćeš nakon dvije godine s ovim redomatom dakle, neću odustati pogotovo što je proradio redomat u MUP-u TK, ako odete sad u MUP opet možete pritisnuti ono dugme i dobijete dakle, za ličnu kartu i dobijete mislim za vozačku ili za pasoš nisam siguran. Dakle, radi evo čak je i MUP koji je administrativno birokratski veća mašinerija od Doma zdravlja Tuzla proradio je i funkcionije normalno i zato hajmo i mi u našem gradu da, da ne ide kanton ispred nas po tom pitanju.

Izgradnja parkova još više sredstava. Trebamo parkova, trebamo više zelenih površina. Znamo da se grad zaista previše gradi, prebrzo dakle, novi stanovi što stvara neke ekološke probleme. Evo vidimo šta se događa na Slatini. Svjedočimo navedenom.

„Novi horizonti“. Još da se malo samo dotira. Da malo više dobiju sredstava, da se to zaokruži na neki fin iznos od 40.000 konvertibilnih maraka.

Tekuće finansiranje projekata mjesnih zajednica je predloženo izgradnja vrelovodne mreže. Nadam se da nisam u pravu. One moje sumnje dakle, da nemamo više kapaciteta. Mislim da će me Centralno grijanje dakle, opovrgnuti i kazati da nisam u pravu po tom pitanju i da možemo dalje širiti vrelovodnu mrežu.

Podrška Bukinju, Šićkom Brodu i Husinu za dalju toplifikaciju. Podrška Udruženju 25. maj Kapija. Da i njih ubacimo u okvire budžeta jer bitno je udruženje. Strateški je bitno.

I na kraju predložio sam po uzoru kolege dakle, iz Socijaldemokratske partije koji su predložili na nivou kantona da se dadne jednokratna podrška dakle, penzionerima koji su, imaju minimalne penzije. Ja sam predložio evo na nivou Grada Tuzla da mi izdvojimo iz budžeta kroz rebalans a može i iz tekuće rezerve da podržimo penzionere, odnosno da im damo jednokratnu podršku onima koji imaju minimalne penzije. Inače sam po ubjeđenju liberal, a evo sad sam odlučio da budem socijaldemokrata i da se solidarišem. Hvala kolegama iz SD-a i znam da kolege iz SDP-a cijene što koristim njihov amandman na, na lokalnom nivou. Toliko. Hvala.

ANA PEJIĆ - zamjenik predsjedavajućeg Gradskog vijeća Tuzla, vijećnik Socijaldemokratske partije

Zahvaljujem se vijećniku Čavaliću. Sljedeći za riječ se javio vijećnik Senad Mehmedinović.

SENAD MEHMEDINOVIĆ

Da nastavim tamo gdje sam stao. Prije svega moram da kažem da apsolutno podržavam ove prijedloge zaključaka a tiče se predškolskog obrazovanja i možda se to može čak krenuti sa Izmjenom i dopunom zakona o predškolskom obrazovanju Tuzlanskog kantona gdje bi to bila i zakonska obaveza kantona da sufinansira i privatna obdaništa. Ne mislim privatna obdaništa kao privatna obdaništa, već da pomaže porodicama čija djeca žele da idu u vrtiće.

Došao sam prošli put do Udruženja „Nerda“ i kažem zašto smatram da bi bilo dobro da se budžetom od planiranih 35.000 predložilo recimo 25.000 i da je 10.000 konvertibilnih maraka bilo usmjereno ka Domu penzionera.

Zatim riječ je sljedeće o transferu za rad Gradske veterinarske stanice gdje vidimo da je to iznos od 40.000 konvertibilnih maraka i ovdje sad opet isto pitanje imam koje sam imao i za „Nerdu“ i možda ukoliko ima neki predstavnik Službe da mi da odgovore na ova pitanja koja postavim?

Dakle, dodatnih 40.000 konvertibilnih maraka je neophodno za angažovanje dodatne radne snage i pružanje veterinarskih usluga. Okej slažem se međutim, kad se kaže za angažovanje dodatne radne snage jel precizirano u aktu koja veterinarska stanica prosljeđuje

nadležnoj službi tačno o kojim pozicijama se radi, jel to zasnivanje radnog odnosa, jesul to ugovori o djelu, jesul to ugovori o privremenim i povremenim poslovima? To bi sve trebalo da se zna i pretpostavljam da predstavnici Službe znaju o čemu se radi obzirom da ja evo na kraju krajeva i kao vijećnik nisam upoznat i ja bih od ovih 50.000 konvertibilnih maraka predložio isto 10.000 za Dom penzionera, a na kraju ću objasniti na kraju zbog čega Dom penzionera Tuzla.

Zatim, tekući grant Gradske apoteke Tuzla u iznosu od 50.000 konvertibilnih maraka. U potpunosti podržavam da treba dio da ide a naročito za nerentabilne radne jedinice međutim, nikako ne mogu da prihvatim sljedeće, ali nikako. Ustanova svoje poslovanje ostvaruje u poslovnom ambijentu u kojem je prisutna konkurencija od strane velikog broja privatnih apotekarskih ustanova. Ovo imam osjećaj kao da menadžeri apoteke sjeli, dobro se isplakali i kad su se isplakali prosljedili dopis ovdje mi ne možemo dalje. Pa nema veze. Konkurencija je dobra. Evo ovdje imamo poduzetnike koji imaju konkurenciju na tržištu ali nije to razlog da se odmah čim malo nešto zapne, čim ne može dijete da igra košarke dođe roditeljima i žali se da ih, da im dadnu podršku. Mislim da bih trebao menadžment apoteke malo ozbiljnije da pristupi ovim stvarima i na kraju krajeva da na ovom tržištu rada koje je takvo kakvo jeste da izbore svoje mjesto i da imaju veća sredstva.

Dolazimo do jedne Službe kojoj najviše vijećničkih pitanja postavljam. Odgovore ne dobijam. Nebitno je sad.

Služba za komunalne poslove, izgradnju i poslove mjesnih zajednica. Služba koja definitivno najviše konzumira Budžet Grada Tuzle. I sada kad bi mene neko pitao a da ne budem grub kako bi rekao i šta bi rekao o ovoj Službi i ja bih mogao slobodno da kažem da to obrazložim. Znam da imaju velik obim poslova ali da je definitivno spora služba. Da li imaju neki tegovi na nogama ja ne znam. Definitivno letargična i apatična naročito to mislim na Odjeljenje za poslove mjesnih zajednica gdje ja očekujem da mi se dostavi odgovor koliko je u skladu sa Statutom Grada Tuzle predsjednika mjesnih zajednica dostavilo Izvještaj o svom radu? Dakle, ja očekujem to da vidim koliko je dostavilo i zašto preostali nisu? Zašto to govorim? Govorim zbog toga u razgovoru sa građanima i pitanje je hoćete li uganjati predstavnika mjesne zajednice i kako to sve funkcioniše. Dakle, to je vid komunikacije građanin, Savjet mjesne zajednice i Gradsko vijeće-služba. Mi imamo prekid komunikacije na relaciji građana i Savjeta mjesnih zajednica. I evo sad kad bi napravili anketu, anketu kad bi napravili mi kao Gradsko vijeće i da pustimo u javnost da vidimo koliko su građani zadovoljni ulogom Savjeta mjesnih zajednica vidjeli biste kakve bismo odgovore dobijali. I mislim da evo svi ovdje, a ima različitih političkih subjekata da treba da se apeluje prema svojim predsjednicima, odnosno predstavnicima u Savjetima mjesnih zajednica da ozbiljno svate svoj posao, a ne da vlada misao da nema ništa od tog ako mi pošaljemo kaže gor. Ko je to gor ko je to dol ja bi volio da znam? Gore su izgleda Gradska uprava a dole su mjesne zajednice. Dakle, nema gore, nema dole. Ima rad koji koji treba da se prepozna na terenu i zato mislim da bi predsjednici Savjeta mjesnih zajednica trebali da se uozbilje i trebali bi da nam obrazlože zašto ni-su dostavljeni izvještaji o radu mjesnih zajednica a Statutom to raspravlja gradsko, Gradsko vijeće.

Pozdravljam Službu civilne zaštite naročito subvencioniranje troškova sanacije zajedničkih dijelova zgrada izdvajanje dodatnih stotinhiljada konvertibilnih maraka zbog... Ovo mi je ključna riječ i to mi je izuzetno drago. Zbog velike zainteresovanosti građana za ovu subvenciju. Pravo mi je drago, tamo gdje se građani odazivaju vezano za bilo koje stvari što se tiču lokalne zajednice i vidimo da je stotinhiljada se sredstva iskorištavaju Profesionalnoj vatrogasnoj jedinici što podržavam.

Ovdje kad je riječ o sanaciji zajedničkih dijelova zgrada vjerujte mi da sam bio uplašen, a tiče se onog zaključka oko uklanjanja arhitektonskih barijera. Bio je poziv i baš sam se, zapitao sam se da li će bit dovoljan odziv građana prema onom pozivu i sinoć sam pročitao i

vidio da je obzirom da je prvi poziv, a tiče se uklanjanja arhitektonskih barijera da mislim da je bilo otprilike pet-šest aplikacija i da su dva aplikanta formalno pravno ispunila uslove. Drago mi je da nakon one inicijative i nakon zaključka Vijeća da će 30.000 do 35.000 konvertibilnih maraka od planiranih sredstava biti i usmjereno za uklanjanje arhitektonskih barijera, a to znači neometano kretanje osoba sa različitom vrstom i stepenom invalidnosti i što je za svaku pohvalu i na kraju završavam sa Službom za kulturu, sport, mlade i socijalnu zaštitu za koju Službu smatram da je izuzetno vrijedna ali mi je žao prije svega što nam se sve povećava broj osoba koji su u stanju socijalne potrebe. Zaista mi je to žao da se ove godine... Drago mi je što postoje sredstva i drago mi je što je Služba to vidjela da treba da se podignu sredstva u iznosu od stotinhiljada konvertibilnih maraka al stvarno mi je žao što su, što se povećava broj osoba koji su u stanju socijalne potrebe.

Podržavam Grant za Merhamet Tuzlu, ali mi je opet žao što se povećava broj osoba koji trebaju njihovu podršku i ja mislim da na prošlom Izvještaju o budžetu kada smo raspravljali o kulturnim manifestacijama podršku izvođenja sportskih manifestacija ljepo je ovo kad mi imamo dovoljan broj aplikacija i još veći broj aplikacija vezano za promociju kulture i ovdje se traže sredstva od 34.000 konvertibilnih maraka što podržavam jer su formalno pravno ispunjeni svi uslovi i vjerovatno su dobri projekti i zato se traže, a naročito, mi prije deset godina-petnaest nismo mogli puno da vidimo da građani Tuzle voze biciklo, da šetaju, međutim, ta svijest o promociji zdravih stilova života je zaživila kod građana Tuzle i evo na kraju krajeva vidimo kroz ove sportske manifestacije da se svaki put sve veći broj sredstava izdvaja što mi je u potpunosti drago. Dakle, malo sam prema ovom prijedlogu rebalansa Budžeta bio i kritički. U svakom slučaju ja ću njega podržati, ali evo za ubuduće, naravno da uvijek ima prostora da se priča o nekim stvarima koje se mogu korigovati. Hvala.

**ANA PEJIĆ - zamjenik predsjedavajućeg Gradskog vijeća Tuzla,
- vijećnik Socijaldemokratske partije**

Zahvaljujem se vijećniku Mehmedinoviću. Replika. Selma Čatibušić.

SELMA ČATIBUŠIĆ

Samo sam htjela odgovoriti kolegi da sam ja dobila informaciju da je 8 mjesnih zajednica dostavilo izvještaj tako da i ja bih voljela Službu da ukoliko ovaj navod nije tačan da me, da se izjasni o tome i et tako da 8 mjesnih zajednica.

**ANA PEJIĆ - zamjenik predsjedavajućeg Gradskog vijeća Tuzla,
- vijećnik Socijaldemokratske partije**

Zahvaljujem se. Obzirom da se niko više nije javio ispred klubova zaključujem raspravu klubova i dajem pauzu od 15 minuta. (Pauza.)

NATAŠA PERIĆ

Pozivam vijećnike da uđu u salu nastavljamo sa radom.

Otvaram raspravu klubova vijećnika.

Prva za riječ se javila vijećnica Merima Softić Sprečić. Neka se pripremi vijećnica Ana Pejić.

Diskusiju vijećnika pardon. Izvinjavam se. Hvala Omere.

MERIMA SOFTIĆ SPREČIĆ – vijećnik Socijaldemokratske partije

Pozdravljam sve prisutne evo obzirom da se prvi put javljam od početka sjednice drago mi je što danas u okiru ove tačke, a tiče se rasprave vezanao za budžetske stavke neću više tražiti zaključke i urgenciju prema komunalnoj službi a vezano za izdvajanje novca za veliki projekat koji se čekao zaista jako dugo evo radi određenih procedura i objektivnih razloga vezano za realizaciju svih evo nekih mojih ranijih inicijativa i prijedloga a tiče se sanacije vodovodne i kanalizacione mreže u Mjesnoj zajednici „Slavinovići“ koja će na kraju realizirati u konačnici asfaltiranju velikog dijela saobraćajnice kroz centralni dio naselja. Možda sam evo često i bila naporna prema samom direktoru i menadžmentu preduzeća Vodovod i kanalizacija u svojim diskusijama ili prema šefici službe, ali vrijedilo je i evo hvala im u ime svih građana Mjesne zajednice „Slavinovići“ na realizaciji, odnosno početka realizacije ovakvog jednog projekta.

Naime, pohvaljujem povećanje koda za horizalnu i vertikalnu signalizaciju vizuelne komunikacije u iznosu sa 100.000 na 150.000 jer je mnogo naših inicijativa koja se vežu za ovaj kod i važna nam je njihova realizacija pogotovo nakon evo velikih radova koji se izvode na putnim komunikacijama.

Takođe želim se osvrnuti na formiranje novog ekonomskog koda za tekuće održavanje trotoara, pješačkih staza, arhitektonskih barijera u iznosu od 360.000 konvertibilnih maraka. Naime, jedna od inicijativa takođe u prethodnom sazivu gdje sam vodila diskusije bila upravo vezana za ukidanje svih arhitektonskih barijera na pješačkim stazama, odnosno prelazima i trotoarima prilikom novih projekata vezanih za izgradnju nove ili sanaciju postojeće putne infrastrukture i ovaj kod me zaista raduje. Pohvaljujem službu što je našla načina da ovaj kod bude zaseban.

Takođe drago mi je što sam na poziciji vezane za sport i sportske manifestacije, kulturne manifestacije vidjela povećanje svih stavki. Važno za sport i za kulturu u ovom gradu tako da evo pohvaljujem službu i one koji su dali ovakav prijedlog budžetskih stavki vezano za sportske i kulturne manifestacije.

Ne bih trošila više previše vrijeme, evo prethodnici su rekli zaista mnogo. Kao vijećnica Kluba SDP-a glasat ću za sve izvještaje i odluke, ali imam samo jedno pitanje naravno na kraju ako budu odgovarali vezano za jedan odgovor za izgradnju dječijeg igrališta koji je prilagođen Javnoj ustanovi obdanište „Naše dijete“ vrtić Zeko. Naime, obzirom da postoji igralište u blizini koje se može samo obnoviti urbanim mobilijarom da li se za to mogu odvojiti sredstva obzirom da nije trenutno moguća izgradnja novog u blizini samog, same odgojne grupe „Zeko“ radi evo imovinsko-pravnih odnosa i određenih procedura? Ako da volila bih da bude zaključak da se obnovi već postojeće igralište kod male pijace možda malo zaboravljeno koje bi se ogradilo, a koje se nalazi u samoj blizini odgojne grupe vrtić „Zeko“ i čiji bi mobilijar koji bi se postavio odgovarao djeci koji se nalaze u samom vrtiću. (NATAŠA PERIĆ – Jel to sve?) To je sve. Toliko.

NATAŠA PERIĆ

Dobro. Hvala Merima. Sljedeća za riječ se javila vijećnica Ana Pejić. Neka se pripremi vijećnica Lejla Osmančević.

ANA PEJIĆ

Zahvaljujem se. Evo ja ću vrlo kratko. Osvrnut ću se samo na dvije stvari. Prvo bih se zahvalila za izdvojena sredstva za Javnu ustanovu „Naše dijete“ u iznosu od 200.000 konvertibilnih maraka obzirom da sam na prošloj sjednici Gradskog vijeća Tuzla predložila

zaključak ispred Kluba SDP-a BiH gdje je jednoglasno usvojena a tiče se upravo povećanja sredstava javnoj ustanovi (NATAŠA PERIĆ – Molim vas tišina malo.) Javnoj ustanovi „Naše dijete“ Tuzla obzirom na trenutna poskupljenja namirnica i hrane, a ovdje se ipak radi o našim najmlađim i ujedno najosjetljivijim sugrađanima.

I svakako bih pohvalila izdvajanje sredstava za Javnoj ustanovi Centar za kulturu vezano za ovu 18. Internacionalni festival portreta.

NATAŠA PERIĆ

U redu. Hvala Ana. Vijećnica Lejla Osmančević. Neka se pripremi vijećnik Omer Berbić.

LEJLA OSMANČEVIĆ – samostalni vijećnik

Zahvaljujem predsjedavajuća. Pozdravljam sve prisutne s obzirom da se prvi put javljam za riječ. Već smo nekako pri kraju diskusije a umorili smo se pa ću se ja truditi da budem što kraća.

Poznato nam je da je Grad Tuzla (NATAŠA PERIĆ – 5 minuta.) naravno uz podršku Gradskog vijeća i Gradskih vijećnika u ranijem periodu značajno pomogao u zbrinjavanju i rješavanju radno-pravnog statusa bivših uposlenika Javnog preduzeća „Direkcije za izgradnju“ Tuzla. Naročito kad je u pitanju uposlenici koji su ispunili uslove za penzionisanje, a poslodavac „Direkcija za izgradnju“ Tuzla te iste nije uplaćivao, nije im uplaćivao doprinose za penzijsko i zdravstveno osiguranje, niti obaveze na ime poreza i doprinosa na plaće. Naglašavam da su ovo u stvari mjere socijalne pomoći Grada Tuzla jer Grad Tuzla nema zakonsku obavezu da to, da to i čini. Prošli mjesec jedan bivši uposlenik (NATAŠA PERIĆ – Malo tišine molim vas.) Javnog preduzeća „Direkcija za izgradnju“ Tuzla Hamdija Terzić je stekao uslove za penzionisanje, ali mu „Direkcija za izgradnju“ takođe nije uplatila poreze i doprinose za period od 01. 04. dvanaeste do 31. 07. 2014. On se obratio „Direkciji za izgradnju“ a „Direkcija za izgradnju“ Grada Tuzla zahtjevom za uplatu poreza i doprinosa koji prema dostavljenom obračunu za navedeni period iznosi 14.244,12 KM.

Ja iz navedenih razloga predlažem da Gradsko vijeće usvoji zaključak kojim će se od gradonačelnika zatražiti da se iz tekuće rezerve izvrši uplata navedenog iznosa na ime neuplaćenih doprinosa za Hamdiju Terzića za navedeni period.

I ono na kraju što mi je ipak jako važno i sa moralnog aspekta jeste da predlažem još jedan zaključak da resorne službe za jednu od narednih sjednica Gradskog vijeća pripremi informaciju o načinu rješavanja pitanja uplate neuplaćenih doprinosa preostalih uposlenika ako ih ima Javno preduzeće „Direkcija za izgradnju“ a koji su stekli ili će uskoro steći uslove za penzionisanje. Hvala.

NATAŠA PERIĆ

U redu. Hvala Lejla. Vijećnik Omer Berbić. Neka se pripremi vijećnik Damir Muratović.

OMER BERBIĆ

Hvala ljepo. Izvještaj o izvršenju budžeta mene podsjeća na onu pjesmu jel moguće da nekome sabotiraj cijeli život, cijeli život protiv mene lobira. Zašto ovo govorim? Zato što je očigledno preuzimanje odgovornosti u gradu Tuzla postala misaona imenica. 14,2 miliona maraka suficita. Neko bi trebao da odgovara za ovu grešku. Zašto kažem da je greška? Zato što

je radi inflacije milion i po maraka realne vrijednosti novca izgubljeno. Milion i po maraka. To je novac koji se mogao utrošiti na mnogobrojne projekte, pa i projekte koje je gradonačelnik i ovo Gradsko vijeće najavljivalo kroz sve te godine, pa da prođemo kroz ove projekte.

Ovo je projekat vidite nadkrivenih Panonskih jezera. Nikad nije realiziran naravno a ima milion i po. Ovo je projekat Gradske tržnice koja je pokrivena naj, najmodernije. Vidite tu je i kupola trenutno je pokrivena ne znam nekim onim natpisima reklamnim ni blizu ovoga. Ovo su hajde viseći tranvaj. Ovo je iznad Panonskog kampus. Ovo je da će Ilinčica postati velika turistička atrakcija. Idemo dalje. Prije par mjeseci gradonačelnik je najavio da Tuzla dobija „suhu luku“. Evo sve su to dokazi. Idemo dalje. Ovo je Crystalico vidimo ga samo na slikama. Evo ga ovdje, a tamo još uvijek na onim prutkama od paradajza stoji natpis da će bit. Ovo je most kod Šaćira. Ovako mislim, mislim da je prošli puta čak neko propao kroz onaj most koji je sada tu. Ne znam da li je, možda, možda malo liči na ovaj onaj drveni i ovo je eskalator koji je najavljen. Znači, ja sam ovdje naveo nekih devet projekata koji su najavljeni od strane gradske vlasti koja se nikada nisu proveli, vjerovatno se nikada neće ni provesti a koji su se mogli provesti za ovaj milion i po maraka realnog novca koji je Grad Tuzla izgubio.

Kada vidimo koliko se izvršilo budžeta za prošlu godinu vidimo da je čak 25% ne utrošenih sredstava. Znači kada javna firma, barem sam ja tako dobio informaciju, ovdje ima pravnik pa neka me demantuju. Kada javna firma posluje u plusu, odnosno kada dobro posluje onda se isplaćuje regres, a vjerovatno se u Gradu Tuzla isplatio regres. E sad ako se 25% sredstava nije utrošilo to najvjerovatnije znači da su službe spore, da službe ne rade svoj posao kako treba. Mene zanima da li je službama isplaćen regres? Vrlo jedno jednostavno pitanje.

Dalje. Imamo ovdje spisak ulica koje će biti asfaltirane.

Zanima me da li su ovo ulice koje su uplatile 10 ili 20% novca ili su birane nekim drugim principom?

Idemo dalje. Javna rasvjeta. Bio je još jedan projekat najavljen, zaboravio sam ga od strane gradonačelnika a to je da će cijela Tuzla biti u led javnoj rasvjeti. Mislim da to trenutno nije i da se puno novca troši na ovaj projekat.

Ajmo na ono što nas najviše boli. U Izvještaju o izvršenju budžeta smo vidjeli da je čak 259 kotlova za pelet prošle godine subvencionirana. Trenutna cijena peleta je 550 maraka. U više navrata se na ovom Vijeću potezalo pitanje da li ćemo dobiti tvornicu peleta? Da li se može napraviti robna rezerva peleta u proljeće? Ljudi ako ovo, ako se ne pobrinemo za ovo a koliko ja vidim u ovom novom budžetu se ne brinemo za ovo, imat ćemo problem da će svi ljudi koji smo napravili da odu na pelet vratit će se na čvrsta goriva ili još gore na neke gume, na neki otpad itd. Imat ćemo ekološku katastrofu u gradu Tuzla. Ali to nikog ovdje ne zanima, odnosno najvjerovatnije ne zanima one koji vode grad iako smo mi to više puta ovdje kao njihov svojevrsan poslodavac spominjali i oni iz opozicije i oni iz vlasti.

Ja znam šta bi ovdje radio npr. puno bi tu bilo više dječijih igrališta i sadržaja za mlade i za to imam neka hajde da kažem 34 amandmana koja najvjerovatnije neće proći, jer nikada to ne prođe nešto što je tuđa ideja, ali bez obzira na to ja ću sada 3 zaključka pročitati pošto imam još 40 sekundi da završim svoju diskusiju. (NATAŠA PERIĆ – Nemate 40 imate još 10 sekundi.) Evo imam ovdje 40 sekundi počeo sam. (NATAŠA PERIĆ – 10 sekundi kod mene.) Kod vas malo brza. (NATAŠA PERIĆ – Ne, ne interesuje me ja...) Jel? Prvi zaključak. Evo sad ćete mi dati još 15 sekundi s obzirom da ste mi zauzeli. (NATAŠA PERIĆ – Još 5 sekundi.)

Prvi zaključak: Gradsko vijeće zahtjeva nezavisnu reviziju da utvrdi kako je došlo do suficita od 14 miliona samim time i gubitka u realnoj vrijednosti više od 1,5 miliona.

Drugi zaključak: Gradsko vijeće poziva službe da efikasnije rade svoj posao i treći zaključak: Gradsko vijeće traži od gradonačelnika da jednom sedmično prima građane kako bi znao koje su realne potrebe građana. Toliko od mene. Hvala ljepo.

NATAŠA PERIĆ

Hvala. Sljedeći za riječ...Molim ? Samo malo. Gradonačelnik se javio za riječ. Može ali poslje gradonačelnika. Diskusija vijećnika traje 5 minuta. (DAMIR MURATOVIĆ – Jel ovo sad amandmani ili diskusije il sve u 5 minuta?) Sve je u 5 minuta. Damire? Ne, ne OK ti si sljedeći.

JASMIN IMAMOVIĆ - gradonačelnik Grada Tuzle

Dakle, Crystalico milion puta sam ponovio mi smo tu da stvorimo uvjete za investicije, da damo građevinsku dozvolu, da prilagodimo urbanističku regulativu. Kada će investicija biti realizirana zavisi od investitora. Grad nije investitor pa da mi tu nešto kasnimo. Inače investitor Crystalica je podnio zahtjev za građevinsku dozvolu da se sruše objekti stare Livnice i oni rade po svojoj dinamici. Radi se o investiciji od milijardu i po. To se ne radi, nije to investicija otić u dućan i kupit odjelo. Pogledajte koliko traje investicija obične stambene zgrade od dva miliona maraka kroz, pa regulativa, pa odobrenje za građenje, pa gradnja pa do upotrebne dozvole. Dakle, niko nije obećao izgraditi Crystalico, ko će obećati milijardu i po koliki je budžet naš, ali smo obećali da ćemo stvoriti uvje-te i ovdje je bila prezentacija regulacionog plana na Vijeću i uvijeti su stvoreni i doneseno je odobrenje za građenje koje nikad nisam vidio, urbanističku saglasnost, urbanističku saglasnost nikada nisam vidio sa toliko stranica. Mogla bi biti mala knjiga i ja mislim da neko od Omarovih saradnika hoće i da magistrira na tome.

Viseći tranvaj je stavljen u dugoročnu viziju razvoja Tuzle. Nije to nikakvo obećanje da se napravi. To se traži koncesionar. Hoće li to biti Kina, Azerbejdžan, ko će biti da to gradi i to je jasno navedeno nije tu Grad inve-sti-tor.

Ilinčica se radi. Obezbjedili smo sredstva i ona treba da bude atrakcija. To je jug Tuzle, a sjever Tuzle je zoning plan koji je bio na vašim stolovima, odluka o pristupanju izradi itd. i ni-je to ponovo ponavljam kad mi uradimo regulacioni plan i zoning plan pa nismo mi obećali da će Grad biti investitor, nego da privučemo investitore stranog ili domaćeg privatnog kapitala da po zakonom propisanim uslovima tamo tek tada poslje toga kad vi stvorite uslove ovdje svojim glasanje može da gra-di. Hoće li se javiti investitor ili neće. Javljaaju se mnogi ali hoće li se službeno, formalno javiti kada to bude vrijeme to ćemo vidjeti, to ne zavisi od nas nego od investitora. Do nas je da stvorimo uvje-te.

„Suha luka“ je najava carinske uprave, carinske uprave. Nije to posao Gradske uprave i to nije nikakvo obećanje, nego obavijest carinske uprave da se na to spremaju da ovo bude važno čvorište roba pa da se carine ovdje, a ne da se carine u luci u Rijeci ili Pločama.

Pijaca je nadkrivena. Nadkriveni. Nismo imali ni jednog nadkrivenog bazena osim u Hotelu Tuzla. Planirano je bilo da se napravi nadkriveni bazen ali onda se pojavilo iznenada investicija Mellaina koja ima, koja ima tri bazena i prestala je potreba da se sad pravi neki bazen koji neće moći konkurisati zatvorenim bazenima u onom ekskluzivno skupocjenom hotelu Mellain.

Pijaca je nadkrivena. Led rasvjeta. Dolaze stalno ljudi i nude. Ja ne znam ima tu vjerovatno ozbiljnih ljudi, a možda ima i mangupa da mi koliko mi plaćamo struju da oni odjednom zamjene za led rasvjetu pa da ne plaćamo elektrodistribuciji to nego njima godinama.

Moj tim i ja smo zaključili da je bolje da radimo korak po korak. Da naše preduzeće SiK i komunalna služba svaki put kada peregori sijaca, tek kad peregori stara sijalica se mijenja za novu i da na taj način smanjujemo trošak za strujuju i to je čitav strateški plan. Ko može kao čarobnjak odjedno sve sijalice pretvoriti u štedljive sijalice i to u momentu kada poskupi struja pa se neko sjeti da to niste uradili. Radimo korak po korak s razmjerno raspoloživim sredstvima.

Dakle, regres. Regres je zakonska obaveza. Nije isplaćen regres, još uvijek nije isplaćen, ali je regres zaakonska obaveza. Postoje gradovi i on je negdje oko 450 maraka za sve. Dakle, za sve koji primaju platu iz budžeta u gradskoj administraciji. Bilo je Gradova koji su odlučili da ne isplate regres i onda su tuženi i onda su neki nekoliko mjeseci bili u minusu u bankrotu. I to bilo kršenje zakona. Kada u zakonu se izbriše regres onda to neće biti obaveza ovog budžeta. Bilo je priča da su regres, ne znam 2000 maraka itd. dakle, on je ima prosjek. Dakle, prošle godine je bilo negdje oko 450 maraka za svakog uposlenika je li tako Suada? (Jeste.)

Tvornica peleta nema Grad pravo da pravi fabrike. To je nemoguće. Ne postoji Grad na svijetu koji pravi fabrike. Pa ne možemo mi napraviti tvornicu peleta. Nemamo to pravo, mogućnost. Nije to nikad niko obećao niti je mogao obećati. Fabriku peleta na tržištu neka napravi onaj ko sma-tra da za to ima ekonomski interes i da bi na tome mogao da zaradi novac. A mi smo tu kada to zatraži da mu našom urbanističkom regulativom i procedurom izdavanja odobrenja itd. to smatramo to prioritetom i da kažemo da je taj predmet prioritetan u odnosu na druge jer ljudima treba pelet. I ne treba ono što dobro prvaci smo Balkana po tim podticajima. Ne daje niko te podtica-je. Sad su nas prepisali u kantonu Sarajevo, tek ove godine. Mi smo prvi to počeli. Bezbroj puta su vijećnici morali prvi, pionirski posao da otklanjamo prepreke da dođemo do prave regulative. Krenemo pa ne uspijemo. Pa onda promijenimo kriterije i napokon je krenulo. I rekorderi smo u broju onih koji su na daljinskom grijanju i onih koji lože prihvatljivo ili pelet ili toplotne pupme ili šta ja znam. Rekorderi u Bosni i Hercegovini i smatra nas USAID pionirima i najboljim u tom poslu. Smatra nas UNDP najboljim u tom poslu. Neki dan smo imali panel gdje nisam samo ja bio panelista oko upravljanja imovinom nego i kolegica Jasmina Hasanefendić Šimleša kao šefica imovinske službe o upravljanju zemljištem kao resursom kao primjer Švedska ambasada i USAID.

Dakle, građa-ne pri-ma-mo. Postoji sistem prijema građana. Primaju sve službe građane. Primam ja građane i predstavnike građana permanentno, permanentno. Nema termina da ljudi dođu i kažu da ja kao neki feudalac ispunjavam tu neke želje. Ne mogu primiti građane koji su u dvostranačkom postupku. Nemam pravo ja da se petljam u neki predmet gdje su stranke sa suprotnim interesom. To ima pravo samo referent ili njegov šef u npr. imovinskoj ili nekoj drugoj službi. Ja to nemam pravo. Da mi dođe jedna stranka, pa onda mi, onda moram zvati drugu stranku da čujem obje strane onda sam ja otvorio raspravu. To se zove krivično djelo prekoračenje ovlaštenja. Dakle, građani se ne prima-ju ako, kad saznamo šta jer mu je nadležan sud, jer mu je nadležan kanton. Obavijesti ga se, uputi ga se kako nalaže Zakon o upravnom postupku da ga se upu-ti da se obrati nadležnom. Ne primam građane koji kažu zaposli dijete. To je zabranjeno. To je korupcija. To ne-ma. To je mož-da nekad bilo ali to je bilo pogrešno. Dakle, građani se primaju za stvari iz naše nadležnosti, ako ga je prije primila služba i onda ću ga ja primiti. I nema tog ter-mina, primamo veliki, veliki broj građana i nije fer kada sam rekao koliko administracija koju ja vodim primi građana dnevno što se spinovalo da sam ja rekao da ja primim toliko ljudi dnevno i toliko godišnje. Ne može se u politici uspjeti spinovanjem. Ne može. Ljudi znaju. Mala djeca znaju kad gledaju film ko vara ko ne vara. Ko je pozitivan ko je negativan. Ne može. Birači prepoznaju dobre ljude i ovdje su prepoznali mnoge dobre ljude nekog na onoj listi nekog na onoj ali isto tako prepoznaju i nekog ko hoće da izmanipuliše.

Ne može se predložiti, predložiti gospodine Berbiću sve amandmani iz tekuće rezerve i kad se sabere milion i sto, a tekuća rezerva postojeća piše 70.000 pa kako ćemo naći u 70.000 milion i sto? Kako to možemo ikako prihvatiti er je to nemoguće i bilo bi nezakonito i neizvršivo? Što to smeta tekuća rezerva? Jel što je naša najmanja u BiH? Što imam pravo na milion i po tekuće rezerve a hoćemo da bude maksimalno 150.000 ne znam na kraju koliko je. Ona nam je potrebna. Neki dan smo imali požar. Morali smo brzo intervenisati na deponiji.

Morali smo ga zatrpiti zatrpiti velikom količinom zemlje. Sad tu zemlju valja platiti. Nismo mogli mi to u decembru prošle godine planirati da će biti požar u deponiji i da će nam to trebati. Dakle, ja molim na komunikaciju, na kontakt itd. i bez ovoga da se...Jeste obećao sam da ćemo ukinuti redukciju vode i mi smo ga ukinuli i mnoge stvari koje su riješene da neće nikad je nestati i nije je nestalo od 2006. a nikada više udaraca nisam dobio nego na tom projektu. I sada trpim posljedice od tih udaraca i pokušaja da se Tuzla spriječi a da se nekoga drugog tamo privileguje. Nikada, nikada opasni-jih pritisaka itd. Dakle, ja sam morao replicirati eto. (NATAŠA PERIĆ – U redu.) I evo odgovorio sam im i na pitanja neka.

NATAŠA PERIĆ

U redu hvala. Samo malo. Vijećnik Hasib Hirkić je imao prvo repliku. (vijećnik Omer Berbić govori bez uključenog mikrofona op.a.) Hajde. Jedna je ispravka krivog navoda nema više. Recite. (OMER BERBIĆ - Pa ne mogu ja ako, ako je pet stvari iznjeo za koje...)

NATAŠA PERIĆ

Jedna je ispravka krivog navoda sročite brzo u tri minute imate pravo. Izvolite nemojte govoriti više. (Dobro.) Tri minute. Izvolite.

OMER BERBIĆ

Prije svega ako govorimo o pijaci pijaca nije nadkrivena onako kako je po projektu urađeno. Evo, evo gradonačelnice ovo je današnja pijaca a projekat sam pokazao prošli puta kako izgleda. Nije ni blizu onako kako treba da izgleda. Znači, pijaca nije nadkrivena po projektu.

Idemo dalje. Govorili ste gradonačelnice o tome kako se nekada radilo krivično djelo primanja nečije djece i nečijih roditelja. Ako sam vas ja dobro shvatio to nije u vašem mandatu. Ne bi sami sebe okrivili. Da li ste Vi upravo indirektno rekli da je gospodin Selim Bešlagić bivši gradonačelnik kriminalac? Zanima me samo da evo tu tu ispravku krivog navoda.

NATAŠA PERIĆ

Gradonačelnik je rekao da je možda i nije nikog imenovao.

OMER BERBIĆ

Ne gradonačelnik je rekao i sada ću vam citirati. (NATAŠA PERIĆ - Ima zapisnik.) Ima zapisnik. (NATAŠA PERIĆ - I bit će stenogram vidićete.) Ja ću, ja ću, ja ću vam citirati sada. Nekada se (NATAŠA PERIĆ - Možda.) dolazilo i dajte zaposlite mi dijete. To je krivično djelo primanja građana (NATAŠA PERIĆ – Nije, nije.) mi to ne radimo to se nekada tako radilo. (NATAŠA PERIĆ – Gradonačelnik nije nikoga imenovao tako da ne možete to tako govoriti.) Ovo, ovo je čista (nerazgovjetno izgovorena riječ op.a.) i želim (NATAŠA PERIĆ – upozoravam vas.) Nemate vi mene šta upozoriti. (NATAŠA PERIĆ – Imam vas upozoriti. Morate paziti kako...) Molim vas pustite gradonačelnika da se sam, da se sam brani.(NATAŠA PERIĆ – Branit će se gradonačelnik.) Gospodin je pravnik. (NATAŠA PERIĆ – Ja vas upozoravam da ne koristite neke riječi neprimjerene za mikrofonom.) Molim vas neka mi on objasni. Nemojte biti njegov advokat. Nemojte biti njegov advokat. (NATAŠA PERIĆ – Nisam njegov advokat. Vodim sjednicu.) Šta sam ja...(NATAŠA PERIĆ - Samo malo.) Šta sam ja neprimjereno evo rekao molim vas? (NATAŠA PERIĆ – Sad ste iznjeli optužbe. Nemate pravo

da iznosite optužbe bez...) Nisam ja iznudio optužbe. (NATAŠA PERIĆ – Jesi.) Želim objašnjenje. (NATAŠA PERIĆ – Niste tražili objašnjenje.) Jesam tražio objašnjenje. (NATAŠA PERIĆ – Niste. Imate još dvije minute.)

Gradonačelnik je rekao da je neko spinovao da on prima 1000 ljudi dnevno. Ja to nisam spinovao to je bio naslov na Radiosarajevo.ba ili Radiosarajevo.com. Ukoliko je neko spinovao onda su to novinari spinovali. Samo da ne bi bilo zabune ovdje u nekim stvarima koje smo, koje smo naveli a ja ću se javiti na repliku za ostale stvari koje su ovdje navedene. Hvala ljepo.

NATAŠA PERIĆ

U redu hvala. Replika gradonačelnice? Ispravka.

JASMIN IMAMOVIĆ – gradonačelnik Grada Tuzle

Dakle, ja sam rekao da je neko spinovao a nisam imenovao ko je spinovao. Pretpostavljam da znate da ja znam da vi niste urednik portala Radio Sarajevo je li? Dalje, Selima Bešlić. Selim Bešlić je istorijska ličnost samo ima, zašto nema ulicu? Pa nema, ne može po zakonu imati ulicu neko ko je i „Bogu Hvala“ da je živ i dabogda živio 120 godina i ja to bolje znam kakav je Selim Bešlić čovjek jer sam mu bio prvi saradnik nego bilo ko jer sama imao privi-legiju da budem njegov prvi saradnik.

Običaj je bio kod mase gradonačelnika ušla moda da prima stranke ko god dođe s nekim problemom. Bio ti nadležan bio nenadležan ti si u problemu. Bože saču-vaj da bi mislio na Selima. Bože saču-vaj. Ali postoji klopka da se uđe u krivično djelo i kad pokušaš nekome pomoći na takav način prekoračenja ovlaštenja. Uopšte nisam pomislio da je to prekoračenje ovlaštenja ikada Bešlić uradio. Ja kao njemu podčinjeni kada sam mu rekao da nešto nije po zakonu on je odustajao bez obzira na to što mi je šef i to sam takav i ja prema moji saradnicima. Dakle, radi se o velikom čovjeku i ja vam želim sve najbolje ali teš-ko ćete dostići te zvijezde koje je dostigao Selim Bešlić.

NATAŠA PERIĆ

Sljedeći za riječ se javio. (vijećnik Zijah Rifatbegović govori bez uključenog mikrofona op.a.) Samo malo. Ispravka krivog navoda. Samo malo tišina molim vas. Uključite mikrofona molim vas.

ZIJAH RIFATBEGOVIĆ – vijećnik Stranke demokratske akcije

Nije mi jasno iz ovog izlaganja da li je primanje bez konkursa krivično djelo? Znači, mi smo toliko, sve nam je idealno „Hvala Bogu“ u Gradskoj upravi i u Gradu Tuzla sve je van serijski i neka je, dobro je, pa makar to bila i šarena laža, ali kada govorimo o primanjima i govorimo o zapošljavanju. Primanje bez konkursa je krivično djelo. Pa naravno da jeste, a o čemu Vi gospodine gradonačelnice upravo sad elaborirate? (NATAŠA PERIĆ – Ovo nije ispravka krivog navoda vijećniče Rifatbegoviću.) Pa evo ja sam. Vidite.(NATAŠA PERIĆ – Osvrnite se...) Vidite Nataša ja nemam...pazite ovo je ispod moje razine i ja ne mislim ulaziti u raspravu al ne trebate vi bit piar njegov. (NATAŠA PERIĆ – Pa nije...Nisam piar. Rekli ste ispravka krivog navoda.) Ja govorim ispravka krivog navoda jeste. (NATAŠA PERIĆ – U kom dijelu?) Da je gradonačelnik rekao da je primanje građana po ovom kako sam ga ja razumio. Možda sam ga krivo razumio. Evo ja, ja ostajem otvoren da je primanje građana i kad neko dođe da razgovara o poslu da li mu se dijete može zaposliti ili ne može zaposliti da je krivično

djelo. Ma nije krivično djelo. Krivično djelo je primanje u javna preduzeća gdje je, gdje je Gradsko vijeće osnivač. Primanje bez konkursa to je krivično djelo. E to je to.

NATAŠA PERIĆ

Gradonačelnik. Izvolite.

JASMIN IMAMOVIĆ – gradonačelnik Grada Tuzle

Evo ja se izvinjavam. Ja uopšte mislim da nisam spomenuo da je primanje bez konkursa uopšte to. Rekao sam koja je opasnost kad se prima u dvostranačkom postupku npr. imovinsko pravnom. Prima se jedna stranka a dvostranački. Samo jedna može da pobijedi, jedna da pobijedi druga da izgubi. Otkud mi pravo da primim jednu stranku da mi iznese tu stranu priče? Onda sam rekao moram onda primiti drugu a ako primim drugu stranku i čujem drugu stranu priče ja sam otvorio raspravu a to nisu ovlaštenja gradonačelnika to su resorne službe ovlaštenja i njenih šefova i referenata i tada bi došao u klopku da počinim krivično djelo prekoračenja ovlaštenja da radim ono što ne smijem. (NATAŠA PERIĆ – Dobro.) To je bilo obrazloženje i da ne primam radi zaposlenja jer znate zašto? Ja sam odgovoran za zaposlenja u državnu administraciju i tu su pravila, ali nekad ćemo imati i tu raspravu dakle i kad je neko prvi po bodovima i kad je primljen i kad se niko nije žalio čeka se po 4 mjeseca a dakle, godinama imamo praksu a bodovi se biraju, pitanja se biraju ko na lotu. Radi Federalna agencija putem kantonalne godinama imamo praksu. I u vrijeme kada sam kao gradonačelnik imao pravo do dvadesetog mjesta sići među uspješnim nikada dakle, samo prvoplasiranog i onda nemam razloga da primam nekoga, ne smijem da razgovaram s nekim kad kaže da traži posao. Ja kažem bit će konkurs nek se javi, nek osvoji najviše bodova i to je automatizam. Dakle, nisam to spominjao. Razumijem ovo što je rekao doktor, ali ja nemam sada ovdje da presnimim šta sam rekao pa da mogu da odgovorim, da odgovorim na svaku. (NATAŠA PERIĆ – U redu hvala.) Dakle, hoću samo da kažem. Napravili smo sistem prijema građana. Mi smo recimo naslijedili. Devedesete godine bila je šalter sala. Mora da je svako od vas nekad vadio tamo rodni list, nešto kod Aljine kafane. Red se hvatao preko parkinga a sadašnjeg trga Slobode. Ušli smo u projekat sa USAID-om i Švedskom Sidom i napravili smo tu savremenu šalter salu. Napravili smo sistem prijema stranaka. Dakle, preko hiljadu ljudi administracija primi i stranaka. Zašto stranka dolazi? Pa da riješi problem. Pa ne može ga samnom riješiti nego će ga riješiti u resornoj službi. Resorna služba mora da ga primi. Ne mora da on dođe kod mene pa da ja kažem primi ga. Dakle, nema razloga za prijem stranaka da ja sad ne mogu da radim na realizaciji ni jednog zaključka ovoga Vijeća, da ne mogu da radim ni na jednom poslu za kojeg sam izabran razgovarajući s ljudima. Razgovaram samo kada sam za to nadležan i kada je bio prije u resornoj službi i sve ovo da ne ponavljam što sam rekao prije.

Ja se vama izvinjavam zbog ovih izlazaka al nekada moram odgovoriti na neka ovakva pitanja. Moram odgovoriti. U ostalom nekada da pojasnim, a nekada da odgovorim jer će ljudi, ode u eter misliti da je to zaista tako. Moj poslodavac i to da znaš gospodine Berbiću su građani. Dakle, na direktnim izborima su me oni izabrali i to je moj poslodavac i hvala.

NATAŠA PERIĆ

U redu hvala. Vijećnik Hasib Hirkić. Replika.

HASIB HIRKIĆ

Pola sam i zaboravio. Mi ovdje, većina nas u stvari promašila je profesiju mi ovdje izgleda nismo Gradski vijećnici nego smo novinari. Kad vidim ove izvještaje i tolki broj amandmana osjećam se kao da je izvještaj iz Mariupolja dolazi a ne iz Tuzle iz ovako malog mjesta.

Zašto ovo govorim? Mislim da ovdje u suštini ima pravo svako da ima viziju. Ovo sve što je gradonačelnik pričao o Crystalico o mostovima to, to, to je vizija neka u kojoj se on pronalazi. Ali i mi imamo viziju ovo što mi kažemo treba ovdje nešto oduzeti, ovdje postaviti, dodati i to, to su vizije ali se ne završava tu naš posao. Mi trebamo kao Gradski vijećnici, imamo veliku obavezu ne samo da pišemo i da pročitamo i da tu se završava naš posao. Ne. Koliko je vijećnika završilo u Službi za komunalne poslove ili u bilo kojoj službi? Da je natjerao šeficu Službe za komunalne poslove ili bilo kojeg šefa službe da nešto uradi po pitanju onoga što je predložio. Ja mislim da nije niko. I ne možemo tražiti krivca u nekome drugom. Mi smo ovdje vijećnici trebamo znači, dati prostora svima da imaju svoju viziju ali i ovu našu viziju koju mi vidimo trebamo je na neki način ispoštovati. Jest da je bilo puno obećanja možda građanima. Evo vidim odma je to ovo nije prošlo, ovo nije prošlo, ovo nije prošlo. Ne može sve ni proc. Ja to razumijem al de da vidimo šta možemo mi uraditi ko Gradski vijećnici. Kolko smo mi doprinjeli Gradu Tuzla i budžetu? Nismo ništa. 300.000 svake, 250-300.000 maraka se uzme na paušale samo za sjednice Gradskog vijeća da ne pričamo o Komisijama. Da li mi toliko vrijedimo? Kolko je ko privrijedio Gradu Tuzla za te pare koje je dobio? De da vidim. Evo volio bih svakog pojedinačno da kaže šta je doprinjeo, a kolko je uzео? Hvala vam.

NATAŠA PERIĆ

Replika. Kome? (OMER BERBIĆ – Gradonačelniku.) Izvoli.

OMER BERBIĆ

Hvala ljepo. Crystalico vizija sedam i po hiljada stanova za milijardu i po investicije. Sedam i po hiljada auta zamislite, a nek je po dva auta po stanu da mora izaći iz onog, to je prosto nemoguće. Mislim da sa ovakvim ciframa ne bih se smjelo ići u eter što kaže gospodin gradonačelnik javno, jer ovakve cifre sedam i po hiljada to je petnaest hiljada auta svako jutro od 8 do 9 da ode na poso kojeg naravno u Tuzli nema ili na neki drugi način. To bi bio čep onog dijela grada.

Hajmo dalje. Tvornica peleta. To su ljudi iz većine predlagali ja sam predlagao robnu rezervu i evo tu smo, trebalo bi da se razmisli o robnoj rezervi da se pelet uzme u proljeće kada je 350 maraka da se prodaje u zimu ljudima za 360 maraka, da ljudi ne bi odustajali od ovih subvencija gdje smo šampioni kao što je rekao gospodin gradonačelnik.

Ja još uvijek smatram da je primanje građana osnova gradonačelnika i da gradonačelnik mora da prima građane, jer nismo mi Pariz niti smo mi Njujork. Mi imamo 130 hiljada stanovnika i može se napraviti četiri sata jednom sedmično u ateljeu Ismeta Mujezinovića u bašti da se primaju građani, da se rješavaju stvari jer ovako nam ostane 25% sredstava ne utroše-no. Prošle godine je 25% sredstava neutrošeno a ljudi nemaju kanalizacije pored kuće, nemaju vode, nemaju, nemaju grijanja.

Dalje želim samo još jednu stvar da repliciram. Ovo ne. Sumnjam da ćete dostići zvijezde kao što je Selim Bešlagić ja to ne planiram. To je nemoguće. On je čovjek koji je bio u teškim vremenima gradonačelnik, odnosno načelnik i koji je evo bez obzira na sve sa svojim saradnicima uspio da uradi nešto zašta mislim da je neko drugi bio da se možda ne bi tako kvalitetno odradilo ali ne bi ni vi gospodine gradonačelniče dostigli ni oblake, niti bi riješili

vodu da vam nije bilo Selima Bešliagića. Tako da uz svo dužno poštovanje mislim da je veoma nekorektno da mi izađete tu i da mi kažete da ja neću dostići zvijezde kao što je Selim Bešliagić jer to nije niti moja ambicija. (NATAŠA PERIĆ – Dobro. Hvala vam.) Hvala ljepo.

NATAŠA PERIĆ

Sljedeći za riječ se javio Damir Muratović. Izvolite. Neka se pripremi vijećnik Admir Čavalić. Znači 5 minuta. Izvolite.

DAMIR MURATOVIĆ

Hvala puno. Pa ja imam dva skromna amandmana. Ponovljeni su amandmani budžeta zato što je jedan od njih lično obećao gradonačelnik da će kroz urbani mobilijar riješiti tako da prvi amandman ću jako kratko.

To je da se iz fonda sredstava od naknade za rad ostvaren termoelektrana obezbjedi stotinu hiljada konvertibilnih maraka za igralište dječije u naselju Mihatovići. Znači, ponavljam da je poražavajuća činjenica da djeca nemaju gdje da se igraju i da moraju ići 3 kilometra da se igraju. Ovo aktueliziram iz razloga evo što imamo lijepe vijesti i sa Grbavice i sa još nekoliko najčešće gradskih naselja da se uređuju i postojeća igrališta a trebamo dobiti i neko igralište kvalitetno u nekom od prigradskih naselja.

Drugi amandman. Ovo direktno ako je gradonačelnik još uvijek ovdje, obraćam, molim da poslušaj. Znači, povukao sam ovaj amandman na budžetu odnosi se na sredstva u iznosu od 9.000 KM za finansiranje postavljanja tri jarbola sa zastavama na trgu Slobode.

Sredstva za ovu namjenu osigurati na način da se formira novi ekonomski kod ili da se sredstva povećaju na kodu namjenjenom za urbani mobilijar, te da se predloženi iznos osigura umanjenjem planiranog iznosa na ekonomskom kodu koji Služba za budžet i finansije procijeni prihvatljivim. Ja ovdje predlažem ekonomski kod udruženje za razvoj „Nerda“ tim vas neću zamarati.

Ono što želim reći evo nadovezujem se na ovu Kuću bosanskog jezika. Evo ovo je prilika gradonačelniče da i vi podržite jedan amandman opozicije koji se nadograđuje na vašu inicijativu o izgradnji Bosanske kuće ili eto Kuće bosanskog jezika. Znači, ovo je amandman koji traži da se na trgu Slobode kao i svim trgovima u većim gradovima i Bosne i Hercegovine i inostranstva bilo gdje da odete postoji državna zastava, postoji država grada i treća zastava je grb sa ljiljanima. Kao što znate grb sa ljiljanima je štit kralja Tvrtka iz 14-tog vijeka i ne vidim ni jedan razlog zašto i ta treća zastava ne bi bila postavljena na trgu. U odgovoru onda odgovorili ste mi da se to može riješiti kroz urbani mobilijar što sam sad i naveo da mi je to bila greška u podnošenju amandmana i ja sam to stvarno uvažio.

Ono što meni nije jasno, evo ne mogu nikako. Znamo mi šta je politika, šta je većina, šta su ruke, sve je to meni jasno meni nije jasno da se neko još uvijek u gradu zv. Tuzla koji je prošao što je prošao stidi ljiljana. Znači, ja ne mogu da vjerujem da je onoliko godina prošlo da se na banji zaviori zastava sa ljiljanima. Evo ovdje imamo devet ili deset ljudi vijećnika gradskih koji su bili direktni učesnici rata. Znači, 9.000 konvertibilnih maraka za postavljanje, ne izgradnju tri jarbola. Znači, kao što ste postavili onaj znak volim Tuzlu na inicijativu i prethodnih vijećnika u prethodnom sazivu i nas iz ovog saziva znači, ne vidim ni jedan razlog da evo kroz urbani mobilijar slažem se s vašim prijedlogom i prijedlogom šefice Službe za budžet i finansije, ali isto tako morate shvatiti da u ovome gradu pardon postoje ljudi koji vole podjednako i ljiljane i petokraku zvijezdu. I ja volim petokraku zvijezdu. Dva puta sam bio ne da se hvalim prvak Titovim stazama revolucije i u prvom i u drugom osnovne i to na regionalnom i državom takmičenju. Ne voli zvijezdu niko više od mene petokraku ali isto tako više nas mlađu generaciju. Evo (nerazgovjetno izgovorena riječ op.a.) je bio komandant u ratu.

On voli zvijezdu ali voli više ljiljane hiljadu puta i to mora neko svatiti u ovome gradu da niko ne pruža otpor. Znači, nije to, nije to ratna zastava znači, zna se vi ste to rekli i na kraju krajeva vama kao gradonačelniku hvala i na spomeniku kralju Tvrtku i na svim epitafima na našem trgu Slobode. Ja mislim da bi se ovo upotpunilo u cjelinu znači, ne govorim kao opozicionar govorim kao Gradski vijećnik, kao građanin grada Tuzle da ne vidim niti jedan razlog da na ovom rebalansu ne usvojimo, ne usvojimo ovaj amandman i da se zastave kao u svakom gradu zavijore i u našem gradu. Hvala vam puno.

ANA PEJIĆ

Zahvaljujem se vijećniku Damiru. Evo gradonačelnik ima...

JASMIN IMAMOVIĆ – gradonačelnik Grada Tuzle

Dakle, nekih smo stvari svjedoci. Evo znate li koji su prvi ljiljani odštampani u Tuzli? Ja sam bio za to zadužen od gradonačelnika da se snađem jer je tu bila puna kasarna, vojna policija itd. i ja sam bio zadužen Sjenjak, Sanjim Memišević je imao grafički neki studio gdje je slikarima pravio otiske grafika. To smo Sanjin Memišević i ja odštampani te prve, dok ih nismo, nigdje drugo nismo mogli. Dakle, to oko ljiljana dakle, ljiljani su štit kralja Tvrtka i oko svega toga. To se tiče kontinuiteta državnosti. To su oni koji su pregovarali podlegli pa da međunarodna zajednica i da se to kao ukine, a eno u Doboju dominira znakom grb, na grbu Doboja ljiljan. Evo sad stavili ljiljane na dresove Srbije. Vidjeli ste itd. To neko nije znao, nije znao da nam izmiču ljudi korijene suvremenosti kad ti izmiče ljiljan. Nije znao onaj ko je gore pregovarao. Sa ovog lokalnog nivoa nije niko pregovarao. To su tadašnji državni funkcioneri pregovarali. Dakle, to je jedna velika greška pa smo je popravili pa smo stavili ljiljane na spomenik Tvrtku jer stvarno je to bio njegov štit.

Ovdje se mi držimo zakonitosti. Ja ću vam otići recimo odmah na primjer Kapije. Dakle, Zavod za urbanizam je napravio projekat. Tim arhitekata radio. Pitajte njih. Ko zna koliko su arhitekata konsultovali kad je rađena Kapija pa ćemo doći na trg. Napravljena je izložba različitih rješenja, različitih rješenja i onda je Zavod za urbanizam to sazeo u taj spomenik. Malo malo neko dođe i kaže treba nešto dodati. To je spomenik, to se ne smije ništa pokvariti a kamoli dodati.

Dakle, jednom je bila neka inicijativa prije desetak godina da tu bude vječna vatra, a djeca u vatri izgorili i čitava je kampanja to bila itd. Ne može. Građevinska je dozvolila data za taj spomenik a podloga te građevinske dozvole je bio projekat tog objekta i ne može dobio je upotrebnu dozvolu sve je po proceduri i ne može se to kako bilo kome od nas naum padne mijenjati.

Trg Slobode projekat je radio Zavod za urbanizam. Čitav tim urbanizma. Da ja ne nabrajam, ma kompletan zavod je radio na tom projektu. Dugo je radio na tom projektu. Oспораван je projekat. Bila zamišljena staklena zgrada tamo gdje je onaj ceremonijalni plato u idejnom je bila to, u idejnom projektu. Kad je urađen projekat za koji je dobivena od prostornog građevinska dozvola. Sad se ne smije mijenjati sad se smije samo obnavljati.

Ja vas molim da ono što je, zastave naše imamo pred svakom javnom ustanovom. Imamo pred masom preduzeća. Zastave imamo na kompleksu Slane Banje. Zastave smo državne poredali i sada smo osvojili sve one rasvjetne stubove to ste vidjeli oko 4. aprila, 1. marta itd. Pa smo sad samo skinuli da ih sačuvamo. Što će tu da gore na suncu ali smo ih vratili za 15. maj gdje će oni da prođu onu raskrnicu kada su dolazili tamo.

Ne možemo, može ideja biti i dobra i loša ali ne možemo sada na to...sad ispadne ako se prijedlog ne prihvati, ko to ne prihvati nije patriota. Ne možemo. Pa ne može da ispadne. Damire ne mislim da si imao ti tu namjeru, nego kažem može da ispadne. Dakle, neko će drugi

da se još nešto tamo doda. Evo recimo imao sam neki dan usmeno onako u razgovoru ko neke najsavremenije reklame sada da se tamo poredaju. Pa ne može, nek se reda negdje drugo taj nam je trg Slobode važan da ga po projektu...može ako se projekat doprojektuje i da zatraži ponovo dozvola. Jedini način da sačuvamo te neke objekte jeste da poštujemo tu arhitektonsku struku i da poštujemo zakon. Građevinska dozvola je data za ono što je izgrađeno, a onda je bila dopuna za onaj ceremonijalni plato da bude tamo dopuna te, i mi nemamo ni jednog dalje sada elementa da tu okačimo. Ali pred svim javni ustanovama su zastave. Pred gradskom kućom, ovdje je zastava, na Banji su zastave dakle, ne bježimo od zastava ali, na svim rasvjetnim stubovima. Čuvajmo projekte koje je struka ondašnja napravila i koja je ispoštovala druga služba objektivno i dala odobrenje za građenje od bilo kakvog dodavanja. Ovo bi bio lijep dodatak što Damir predlaže al tako sutra neko ako to ko princip prođe može biti i loš dodatak. Evo vidite što su bili prijedlozi od prije desetak godina ali sam stvarno zaboravio ko je to uopšte predlagao da se tamo napravi „Vječna vatra“ na Kapiji. Pa ne može se, i tad smo imali isti, ne može se dopisivati. Spomenik je onakav kakav je nema dopisivanja, imaju procedure. Ja vas molim da te protokole i te procedure poštujemo tako ćemo sačuvati ono što smo izgradili. Da li me vijećnik razumije ali evo pokušao sam da budem jasan. (NATAŠA PERIĆ - U redu hvala.) Javio sam se i neka mi svi drugi vijećnice i vijećnici oprostite, jer je Damir rekao da traži da li ga ja slušam da izađem i zato sam se malo javio.

NATAŠA PERIĆ

Replika Selma.

SELMA ČATIBUŠIĆ

Ovo nije nikako stvarno zlonamjerna replika gradonačelniku ali samo bih voljela mislim, evo otišao je na mjesto da mi odgovori da li je prošao pored javnih preduzeća i ustanova da se vidi u kakvom stanju su naše državne zastave ispred tih preduzeća, jer ja sam već imala inicijativu vezano za to, zastave su ono zamotane ili su na neki način slobodno mogu reći u katastrofalnom stanju, apsolutno nisu reprezentne. Eto to je sa lica mjesta. Tako da neke stvari i koje imamo na žalosti nisu na pravi način prikazane što se tiče javnih ustanova i preduzeća.

NATAŠA PERIĆ

Ja ću samo zamoliti da gradonačelnik na kraju odgovori na sva pitanja od vijećnika kada zaključimo diskusiju. Izvini Damire. (DAMIR MURATOVIĆ - Evo javio sam se.) Pa jesi li imamo diskusiju? (DAMIR MURATOVIĆ - Repliku samo kratko.) Aha replika. Izvoli.

DAMIR MURATOVIĆ

Samo replika. E hvala. Ovo ja se slažem 90% sa gradonačelnikom iako uz njegovo obrazloženje ne vidim razlog da Zavod za urbanizam ne bih mogao pronaći adekvatan prostor al ajde. Znači, ono zašta sam tražio amandman jeste znači, što sa trga Slobode najčešće ide slika u Evropu i svijet. Znači, što bi svi sa tih zastava znači, kao i sa onog znaka volim Tuzlu, drugo je lokalpatriotizam, nacionalni ponos znači, ponavljam nema trga u svijetu, većeg grada da nema to. A ovo se slažem potpuno sa gradonačelnikom kakvi god bili rezultati glasanja to više nije ni bitno poslije svega ovog da se trebaju ukloniti, pogotovo ona svijetleća reklama preko puta Aljine kafane potpuno podržavam gradonačelnika i ona na krovu koja stvarno ne liči ni na što i ugrožava i sve fotografije i sve uspomene i boravak i čak vid, vid i djece i nas

odraslih koji boravimo na trgu Slobode pogotovo kada se održavaju neke manifestacije ona lijevo kraj Aljine kafane upada u oči, a neko je dao dozvolu za nju. Hvala.

NATAŠA PERIĆ

U redu hvala. Replika. Omer Berbić.

OMER BERBIĆ

I ja ću vrlo kratko. Na ovom fonu samo me zanima da li je ta svijetleća reklama isto urađena po projektu? Da li je tu projektovana svijetleća reklama? I da li je u ovom sadašnjem parku gdje će pisati i love you Tuzla onako projektovano da to bude betonska neka ploča koja ide iznad pa da na tome piše ili je projektovano na neki drugi način? Jer bi volio ako se držimo projekta onda da se držimo to-talno projekta apsolutno i po svim normama. Hvala ljepo.

NATAŠA PERIĆ

U redu hvala. Vijećnik Admir Čavalić sljedeći se javio za riječ. Izvolite. Neka se pripremi vijećnik Nikica Vidović.

ADMIR ČAVALIĆ

Hvala puno predsjedavajuća. Dakle, ovo je redovno javljanje. Ja bih iskoristio samo priliku, evo drago mi je da i gradonačelnik da je spomenuo spomenik Kapije. Dakle, „Vječna svjestlost“ na Kapiji je dio urbanističkog uređenja dakle, i možemo to aktivirati dakle, bilo bi dobro i ja predlažem evo kao zaključak Gradskog vijeća Grada Tuzla da mi reaktiviramo „Vječnu svjetlost“ nad Kapijom. Dakle, to je dio postojećeg rješenja, postoji, već gore se nalazi nije niš...(NATAŠA PERIĆ – Možeš samo ponoviti? Da...) Da se reaktivira „Vječna svjetlost“ na Kapiji dakle, nije vatra da ne bude zabune. Nalazi se kao dio postojećeg urbanističkog rješenja dakle, tu je od početka od kako imamo taj spomenik, nikog ne urušavamo, ništa se ne dodaje novo samo reflektor da se pokrene kada bude vrijeme zato. I hvala puno i gradonačelniku i vijećnicima što su diskutovali.

Takođe da ne promakne ovo što je kolega Damir govorio ja predlažem u formi zaključka da podržimo dakle, to možda nije ni za amandmana da se stave te zastave dakle, tri jarbola, da mi kao Gradsko vijeće Grada Tuzla podržimo da to nadležne službe u roku od mjesec ili par mjeseci realizuju tu, tu stvar dakle, mimo amandmanskog djelovanja.

Vezano za amandmane koje nisam još naveo i objasnio dakle, jedan se veže za nabavku materijala za mjesne zajednice. Ja sam...evo nedavno smo obilježili dan mjesne zajednice Solana u domu dakle, loši su uslovi generalno u svim mjesnim zajednicama i bilo bi dobro da još izdvajamo kroz rebalans dakle, za materijale. Nekada nemaju materijale. Nemaju papira za print i sl. Dakle, brojni problemi su u 40 mjesnih zajednica na području Grada Tuzla.

Predložio sam kroz amandmane da se sredi put u Avdibašićima, da se podrži ovaj Studentsko vijeće Medicinskog fakulteta u Tuzli i da se dalje nastavi sa optimizacijom ove vodovodne mreže. Nevjerovatno evo koliko puta se kviri i nestaje vode. Ja se sjećem evo u zadnjih dva mjeseca samo na području Bećarevca nekih tri, tri puta smo, tri dana smo bili bez vode. Mislim da je to loše dakle, za grad dvadesetprvog stoljeća.

Vezano za izvršenje budžeta. Nisam se htio osvrtni puno na datu temu, ali samo moram navesti dakle, evo ono ponovit ću još jednom 14,69% je izvršenje u vezi gradskog groblja. Dosta zaostajemo.

Vezano za izgradnju stadiona „Tušanj“ još je gore. Dakle, evo provlači se već tri-četiri i više godina kao budžetska stavka, 0% izvršenje u prošloj godini u 2021. godini. Poslovne zone trakođe 0% izvršenje dakle, ništa se nije radilo. Hajde dobro eskalatori manje više to je sada ukinuto i nek je ukinuto.

Izgradnja vrelovodne mreže i optimizacija sistema daljinskog grijanja 54,33%. Mislim da je to nedovoljno razumijevajući da mi imamo izuzetnih ekoloških problema.

Po funkcionalnoj klasifikaciji ovo je zaista paradoksalno. Na stranici 30 u vezi izvršenja Budžeta Grada Tuzla možete vidjeti da je najmanji stepen izvršenja u vezi zaštite životne okoline. To je paradoksalno iz razloga što je Tuzla jedna od najzagađenijih gradova u Bosni i Hercegovini. Neću kazati na području Zapadnog Balkana. Nadam se da nismo baš najgori i pazite izvršenje je 49,07%. I prije svega posebno nas žalosti što se to odnosi na stavku aerozagađenja. Ipak je bolje u odnosu na 2020. godinu istina i pohvala ali svejedno loše, moramo imati tu najveći stepen izvršenja jer generalno dakle, strašni su problemi sa aerozagađenjem. Evo sada mi to ne primjetimo u proljeće, ljeto ali već kada dođe jesen i zima znate svi o čemu govorim.

I s hodno tome predlažem zaključak dakle, da se namjenski troše sredstva fonda od naknade ostvarene radom termoelektrane na način da se samo troše za smanjivanje aerozagađenja u gradu Tuzla i za ekološke projekte, a ne npr. za komunalnu infrastrukturu, za poslove mjesnih zajednica i sl.

Dalje, predlažem zaključak da dobijemo uvijek obavezno, kao obavezno odgovor nadležnih službi, prije svega Budžet za finansije na amandmane bez obzira da li je riječ o budžetu, prijedlogu budžeta ili kad je riječ o rebalansu Budžeta. Evo sad imamo rebalans Budžeta a nemamo dakle, pismene odgovore na amandmane koje smo uredno dostavili dakle, u poslovničkom roku.

Dalje, zaključak dakle, da se podrži ako treba i kreditno Centralno grijanje Grada Tuzla na način da ispuni toplotne kapacitete i da možemo ugraditi u nove zgrade i da in možemo integrisat u sistem daljinskog grijanja.

Također dakle, predlažem u formi zaključka da se ispita na području trga Slobode ko je sve dobio ove prostore za led displej, na koji način, da li je to sve bilo po PS-u i da li to što je najvažnije narušava vizuelni integritet trga Slobode? Trg Slobode je prelijep trg. Jedan od najljepših trgova u Bosni i Hercegovini ali je žalosno ako vidite, evo ja sam nedavno, malo sam više moro gore pogledati vidio i treći led displej. Dakle, mi ga ubismo sa ledovima. Tako lijep trg dakle, kojeg moramo čuvati i štititi mi ga uništismo sa reklamama mislim...(NATAŠA PERIĆ – Isteklo vam je vrijeme.) Hvala puno.

NATAŠA PERIĆ

Replika. Alen Kapidžić. Izvolite. De mikrofona Admire molim te.

ALEN KAPIDŽIĆ

Eh hvala. Pa replika kolegi Čavaliću. Spominje u svojoj diskusiji je li da smo mi najzagađeniji grad a ja čitajući amandmane vidim da mi sa dijela sredstava kojim subvencioniramo nabavku peći na pelet i toplotne pumpe skidamo sredstva u neke druge svrhe a završen je već javni poziv.

A druga stvar. Kad govorimo o trošenju sredstava da su namjenska ili nenamjenska ja ću vas podsjetiti na član 6. Zakona o izdvajanju i usmjeravanju dijela prihoda preduzeća ostvarenih radom termoelektrane gdje je propisano da sredstva po osnovu ovog zakona koriste namjenski za poboljšanje životnih uslova građana a naročito za, pa kaže: Finansiranje ili učešće u finansiranju projekata iz oblasti zaštite i okoliša energetske efikasnosti i sl. Pa izgradnju

komunalnih infrastrukturnih objekata kao i gradnju objekata za poboljšanje zdravlja i kvaliteta života pa je navedeno šta sve dalje. I finansiranje projekata za lokalni i ekonomski razvoj. Eto toliko. Hvala.

NATAŠA PERIĆ

U redu hvala. Ispravka krivog navoda. Admir Čavalić.

ADMIR ČAVALIĆ

Ispravka krivog navoda. Mislim da je zaista replika zlonamjerna ova vezana za ova sredstva dakle, za energetske projekte. Zašto? Ako pogledate taj amandman vidjet ćete da je preusmjeravanje (nerazgovjetno izgovorena riječ op.a.) sredstava u vrelovod. Dakle, optimizacija u vrelovodne mreže i izgradnju. A zašto je to, zašto je razlog navedenog? Dakle, u jednom trenutku ja sam dobio odgovor od službi da je više bilo medijskih natpisa o toplotnim pumpama u Tuzli nego što je bilo za jednu godinu toplotnih pumpi u Tuzli i smatrao sam da nije opravdano da tu trošimo sredstva već je bolje da idemo na sigurno, a to je na sistem daljinskog grijanja jer je to jedina izvijesnost. Evo vidite sad je u kontekstu troškova peleta dakle, mi subvencioniramo da građani nabave takav oblik zagrijavanja i onda in tjeramo u visoke troškove ne mogu sada kraj sa krajem, dižu kredit da bi mogli nabaviti pelet.

I druga stvar vezano za zakon i istina je, ja sam evo već dvije godine govorim jeste to u skladu sa zakonom. Nama zakon daje mogućnost da ne trošimo na ekološke projekte, na aerozagađenje, ali hajde ljudi da malo idemo da ne moramo se držati mogućnosti i to da koristimo da nam kažemo pa eto zakon je reko da možemo pa mi možemo. Hajdemo mi usmjeriti na ekološke projekte na smanjivanje aerozagađenja, bez obzira što nama zakon daje mogućnost da možemo trošiti na neke druge načine koje ja smatram da su nenamjenski.

Zašto ispravka krivog navoda? Nisam kazao da to nije zakonito ali smatram lično da nije namjenski dakle, na način da možemo to zaista potrošiti kako bi smanjili aerozagađenje u Tuzli. Hvala.

NATAŠA PERIĆ

U redu hvala. Ispravka krivog navoda. Alen Kapidžić.

ALEN KAPIDŽIĆ

Pa evo samo da kažem kolegi Čavaliću ako misli da je nešto zlonamjerno nije ništa zlonamjerno ali sam ovo prvenstveno rekao iz razloga zato što i za ta sredstva sa kojih se skida, za koja se predlaže amandman završen javni poziv, već su se ljudi javila na sredstva. Znači, treba preko četrsto, četrsto ljudi, 450 ljudi se javilo. Znači, nemoguće je sprovesti taj amandan. Sad nekom ko je, ko javio se na javni poziv i treba dobiti sredstva mi trebamo to da zaustavimo da bi, da bi prebacili na neku drugu stavku to je, mislim da nije u redu, a stvarno nije ništa kolega Čavaliću zlonamjerno. Nema razloga da bude. Hvala.

NATAŠA PERIĆ

Vijećnik Nikica Vidović. Izvolite.

NIKICA VIDOVIĆ

Evo ja se zahvaljujem. Ja ću se kroz (nerazgovjetno izgovorena riječ op.a.) svratit od kralja Tvrtka devedesetih godina 2006-te i evo zamolit da ovaj amandman podržite u 2022. godini a tiče se 20.000 maraka klubu, jednoj organizaciji neprofitnoj koja je evo neki dan dala u devetnest ekipu znači, prvak BiH. Sada se bore u finalu što je izuzetno važno za Grad Tuzlu. U suštini poenta je da se Tuzla spominje i koliko znam, evo i sinoć su imali neku utakmicu. Inače ne razumijem se u nogomet, tako da ovo gledam potpuno objektivno, a s političke strane mi kako smo i naveli to ću evo i ponoviti kratko.

Iz ekonomskog koda 614310 dodati novi ekonomski kod ili na neki drugi način osigurati Grant neprofitnoj organizaciji već navedenog kluba sa iznosom od nekih 20.000 maraka.

Sredstva za ovu naknadu osigurati na način da se preraspodjele neutrošena sredstva u ekonomskom kodu 613970 naknada za rad Savjetima mjesnih zajednica.

Vi znate da je nakon 16 godina Grad Tuzla dobila prvaka. Vi znate da je 2019. - 2020. a evo i u sezoni 2021. - 2022. ponovo igra finalne utakmice prvaka Bosne i Hercegovine. Ovaj iznos od 20.000 konvertibilnih maraka neće riješiti sve probleme, ali bi uveliko pomoglo da se sezona koliko sam ja razumio završi sa što boljim uspjehom.

Jedan je od rijetkih koji je dobio i iskoristio priliku da promovira širom Evrope na visokoj razini kako svoje kvalitete, tako i promociju grada iz kojeg dolazi a ponovit ću da je to grad Tuzla.

Budući da je zbog nezakonite protivustavnog djelovanja u Savjete mjesnih zajednica nisu imenovani predstavnici HDZ-a BiH i time nisu isplaćene naknade za rad tražimo da se višak sredstava na poziciji 613970 naknada za rad u Savjetima mjesnih zajednica usmjere prema Futsal Klubu Salines Tuzla City. Taj iznos otprilike i odgovara ovome a i koja tisuća ako se moradne dodati mislim da nije problem. Evo toliko.

Ja bih se vratio od ovih velikih projekata za vodu itd. itd. i evo zamolio bih sve vas da još jednom razmislite da ovakav jedan Grant odobrimo i pomognemo ovome klubu, a podsjetit ću vas pošto se svi mnogo hvale ko je bio i Federalni ministar finansija u vrijeme kad je voda došla u Tuzlu. Hvala vam.

NATAŠA PERIĆ

U redu. Replika. Selma Čatibušić.

SELMA ČATIBUŠIĆ

Pa ništa ja bih se nadovezala samo na kolegu Nikicu da podržavam svakako njegov prijedlog i da slobodno kada...(NATAŠA PERIĆ – Pa nije ovo replika Selma.) Samo sekunda da kažem. Kada je rekao da se skine sa koda za Savjete mjesnih zajednica da nije samo HDZ – BiH taj koji je oštećen za Savjete mjesnih zajednica nego i Platforma za progres koja nije imenovala sve svoje članove u Savjete mjesnih zajednica ali et time smo sačuvali budžet evo već drugu godinu, tako da slažemo se da se te pare preusmjere za evo konkretno ovu situaciju.

MENSUR ALIĆ

Jel ima replika na amandmane?

NATAŠA PERIĆ

Pa nije, ovo je diskusija, samo mogu i pričati ovi koji imaju amandmane oni imaju prednost. Završili smo. Samo malo. Vijećnik...ne. (vijećnik Zijah Rifatbegović govori bez uključenog mikrofona op.a.) Samo malo. Doćete na red ne sikirajte se vodim ja evidenciju. Vijećnik Alen Kapidžić. Znači, vijećnici sa amandmanima su bili. Imali prednost. Izvolite Alene.

ALEN KAPIDŽIĆ

Dobronamjerna je diskusija znači, nema ništa da ne bi me ko pogrešno shvatio. Znači, pošto imamo. Jedan zaključak ću predložiti. Pošto imamo veliki broj zahtjeva za uključivanje ovih budžetskih korisnika. Ja molim službe sve kojih se ovo tiče da do sljedećeg rebalansa Budžeta ili budžeta naprave pravilnike sa kriterijima ko može koristiti budžetska sredstva. Ja mislim da je to izvodljivo i mi ćemo ove probleme riješiti na jedan elegantan način. Neće niko imati problem. Znači, što se tiče toga evo to je moj prijedlog za zaključak. Nadam se da ćete ga usvojiti.

Takođe svi smo ovdje govorili ili većina kolega je govorila o subvencioniranju djece za predškolski odgoj. Želim samo da kažem nekoliko stvari. Ako uzmete Zakon o predškolskom odgoju i obrazovanju član 77. tog zakona stav 3. kaže: Izuzetno ukoliko na području grada ili opštine na području kantona nije osnovana i nije započela sa radom javna predškolska ustanova obavezni program predškolskog odgoja i obrazovanja grad ili opština može sufinansirati ili realizovati u privatnim predškolskim ustanovama. I tu se slažem sa diskusijom i kolegice Selme i čini mi se da je kolega Damir Muratović isto to diskutovao da idemo u proširenje kapaciteta obdaništa, našeg obdaništa je li? Ali i takođe su neki predlagali je li da lista čekanja bude glavni kriterij za subvencioniranje. Da budemo jasni. Mi nismo protiv toga nemojte me pogrešno shvatiti. Ali vidite sad u članu 81. Zakona o predškolskom odgoju i obrazovanju koji govori o sredstvima za realizaciju socijalne zaštite i tu tačno piše: Iz sredstava budžeta kantona u skladu sa zakonom sufinansira se dio troškova predškolskog odgoja i obrazovanja za. Ako bi usvojili samo ovakav prijedlog kako su to predlagale kolege ja vas pitam po ovim kriterijima šta ćemo s ove, s ove djece? Znači, kod nas bi sad bio kriterij samo lista čekanja. Šta ćemo za djecu bez roditeljskog staranja? Šta ćemo za djecu s posebnim, za djecu s posebnim potrebama? Dalje djeca invalida, djeca civilnih žrtava rata, djecu nezaposlenih roditelja, djecu samohranih roditelja, djecu korisnika socijalnih primanja i djecu redovnih studenata?

Ja vas molim da mi do sljedećeg rebalansa Budžeta ili budžeta napravimo prijedlog ne bježeći od toga da dio sredstava učestvuje je li ako može i iz Budžeta se Grada je li, ali da idemo na to prema kantonu kao što je kolegica Selma Čatibušić već rekla i da napravimo jedan prijedlog koji će obuhvatiti sve ove kriterije. Znači, ne samo jedan znači, ne samo jedan kriterij i to lista čekanja. Dajte da sve ove kriterije obuhvatimo i da napravimo pravi prijedlog. Evo toliko. Hvala.

NATAŠA PERIĆ

Hvala. Replika. Selma Čatibušić. Izvolite.

SELMA ČATIBUŠIĆ

Samo sam htjela da kažem to što smo mi naveli listu čekanja bilo je samo zato što imaju djeca i roditelji koji jako, jako dugo čekaju, a dešavale su se situacije da i dalje dijete koje čeka da bude primljeno poslje njeg bude primljeno neko drugo dijete. O tome sam ja isto tražila odgovore od strane direktorice. Po kojem kriteriju su se na taj način djeca primala i zato sam eto predložila konkretnu listu čekanja, ali apsolutno nemam problem s tim da se napravi pravilnik, prijedlog pravilnika koja djeca bi bila prioritet. U svakom slučaju smatram da svako dijete u našem gradu treba biti prioritet naravno, a i da idemo s tim i prema kantonu. Ali Grad mora uzeti učešće makar jedan dio što se tiče toga.

NATAŠA PERIĆ

U redu hvala. Replika. Samo malo. Samo malo. Replika. Damir Muratović.

DAMIR MURATOVIĆ

Ovo je replika više kao sugestija. Prvo da pohvalim kolegu Kapidžića. Ovo je prvi put. Tri sjednice sam govorio o ovome. Ovo je prvi put da je neko ušao u materiju Zakona o predškolskom odgoju i obrazovanju i da je i da je shvatio, bez uvrede. Znači, ovo sam tražio od Službe za budžet i finansije znači, da konkretno riješimo problem. Ovdje samo ide replika, odnosno sugestija da se u zaključku ili, da ako ćemo dati zaključak za rok za rebalans ili ili budžet ako ćemo čekat za 2023. ostavi rok nadležnoj službi da naravno u saradnji sa Ustanovom „Naše dijete“ i sa zakonskim propisima da. Da li će to biti 60-90 dana nije bitno, samo je toj moj prijedlog. Hvala.

NATAŠA PERIĆ

U redu hvala. Replika. Vijećnik Čavalić. Izvolite.

ADMIR ČAVALIĆ

Samo ako mogu dakle, i ovo je više prijedlog/sugestija ako ulazimo u oblast predškolskog obrazovanja dakle, evo kolegica Selma je maloprije navela ja sam za UNDP radio zaista jednu studiju opširnu zove se Ekonomija brige. Preporučujem i mogu vam svima proslijediti dakle, to je u formi publikacije knjige objavljeno početkom ove godine a pisano je prošle godine. Zaista je tendencija dakle, da se na teret javnih predškolskih ustanova prebacuju djeca, odnosno djeca roditelja koja imaju npr. problem sa primanjima. Dakle, gdje imate u porodici da je jedno zaposleno ili oba nisu zaposlena itd. Dakle, to je neka tendencija.

Ono što je problem kod naših listi čekanja što oni ne prepoznaju te kategorije socijalno ugrožene. Pa onda imate paradoksalnu situaciju da umjesto da kažemo da je imućniji roditelji šalju djecu u privatne predškolske ustanove u našem gradu ima socijalno ugrožene roditelje koji šalju u privatne predškolske ustanove. Zašto? Zato što ne mogu proći preko liste čekanja, a privatna predškolska ustanova in dadne povoljnije uslove finansiranja. Pa kaže možda ne morate mjesečno u ratama plaćati možete svakih tri mjeseca, šest mjeseci zavisno od toga kada dobijete primanja, doznaku i sl. (NATAŠA PERIĆ – Admire ja se izvinjavam što vas prekidam samo.) Da. (NATAŠA PERIĆ – Ako je replika? Ovo je već diskusija.) Eto završavam. (NATAŠA PERIĆ – Dobro.) Hvala.

NATAŠA PERIĆ

Vijećnik Ćerim Rastoder. Neka se pripremi vijećnik Zijah Rifatbegović.

**ĆERIM RASTODER - zamjenik predsjedavajućeg Gradskog vijeća Tuzla,
- samostalni vijećnik**

Zahvaljujem se predsjedavajuća. S obzirom da se prvi put danas javljam želim nam uspješan rada mada evo već pet sati radimo, a nadam se da ćemo privodit kraju. Prije nego što se osvrnem na rebalans Budžeta želio bi vas samo podjestiti evo, mada je većina nas učestvovala u tome da se mi nalazimo u mjesecu maju, april je bio slijedi i jun to su periodi, odnosno mjeseci gdje smo dvadeset i druga godina, a prije 30 godina smo se organizovali kao država za odbranu, kao grad itd. i mi smo u ovom mjesecu i u prošlom mjesecu, a nešto ostaje u junu zabilježili puno manifestacija odbrane grada i države Bosne i Hercegovine u kojem smo učestvovali i mi kao vijećnici posebno Gradska služba, gradonačelnik, Služba za boračku zaštitu, naše boračke organizacije. Pa smo imali jako lijepu i posjećenu manifestaciju u Solini u Gornjoj Tuzli. Odred Gornja Tuzla gdje (nerazagovjetno izgovorena riječ op.a.) Onda smo imali Slavinovički odred, 1. Brigadu tuzlansku, 2. Tuzlansku a u junu nam ostaje 3. Tuzlanska i zaista su sve te manifestacije dobro praćene i ja kaŹem još jednom zahvaljujem se svim onima koji su imali učešće u obilježavanju tako važnih datuma.

Kad je u pitanju rebalans Budžeta kao i budŹet naravno puno bolje da su veća sredstva u pitanju ali ono što sam ja išćitavajući ovaj budŹet zapazio, ne bih se ponavljao mnoge stvari su izrećene jeste da što je sasvim normalno najviše sredstava ide na komunalnu djelatnost i mi vidimo da se i ove godina a i prošle da se non stop nešto radi po gradu. Da li je marka na marku ili na drugi naćin i to je ono što je pohvalno i zaista ta, ta služba ima dosta posla i mislim da, da se za razliku, da dosta kvalitetno radi. Hajde da ne ulazim dalje.

Posebno mi je drago što s obzirom da mi već duŹe evo jedno tri-ćetri godine nalazimo se u jednoj krizi prvo izazvanoj pandemijom, drugo ovim ratom što su malo pojaćana sredstva za pomoć pojedinaca ugroŹenim itd. a posebno mi je takođe drago što su pojaćana sredstva Imaret ovoj javnoj kuhinji i Merhametovoj gdje imamo sve veći broj ućesnika. Drago mi je takođe što je Štabu civilne zašćite su se povećala sredstva za opremanje.

Vrlo je vaŹno da smo izdvojili i sredstva i da smo prepoznali jer mi znamo da je odmah negdje posle rata, ne znam koje godine, da je ova pješaćka zona raćena gradska da će se i ona radit, odnosno vršiti njena rekonstrukcija.

Ovaj projekat led rasvjete za oćekivati je da će pruŹiti veliki doprinos, odnosno da će bit veoma znaćajan u smislu ušćede i mi polako krećemo njemu.

Takođe mi je drago što su povećana sredstva za izgradnju ovog spomen-obilježja na Brćanskoj Malti koje bi trebalo da se uradi. Gradsko groblje da ne govorim ovo. Svi su govorili o znaćaju ne bih puno govorio isto ko i o ovoj Bosanskoj kući i samo bi na kraju reko.

Kada je u pitanju ovo zastave da li istićat ili ne. Mi kao Gradsko vijeće bi trebali da znamo i da vodimo raćuna o tome da imaju i Zakoni o zastavi Bosne i Hercegovine i sve što se ne kosi sa tim zakonom ja podrŹavam da se to uradi. Znaći, taj zakon taćno definiše gdje se koja zastava i na koje mjesto moŹe postaviti itd. Da ne bi mi ušli u neku zamku znaći, mi moramo vidjeti šta je to što je dozvoljeno. Toliko hvala.

NATAŠA PERIĆ

U redu hvala. Vijećnik Zijah Rifatbegović. Izvolite. Neka se pripremi vijećnik Elvir Bijedić. Mikrofon samo.

ZIJAH RIFATBEGOVIĆ

Hvala vam ljepo. Ja neću dugo diskutovati i ponavljati se. Uglavnom u diskusijama je mnogo toga rečeno.

Ne smatam da je budžet inovativan, ne smtram da je dovoljno socijalno osjetljiv i isto tako smatram da je usmjeren prema nekim privilegovanim kategorijama prvenstveno kad govorimo o komunalnoj infrastrukturi a koja kada prođete kroz grad vidite da je učinak gotovo neprimjetan. Ogromna sredstva idu prema toj, prema toj navodnom prioritetu dok se zapostavljaju kategorije koje su puno, puno značajnije i potrebnije u ovom momentu nego toliki novac prema komunalnoj infrastrukturi.

Ono što je posebno u budžetu razočaravajuće jeste sljedeće da da li je to zato što sam ja predložio ili možda politički subjekat kojeg ja predstavljam, sad ne bi tu ulazio u analizu ali jeste sljedeće da vi nemate ništa u rebalansu Budžeta od zaključka kojeg smo usvojili a to je da smo treća zemlja po smrtnosti nakon pandemije i da je usvojen zaključak jednoglasno da ćemo u prvom rebalansu Budžeta ići da pomognemo Domu zdravlja Tuzla u smislu kadrovskom, prostornom i u smislu opreme.

Nažalost, a vi mene ispravite ako ja griješim, ja nigdje nisam vidio da je u budžetu pomenuta bilo kakva pomoć Domu zdravlja ili bilo na koji način da se pokuša sanirati posljedice koje su sada post-pandemijske i ne tako lagane kao što je to, kao što to izgleda je li? Vidim da je ovdje vrlo bitno gdje će se uložiti koji dinar za trotoar ili za ivičnjak. Svakako podržavam međutim, ovo je prioritet koji ne smije biti zaobiđen. Znači, mi nismo kao Gradsko vijeće u stanju niti da ispoštujemo ono što direktno ugrožava naš život i što bi trebalo da poboljša rad i na kraju krajeva što je u stvari zaključak ovog Gradskog vijeća jedno-gla-san, jedno-gla-san vi mene ispravite Snježana ako ja griješim. (NATAŠA PERIĆ – Slađana.) Slađana pardon, ali mislim da je moj, da je moj navod sasvim, sasvim tačan.

Ne slažem se sa uvaženi gradonačelnikom da je u gradu sve bajno, sjajno, da je sve to tako kako jeste. Naravno lijepo je da se diskutuje i da se počelo otvarati diskusije tamo gdje stvarno postoje problemi, ali evo još jednom zbog ovih nedostataka uvažavajući neke promjene koje su u jednom segmentu suštinske a u drugom kozmetičke politički subjekt koga ja predstavljam u ovom Gradskom vijeću ne može podržati ovakav budžet ni rebalans Budžeta, ni izvršenje budžeta i mi ćemo glasati suzdržano.

NATAŠA PERIĆ

U redu hvala. Vijećnik Elvir Bijedić. Izvolite.

ELVIR BIJEDIĆ - zamjenik predsjedavajućeg Gradskog vijeća Tuzla, - vijećnik Socijaldemokratske partije

Zahvaljujem predsjedavajuća. Ma htio sam da se javim replikom ali da ne ostane visiti u zraku. Molim vas dakle, kad je u pitanju rebalans Budžeta ja sam već iznio svoj stav u ime Kluba vijećnika SDP-a dakle, da razmotrili smo ga, apsolutno je dakle, realan i očekivan, ide u kontinuitetu razvoja grada, ide u kontinuitetu realizacije svih planova dakle, za koje se grad obavezao u prethodnom periodu.

Ono našta zaista mogu biti ponosan kao vijećnik zadnjih...dakle ovaj mandat i prethodne četiri godine u šestoj godini dakle, da je u zadnjih 17 godina ovaj grad uložio preko 70 miliona maraka u toplifikaciju. Dakle, širenje toplovodne mreže je nešto što apsolutno trebamo ostati na tom tragu i mislim da smo zaista rekorderi u Bosni i Hercegovini definitivno kada je u pitanju regija sigurno da se i te kako može o tome pričati a model dakle, koji smo uveli u smislu podsticaja za peći na pelet, za toplotne pumpe je apsolutno nešto što ne bi trebalo

нити да diramo нити за један једини фенинг него управо unapređivati dakle, podatak je da je preko hiljadu zahtjeva odobreno. Ja ne znam uopšte kolega Čavaliću odakle podatak da ima više natpisa nego toplotnih pumpi. Dakle, ja sam neko ko dnevno komunicira na dnevnoj osnovi sa jako velikim brojem građana, a evo informacije su takve da je preko hiljadu zahtjeva odobreno dakle, za podstanice, toplotne pumpe i za peći na pelet. Zaista jedan podatak koji ohrabruje i mislim da u tom pravcu trebamo ići. Dakle, rješenja za aerozagađenja su mnogo žustra, hitnija, brža dakle, kada dajemo podsticaj na toplotne pumpe. Dakle, iz tog razloga puna podrška u ime Kluba SDP-a dakle, takvim načinom i na takvim rješenjima toplifikacije. Hvala.

NATAŠA PERIĆ

Replika. Vijećnik Čavalić.

ADMIR ČAVALIĆ

Ništa samo kratko. Dakle, nije to moja konstatacija to sam dobio odgovor na vijećničko pitanje. Bilo je dostupno to sam javno objavio. To je to. Hvala.

NATAŠA PERIĆ

Dobro. Hvala. Da li se još neko javlja ispred vijećnika? Ne javlja. Vijećnik Berbić drugi put. Izvolite.

OMER BERBIĆ

Samo sekunda da ja sebi upalim ovdje štopericu. (NATAŠA PERIĆ – Hajde nećemo uključivati ovaj...) Eh može. Hvala ljepo.

Pa ja bih ovdje volio da nekako malo počnem ovu priču o Tuzli pošto je to dobro i kolega Rifatbegović rekao nije ovdje sve bajno i krasno i divno i onako da nam cvjeta sve. Tuzla je grad u kojem fali, fali dosta prilika, fali dosta prilika pogotovo za mlade ljude i za poduzetnike. Tuzla je grad u kojem fali sistema. Kada kažem sistema mislim da se prioritiziraju recimo regulacioni planovi za neke sredine a ne prioritizira se recimo regulacioni zoning plan za industrijsku zonu u Gornjoj Tuzli. Znači, Tuzla je grad u kojem se ne prioritiziraju poduzetnici i gdje je privatni kapital možda neka vrsta prepreke funkcionisanju grada. Zašto ovo govorim?

Gradonačelnik je rekao primjer o zamjeni led sijalica i bilo je pitanje da li ćemo mi to svojim novcem mijenjati ili ćemo možda eventualno privući neki privatni kapital koji će zamijeniti i onda da nam se dugoročno kroz deset godina to isplati a da mi ne moramo trošiti нити фенинг више из буџета, а то су паре које смо ми могли дати за дјечја игралишта, за Дом здравља, за цесте итд. Управо се одабрао овај пут који нас кошта из буџета умјесто да се приватним капиталом, кроз јавно приватно партнерство за нешто зашто постоји закон не искористи а требали смо искористити. То је моје дубоко увјеренје као некoга који мисли да је овај систем уређења капитализам, систем у којем ми чинјенично сада живимо и који треба искористити. Привући приватни капитал и мјенјати што више ствари у овом граду.

Eh ja sam ovdje želio na ove amandmane, odnosno na rebalansu dvije stvari da prokomentarišem. Gradonačelnik je sebi dao 100.000 maraka u rezervu tekuću i to mi je sasvim OK. Okej mi je iz jednog razloga zato što je 70.000 maraka uplaćeno Ukrajini i to je na fonu onoga da je Tuzla uvijek bila otvorena za te da kažem građanske i ljudske vrijednosti. Međutim, ono što mi nije OK da se to podiglo za 30.000 maraka. Možda bi bilo efikasno kao što je kolega Mehmedinović rekao da ovih 30.000 damo takođe za pomoć ljudima u Palestini. Mislim da bi

to onako nekako ukomponovali i da bi poboljšalo sliku Tuzle kao najotvorenijeg i najprogresivnijeg grada u regionu ili je barem on to nekada bio što se tiče ljudskih prava i ljudskih vrijednosti kao ljudi još uvijek smo, ali nisam siguran da smo ostali kao Gradska uprava.

Druga stvar koja je meni izuzetno problematična jeste da se daje još 50.000 maraka za medij koji je u službi privatnoj Gradske uprave i jedne stranke. Nažalost ljudi koji tamo rade su izuzetno poštteni i marljivi ljudi, ljude koje ja podržavam apsolutno, ali urednička politika RTV 7 je takva da opozicija ne može dobiti niti i jednu sekundu, jednu sekundu u prilogu mjesečno i mi se za ovo borimo godinu i po. I sve mi je OK. I OK mi je da direktorica dođe na skup SDP-a nemam ništa protiv, njeno privatno pravo, ali nemojte da se to odražava za nešto što mi masno plaćamo iz budžeta i kome sad treba da dignemo amandmanom još da se izdvoji, izdvoji novca. Znači, slažem se da te ljude tu treba nagraditi. Evo tu su i kolege snimaju sjednicu. Dobar je snimak, nema problema i ljudi koji rade stvarno su profesionalni, ali uredničku politiku RTV 7 moramo prilagoditi ljudskim vrijednostima demokratije i kako bi rekao neke uredničke medijske slobode, jer ako to ne uradimo ja stvarno ne vidim funkciju da se ovdje RTV 7 daje ovoliko, ovoliko masne pare.

Još mi je jednom drago da smo bili sigurni i da smo bili u pravu što se tiče pokretnih stepenica. Da je to jedan projekat koji se nikada najvjerojatnije neće uraditi i da je to projekat kojim su se pare čuvale za ovu godinu. Moram da pohvalim što su se te pare dale za gradsko groblje. Gradsko groblje je apsolutno prioritet i mislim da treba da bude prioritet i treba da se izgradi.

Isto tako mislim da bi bi-lo puno, puno, puno efikasno da Gradsko vijeće da par zaključaka: Prvi bi bio zaključak da se Gradska uprava ove godine obaveže da će minimalno 90% sredstava utrošiti da ne bi bilo kao prošle godine kada je to bilo 75%.

Drugi zaključak. Drugi zaključak bi bio: Da Gradsko vijeće zahtjeva od RTV 7 depolitizaciju programa. Ovo znači ili prenosite politiku nikako ili prenosite politiku kompletno al nemojte na pola. Nemojte prenositi samo većinu jer OK većina je sada je i tu je podržava vas, diže vam novac, sve je, sve je uredno ali gospodo većine se mijenjaju kao i sve u ovoj državi evoluiraju. Demokratski procesi su takvi. Sutra dan u ovoj sjednici će biti 16 ruku koji se ne slaže sa takvom politikom i šta ćemo onda? Onda će biti cika, vriska kako se nekome uzima, uzima novac. (ANA PEJIĆ – Pazite na vrijeme samo kolega.) OK. Izvinjavam se. Znači, želim da kažem RTV 7 da se depolitizira i još jedan zaključak : Da Gradsko vijeće zahtjeva od službe da nam dostavi na uvid koliko je novca plaćeno za idejno rješenje pokretnih stepenica jer je to koštalo. Da li je koštalo vremena ili novca pitanje, al nas je koštalo.

I za kraj želim da kažem imajući informaciju ne provjerenu da ćemo imati veliki problem sa toplifikacijom zato što je...sada su kapaciteti apsolutno potrošeni. Ja želim da Gradsko vijeće da još jedan zaključak gdje se obavezuje gradonačelnik da pokrene projekat nove cijevi iz termoelektrane Tuzla kako bi se, kako bi no-va gradska vlast ukoliko nekada dođe imala mogućnost da dalje širi toplifikaciju na isti način na koji je započeo projekat (ANA PEJIĆ – Isteklo vam je vrijeme.) kada je bio gospodin Selim Bešlić i njegova administracija, a kada je došla nova administracija došla da otvori taj projekat. Na isti način da se napravi ovaj projekat o kojem sam govorio. (ANA PEJIĆ – Isteklo vam je vrijeme kolega Berbiću.) Hvala ljepo.

ANA PEJIĆ

Sljedeći se javio. Ispravka krivog navoda. Vijećnik Mensur Alić.

MENSUR ALIĆ

Samo da kolegi odgovorim da evo sedam godina nisam dobio ni jednu minutu na RTV 7 tako da ne-mora da znači da je samo pozicija da ima mjesto u, na toj televiziji. Evo sedam godina ni jedne mi-nute nisam dobio prostora ni da budem gost njihov i da ne pričam dalje. Evo da samo bude, da ne bude da je samo opozicija tu oštećena nego evo i da smo i mi iz pozicije pojedini, pojedini vijećnici koji možda nismo na fonu direktorice ne dobivamo prostora za RTV. Hvala ljepo.

ANA PEJIĆ

Kolega Berbiću izvolite.

OMER BERBIĆ

Hvala ljepo. Slažem se. Izvinjavam se ako ste se našli tu prozvani. Onda nije samo u pitanju ni ljudi koji su u poziciji nego se jedna stranka očigledno gura kroz taj javni medij. Izvinjavam se. Hvala ljepo.

ANA PEJIĆ

Sljedeći za riječ se javio vijećnik Admir Čavalić. Evo replika. Elvir Bijedić.

ELVIR BIJEDIĆ

Ma molim vas mislim, pričamo o rebalansu Budžeta Berbiću kako bi sad rekli kao u filmovima za Boga miloga. Koja pozicija-opozicija Grad Tuzla plaća dakle, jeste Radio televiziju 7 koja objektivno informiše o dešavanjima u gradu unutar Gradskog vijeća. Predsjedavajuća Gradskog vijeća daje informacije šta se dešavalo tog dana na Gradskom vijeću. Gradonačelnik koji vodi ovaj grad daje informacije šta je u planu, šta će biti, šta je bilo u prethodnom periodu. Ja kao vijećnik nikad politički nisam dobio ni jedan jedini sekund. Prema tome molim vas nemojte da. Apsolutno ne smatram da je RTV 7 politička televizija. Molim vas. Kakvo depolitiziranje molim vas.

ANA PEJIĆ

Replika. Selma Čatibušić. Kome replika?

SELMA ČATIBUŠIĆ

Kolegi Bijediću. Spomenuli ste da ovo je priča o budžetu, jeste priča o budžetu zato što RTV 7 sada će dobiti neke nove pare koje će ukupno iznositi 700.000 maraka ali ja ono što bih rekla da ja nisam imala prostor na RTV 7, a i kolegica je ovdje bila svjedok koja je bila jako ljubazna za razliku od njenog kolege gdje nisam kao aktivistkinja na jednom pohodu imala pravo da prokomentarišem taj pohod i kolega novinar me je udaljio sa tog prostora. Ja sam se naravno obraćala RTV 7 čiji sam odgovor dobila koji je bio isto toliko arogantan slobodno mogu reći, gdje su se navodile stvari koje nisu bile tačne. I također smatram da RTV 7 sa takvom politkom ne zaslužuje da ima više novca i jako sam razočarana konkretno u ovaj medijski servis i na direktoricu koja je svaki put prema nama koji nismo ne znam, nebitno eto reći ću simpatični, gdje nemamo prostor ni kao tuzlaci i tuzlanke da se pojavimo na RTV 7

konkretno. Znači, ja sam bila na tom pohodu aktivistkinja koja je trebala da da komentar o tome šta se dešava.

ANA PEJIĆ

Zahvaljujem se. Omer Berbić vijećnik.

OMER BERBIĆ

Hvala ljepo. Ah kolega Bijediću za Boga miloga. Svi koji daju izjave političke na RTV 7 dolaze iz jedne partije. Ako to nije dokaz, ja ne znam šta jeste. Nas je RTV 7 prijavio Regulatornoj agenciji, a onda mi nismo želili da odgovorimo kako mi pravimo tobože pritisak. Zna li šta je pritisak? Pritisak je kad se ne može jedna sekunda medijskog prostora dobiti niti kolege vaše iz pozicije a niti mi iz opozicije, nego samo iz jedne partije. E to je pritisak. I nemojte ovdje da, da mi govorite da sam slijep pored svojih očiju. Pa uz dužno poštovanje šta je sporno? Evo i da sada podržite ovaj zaključak za depolitizaciju da kolege sa RTV 7 shvate svoju grešku i da se napravi prostor i za opoziciju a i za kolege iz pozicije koje očigledno nisu po ukusu direktorice. Hvala ljepo.

ANA PEJIĆ

Replika. Elvir Bijedić.

ELVIR BIJEDIĆ

Replika dakle, Selmi Čatibušić. Zaista mi je žao dakle, ali nemojte molim vas da vaše neke lične frustracije zato što niste kao aktivistkinja bili negdje zastupljeni to apsolutno nema veze sa politikom Gradskog vijeća niti odnosa Gradskog vijeća i ovoga grada prema RTV 7. dakle, iskoristit ću samo priliku da kažem da ja sam pomenuo predsjedavajuću Gradskog vijeća i gradonačelnika. Volja građana je da je predsjedavajuća Gradskog vijeća i gradonačelnik iz iste političke partije. Hvala ljepo.

ANA PEJIĆ

Ispravka krivog navoda. Selma Čatibušić.

SELMA ČATIBUŠIĆ

Samo kolegi opet mislim vjerovatno nije pogledao taj moj video. Mene je to udruženje konkretno predložilo da ja dam izjavu i ja sam vraćena, stala sam ispred kamere. Kolegica je rekla Selma gledaj u ovu stranu, a kolega je rekao vi kao vijećnica ne trebate da dajete izjavu uopšte o ovom pohodu. A nisam bila u svojstvu tu vijećnice. Znači, trebala sam dati izjavu ali sam udaljena odatle, odbijena da dam izjavu.

ANA PEJIĆ

Zahvaljujem se. Sljedeći za riječ se javio vijećnik Admir Čavalić.

ADMIR ČAVALIĆ

Hvala puno predsjedavajuća. Zamjenice predsjedavajuće izvinjavam se. Vezano za RTV 7 nisam se htio javljati i meni je onako to malo slatko, simpatično. Vi znate da se pojavljujem u većini medija tako je bilo i u RTV 7 zadnjih pet godina međutim, kako sam postao opzicija izgleda da sam „persona non grata“ dakle, ne mogu dati u nekoj drugoj funkciji izjavu. Mada je u redu ako trebam postat pozicija da bi bio na RTV 7 neću pristati na taj dogovor.

E sada vezano za ovih 700.000 zaista je puno. Pazite, dosta mjesnih zajednica u Tuzli nemaju vode, dosta mjesnih zajednica ima loše i katastrofalne puteve, dosta mjesnih zajednica ima problema sa grijanjem, a mi dajemo 700.000 maraka godišnje jednoj televiziji koja realno ima alternativu u privatnom sektoru htjeli mi to ili ne. I ovo što je kolega Berbić govorio to je opasnost. Dakle, sutra kad dođe neka druga većina, neke nove prilike neko će kazati pa stanite imamo već, kao što je većina gradova, opština u Bosni i Hercegovini navela, pa dobro imamo privatne alternative šta će nam televizija. Kao što je gradonačelnik maloprije kazao nije na Gradu da gradi fabrike, tako nije na Gradu možda da ima vlastite TV stanice. Međutim, neću ulaziti u tu temu. Ovo sam imao samo potrebu da kažem.

Vezano za rebalans. Najveći problem dakle, je suficit. Vi ako uzmete po pojedinačnim fondovima na 33-ćoj stranici o izvršenju dakle, preko 6 miliona opšti fond neiskorišteno, preko 4, odnosno gotov 5 miliona fond za komunalnu infrastrukturu neiskorišteno, gotov 2 miliona fond sredstava od naknade ostvaren radom termoelektrane neiskorišteno i fond za socijalno stanovanje čak minorni iznos neiskorišteno. Uzimajući u obzir da zaista imamo inflaciju, da opada vrijednost novca iz dana u dan pitanje je dakle, ko je odgovoran jel ga možemo amnestirati odgovornosti zašto nije trošio novac ili je akumulirao dakle, taj novac kako bi ga mogao trošiti u izbornoj godini. Nadam se da to nije planski, ali ako analizirate budžete za zadnjih deset godina vidjet će se da se uglavnom akumulira tako suficit prebacuje na izbornu godinu i onda bilo da je riječ o lokalnim, pogotovo lokalnim, a bilo da je riječ i o opštim izborima onda se dakle, masivno troši.

Ja zbog toga takođe predlažem zaključak da se izbjegavaju ovakvi suficiti gotov ¼ budžeta. To je zaključak i da se vodi računa dakle, da se troše sredstva na način da zaista realizuju potrebe dakle, realizuju potrebe građanstva.

Takođe dajem zaključak, a vezano je za budžet da podržimo Centralnu izbornu komisiju i ako treba da je budžetski podržimo dakle, ispred Gradskog vijeća je jer je to, u ovom trenutku vidimo dakle, da postoji ozbiljna ugroženost od odgađanja ili ukidanja ili nemogućnosti realizacije izbora u našoj zemlji.

I takođe vezano za RTV 7 moj zaključak generalno da direktori javnih medijskih kuća ne bi trebali baš da budu dakle, na Gradskim odborima političkih partija. Ja sam isto vidio tu fotografiju. Bilo je još nekih drugih direktora hajde da kažemo nek su politički direktori u redu, ali možda za medije ako hoćemo da kažemo da je nezavisan i objektivam medij možda ne treba medije vezat za političku partiju da to bude stvar nekog političkog bontona kulture. Nek idu ostali direktori nije problem dakle, i javnih ustanova i javnih poduzeća to mi je sasvim u redu, ali kad govorimo o medijima ako hoćemo da imamo epitet objektivnosti, nezavisnosti, neovisnosti, mimo politički uticaj itd. moj je zaključak da direktori medijskih, javnih medijskih kuća u nadležnosti Grada Tuzla jednostavno ne posjećuju stranačke skupove osim ako su tu kao reporteri, kamermani i sl. tad po službenoj dužnosti neka posjećuju. Toliko.

ANA PEJIĆ

Zahvaljujem se. Vijećniče Berbiću vi ste se dva puta javljali za diskusiju vijećnika. (vijećnik Omer Berbić govori bez uključenog mikrofona op.a.) Nemate pravo po Poslovniku Gradskog vijeća član 70. Nemate pravo treći put da se javite.

Obzirom da nema više prijavljenih zaključujem diskusiju vijećnika i dajem pauzu od 10 minuta. (Pauza.)

NATAŠA PERIĆ

Pozivam vijećnike da uđu u salu.

Pozivam vijećnike da uđu u salu.

Prelazimo na glasanje po tački dva:

Razmatranje i usvajanje pod a) IZVJEŠTAJ O IZVRŠENJU BUDŽETA GRADA TUZLE ZA PERIOD 01. 01. DO 31. 12. 2021. i molim vijećnike da se izjasne. Glasanje je okončano.

Konstatujem da je IZVJEŠTAJ O IZVRŠENJU BUDŽETA GRADA TUZLE ZA PERIOD 01. 01. DO 31. 12. 2021. GODINE usvojen sa, 26 glasova za, niko nije bio protiv i 3 suzdržana.

Sada stavljam IZVJEŠTAJ KORIŠTENJA SREDSTAVA TEKUĆE REZERVE ZA PERIOD 01. 01. DO 31. 12. 2021. i molim vijećnike da se izjasne. Glasanje je okončano.

Konstatujem da je IZVJEŠTAJ KORIŠTENJA SREDSTAVA TEKUĆE REZERVE ZA PERIOD 01. 01. DO 31. 12. 2021. usvojen sa, 27 glasova za, nije bilo protiv i 2 suzdržana.

Sada stavljam na izjašnjavanje IZVJEŠTAJ O IZVRŠENJU BUDŽETA GRADA TUZLE ZA PERIOD 01. 01. DO 31. 03. 2022. GODINE. Molim vijećnike da se izjasne. Možel? Samo malo. Poništiti ćemo glasanje. Možel Measure? Znači glasamo o Izvještaju o izvršenju Budžeta Grada Tuzle za period 01. 01. do 31. 03. 2022. Molim samo malo tišine. Evo Measure jeste li uspjeli? Aha. Dobro. Glasanje je okončano.

Konstatujem da je IZVJEŠTAJ O IZVRŠENJU BUDŽETA GRADA TUZLE ZA PERIOD 01. 01. DO 31. 03. 2022. usvojen sa, 26 glasova za, nije bilo protiv i 3 suzdržana.

Prije nego pređemo na podtačku d) ODLUKE O IZMJENAMA I DOPUNAMA BUDŽETA GRADA TUZLE ZA PERIOD 01. 01. DO 31. 12. 2022. i pozivam predlagača Budžeta da se izjasni o amandmanima koji su vijećnici priložili.

JASMIN IMAMOVIĆ – gradonačelnik Grada Tuzle

Dame i gospodo vijećnici prijedlog ovog rebalansa radile su sve službe predvođene Službom za budžet i finansije uz konsultaciju sa javnim preduzećima i javnim ustanovama vodeći računa o diskusijama, primjedbama i prijedlozima vijećnika koje su iznesene u decembru prilikom usvajanja Budžeta za ovu godinu. Kao npr. tad je bio prijedlog vijećnika Hirkića da se poveća stavka vezana za pomoć građanima u liječenju malignih oboljenja. Na primjer to je jedan... (vijećnik Damir Muratović govori bez uključenog mikrofona op.a.) (NATAŠA PERIĆ – Ne možete na ovo replicirati.) (vijećnik Damir Muratović govori bez uključenog mikrofona op.a.) (NATAŠA PERIĆ - Ne može nema ispravke. Ja sam zaključila diskusiju. (vijećnik Damir Muratović govori bez uključenog mikrofona op.a.) Samo malo u toku je izlaganje. (vijećnik Damir Muratović govori bez uključenog mikrofona op.a.) (NATAŠA PERIĆ - Dobro

samo malo da završi.) (vijećnik Damir Muratović govori bez uključenog mikrofona op.a.) Pa et ja (NATAŠA PERIĆ - Aha. Pa dobro.) izvinjavam se onda ja što sam zaboravio jer decembar je daleko jel? (vijećnik Damir Muratović govori bez uključenog mikrofona op.a.) (NATAŠA PERIĆ – Dobro.) I 73 amandmana je previše. Znači, usvojiti 73 amandmana to je neki sasvim drugi budžet ni nalik na ovaj na kojem smo rebalansu radili mjesecima. Dakle, može se kazati od septembra jer što nismo mogli realizovati u decembru očekivali smo realizovati u dakle, previše je.

Dalje ima i onih koji su neosnovani nemoguće je, neostvarivi koje ne bismo mogli izglasati. Ne može se skinuti milion i sto sa stavke u kojoj trenutno piše 15.000, a treba da piše 150.000 na primjer od neprovodiv.

Odbijanje nekih amandmana sam i obrazložio. Naravno ne svih, jer stvarno je 73 amandmana. Evo ja ću vam reći. Dvadesetdruga godina sam predlagač Budžeta, a deset godina sam bio sekretar. Ovo što sada radi kolegica Slađa. Nikad ovoliki broj amandmana nije došao ni na prijedlog budžeta ni na. Veliki je to period od trideset godina. Pokušavam sad da možda ne griješim ali evo 99% nikad ovoliki broj amandmana nije predložen. Dakle, to je stvarno previše.

Kao predlagač ne prihvatam predložene amandmane. Predlažem vijećnicama i vijećnicima da prihvate ovaj prijedlog budžeta, odnosno rebalansa Budžeta i glasaju za predloženi rebalans Budžeta. Hvala.

NATAŠA PERIĆ

U redu hvala. Obrzirom da je predlagač obrazložio razloge zbog kojih ne može prihvatiti podnesene amandmane na Odluku o izmjenama i dopunama Budžeta Grada Tuzla za period 01. 01. do 31. 12. 2022. sada ću redom pitati vijećnike koji su podnijeli amandmane da li će neko da povuče amandmane?

Znači ovako - Ispred Kluba vijećnika Socijaldemokrata SD BiH 4 (SLAĐANA KRAJINA - 4 amandmana.) 4 amandmana. Evo molim kolegu Miškovića da se izjasni.

MIREL MIŠKOVIĆ

Ne povlačim.

NATAŠA PERIĆ

Dobro. Ne povlači. Odmah ćemo sad se izjasniti o vašim amandmanima. Molim Slađanu da pročita jedan po jedna.

SLAĐANA KRAJINA – sekretar Gradskog vijeća Tuzla

- Prvi amandman Kluba vijećnika socijaldemokrata BiH

U Izmjenama i dopunama Budžeta Grada Tuzla za 2022. godinu predvidjeti sredstva u iznosu od 60.000 konvertibilnih maraka za sufinansiranje smještaja djece predškolske dobi u registrovanim predškolskim ustanovama na području Grada Tuzla a koja zbog ograničenih smještajnih kapaciteta nisu pod ingerencijom (NATAŠA PERIĆ – Molim vas malo tišine.) Javne ustanove „Naše dijete“.

Sredstva za ovu namjenu osigurati na način da se formira novi ekonomski kod te da se predloženi iznos osigura umanjenjem planiranog iznosa na ekonomskim kodovima sa sljedećih

pozicija uvažavajući i činjenicu da Služba za budžet i finansije navedena sredstva osigura sa drugog ekonomskog koda koji ocjeni prihvatljivim.

Pod jedan: Ekonomski kod 614329-25 Grant Javno preduzeće „Veterinarska stanica“ Tuzla 20.000 konvertibilnih maraka.

Dva: Ekonomski kod 614311-48 Grant „Aero klubu Tuzla“ 20.000 konvertibilnih maraka.

I tri: Ekonomski kod 614311-42 Grant neprofitnoj organizaciji OKK-a „Sloboda“ Tuzla.

NATAŠA PERIĆ

Molim vijećnike da se izjasne o pročitanoj amandmanu. Glasanje je okončano. Ponovite. Poništavam glasanje. Ponovite. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, niko nije bio protiv i 19 suzdržanih.

SLAĐANA KRAJINA – sekretar Gradskog vijeća Tuzla

- Sljedeći amandman Kluba vijećnika socijaldemokrata.

Grant jednokratna pomoć penzionerima sa najnižom penzijom za ublažavanje socio-ekonomskih posljedica izazvanih povećanjem cijena potrošačke korpe.

Iza ekonomskog koda 615311-4 dodati novi ekonomski kod 614239-19 Grant jednokratna pomoć penzionerima sa najnižom penzijom za ublažavanje socio-ekonomskih posljedica izazvanih povećanjem cijena potrošačke korpe sa iznosom od 300.000 konvertibilnih maraka.

Sredstva za ovu namjenu osigurati na način da se predloženi iznos osigura umanjnjem planiranog iznosa na ekonomskom kodu 613324-3 - Izdaci za rad zimske službe u iznosu od 520.000 konvertibilnih maraka na 220.000 konvertibilnih maraka.

NATAŠA PERIĆ

Molim vijećnike da se izjasne o pročitanoj amandmanu. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, niko nije bio protiv i 20 suzdržanih.

SLAĐANA KRAJINA – sekretar Gradskog vijeća Tuzla

- Sljedeći amandman Kluba vijećnika socijaldemokrata BiH.

Grant podrška za porodice sa jednim ili ni jednim zaposlenim članom u svrhu finansiranja cjelokupnog iznosa za pohađanje predškolskog odgoja i obrazovanja u Javnoj ustanovi za predškolski odgoj i obrazovanje obdanište „Naše dijete“ Tuzla.

Iza ekonomskog koda 615311-4 dodati novi ekonomski kod 614239-20 Grant podrška za porodicu sa jednim ili ni jednim zaposlenim članom u svrhu finansiranja cjelokupnog iznosa za pohađanje predškolskog odgoja i obrazovanja u Javnoj ustanovi za predškolski odgoj i obrazovanje obdanište „Naše dijete“ Tuzla.

Sredstva za ovu namjenu osigurati na način da se predloženi iznos osigura umanjnjem planiranog iznosa na ekonomskom kodu 812221-4 Izgradnju pokretnih stepenica u Mjesnoj zajednici Mejdan u iznosu od 500.000 konvertibilnih maraka na 300.000 konvertibilni maraka.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, niko nije bio protiv i 20 suzdržanih.

SLADANA KRAJINA – sekretar Gradskog vijeća Tuzla

- Sljedeći amandman Kluba vijećnika socijaldemokrata.

Grant neprofitnoj organizaciji AK je li? Atletski klub „Sloboda Tehnograd“ Tuzla Bosna ai Hercegovine.

Iza ekonomskog koda 615311-4 dodati novi ekonomski kod 615312 Grant neprofitnoj organizaciji Atletski klub „Sloboda Tehnograd“ Tuzla Bosna i Hercegovina u iznosu od 50.000 konvertibilnih maraka.

Sredstva za ovu namjenu osigurati na način da se predloženi iznos osigura umanjnjem planiranog iznosa na ekonomskom kodu 613324-2 Izdaci za održavanje zelenih površina sa 800.000 konvertibilnih maraka na 750.000 konvertibilnih maraka.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, niko nije bio protiv i 19 suzdržanih.

Vijećnik Damir Muratović da li ostajete pri svojim amandmanima. (DAMIR MURATOVIĆ - Ostajem.) Ostajete. Dobro.

SLADANA KRAJINA – sekretar Gradskog vijeća Tuzla

– Prvi amandman vijećnika Muratovića o Izmjenama i dopunama Budžeta Grada Tuzla za 2022. godinu.

Iz dijela budžeta koji se odnosi na fond sredstava od naknade za prihode ostvarene radom termoelektrana obezbjediti sredstva od 100.000 konvertibilnih maraka za izgradnju dječijeg igrališta u naselju Mihatovići Mjesna zajednica Šićki Brod.

Iza ekonomskog koda 615411-11 dodati novi ekonomski kod 615411-13 ili odgovarajući broj koji glasi: Izgradnja dječijeg igrališta u naselju Mihatovići Mjesna zajednica Šićki Brod sa iznosom od 100.000 konvertibilnih maraka.

Sredstva za ovu namjenu osigurati na način da se predloženi iznos od 100.000 konvertibilnih maraka osigura umanjnjem na ekonomskom kodu 615411-11 Kapitalni grant Javnoj ustanovi Dom penzionera Tuzla ili umanjnjem sredstava na drugim pozicijama za tekuće. Ekonomski kod 610 000 i kapitalne izdatke ekonomski kod 820000 u okviru fonda sredstava od naknade za prihode ostvarene radom termoelektrana.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, niko nije bio protiv i 19 suzdržanih.

SLADANA KRAJINA – sekretar Gradskog vijeća Tuzla

– Amandman dva vijećnika Muratovića o Izmjenama i dopunama Budžeta Grada Tuzla za 2022. godinu predvidjeti sredstva u iznosu od 9.000 konvertibilnih maraka za finansiranje postavljanja tri jarbola sa zastavama na trgu Slobode.

Sredstva za ovu namjenu osigurati na način da se formira novi ekonomski kod ili da se sredstva povećaju na kodu namjenjenom za urbani mobilijar te da se predloženi iznos osigura umanjenjem planiranog iznosa na ekonomskom kodu sa sljedeće pozicije u budžetu uvažavajući činjenicu da Služba za budžet i finansije navedena sredstva osigura sa drugog ekonomskog koda kojeg ocjeni prihvatljivijim.

Jedan.

Ekonomski kod 614311-57 Grant neprofitnoj organizaciji Udruženje za razvoj „Nerda“ 9.000 konvertibilnih maraka.

NATAŠA PERIĆ

Molim vijećnike da se izjasne. Glasanje je okončano

Konstatujem da pročitani amandman nije dobio potrebnu većinu, 9 vijećnika je glasalo za, niko nije bio protiv i 19 suzdržanih.

Vijećnik Admir Čavalić da li ostajete pri svojim amandmanima? Ko je zadnji pričao? (ADMIR ČAVALIĆ - Da izuzev ovog jednog gospođa Slađa zna naveo sam.) Dobro. Ništa. Izjašnjavamo se.

SLADANA KRAJINA – sekretar Gradskog vijeća Tuzla

– Amandman jedan vijećnika Čavalića.

Da se formira nova budžetska stavka „Transfer za rad - Udruženje „Zmajevno srce“ u početnom iznosu od 10.000 konvertibilnih maraka. Sredstva za ovo bi se obezbjedila sa stavke 61000 Tekuća budžetska rezerva.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, niko nije bio protiv i 19 suzdržanih.

SLADANA KRAJINA – sekretar Gradskog vijeća Tuzla

– Amandman dva vijećnika Čavalića.

Predlažem da se doda nova budžetska stavka, pripadajućeg ekonomskog koda, naziva „Održavanje spomenika Vječna svjetlost nad Kapijom“ u iznosu od 10.000 konvertibilnih maraka, a da se sredstva za potrebe navedenog prebace sa ekonomskog koda 610000 (Tekuća rezerva budžeta).

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 10 vijećnika je glasalo za, niko nije bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

– Amandman tri vijećnika Čavalića.

Predlažem da se budžetska stavka ekonomski kod 613770 Naknade vijećnicima u Gradskom vijeću Tuzla smanji za 10%, sa postojećih 415.000 konvertibilnih maraka na 373.500 konvertibilnih maraka. Višak sredstava od 41.500 konvertibilnih maraka, predlažem da se prebaci na ekonomski kod 614530 Grant za aktivnu politiku zapošljavanja (sa postojećih 40.000 konvertibilnih maraka na 81.500 konvertibilnih maraka).

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, niko nije bio protiv i 19 suzdržanih.

SLAĐANA KRAJINA – sekretar Gradskog vijeća Tuzla

– Amandman četiri vijećnika Čavalića.

Predlažem da budžetska stavka ekonomskog koda 613727-24 (Tekuće održavanje sportskih terena i igrališta) poveća za 20.000 konvertibilnih maraka, a da se sredstva prebace sa stavke 613720 – Izdaci za tekuće održavanje.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, niko nije bio protiv i 19 suzdržanih.

SLAĐANA KRAJINA – sekretar Gradskog vijeća Tuzla

– Amandman pet vijećnika Čavalića.

Predlažem da se uvede nova budžetska Stavka naziva “Grantovi za privatne predškolske ustanove” i da se za istu obezbijedi 30.000 konvertibilnih maraka. Ova sredstva bi se obezbjedila sa stavke 610000 Tekuća rezerva budžeta.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, 1 je bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

– Amandman šest vijećnika Čavalića.

Predlažem da se budžetska stavka ekonomski kod 614311-28 Grant neprofitnoj organizaciji – Sportski savez grada Tuzla smanji za 35.000 konvertibilnih maraka, i to sa postojećih 535.000 na 500.000 konvertibilnih maraka (koliko je bilo planirano budžetom za 2022. godinu), a da se 35.000 konvertibilnih maraka prebaci Futsal klubu Salines Tuzla City kroz novu budžetsku stavku ekonomskog koda 614311-66 (ili drugog pripadajućeg shodno klasifikaciji).

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, niko nije bio protiv i 19 suzdržanih.

SLADANA KRAJINA – sekretar Gradskog vijeća Tuzla

– Amandman sedam vijećnika Čavalića.

Planirati 20.000 konvertibilnih maraka za Javnu zdravstveno nastavnu ustanovu Domu zdravlja "Dr. Mustafa Šehović" Tuzla u svrhu nabavke redomata (uređaja za upravljanjem redovima čekanja). Ovo realizovati kroz Kapitalni grant - JZNU (NATAŠA PERIĆ - Molim vas tišina malo.) Dom zdravlja "Dr. Mustafa Šehović" Tuzla ili neku drugu budžetsku stavku. Sredstva obezbjediti sa stavke Tekuća rezerva budžeta (610000).

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, 3 protiv i 16 suzdržanih.

SLADANA KRAJINA – sekretar Gradskog vijeća Tuzla

– Amandman osam vijećnika Čavalića.

Predlažem da se budžetska stavka ekonomskog koda 821210 - Izgradnja parkova poveća sa 0 konvertibilnih maraka na 50.000 konvertibilnih maraka. Ova sredstva bi se preuzela sa stavke 610000 – Tekuća rezerva budžeta.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 8 vijećnika je glasalo za, niko nije bio protiv i 19 suzdržanih.

SLADANA KRAJINA – sekretar Gradskog vijeća Tuzla

– Amandman devet vijećnika Čavalića.

Predlažem da se budžetska stavka ekonomskog koda 613429-29 Transfer za rad – Udruženje građana Roditelja i prijatelja djece s dijabetesom „Novi horizonti“ Tuzla poveća za 2.000 konvertibilnih maraka na ukupno 40.000 konvertibilnih maraka, a da se potrebna finansijska sredstva obezbjede sa budžetske stavke 614311-57 Grant neprofitnoj organizaciji – Udruženje za razvoj Nerda.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 8 vijećnika je glasalo za, niko nije bio protiv i 19 suzdržanih.

SLAĐANA KRAJINA – sekretar Gradskog vijeća Tuzla

– Amandman deset vijećnika Čavalića.

Predlažem da se uvede nova budžetska Stavka naziva “Grantovi za privatne predškolske ustanove” i da se za istu obezbijedi 30.000 konvertibilnih maraka. Ova sredstva bi se obezbijedila sa stavke 614329-10 Transfer za rad – Javno preduzeće "RTV 7 Tuzla" koja je značajno uvećana u odnosu na prethodnu godinu i ranije usvojeni budžet za 2022. godinu.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 8 vijećnika je glasalo za, 1 je bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

Amandman jedanaest povučen.

– Amandman dvanaest vijećnika Čavalića.

Predlažem da se budžetska stavka ekonomskog koda 613976-2 Naknade savjetima mjesnih zajednica dodatno smanji sa planiranih 500.000 konvertibilnih maraka na 470.000 konvertibilnih maraka, a da se 30.000 konvertibilnih maraka iskoristi za novu budžetsku stavku pripadajućeg ekonomskog koda, naziva «Tekuće finansiranje projekata mjesnih zajednica».

NATAŠA PERIĆ

Molim vijećnike da se izjasne. Glasanje je okončano. Molim vas malo tišine. Molim Hasibe molim?

9 vijećnika je glasalo za, 1 je bio protiv, 18 suzdržanih. Amandman nije dobio potrebnu većinu.

SLAĐANA KRAJINA – sekretar Gradskog vijeća Tuzla

– Amandman trinaest vijećnika Čavalića.

Predlažem da se budžetska stavka Izgradnja vrelovodne mreže, optimizacija sistema daljinskog grijanja poveća za 50.000 konvertibilnih maraka i da se postojeća i dodatna finansijska sredstva iskoriste za instalaciju centralnog grijanja u ulici Šeste bosanske brigade. Sredstva bi se obezbijedila sa stavke 61000 Tekuća rezerva budžeta.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, niko nije bio protiv i 19 suzdržanih.

SLAĐANA KRAJINA – sekretar Gradskog vijeća Tuzla

– Amandman četrnaest vijećnika Čavalića.

Planirati 20.000 konvertibilnih maraka za Javnu zdravstveno nastavnu ustanovu Dom zdravlja "Dr. Mustafa Šehović" Tuzla u svrhu nabavke redomata (uređaja za upravljanjem redovima čekanja). Ovo realizovati kroz Kapitalni grant – Javna zdravstvena nastavna ustanova Dom zdravlja "Dr. Mustafa Šehović" Tuzla ili neku drugu budžetsku stavku. Sredstva obezbjediti sa stavke Transfer za rad Javnog preduzeća RTV 7 Tuzla (614329-10).

NATAŠA PERIĆ

Molim vijećnike da se izjasne. (Ponovo.) Poništavam glasanje. Molim ponovo da se izjasne. Molim vijećnike ponovo da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, 3 su bila protiv i 16 suzdržanih.

(vijećnik Hasib Hirkić govori bez uključenog mikrofona op.a.) Hej Hirkiću.

SLAĐANA KRAJINA – sekretar Gradskog vijeća Tuzla

– Amandman petnaest vijećnika Čavalića.

Predlažem da se budžetska stavka ekonomskog koda 613976-2 Naknade savjetima mjesnih zajednica dodatno smanji sa planiranih 500.000 konvertibilnih maraka na 480.000 konvertibilnih maraka, a da se 20.000 konvertibilnih maraka iskoristi za novu budžetsku stavku pripadajućeg ekonomskog koda, naziva «Tekuće finansiranje projekata mjesnih zajednica».

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, 1 je bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

– Amandman šesnaest vijećnika Čavalića.

Predlažem da se ekonomski kod broj 613727-21, tekuće održavanje sportskih terena i igrališta poveća za 20.000 konvertibilnih, uz izmjenu naziva ove budžetske stavke u «izgradnja i tekuće održavanje sportskih terena i igrališta». Sredstva bi se obezbjedila sa stavke podrške radu RTV 7 Tuzla.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, 2 su bila protiv i 16 suzdržanih.

SLAĐANA KRAJINA – sekretar Gradskog vijeća Tuzla

Amandman sedamnaest povučen.

– Amandman osamnaest vijećnika Čavalića.

Predlažem da se budžetska stavka ekonomskog 821220 Izgradnja vrelovodne mreže, optimizacija sistema daljinskog grijanja poveća za dodatnih 50.000 konvertibilnih maraka. Sredstva bi se uzela sa stavke tekuća rezerva budžeta (610000).

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLADANA KRAJINA – sekretar Gradskog vijeća Tuzla

– Amandman devetnaest vijećnika Čavalića.

Da se stavka Grantovi za nabavku i ugradnju toplotnih mjernih stanica u Mjesnoj zajednici Šićki Brod, Bukinje i Husino (615211-7) poveća za 20.000 konvertibilnih maraka. Ova sredstva bi se uzela sa stavke Grantovi za energetska efikasnost.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLADANA KRAJINA – sekretar Gradskog vijeća Tuzla

– Amandman dvadeset vijećnika Čavalića.

Predlažem da se smanji budžetska stavka ekonomskog koda 614311-20 Grant za pomoć Fondaciji "Istina - pravda - pomirenje" za 5.000 konvertibilnih maraka. Oslobođenih 5.000 konvertibilnih maraka se može iskoristiti kao inicijalni grant podrške za podršku udruženju građana "25. maj Kapija" Tuzla.

NATAŠA PERIĆ

Molim vijećnike da se izjasne. (Ponovo.) Poništavam glasanje. Molim ponovo da se izjasnimo. Glasanje je okončano.

Konstatujem da amandman nije dobio potrebnu većinu, 7 vijećnika je glasalo za, niko nije bio protiv i 18 suzdržanih.

SLADANA KRAJINA – sekretar Gradskog vijeća Tuzla

– Amandman dvadeset i jedan vijećnika Čavalića.

Predlažem da se doda nova budžetska stavka, pripadajućeg ekonomskog koda, naziva „Održavanje spomenika Vječna svjetlost nad Kapijom“ u iznosu od 10.000 konvertibilnih maraka, a da se sredstva za potrebe navedenog prebace sa ekonomskog koda 613720 – Izdaci za tekuće održavanje.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

– Amandman dvadesetdva vijećnika Čavalića.

Da se formira nova budžetska stavka „Jednokratna podrška penzionerima na području Grada Tuzla“ u početnom iznosu od 100.000 konvertibilnih maraka. Sredstva za ovo bi se obezbjedila sa stavke 61000 Tekuća budžetska rezerva.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 17 suzdržanih.

SLAĐANA KRAJINA – sekretar Gradskog vijeća Tuzla

– Amandman dvadesettri vijećnika Čavalića.

Predlažem da se smanji budžetska stavka ekonomskog koda 614311-20 Grant za pomoć Fondaciji "Istina - pravda - pomirenje" smanji za 5.000 konvertibilnih maraka, a da se formira nova stavka Transfer za rad - Studentskog vijeća Medicinskog fakulteta u Tuzli "MEDICUS".

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 8 vijećnika je glasalo za, niko nije bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

– Amandman dvadesetčetiri vijećnika Čavalića.

Planirati 20.000 konvertibilnih maraka za Javnu zdravstveno nastavnu ustanovu Dom zdravlja "Dr. Mustafa Šehović" Tuzla u svrhu nabavke redomata (uređaja za upravljanjem redovima čekanja). Ovo realizovati kroz Kapitalni grant - Javna zdravstveno nastavna ustanova Dom zdravlja. Molim? (NATAŠA PERIĆ – Molim vas malo tiše samo.) Dom zdravlja "Dr. Mustafa Šehović" Tuzla ili neku drugu budžetsku stavku. Sredstva obezbjediti sa stavke Naknade članovima radnih tijela Gradskog vijeća.

NATAŠA PERIĆ

Molim vijećnike da se izjasne. Glasanje je okončano.

Pročitani amandman nije dobio potrebnu većinu, 7 vijećnika je glasalo za, 3 protiv i 18 suzdržanih.

SLAĐANA KRAJINA – sekretar Gradskog vijeća Tuzla

– Amandman dvadesetpet vijećnika Čavalića.

Predlažem uvećanje stavke Izgradnja i rekonstrukcija puteva za 150.000 konvertibilnih maraka i to na ime rekonstrukcije puta od Kamenjaša (mezarje) do izlaza u Avdibašiće, nekih 1300 metara na dionici puta sjeverne zaobilaznice iz Tuzle prema Previlama. Sredstva obezbjediti sa stavki Naknade članovima radnih tijela Gradskog vijeća, Tekuća rezerva budžeta, transfer za rad Javnog preduzeća RTV 7 Tuzla, kao i 613720 Tekuće održavanje.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, 1 je bio protiv i 17 suzdržanih.

SLADANA KRAJINA – sekretar Gradskog vijeća Tuzla

– Amandman dvadesetšest vijećnika Čavalića.

Predlažem da budžetska stavka ekonomskog koda 613400 «Nabavka materijal» (za potrebe mjesnih zajednica), sa planiranih poveća za 2.000 konvertibilnih maraka. Sredstva obezbjediti sa pozicije podrške Fondaciji „Istina, pravda i pomirenje“.

NATAŠA PERIĆ

Pozivam vijećnike da se izjasne. Glasanje je okončano.

Konstatujem da amandman nije dobio potrebnu većinu, 7 vijećnika je glasalo za, 1 je bio protiv i 19 suzdržanih.

SLADANA KRAJINA – sekretar Gradskog vijeća Tuzla

– Amandman dvadesetsedam vijećnika Čavalića.

Predlažem da se grant Javno komunalno preduzeće Vodovod i kanalizacija Tuzla smanji na 740.000 konvertibilnih maraka. (NATAŠA PERIĆ – Molim vijećnike da se izjasne.) Ostatak od 60.000 konvertibilnih maraka (NATAŠA PERIĆ – Aha. Izvinjavam se.) treba da se usmjeri na budžetsku stavku Izgradnja vodovodne i kanalizacione mreže i objekata vodosnabdijevanja (ekonomski kod 821224-1).

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 8 vijećnika je glasalo za, niko nije bio protiv i 19 suzdržanih.

SLADANA KRAJINA – sekretar Gradskog vijeća Tuzla

– Amandman dvadesetosam vijećnika Čavalića.

Predlažem da se doda nova budžetska stavka, pripadajućeg ekonomskog koda, naziva „Održavanje spomenika Vječna svjetlost nad Kapijom“ u iznosu od 10.000 konvertibilnih maraka, a da se sredstva za potrebe navedenog prebace sa ekonomskog koda 614311-57 Grant neprofitnoj organizaciji – udruženje za razvoj „Nerda“.

NATAŠA PERIĆ

Molim vijećnike da se izjasne. Glasanje je okončano.

8 vijećnika je glasalo za, niko nije bio protiv i 19 suzdržanih, tako da amandman nije dobio potrebnu većinu.

SLAĐANA KRAJINA – sekretar Gradskog vijeća Tuzla

– Amandman dvadesetdevet vijećnika Čavalića.

Predlažem da se sa budžetske stavke ekonomskog koda 615211-8 Grantovi za energijsku efikasnost prebaci 100.000 konvertibilnih maraka u svrhu proširenja/izgradnje vrelovodne mreže (ekonomski kod 821224-2).

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, 1 protiv i 17 suzdržanih.

SLAĐANA KRAJINA – sekretar Gradskog vijeća Tuzla

– Amandman trideset vijećnika Čavalića.

Da se formira nova budžetska stavka „Jednokratna podrška penzionerima na području Grada Tuzla“ u početnom iznosu od 100.000 konvertibilnih maraka. Sredstva za ovo bi se obezbjedila sa stavke 61000 Tekuća budžetska rezerva, 614329-10 Transfer za rad Javnog preduzeća RTV 7 Tuzla, 613720 Izdaci za tekuće održavanje, 614311-57 Grant neprofitnoj organizaciji udruženja za razvoj Nerda i 614311-48 Grant za Aero klub Tuzla.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

– Amandman trideset i jedan vijećnika Čavalića.

Da se formira nova budžetska stavka „Transfer za rad - Udruženje „Zmajevo srce“ u početnom iznosu od 10.000 konvertibilnih maraka. Sredstva za ovo bi se obezbjedila sa stavke 614311-48 Grant za Aero klub Tuzla.

NATAŠA PERIĆ

Molim vijećnike da se izjasne. Glasanje je okončano.

Konstatujem da prijedlog nije dobio potrebnu većinu, 10 vijećnika je glasalo za, niko nije bio protiv i 17 suzdržanih.

SLAĐANA KRAJINA – sekretar Gradskog vijeća Tuzla

– Amandman tridesetdva vijećnika Čavalića.

Da se budžetska stavka „Bruto plaće“ kod Javne ustanove Centar za socijalni rad Tuzla poveća za 30.000 konvertibilnih maraka minimalno i više ukoliko je potrebno, a da se sredstva iskoriste sa ostalih budžetskih stavki koje su rebalansirane kod date ustanove – izdaci za tekuće održavanje, ostale ugovorene obaveze itd.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 11 vijećnika je glasalo za, niko nije bio protiv i 16 suzdržanih.

U redu. Sljedeće amandmane je priložio Nikica Vidović. Jel ostajete? Možete li se samo izjasniti radi stenograma?

NIKICA VIDOVIĆ

Da ostajem.

SLADANA KRAJINA – sekretar Gradskog vijeća Tuzla

– Amandman jedan vijećnika Nikice Vidovića.

Iza ekonomskog koda 614310 dodati novi ekonomski kod ili na drugi način osigura stavka „Grant neprofitnoj organizaciji Futsal club Salines Tuzla City sa iznosom od 20.000 konvertibilnih maraka“.

Sredstva za ovu naknadu osigurati na način da se preraspodjele neutrošena sredstva na ekonomskom kodu 613970- Naknade za rad savjetima mjesnih zajednica.

NATAŠA PERIĆ

Stavljam na izjašnjavanje amandman. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLADANA KRAJINA – sekretar Gradskog vijeća Tuzla

Amandman dva vijećnika Nikice Vidovića povučen.

Amandman vijećnika Admirana Hasanbašića povučen. Govorimo zbog stenograma.

NATAŠA PERIĆ

Samo malo. Imamo vijećnika Omera Berbića. Samo malo da se izjasni. Hoćete? Jel ostajete pri?

OMER BERBIĆ

Ostajem.

NATAŠA PERIĆ

Dobro.

SLADANA KRAJINA – sekretar Gradskog vijeća Tuzla

– Amandman jedan vijećnika Omera Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 20.000,00 konvertibilnih maraka na stavku izgradnja 3D maketa sa legendom grada, novi ekonomski kod.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 8 vijećnika je glasalo za, niko nije bio protiv i 19 suzdržanih.

(vijećnik Zijah Rifatbegović govori bez uključenog mikrofona op.a.) Već je gotovo. Gotovo. Poništavam. Molim vas da se ponovo izjasnite. Glasanje je okončano.

Konstatujem da amandman nije dobio potrebnu većinu, 8 vijećnika je glasalo za, niko nije bio protiv i 17 suzdržanih.

SLADANA KRAJINA – sekretar Gradskog vijeća Tuzla

– Amandman dva vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 12.000,00 konvertibilnih maraka na stavku finansiranje muzičkog obrazovnog centra Legija Artis, ekonomski kod 0503001662615411-1.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLADANA KRAJINA – sekretar Gradskog vijeća Tuzla

– Amandman tri vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 50.000,00 konvertibilnih maraka na stavku transfer za finansiranje kulturno-umjetničkih društava, novi ekonomski kod.

NATAŠA PERIĆ

Molim vijećnike da se izjasne. Glasanje je okončano.

Konstatujem da prijedlog nije dobio potrebnu većinu, 8 vijećnika je glasalo za, niko nije bio protiv i 19 suzdržanih.

SLADANA KRAJINA – sekretar Gradskog vijeća Tuzla

– Amandman četiri vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 30.000,00 konvertibilnih maraka na stavku izgradnja zipline na Ilinčici, novi ekonomski kod.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, 1 je bio protiv i 17 suzdržanih.

SLAĐANA KRAJINA – sekretar Gradskog vijeća Tuzla

– Amandman pet vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 50.000,00 konvertibilnih maraka na stavku rekonstrukcija žardinjera uz korito rijeke Jale, novi ekonomski kod.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

– Amandman šest vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 50.000,00 konvertibilnih maraka na stavku grandovi za zaštitu kulturno historijskog i prirodnog naslijeđa, ekonomski kod 1701001821614325.

NATAŠA PERIĆ

Pozivam vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, 1 je bio protiv i 17 suzdržanih.

SLAĐANA KRAJINA – sekretar Gradskog vijeća Tuzla

– Amandman sedam vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 40.000,00 konvertibilnih maraka na stavku izgradnja biste Mirzi Delibašiću ispred Sportsko kulturno privrednog centra Mejdan, novi ekonomski kod.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 10 vijećnika je glasalo za, niko nije bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

– Amandman osam vijećnika Berbića.

Sa stavke tekuća rezerva budžeta, ekonomski kod 0202001133610000, prebaci sredstva u iznosu od 30.000,00 konvertibilnih maraka na stavku liječenje teško oboljelih u inostranstvu, ekonomski kod 17100011095614239-15.

NATAŠA PERIĆ

Molim vijećnike da se izjasne. Glasanje je okončano.

Amandman nije dobio potrebnu većinu, 9 vijećnika je glasalo za, niko nije bio protiv i 19 suzdržanih.

SLAĐANA KRAJINA – sekretar Gradskog vijeća Tuzla

– Amandman devet vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 50.000,00 konvertibilnih maraka na stavku grant privatnim preduzećima i poduzetnicima za poticaj poljoprivredne proizvodnje, ekonomski kod 0406001421614515.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, 1 je bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

– Amandman deset vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 50.000,00 konvertibilnih maraka na stavku poribljavanje jezera Kop, Šićki brod.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 11 vijećnika je glasalo za, niko nije bio protiv i 17 suzdržanih.

SLAĐANA KRAJINA – sekretar Gradskog vijeća Tuzla

– Amandman jedanaest vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 10.000,00 konvertibilnih maraka na stavku sadnja drveća, na novi ekonomski kod.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 8 vijećnika je glasalo za, niko nije bio protiv i 20 suzdržanih.

SLAĐANA KRAJINA – sekretar Gradskog vijeća Tuzla

– Amandman dvanaest vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 30.000,00 konvertibilnih maraka na stavku izgradnja biciklističke staze na jezuru Kop Šićki, novi ekonomski kod.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 8 vijećnika je glasalo za, 2 su bila protiv i 17 suzdržanih.

SLAĐANA KRAJINA – sekretar Gradskog vijeća Tuzla

– Amandman trinaest vijećnika Berbića.

Sa stavke tekuća rezerva budžeta, ekonomski kod 0202001133610000, (NATAŠA PERIĆ – Molim vas malo pažnje.) prebaciti sredstva u iznosu od 20.000,00 konvertibilnih maraka na stavku izgrdanja javnog toaleta na Trgu Soli, novi ekonomski kod.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

– Amandman četrnaest vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 60.000,00 konvertibilnih maraka na stavku otvaranje nove multimedijalne učionice za mlade, novi ekonomski kod.

NATAŠA PERIĆ

Molim vijećnike da se izjasne. Glasanje je okončano.

9 vijećnika je glasalo za, niko nije bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

– Amandman petnaest vijećnika Berbića.

Sa stavke tekuća rezerva (NATAŠA PERIĆ – Molim vas malo ozbiljnosti. Molim vas.) Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 20.000,00 konvertibilnih maraka na stavku nagrade studentima, učenicima i sportistima za nadprosječan uspjeh, ekonomski kod 1701001981614234.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 16 suzdržanih.

SLAĐANA KRAJINA – sekretar Gradskog vijeća Tuzla

– Amandman šesnaest vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 5000,00 konvertibilnih maraka na stavku grant udruženju “Zmajevno srce” , novi ekonomski kod.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 17 suzdržanih.

SLAĐANA KRAJINA – sekretar Gradskog vijeća Tuzla

– Amandman sedamnaest vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti u iznosu od 15.000,00 konvertibilnih maraka na stavku izgradnja autokina.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, 1 protiv i 17 suzdržanih.

SLAĐANA KRAJINA – sekretar Gradskog vijeća Tuzla

– Amandman osamnaest vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 50.000,00 konvertibilnih maraka na stavku grant neprofitnoj organizaciji- Košarkaški klub “Jedinstvo”- Dženex Tuzla ekonomski kod 1701001811614311-34.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

– Amandman devetnaest vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 50.000,00 konvertibilnih maraka na stavku izgradnja i rekonstrukcija puteva, ekonomski kod 0503001662821222-1.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLADANA KRAJINA – sekretar Gradskog vijeća Tuzla

– Amandman dvadeset vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 45.000,00 konvertibilnih maraka na stavku izgradnja i rekonstrukcija puteva, ekonomski kod 0503001662821222-1.

NATAŠA PERIĆ

Pozivam vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 17 suzdržanih.

SLADANA KRAJINA – sekretar Gradskog vijeća Tuzla

– Amandman dvadesetjedan vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 15.000,00 konvertibilnih maraka, na stavku izgradnja javne rasvjete, ekonomski kod 0503001641821221-1.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLADANA KRAJINA – sekretar Gradskog vijeća Tuzla

– Amandman dvadesetdva vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 65.000,00 konvertibilnih maraka na stavku tekuće održavanje sportski terena i igrališta, ekonomski kod 0502001662613727-21.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLADANA KRAJINA – sekretar Gradskog vijeća Tuzla

– Amandman dvadesettri vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 10.000,00 konvertibilnih maraka na stavku izdaci na horizontalnu i vertikalnu signalizaciju i vizuelne komunikacije, ekonomski kod 0502001662613724-3.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

– Amandman dvadesetčetiri vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 3.000,00 konvertibilnih maraka na stavku izdaci na horizontalnu i vertikalnu signalizaciju i vizuelne komunikacije, ekonomski kod 0502001662613724-3.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

– Amandman dvadesetpet vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 5.000,00 konvertibilnih maraka na stavku tekuće održavanje sportskih terena i igrališta, ekonomski kod 0502001662613727-21.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, 1 je bio protiv i 17 suzdržanih.

SLAĐANA KRAJINA – sekretar Gradskog vijeća Tuzla

– Amandman dvadesetšest vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 50.000,00 konvertibilnih maraka na stavku održavanje i čišćenje vodotoka, ekonomski kod 0502001662613725-1.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLAĐANA KRAJINA – sekretar Gradskog vijeća Tuzla

– Amandman dvadesetsedam vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 30.000,00 konvertibilnih maraka (NATAŠA PERIĆ – Molim vas tišina.) na stavku sport i omladinu, ekonomski kod 861.

NATAŠA PERIĆ

Pozivam vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLADANA KRAJINA – sekretar Gradskog vijeća Tuzla

– Amandman dvadesetosam vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 15.000,00 konvertibilnih maraka na stavku održavanje i čišćenje vodotoka, ekonomski kod 0502001662613725-1.

NATAŠA PERIĆ

Molim vijećnike da se izjasne. Konstatujem da amandman nije dobio...Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLADANA KRAJINA – sekretar Gradskog vijeća Tuzla

– Amandman dvadesetdevet vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 15.000,00 konvertibilnih maraka na stavku održavanje oborinske kanalizacije, ekonomski kod 02001662613725-2.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLADANA KRAJINA – sekretar Gradskog vijeća Tuzla

– Amandman trideset vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 100.000,00 konvertibilnih maraka na stavku izgradnja i rekonstrukcija puteva, ekonomski kod 0505001662821222-1.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, 2 su bila protiv i 16 suzdržanih.

SLADANA KRAJINA – sekretar Gradskog vijeća Tuzla

– Amandman trideset i jedan vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 20.000,00 konvertibilnih maraka (NATAŠA PERIĆ – Molim vas malo tišina.) na stavku izgradnja trotoara, ekonomski kod 0503001662821221-2.

NATAŠA PERIĆ

Molim vijećnike da se izjasne. Molim vijećnike da se malo utišaju. Glasanje je okončano.

Konstatujem da prijedlog nije dobio potrebnu većinu, 11 vijećnika je glasalo za, niko nije bio protiv i 16 suzdržanih.

SLADANA KRAJINA – sekretar Gradskog vijeća Tuzla

– Amandman tridesetdva vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 5000,00 konvertibilnih maraka na stavku grant za projekte za mlade, ekonomski kod 1701001474614311-56.

NATAŠA PERIĆ

Molim vijećnike da se izjasne. Berbiću? Alene? Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLADANA KRAJINA – sekretar Gradskog vijeća Tuzla

– Amandman tridesettri vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 50.000,00 konvertibilnih maraka na stavku izgradnja i rekonstrukcija vodovodne i kanalizacione mreže i objekata vodosnadbijevanja, ekonomski kod 0505001631821224-1.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

SLADANA KRAJINA – sekretar Gradskog vijeća Tuzla

– Amandman tridesetčetiri vijećnika Berbića.

Sa stavke tekuća rezerva budžeta, ekonomski kod 0202001133610000, prebaciti sredstva u iznosu od 30.000,00 konvertibilnih maraka na stavku transfer za rad- Udruženja penzionera grada Tuzle, ekonomski kod 17010011091614329-4.

NATAŠA PERIĆ

Molim vijećnike da se izjasne. Glasanje je okončano.

Konstatujem da amandman nije dobio potrebnu većinu, 9 vijećnika je glasalo za, niko nije bio protiv i 18 suzdržanih.

Sada stavljam na izjašnjavanje PRIJEDLOG ODLUKE O IZMJENAMA I DOPUNAMA BUDŽETA GRADA TUZLE ZA PERIOD 01. 01. DO 31. 12. 2022. GODINE i molim vijećnike da se izjasne i tišina molim vas. (Greška.) Ponovit ćemo. Ponovit ćemo. Poništavam glasanje. Molim ponovo.

Znači, stavljam na izjašnjavanje ODLUKU O IZMJENAMA I DOPUNAMA BUDŽETA GRADA TUZLE ZA PERIOD 01. 01. DO 31. 12. 2021. Glasanje je okončano.

Konstatujem da je ODLUKA O IZMJENAMA I DOPUNAMA BUDŽETA GRADA TUZLE ZA PERIOD 01. 01. DO 31. 12. 2022. GODINE usvojena sa,

20 glasova za, 1 je bio protiv i 8 suzdržanih.

Sada stavljam na izjašnjavanje PRIJEDLOG ODLUKE O IZMJENAMA I DOPUNAMA ODLUKE O IZVRŠAVANJU BUDŽETA GRADA TUZLE ZA 2022. GODINU. Molim vijećnike da se izjasne. Glasanje je okončano.

Konstatujem da je ODLUKA O IZMJENAMA I DOPUNAMA ODLUKE O IZVRŠAVANJU BUDŽETA GRADA TUZLE ZA 2022. GODINU usvojena sa,

20 glasova za, 1 je bio protiv i 8 suzdržanih.

Sada stavljam na izjašnjavanje PRIJEDLOG ODLUKE O IZMJENAMA ODLUKE O KREDITNOM ZADUŽENJU GRADA TUZLE. Molim vijećnike da se izjasne. Glasanje je okončano.

Konstatujem da je ODLUKA O IZMJENAMA ODLUKE O KREDITNOM ZADUŽENJU GRADA TUZLE usvojena sa,

20 glasova za, niko nije bio protiv i 9 suzdržanih.

Pozivam sekretara Gradskog vijeća da pročita zaključke proistekle iz rasprave. Jedan po jedan.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži od resornih službi dostavljanje informacije o tome koliko su projekata realizovali Grad Tuzla, javna preduzeća i javne ustanove u prošloj godini, u koliko projekata su bili nosioci kao koordinatori a u koliko projekata partneri te na koliko su projekata aplicirali u 2022. godini i sa koliko projekata planiraju da apliciraju.

NATAŠA PERIĆ

Molim vijećnike da se izjasne. Molim vas nemojte dobacivati. Glasanje je okončano.

Konstatujem da je pročitani zaključak usvojen sa, 28 glasova za, niko nije bio protiv i 1 suzdržan.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži da se, ako nisu do sada, određena sredstva uplate za podršku Ministarstvu zdravstva Palestine za liječenje bolesnih i ranjenim u području Gaze ukoliko do kraja godine preostane sredstava tekuće rezerve.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 28 glasova za, niko nije bio protiv i 1 suzdržan.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla sugeriše Službi za kulturu, sport, mlade i socijalnu zaštitu da prati dinamiku podnošenja zahtjeva za jednokratne socijalne pomoći kako bi se, u skladu sa mogućnostima koje pruža Grad Tuzla, pravovremeno moglo reagovati ukoliko se ne budu mogli obuhvatiti svi zahtjevi podneseni ovoj Službi u 2022. godini a u narednom periodu ponovo dođe do rebalansa Budžeta.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 28 glasova za, niko nije bio protiv i 1 suzdržan.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla sugeriše resornoj Službi da se razmotri mogućnost da se osvijetle sva dječja igrališta na području grada Tuzle i da se pokuša obezbijediti video nadzor, prvenstveno na onim igralištima za koja su izdvojena značajna finansijska sredstva, kako iz Budžeta Grada Tuzle tako i sredstva građana.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 29 glasova za, niko nije bio protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

- Gradsko vijeće i gradonačelnik Grada Tuzle će uputiti inicijativu Vladi Tuzlanskog kantona da se, ukoliko ne ove godine, onda u narednoj godini, u cilju stvaranja uslova da svako dijete ima pravo na vrtić, a zbog ograničenih kapaciteta za smještaj djece u Javnu ustanovu "Naše dijete" Tuzla, obezbijedi sufinansiranje smještaja djece roditelja slabijeg imovnog stanja u registrovane predškolske ustanove, privatne predškolske ustanove na način da Kanton sufinansira sa 80.000 a Grad Tuzla sa 20.000 pardon sa 80% i 20 Grad Tuzla sa 20%.

NATAŠA PERIĆ

U redu. Glasamo. Glasanje je okončano.

Konstatujem da je pročitani zaključak usvojen sa, 28 glasova za, nije bilo protiv i 1 suzdržan. Molim vas malo tišine. Selma molim vas.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži od resorne službe da razmotri mogućnost da se već postojeće dječje igralište kod male pijace, koje se nalazi u blizini odgojne grupe "Zeko", a čiji bi mobilijar odgovarao djeci ove odgojne grupe, obnovi i ogradi.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 29 glasova za, nije bilo protiv i nije bilo suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla traži od gradonačelnika (NATAŠA PERIĆ – Molim vas malo tišine.) Grada Tuzle da iz tekuće rezerve izvrši uplatu iznosa od 14.244,12 konvertibilnih maraka na ime neuplaćenih doprinosa za Hamdiju Terzića, bivšeg uposlenika Javnog preduzeća Direkcija za izgradnju Tuzla, za period 01. 04. 2012. godine do 31. 07. 2014. godine.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 28 glasova za, nije bilo protiv i nije bilo suzdržanih.

SLADANA KRAJINA – sekretar Gradskog vijeća Tuzla

- Traži se od resornih Službi da za jednu od narednih sjednica Gradskog vijeća, pripreme informaciju o mogućnostima i načinu rješavanja pitanja uplate neuplaćenih doprinosa preostalih uposlenika Javnog preduzeća Direkcija za izgradnju Tuzla, ukoliko ima još takvih, koji su stekli ili će steći uslove za penzionisanje.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani zaključak usvojen sa, 27 glasova za, nije bilo protiv i 1 suzdržan.

SLADANA KRAJINA – sekretar Gradskog vijeća Tuzla

- Gradsko vijeće Tuzla zahtjeva nezavisnu reviziju da utvrdi kako je došlo do suficita od 14 miliona konvertibilnih maraka što je dovelo do gubitka od jedan i po milion konvertibilnih maraka u realnoj vrijednosti.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 9 vijećnika je glasalo za, 1 je bio protiv i 19 suzdržanih.

SLADANA KRAJINA – sekretar Gradskog vijeća Tuzla

– Gradsko vijeće Tuzla poziva Gradske službe da efikasnije rade svoj posao.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 8 vijećnika je glasalo za, 1 je bio protiv i 20 suzdržanih. Molim vas malo tišine.

SLADANA KRAJINA – sekretar Gradskog vijeća Tuzla

- Gradsko vijeće Tuzla traži od gradonačelnika Grada Tuzle da jednom sedmično prima građane kako bi bio upućen u stvarno stanje u Gradu Tuzla.

NATAŠA PERIĆ

Molim vijećnike da se izjasne. Glasanje je okončano.

Konstatujem da zaključak nije dobio potrebnu većinu, 8 vijećnika je glasalo za, 2 su bila protiv i 19 suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla traži da se reaktivira „Vječna svjetlost“ na Kapiji.

NATAŠA PERIĆ

Molim vijećnike da se izjasne. Glasanje je okončano.

Konstatujem da zaključak nije dobio potrebnu većinu, 11 vijećnika je glasalo za, niko nije bio protiv i 18 suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla sugeriše da se postave tri jarbola sa zastavama na trgu Slobode.

NATAŠA PERIĆ

Molim vijećnike da se izjasne. Molim vas nemojte dobacivat. Glasanje je okončano.

Konstatujem da zaključak nije dobio potrebnu većinu, 10 vijećnika je glasalo za, niko nije bio protiv i 19 suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla traži da se sredstva iz Fonda sredstava od naknade za prihode ostvarene radom termoelektrana koriste samo za smanjenje aerozagađenja i za ekološke projekte.

NATAŠA PERIĆ

Pozivam vijećnike da se izjasne. Glasanje je okončano.

Konstatujem da zaključak nije dobio potrebnu većinu, 9 vijećnika je glasalo za, niko nije bio protiv i 20 suzdržanih.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži od predlagača ili obrađivača materijala da ubuduće obavezno dostavljaju pisano izjašnjenje o amandmanima predloženim od strane vijećnika na Prijedlog budžeta ili na Prijedlog odluke o izmjenama i dopunama budžeta.

NATAŠA PERIĆ

Molim vijećnike da se izjasne. Glasanje je okončano.

Konstatujem da zaključak nije dobio potrebnu većinu, 10 vijećnika je glasalo za, niko nije bio protiv i 19 suzdržanih.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla smatra potrebnim podržati pa i kreditno Centralno grijanje d.d. Tuzla u cilju proširenja energetske kapaciteta za širenje mreže centralnog grijanja kako bi novi stambeni objekti se mogli priključiti na mrežu centralnog grijanja.

NATAŠA PERIĆ

Pozivam vijećnike da se izjasne. Glasanje je okončano.

Konstatujem da zaključak nije dobio potrebnu većinu, 10 vijećnika je glasalo za, niko nije bio protiv i 19 suzdržanih.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži da se ispita ko je sve na Trgu slobode dobio prostor za led displej, da li su dobijene dozvole za njihovo postavljanje te da li postavljeni led displeji narušavaju vizuelni identitet Trga slobode.

NATAŠA PERIĆ

Molim vijećnike da se izjasne. (Greška.) Poništavam glasanje. Pozivam...(SLAĐANA KRAJINA – Rekao je greška. Rekao je. Rekao je da da je pogriješio i zamolio.) Anel je rekao da je...De molim vas nemojte se raspravljati vijećnik Ibeljić je rekao da je pogriješio i u redu je svi...De nemojte molim vas dobacivat. Nastavljamo sa glasanjem. Elvire? De nemojte dobacivat molim vas. Može se svakom desiti. Pa cijeli dan vam se dešava da pogriješite. Sad se nešto uključujete. ...(SLAĐANA KRAJINA – De Lejla pogriješila i moli ponovo.) Poništavam glasanje.

Pozivam vijećnike da se izjasne. Molim vas za koncentraciju. Znam da ste umorni ali molim vas da se malo koncentrišite. Manje se smijite i...Konstatujem da je glasanje zaključeno, 28 vijećnika je glasalo. Molim? Ja vas molim da se malo uozbiljite i skoncentrišete.

Poništavam glasanje. Molim vas ne možete deset stvari raditi odjednom. Molim vas da glasate. Pa mislim stvarno...Alene? Glasanje je okončano.

Konstatujem da je pročitani zaključak usvojen sa, 29 glasova za, nije bilo protiv i nije bilo suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla traži da sve gradske službe do sljedećeg budžeta ili rebalansa budžeta naprave pravilnike sa kriterijima ko i na koji način može dobiti budžetska sredstva.

NATAŠA PERIĆ

Molim vijećnike da se izjasne. Molim? Poništavam glasanje. Molim vas ponovite glasanje. Glasanje je okončano.

Konstatujem da je pročitani zaključak usvojen sa, 29 glasova za, nije bilo protiv i nije bilo suzdržanih.

SLADANA KRAJINA – sekretar Gradskog vijeća Tuzla

- Gradsko vijeće Tuzla traži da se u buduće minimalno utroši 90% budžetskih sredstava.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 7 vijećnika je glasalo za, niko nije bio protiv i 22 suzdržana.

SLADANA KRAJINA – sekretar Gradskog vijeća Tuzla

- Gradsko vijeće Tuzla zahtjeva od Javnog preduzeća RTV 7 depolitizaciju programa.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 8 vijećnika je glasalo za, niko nije bio protiv i 21 suzdržana.

SLADANA KRAJINA – sekretar Gradskog vijeća Tuzla

- Gradsko vijeće Tuzla traži od Službe za budžet i finansije da dostavi informaciju koliko je novaca utrošeno za idejno rješenje pokretnih stepenica u Mjesnoj zajednici Mejdan.

NATAŠA PERIĆ

Molim vijećnike da se izjasne. Glasanje je okončano.

Konstatujem da zaključak nije dobio potrebnu većinu, 8 vijećnika je glasalo za, niko nije bio protiv i 21 suzdržan.

SLADANA KRAJINA – sekretar Gradskog vijeća Tuzla

- Gradsko vijeće Tuzla traži da se u buduće vodi računa da se budžet planira i troši na način da se zaista realizuju potrebe građana te da se izbjegavaju suficiti.

NATAŠA PERIĆ

Molim vijećnike da se izjasne. Glasanje je okončano.

Konstatujem da zaključak nije dobio potrebnu većinu, 10 vijećnika je glasalo za, niko nije bio protiv i 19 suzdržana.

SLADANA KRAJINA – sekretar Gradskog vijeća Tuzla

- Gradsko vijeće Tuzla će podržati ako treba i budžetski Centralnu izbornu komisiju Bosne i Hercegovine u situaciji kada postoji ozbiljna ugroženost odlaganja i neodržavanja izbora.

NATAŠA PERIĆ

Tišina molim vas. Molim da izjasnite se. Glasanje je okončano.

Konstatujem da zaključak nije dobio potrebnu većinu, 8 vijećnika je glasalo za, 2 su bila protiv i 19 suzdržana.

SLADANA KRAJINA – sekretar Gradskog vijeća Tuzla

- Gradsko vijeće Tuzla smatra da direktori Javnih medijskih kuća čiji je osnivač Grad Tuzla ne bi trebali biti prisutni na Sjednicama gradskih odbora političkih partija i na stranačkim skupovima.

NATAŠA PERIĆ

Molim vijećnike da se izjasne. Glasanje je okončano.

Konstatujem da zaključak nije dobio potrebnu većinu, 6 vijećnika je glasalo za, 1 je bio protiv i 22 suzdržana.

SLADANA KRAJINA – sekretar Gradskog vijeća Tuzla

- Gradsko vijeće Tuzla obavezuje Grad Tuzla da pokrene projekat nove cijevi iz termoelektrane Tuzla kako bi nova vlast ako dođe mogla nastaviti sa širenjem mreže centralnog grijanja.

NATAŠA PERIĆ

Koja vlast? Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 7 vijećnika je glasalo za, nije bilo protiv i 22 suzdržana.

Prelazimo na treću tačku Dnevnog reda:

RAZMATRANJE I USVAJANJE NACRTA POD:

a) ZONING PLANA REKREACIONE ZONE ŠIĆKI BROD U TUZLI I

b) ODLUKE O PROVOĐENJU ZONING PLANA REKREACIONE ZONE ŠIĆKI BROD U TUZLI

Predlagač je gradonačelnik Grada Tuzle.

Obrađivač: Služba za prostorno uređenje i zaštitu okoline i Upravna organizacija Zavod za urbanizam.

Materijal su razmatrali: Komisija za statutarna pitanja i propise, Komisija za prostorno uređenje i zaštitu okoline i klubovi vijećnika.

Imal potrebe za uvodnim izlaganjem? (Nema.) Dobro.

Imal potrebe da se pročitaju izvještaji komisija? (Nema.)

Otvaram raspravu Klubova vijećnika. Vijećnik Omer Berbić. (Pauza.) Molim? Aha dobro. Ništa pauza 10 minuta. (Pauza.)

Molim vijećnike da uđu u salu nastavljamo sa radom.

Molim vijećnike da se vrate.

Vijećnik Omer Berbić vi ste se javili prvi za riječ. Izvolite. Hoćemo li Omere? (vijećnik Omer Berbić govori bez uključenog mikrofona op.a.) Ništa onda nek, Sabiha se javila pa onda vi. Hajde. Sabiha izvolite. Ispred Kluba samostalnih vijećnika.

SABIHA MUJKANović MUJAČIĆ

Znači, pred nama se nalazi Nacrt zoning plana rekreacione zone Šićki Brod u Tuzli. Vidimo da je osnovni cilj izrade ovog plana uređenje prostora oko akumulacije Šići koji je nakon eksploatacije uglja a kasnije i djelimične rekultivacije ostao zapušten, odnosno degradiran bespravnom i neplanskom izgradnjom najvećim dijelom improviziranim vikend objekata, a pri tome je vodena akumulacija već formirana. Drago mi je što imamo nacrt pred sobom i samim time ulazimo u javnu raspravu. Ovaj dio grada zaslužuje nešto ovako što će definitivno oživjet čitav taj donji dio grada, ali i mjesne zajednice koje se nalaze u okruženju.

Evo vidimo kroz nacrt ono što je predviđeno vidimo dakle, uređenje prostora sa sportskim terenima, pratećim objektima. Od sportskih terena imamo teren za mali fudbal i rukomet. Manje terene za košarku, odnosno objekte, odnosno objekte a uz veći sportski teren bit će postavljene i tribine pa se to može koristiti dakle i za školska takmičenja, sportske igre i sl. Takođe planira se izgradnja i uređenje omladinskog i auto kampa, a nadam se da ovaj omladinski kamp neće završiti kao onaj na Kiseljaku. Predviđa se dakle, izgradnja i ugostiteljskih sadržaja ukoliko bude zainteresiranih investitora i motel. Ono što mene naravno raduje je posebna pažnja da se posvećuje uređenju zelenih površina, odnosno da je planirano ozelenjavanje prostora.

Ono najviše zbog čega sam se u biti javila jeste da bih još jednom čestitala i zahvalila se svima onima koji su dodatno ojačali napore da očuvaju ovaj prostor. Savjesni građani su se protivili dakle, planovima da se na prostoru zatvorenog rekultivisanog površinskog kopa otvori deponija šljake i pepela jer bi se trajno dakle, zagadio okoliš i dodatno ugrozilo zdravlje stanovnika okolnih mjesnih zajednica.

Potpisivanjem Deklaracije „Za zaštitu i očuvanje sportsko-rekreacione zone Šićki Brod“ u junu 2021. godine predstavnici su se dakle, obavezali da će raditi na uređenju ovog prostora sa ciljem uspostavljanja dakle, sportsko-rekreacione zone koja će biti u funkciji građana koji uživaju u prirodnom okruženju, a svakako će obogatiti i turističku ponudu našega grada.

Pozivam građane da se odazovu dakle, Javnoj raspravi, da daju svoje sugestije i prijedloge. Punu podršku pružam nacrtu i nadam se samo da ćemo i konačni dakle, plan imati što prije na sjednici Gradskog vijeća. Zahvaljujem.

NATAŠA PERIĆ

U redu. Hvala Sabiha. Sljedeći za riječ se javio vijećnik Omer Berbić. Izvolite. Ispred zajedničkog Kluba. Samo mikrofon Sabiha.

OMER BERBIĆ

E hvala ljepo. Pa evo ispred Kluba Naša stranka i Stranka za BiH ja sam kada sam dobio ovaj plan kontaktirao gore da kažemo najlegitimnije predstavnike, tj. Udruženje građana „Eko-Sport“ Šićki Brod Senada Isakovića poznatijeg kao Roko. Mislim da ga svi ovdje znamo iz medija ili lično i da smo svi na neki način učestvovali u toj njegovoj borbi za spas gore Jezera kop Šićki Brod.

Ja sam, evo njega zamolio da mi prokomentariše ovaj nacrt, ovaj zoning plan i da eventualno kaže nedostatke ili koje su dobre stvari itd.

Oni su mi se obratili jednim pismom. Ja ću to pročitati, jer u slučaju da oni neće, ne budu mogli učestvovati u Javnoj raspravi da ima za stenogram i da ima zapisano i da je Služba upoznata sa ovim stvarima koje oni govore.

Oni kažu: Zahvaljujemo vam se u ime našeg udruženja poštovani gospodine Berbiću što ste nas obavijestili da je Upravni odbor Zavod za urbanizam Grada Tuzla radio zoning plan rekreacione zone Šićki Brod u Tuzli, a o kojim će se odlučivati i davati sugestije u narednom periodu. Ovom prilikom želimo da damo svoj doprinos u realizaciji buduće rekreacione zone ali i da ispravimo neke važne činjenice koje nisu uzete u obzir pri izradi. Kao prvo na karti postojeće stanje i namjena terena koje pokazuje činjenično stanje trenutno na terenu niti u jednom dijelu se ne spominje udruženje građana „Eko-Sport“ Šićki Brod te vam dostavljamo tu kartu kao i dokumente koji potvrđuju da smo udruženje građana koji jedino ima adresu na tom prostoru kao i odobrenje za izgradnju objekta i samo mali dio sporazuma potpisanih sa više udruženja kao i rekultivacijom rudnika „Kreka“ Tuzla, prostor ribarska kuća i uređeni sport sjedenje i roštilj kako ste ga nazvali, je izgradilo naše udruženje i Udruženje građana „Eko-Sport“ Šićki Brod i već ga koriste više udruženja kao i studenti i učenici osnovnih škola, članovi Gorske službe spašavanja Tuzla i drugi koji imaju svoje aktivnosti na ovom prostoru. Radi toga želimo da se to ispravi u tekstu kao i na kartama. Napominjemo da smo na tom prostoru zahvaljujući vlastitim sredstvima, volonterskim radom, kao i sredstvima Ministarstva prostornog uređenja i zaštite okolice Tuzlanskog kantona izgradili sve navedeno uz saglasnost rudnika koji je pomogao u svemu tome. Na ovom prostoru u našoj učionici potpisana je i Deklaracije „Za zaštitu i očuvanje rekreacione zone Šićki Brod“ i njihovi potpisnici su ispred gradova Tuzle i Lukavca kao i predstavnici Tuzlanskog kantona. Tom prilikom je preuzeta zajednička obaveza o čuvanju ove jako važne lokacije. Svemu nabrojanom je prethodilo 23 godine borbe članova našeg udruženja koji u ovome nacrtu nisu ni spomenuti. Smatramo da prostor koji već funkcionoše se upiše u planove i zone i dodatno uredi kako bi svi mogli nastaviti koristiti i učiti na njemu. Interesantno je da su evidentirane šupe sa zečevima iz terena, a nas niko nije primjetio pa vas molimo da ovom prilikom upoznate nosioce izrade ovog plana. Ovom prilikom kao neko ko je od postanka ovih prostora stao u zaštitu istog i sigurno nema boljeg poznavao terena pokušat ćemo u stvaranju rekreacione zone pa krenut ćemo redom i označiti na vašim kartama bitne izmjene koje bi se trebale uvažiti. Prvo navodim stanište divljih pataka je nažalost na pogrešnom mjestu. To stanište kao i mrjestilište je na drugoj lokaciji koja se jasno vidi kao i močvarna, kao i močvara tako da bi na njoj trebala i ostati računajući da su tu ptice i patke koje godinama imaju svoje stanište na karti. To smo pokušali skicirati da bi jasnije bilo o čemu pišemo te vam uz, te vam to šaljemo uz ovaj dopis. Na istoj karti označili smo stazu za čamce koja je malo pomjerena upravo radi ovog staništa kao i zbog toka vodenih struja prema izlazu iz jezera. Na istoj karti ispod preliva koje je višojije od Mramorskog potoka

predlažemo da se napravi parking punionica cisterne komunalca i da se iskoristi voda koja kroz filter, da bi se koristila za pranje grada i drugih svrhe znajući o kakvoj kvaliteti vode se radi a slobodnim padom bi punila cisterne i znamo koliko bi ta ušteda za grad bila. Na karti zoning plana namjena površine označit ćemo lokaciju male brane sa vodenicom kao i ribarskom kućom iz koje se može, iz koje se može potok koji uljeva u Jezero usmjeravati u Jezero i pored njega omogućavajući tako da potočne ribe imaju mrjestilište i migraciju ka gornjim jezerima, a samim tim prostor bi dodatno bio zanimljiv računajući da bi se to kretanje riba moglo promatrati naravno bez ribolova u tom potoku. Na kartama fali jedna veoma bitna bara koja je trenutno iznad Jezera i pogodna je i za ribolov znajući da se u njoj riba mrijesti i tako obogaćuje donje Jezero a o čemu treba voditi računa. U ovom dopisu želimo jasno sugerisati da do sada nismo imali ništa protiv rada streljane jer je ona imala svoj cilj i namjenu. Jasno napominjeno da ukoliko bi trebala ostatiti na nekom od ovih prostora isključivo to treba biti podzemni zatvoreni objekat bez smetnje i ugrožavanja pucnjavom posjetilaca parka. Grad treba jasno definisati rad takvog objekta jer u ovom dosadašnjem radu na tom prostoru tik do plaže to je jednostavno van svake razumne pomisli. Nadamo se da smo uspjeli barem malo pojasniti o čemu bi se trebalo voditi računa i za sve informacije kao i pomoć možete nas kontaktirati. S poštovanjem. Predsjednik Udruženja građana „Eko-Sport“ Šićki Brod Roko. (NATAŠA PERIĆ – Dobro. Hvala.)

Eh znači, evo ja sam isčitao za stenogram da ima. Prilažem ove karte Stručnoj službi koja bi to trebalo da da vjerovatno iz, ovima koji su nosioci ovog zoning plana i predlažem zaključak da Stručna služba, da Stručna služba se u narednom periodu u Javnoj raspravi posavjetuje sa Udruženjem građana „Eko-Sport“ Šićki Brod kako bi...Molim? (SLAĐANA KRAJINA – Onaj ko provodi, onaj ko provodi Javnu raspravu?) Da, da. (SLAĐANA KRAJINA – Stručna služba vijeća.) Da. OK. Sori. Da se posavjetu sa Udruženjem građana „Eko-Sport“ Šićki Brod te da evo otklone ove nedostatke koji su ovdje nabrojani, a koje su stanje na terenu. Hvala ljepo.

NATAŠA PERIĆ

U redu hvala. Da li se još neko javlja ispred klubova vijećnika? Vijećnica Selma Čatibušić.

SELMA ČATIBUŠIĆ

Ništa ja bih samo dodala u skladu sa Omerovim zaključkom i da nadležna Služba kada razmotri ovaj dopis da samo nama dostavi odgovore koliko, kolko su mogućnosti da se te stvari zapravo starno ostvare o tome o čemu je udruženje govorilo? Eto toliko.

NATAŠA PERIĆ

Hajde dobro. Ništa.

Zaključujem raspravu klubova vijećnika.

Otvaram raspravu vijećnika. Zaključujem raspravu vijeć...Jel imate vi Senade? Izvolite.

SENAD MEHMEDINOVIĆ

Hvala najljepša. Bit ću kratak. U potpunosti podržavam ovaj Zoning plan rekreacione zone Šićki Brod isto kao što sam podržao Regulacioni plan za Majevicu, ja mislim kad je bilo prije dvije sjednice i vidim da je veliki broj vijećnika uz to komentarisala afirmativno i naravno to su lijepe stvari.

Naročito mi je drago namjena koja je površine ovog kompleksa obuhvata kupalište, prostor za aktivnu rekreaciju, za izgradnju i uređenje omladinskog kampa itd. itd. Zašto to govorim? Govorim zbog Mjesne zajednice Kiseljak. Dakle, zbog mjesne zajednice gdje mislim čak devedesetsedme godine prije nekih skromnih 25 godina bio je isto usvojen ako se ne varam jedan regulacioni plan i tiče se izgradnje sportsko-rekreativnog centra na području Mjesne zajednice Kiseljak i zato me zanima što se tiče ovog sportsko-rekreativnog centra da dobijem odgovor da li je to stavljeno ad akta, dakle, šta se dešava sa tim projektom?

Ne smijemeo zanemariti dakle, Mjesnu zajednicu Kiseljak i možda evo neki vijećnici ne znaju zakonom, Zakonom o podjeli teritorije tadašnje narodne Republike Bosne i Hercegovine to Ćerim mislim dobro zna 1952. godine kada je bilo sve podijeljeno na srezove. Govorim sa historijskog aspekta. Na srezove na opštine, na gradove dakle, te davne 1952. godine i tad je nešto dobro što se desilo za Mjesnu zajednicu Kiseljak pedesetdruge godine. Mjesna zajednica Kiseljak tad je bila opština i ne smijemo sad zanemariti da se nalazi na području gdje je najveće akumulaciono Jezero na području bivše Jugoslavije. Govorim samo o kapacitetima mjesne zajednice i resurse koje ima i mene samo zanima zbog čega se obraća pažnja na ovaj potencijal koji ima Mjesna zajednica Kiseljak i zato tražim evo od nadležne Službe da mi da odgovor da li je taj sportsko-rekreativni centar stavljen ad akta? Ako nije da mi se dostavi informacija dakle, šta je generalno bilo sa tim projektom? Hvala.

NATAŠA PERIĆ

U redu hvala. Vijećnik Aleksandar Vujadinović. Izvolite.

ALEKSANDAR VUJADINOVIĆ – vijećnik Socijaldemokrata BiH

Shodno diskusijama mojih prethodnika Senada i Selme nadam se samo da ovaj projekat će zaista zaživiti, da neće ostati samo nešto napisano na papiru jer imam neka sjećanja vezana za prijateljsko okruženje oko termoelektrane, pa kad je bila izrada sličnog regulacionog plana za Bukinje sjećam se zapelo je bilo oko toga gdje će biti smješten azil za pse, pa su se mještani pobunili da je azil preblizu postavljen, pa je onda on izmješten na veću udaljenost od kuća da im ne bi lavež pasa smetala.

Naravno od toga ništa se nije desilo pa se samo nadam da će ovaj projekat biti realizovan. Hvala.

NATAŠA PERIĆ

U redu hvala. Vijećnik Nikica Vidović.

NIKICA VIDOVIĆ

E hvala. Ništa, evo ja ću samo kratko. Da pohvalim, naravno svi čekamo ovo 20-tak i nešto godina, ali evo ja sam htio samo pohvaliti i znam da smo spominjali da nam se crteži što bolji daju i evo vidi se evidentan napredak za sve nas koji se ne razumijemo u ove neke procedure, sad nam je baš nako lijepo iscertano i definitivno i onaj ko se ne bavi s ovim može razumjeti gdje je i što će se graditi. Evo to je pohvala i evo nadam se da će i ostale parcele i ostali slični projekti ovako biti lijepo iscertani ja sam evo iskreno o-duševljen. Hvala.

NATAŠA PERIĆ

U redu hvala. Da li se još neko javlja ispred vijećnika?

Zaključujem raspravu vijećnika.

Stavljam na izjašnjavanje NACRT ZONING PLANA REKREACIONE ZONE ŠIĆKI BROD U TUZLI i molim vijećnike da se izjasne. Glasanje je okončano.

Konstatujem da je NACRT ZONING PLANA REKREACIONE ZONE ŠIĆKI BROD U TUZLI usvojen sa, 22 glasa za, nije bilo protiv i nije bilo suzdržanih.

Pauza 5 minuta. (Pauza.)

Nastavljamo sa radom.

Pozivam srekretara da pročita zaključke. Ako hoćeš sve? Evo pročitat će zaključke sve. Glasamo odjenom. (vijećnik Omer Berbić govori bez uključenog mikrofona op.a.) Može dostaviti. Dostavit će to. Hajde izvolite.

SLAĐANA KRAJINA – sekretar Gradskog vijeća Tuzla

1. Nacrt Zoning plana rekreacione zone Šićki Brod u Tuzli se upućuje u javnu raspravu.
2. Gradsko vijeće Tuzla prihvata prijedlog Programa javne rasprave o Nacrtu Zoning plana rekreacione zone Šićki Brod u Tuzli, koji su pripremili Služba za prostorno uređenje i zaštitu okoline i Upravna organizacija Zavod za urbanizam.
3. Sugerije se Službi za prostorno uređenje i zaštitu okoline i Upravnoj organizaciji Zavod za urbanizam Tuzla da se u toku javne rasprave konsultuju sa Udruženjem građana “Eko-sport” Šićki Brod, Tuzla i da se pokušaju otkloniti nedostaci navedeni u dopisu a koji postoje na terenu te da Gradskom vijeću dostave informaciju o tome kolike su mogućnosti da se ostvari ono što traži Udruženje građana “Eko-sport” Šićki Brod, Tuzla.

NATAŠA PERIĆ

Molim vijećnike da se izjasne o pročitanim zaključcima. Glasanje je okončano.

Konstatujem da su pročitani zaključci usvojeni sa, 23 glasa za, nije bilo protiv i nije bilo suzdržanih.

Prelazimo na četvrtu tačku Dnevnog reda:

RAZMATRANJE I USVAJANJE ODLUKE O PRISTUPANJU IZRADI REGULACIONOG PLANA “STARA KASARNA – KAMPUS UNIVERZITETA U TUZLI“

Predlagáč je gradonačelnik Grada Tuzle.

Obrađivač: Služba za prostorno uređenje i zaštitu okoline i Upravna organizacija Zavod za urbanizam.

Materijal su razmatrali: Komisija za statutarna pitanja i propise, Komisija za prostorno uređenje i zaštitu okoline, Komisija za ekonomske odnose, Komisija za poduzetništvo i klubovi vijećnika.

Imal potrebe za uvodnim izlaganjem? (Nema.) Nema.

Imal potrebe da se pročitaju izvještaji komisija? Nema.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Vijećnik Senad Mehmedinović.

SENAD MEHMEDINOVIĆ

Hvala ljepo. Kao zaposlenik Univerziteta moram da pozdravim Odluku o pristupanaju izradi regulacionog plana prostorne cjeline „Stara kasarna“ – Kampus Univerziteta u Tuzli naročito što vidimo to da je došla inicijativa od strane Rektorata Univerziteta u Tuzli od jedanaestog, (NATAŠA PERIĆ – Molim vas malo tišine.) mislim od četvrtog mjeseca.

Imamo ovdje samo jedan prijedlog. Obzirom da se aktivno sada radi na Kampusu Univerziteta u Tuzli, znamo da to dugo traje međutim, sad jedna ekipa gore na nivou Univerziteta ima koja aktivno radi i mislim da ide to dobrim tokom sve. E sad samo ovdje me sad zanima ovaj član 5. Optimalni rok za izradu regulacionog plana. Optimalni rok za izradu regulacionog plana je 12 mjeseci od stupanja na snagu ove odluke. Jel to znači, npr. kad se tek donese regulacioni plan da na-kon što se donese regulacioni plan tad se može raditi gore u Kampusu po pitanju izvođenja određenih projekata? Ako jest, ako jest da li postoji mogućnost da se ovaj optimalni rok od 12 mjeseci koji možda je dug da se smanji na 6 mjeseci kako bi se ranije krenulo sa radovima koji se planiraju raditi na nivou kampusa a ne treba pričati koji će to biti značaj kampusa i za Grad Tuzlu i vjerujem da će u budućnosti postojati veća saradnja na nivou Univerziteta i Gradske uprave na način da Gradska uprava iskorištava pod navodnim znacima resurse Univerziteta u Tuzli a bogami tako da pod navodnim znacima Univerzitet iskorištava resurse Gradske uprave, pa ako mogu da dobijem tu informaciju? (NATAŠA PERIĆ – Aha.) Možda bi praktično bilo? (NATAŠA PERIĆ – Dobro.) Evo to je to. Hvala.

NATAŠA PERIĆ

U redu hvala. Vijećnik Aleksandar Vujadinović. Izvolite.

ALEKSANDAR VUJADINOVIĆ

Opet shodno diskusiji kolege. Kaže 10. 05. dvadesetprve Univerzitet u Tuzli je Službi za prostorno uređenje i Zavodu za urbanizam uputio zahtjev znači, za izradu odluke znači, o prostornom uređenju ovog prostora znači kasarne.

Zar je nama trebalo godinu dana da samo stavimo ovu tačku na dnevni red na kojoj bi se samo donijela odluka da se dozvoli znači, pomenutim službama za izradu regulacionog plana?

Ja se sjećam da je prije tri-četiri godine dolazila ekipa iz Osjeka i gostovala znači, bila je jedna zajednička konferencija gdje su naveli njihova iskustva u izgradnji znači, sportsko-rekreacionog centra i čak predstavljena maketa stadiona koji će se graditi u okviru kampusa. Znači, ide sve presporo. Eto to je nešto što ne mogu da prihvatim. Možda ima neko drugo objašnjenje o kojem nisam informisan? Hvala.

NATAŠA PERIĆ

Hvala. Sljedeći za riječ se javio vijećnik Ćerim Rastoder. Izvolite.

ĆERIM RASTODER

Hvala predsjedavajuća. Nisam mislio ali evo da pošto sam nekada dugo vremena sam radio u toj kasarni bio sam vezan za nju itd. pa da ne ulazim sad u to. Radi se o vojnoj imovini, vojnom posjedu koji na nivou države Bosne i Hercegovine nije regulisano vi znate dobro zbog dva oprečna stava. Jedan entitet traži da se sva ta imovina knjiži na entitete pa ono što ne treba da se da državi. To je Republika Srpska, federacija traži obrnuto i uglavnom taj problem traje

i svi vojni posjedi su dati oni koji ne trebaju vojsci na privremeno korištenje. Davno negdje 2006. mislim da sam bio predsjednik komisije kod predaje te kasarne date Univerzitetu koji je tad govorio dajte nam samo ovog momenta odma sve ide med i mlijeko, sve prebacujemo gore itd. Međutim, nažalost desilo se to da to je dato Vladi Federacije a Vlada Federacije isti dan Univerzitetu preko kantona da se ništa nije gotov gore radilo jer je to sve devastirano, potpuno uništeno tako da ta priča da će to Univerzitet za godinu ili dvije brzo nešto uraditi. Oni su imali priliku da to urade nažalost iz razno raznih razloga nije se ni održavalo ni ono što ima. Tako da je ovo neki početni dokument koji će vidjet ćemo kojom će dinamikom ići. Pa samo da znate znači, da se radi o vojnom posjedu i da to nije baš tako jednostavna priča a niko Univerzitetu koji je to koristio nije branio da on to čuva, održava. Gore je sad kaos. Imate prostorija u kojima su drveće naraslo itd. znači, nije to baš tako jednostavno. Ali evo dobro je ovo nek bude početak otvorene mogućnosti pa vidjet ćemo kojom će to dinamikom ići. Toliko. Hvala vam.

NATAŠA PERIĆ

U redu hvala. Vijećnik Nikica Vidović.

NIKICA VIDOVIĆ

Hvala. Evo ja sam od gospodina Rastodera možda i dobio jedan dobar dio odgovora. Mene je isto također zanimalo u kojoj je fazi ovaj definitivno odnos između vojnog i evo civilnog pa to me je zanimalo da li postoji neki dogovori ili odgovor? Jedan dio i meni je poznat jedan mi je gospodin Rastoder odgovorio, ali evo zvanični neki stav. Jel to ništa ništa ne spori da se nastavi s ovim evo radom? A definitivno je dobro izradit dokumente i ići ka boljem evo što se svi nadamo, a i ja sam evo pratim deset-petnest godina da se to radi na tome i obećavali su da će čitav Univerzitet preći gore ali to se nije desilo iz razno raznih razloga a evo smijem i javno reći Slatina bi se utušila kad ne bi bilo Univerziteta na Slatini. Hvala.

NATAŠA PERIĆ

U redu hvala. Zaključujem raspravu vijećnika. Zamolit ću predstavnika službe da odgovori na pitanje vijećnika Senada Mehmedinovića.

FRANO ILIĆ - šef Odjeljenja za prostorno planiranje, razvoj i zaštitu okoline

Pozdravljam sve prisutne. Moje ime je Frano Ilić iz Službe za prostorno uređenje. Služba za prostorno uređenje je nosilac pripreme na izradi ove odluke zajedno sa Zavodom za urbanizam i meni je žao, evo ja upućujem ispriku, prije svega odgovor gospodinu vijećniku Vujadinoviću. Ovdje je u tekstu, pošto se to radilo na tekstu neke ranije odluke ostala greška 10. 05. dvadesetprve inicijativa. Mi ovdje smo priložili inicijativu Univerziteta, a to je dopis od 11. aprila ove godine dvadesetdruge. Znači, to je u roku od mjesec dana inicijativa prosljeđena, odnosno inicijativa je razmatrana na zajedničkom sastanku Službe za prostorno i Zavoda za urbanizam ocjenjena je kao opravdana i evo na prvu sjednicu Gradskog vijeća pred vama je prijedlog ove odluke. Evo meni je stvarno žao zbog takve greške ali to je jedna čista greška, jedan lapsus koji evo nadam se da ćete uvažiti ovu ispriku. To je vama odgovor.

Vama odgovor ću pokušati. Kada postavljamo, kada radimo odluku jedan od elemenata je obavezno rok za izra-du detaljne planske dokumentacije. Obično je to jedan uobičajeni rok vezano za kompletne poslove i kompletne fa-ze na izradi te dokumentacije koje treba uraditi.

Prva faza je odluka koja je pred vama. Poslije toga slijedi analiza terena, snimanje terena, izrada nacrt detaljnog planskog dokumenta, analiza svih zainteresiranih koji su vlasnici nekretnina, kontakt sa Univerzitetom itd. i to je jedan obiman posao. Danas imate priliku razmatrati zoning plan imali ste je li u pređašnjoj tački vezano za Šićki Brod, tako da poslje nacrt plana, javne rasprave imamo zakonske rokove. Javna rasprava će trajati najmanje dva mjeseca da se ispune svi zakonski rokovi oko objave javnog uvida, pa povratnih informacija, eventualno ispravka i onda prijedloga plana.

Ja se nadam, zato što uvažavam potrebu Univerziteta da to bude čim prije. Evo o tome govori da smo čim prije i odluku o pristupanju izradi dali u proceduru i da će nosilac izrade uvažiti evo interese da to može biti i prije od 12 mjeseci. Ali ponavljam poštujući ovu proceduru zakonsku to 6 mjeseci bi bio kratak rok. Možda je optimalno neki bolji rok osam do deset mjeseci itd. Ali bolje se malo i strpiti kada imamo detaljnu plansku dokumentaciju onda ona garantuje da će realizacija tih objekata, da će realizacija takve investicije sutra biti kvalitetnija i na zakonskoj osnovi itd. (NATAŠA PERIĆ – U redu. Hvala vam.) Evo jel bilo još kakvih? (NATAŠA PERIĆ – To je sve, to je sve. Ništa.) Hvala još jednom. Molim vas da uvažite ovu ispriku oko ove greške. Hvala.

NATAŠA PERIĆ

Ispravit će se ova tehnička greška prije potpisivanja.

Stavljam na izjašnjavanje prijedlog ODLUKE O PRISTUPANJU IZRADI REGULACIONOG PLANA ZBR “STARA KASARNA – KAMPUS UNIVERZITETA U TUZLI i molim vijećnike da se izjasne. Glasanje je okončano.

Konstatujem da je ODLUKA O PRISTUPANJU IZRADI REGULACIONOG PLANA ZBR “STARA KASARNA – KAMPUS UNIVERZITETA U TUZLI“ usvojena sa, 26 glasova za, nije bilo protiv i nije bilo suzdržanih.

Prelazimo na petu tačku Dnevnog reda:

RAZMATRANJE I USVAJANJE ODLUKE O IZMJENAMA I DOPUNAMA ODLUKE O JAVNIM PARKIRALIŠTIMA NA PODRUČJU OPĆINE TUZLA

Predlagач je gradonačelnik.

Obrađivač: Služba za komunalne poslove, izgradnju i poslove mjesnih zajednica i Javno komunalno preduzeće „Saobraćaj i komunikacije – Tuzla“ d.o.o. Tuzla a materijal su razmatrali: Komisija za statutarna pitanja i propise, Komisija za ekonomske odnose, Komisija za poslove i pitanja mjesnih zajednica i klubovi vijećnika.

Imal potrebe za uvodnim izlaganjem? (Nema.)

Imal potrebe da se pročitaju izvještaji komisija? (Nema.)

Otvaram raspravu klubova vijećnika. Samo malo. Vijećnik Anel Ibeljić. Izvolite. Ispred Kluba SDP-a.

ANEL IBELJIĆ

Dobar dan svima. Hvala predsjedavajuća. Sve vas srdačno pozdravljam s obzirom da je ovo moje prvo javljanje. Moram reći da sam pozitivno iznenađen ovom odlukom u stvari što nam je SiK u koordinaciji sa nadležnom službom pripremio današnju odluku a koja se odnosi na Izmjene i dopune odluke o javnim parkiralištima u pogledu načina naplate parkiranja.

Naime, kao što nam je svima poznato trenutni i jedini način plaćanja parkinga jeste putem parking automata. Takav način plaćanja parkinga je zasigurno zastario te je svakako došlo vrijeme da se to inovira.

Kao što iz prijedloga odluke proizilazi uvode se neki novi noviteti a to je plaćanje putem SMS poruka, te putem mobilne aplikacije. Ovdje moram istaći koliko je meni poznato još u prošlom mandatu, mislim da je tokom 2017. godine uvažena kolegica Sabiha imala inicijativu da SiK uvede plaćanje putem SMS poruka što vidimo da evo i nakon nekoliko godina je prihvaćeno a uskoro će biti i realizirano.

Ovu priliku koristim da pohvalim rad novog VD direktora SiK-a gospodina Nedžada Malikića koji je uveo dosta novih pozitivnih stvari i promjena u rad ovog preduzeća pa tako i ovaj novitet u plaćanju parkinga putem mobilne aplikacije.

Naime, prateći tehnološke trendove i potrebne tržišta još u septembru mjesecu prošle godine uputio sam jednu inicijativu koja se prije svega odnosila na plaćanje parkinga putem mobilne aplikacije što i vidimo evo nakon svega nekoliko mjeseci prihvaćeno, a prema mojim informacijama bit će i realizirano do kraja, do kraja ljeta.

Svakako i zasigurno da je ovakav vid plaćanja parkinga dosta brži, praktičniji, jednostavniji i efikasniji. Ima mnogo, mnogo više prednosti u odnosu na dosadašnji način plaćanja i neki od njih su plaćanje parkiranja bez naknade jer se ne koristi SMS protokol. Prihvatljiv je i pogodan za, za turiste. Bit će vjerovatno dostupan i na stranom jeziku prema mojim informacijama, prilagodljiv i prihvatljiv je za poslovne korisnike.

Takođe imat ćemo informaciju vjerovatno za vrijeme isteka parkiranja, te svakako što je možda i najvažnije to je neka ekološka osvještenost jer pri plaćanju parkiranja putem mobilne aplikacije neće se koristiti papirnate potvrde kao što se sada koristi, te prije svega želio bih da se zahvalim obrađivaču na prijedlogu ove odluke. Hvala.

ANA PEJIĆ

Zahvaljujem se. Sljedeća za riječ se javila vijećnica Sabiha Mujkanović Mujačić.

SABIHA MUJKANOVIĆ MUJAČIĆ

Zahvaljujem. Naprosto nisam mogla propustiti priliku da čestitam novom menadžmentu i kolegi Malikiću na prijedlogu ovakve odluke. Izgleda da se kolega Malikić naslušao ovih inicijativa u proteklom mandatu. Zna da smo dobijali negativne odgovore na iste i evo odmah se dao na posao i zaista za svaku pohvalu.

Ja sam kao što je evo kolega Ibeljić pomenuo i 2017. i 2018. godine inicirala dakle, da se uvede naplata parkinga putem SMS poruka i drago mi je dakle, što se konačno krenulo u realizaciju iste.

Sve veći broj građana koriste mobilne uređaje za kupovinu i plaćanje usluga i u konkretnom slučaju dakle, raspoloživi parking se nastoji iskoristiti na što kvalitetnije pomoću raznih tehnoloških rješenja. U ovom slučaju je to plaćanje parkinga putem SMS poruka i vidimo i mobilne aplikacije.

Ovakav način naravno plaćanja smatram naročito korisnim za građane jer je puno jednostavniji, kao što kolega Anel reče praktičniji. Građani nemaju uvijek sitan novac. Često moraju napustiti obaveze koje se oduže pa se ponovo moraju vraćati na parking da produže kartu, a naročito je to problem za one građane koji parkiraju na udaljenijim mjestima od onih na kojima rješavaju i završavaju svoje obaveze.

Svakako da mi je drago što će i naš grad imati ovu mogućnost s obzirom da brojni gradovi već imaju tu praksu. Dakle, puno je jednostavnije jer sistem upozorava na istek vremena i znači ne možemo zaboraviti da trebamo produžiti parking kartu.

Vjerujem da će se ova investicija vrlo brzo isplatiti i samom preduzeću jer evo malo sam istraživala i zaista se pokazalo da je puno veća, veća zarada preduzećima nakon uvođenja dakle, ovakvog vida naplate i jedino bi, znam da će nam se u narednom periodu organizovati, ja mislim prezentacija pametne platforme i jedino evo što bi još dala kao prijedlog, a što sam vidjela da odlično funkcioniše u drugim gradovima da u okviru ove dakle, mobilne aplikacije se nudi i mogućnost dakle, da se pokaže gdje je prvo slobodno parking mjesto tako da mislim da bi to bila odlična ideja i da to pokušaju realizirati. Još jednom čestitke novom menadžmentu na ovakvoj odluci.

ANA PEJIĆ

Zahvaljujem se. Sljedeći za riječ se javio vijećnik Admir Čavalić ispred Kluba stranke za BiH i Naše stranke.

ADMIR ČAVALIĆ

Hvala puno predsjedavajuća. Dakle, Klub Stranka za BiH i Naša stranka će apsolutno podržati ovu odluku. Dakle, ovo je iskorak o kojem čitavo vrijeme govorimo i ovo pokazuje šta se može uraditi kada pravi ljudi dođu na pravo mjesto i kada pravi ljudi dođu u predstavničku vlast našeg grada.

Ja sam ranije dakle, pripremajući se za ovu temu našao da je kolegica Sabiha dvije godine unazad dakle, i predlagala i uvijek je dobivala isti odgovor da to nije fizički dakle, nije izvodljivo, da je skupo, da će koštati. Lično prvi sastanak koji sam imao dakle, sa predstavnicima menadžmenta javnog sektora u gradu Tuzla je bio početkom prošle godine i to je upravo bilo u Saobraćaj i komunikacije gdje sam opet dobio isti odgovor identičan kao kolegica Sabiha. Dakle, razgovarao sam. Zašto? Zato što sam već u maju prošle godine uputio inicijativu dakle, da se koristi SMS dakle, uplata parkinga na način naplate i pametni telefoni. Kasnije sam tu ponovio tu inicijativu dakle, opet ove godine.

Razgovarao sam sa predstavnicima Saobraćaj i komunikacije i oni su dali čvrste garancije da ne samo ovo neće dakle, neće se zaustaviti na ovom. Vjerovatno u skorije vrijeme i ja se nadam da ćemo to imati već u avgustu možda i septembru dakle, krećemo sa ukidanjem one nezgodne dakle, kandže koja je zaista neustavna, neprimjerena i ne zaslužujemo da koristimo takav način blokiranja vozila u dvadesetprvom stoljeću. Napominjem da je Gradsko vijeće Grada Tuzla prihvatilo zaključak da idemo u tom pravcu i to bi trebalo biti dvije povezane odluke i dakle, iskoraci zajedno sa tom platformom, pametnom platformom.

Ovo je način da zaista grad Tuzla postaje pametan grad, naravno daleko smo od toga dakle, da budemo pametan grad. Postoji još nekoliko rješenja dakle, od onih stanica gdje smo predlagali da se navede za koliko dolazi BUS zato što su stanice u našoj nadležnosti pa sve dakle, do upravljanja redova čekanja u smislu da na SMS-om dobivate kada dolazite na red bilo gdje u gradu Tuzla ili u Domu zdravlja ili sl. i brojnih drugih rješenja koji odlikuju moderne gradove. Dakle, moguće je, promjena je moguća. Nažalost čekalo se na to eto od 2016.- 2017. godine. Možda bi bilo bolje da postanemo malo progresivniji grad gdje će se čekati na to svega nekoliko mjeseci. Ovaj novi menadžment stvarno ulijeva nadu zato smo ga zaista sa zadovoljstvom i podržali i podržat ćemo opet ako se prijavi dakle, na konkurs dakle, za izbor dakle, za stalno za direktora Saobraćaj i komunikacije. Ima apsolutno našu podršku zato što radi dobre stvari, pristupačan je i generalno u kontaktu je sa narodom.

Možda je to dakle, jedna dobra lekcija za sve direktore koji su 20 i više godina na svojim pozicijama, da se pokušaju nakon 20 godina ako se mogu dovesti dakle, čast izuzetcima u

formu, da se vrate u tu formu, da otkriju tu mladost i da pokušaju opet da rade u službi naših građana, službi našeg grada.

Sve u svemu dakle, podrška. U prošlom mandatu čestitke kolegici Sabihi. U ovom mandatu čestitke svima dakle, koji su insistirali da se ovo čim prije riješi i posebno čestitke dakle, SiK-u koji je na kraju to implementirao i koji je bio taj terenac koji će realizovati sve navedeno.

Napominjem, zamolio bih da se ne zaustavi na ovome i zato dajem zaključak da se čim prije implementira raniji zaključak Gradskog vijeća Grada Tuzla u vezi uklanjanja one sistema kandži, odnosno blokade vozila na našim parkiralištima. Hvala.

ANA PEJIĆ

Zahvaljujem se vijećniku Čavaliću. Sljedeći za riječ se javio vijećnik Aleksandar Vujadinović ispred Kluba Socijaldemokrata BiH.

ALEKSANDAR VUJADINOVIĆ

Pa Klub vijećnika Socijaldemokrata apsolutno podržava ovu ideju. Pozdravlja je. Ostalo je rekao sve kolega Čavalić pa nema potrebe da ponavljamo. Hvala ljepo. Prijatno.

ANA PEJIĆ

Zahvaljujem se. Sljedeća za riječ se javila vijećnica Selma Čatibušić ispred Kluba Platforme za progres.

SELMA ČATIBUŠIĆ

Pa evo iako se na neki način ponavljamo nas nekoliko, ali zaista smatram da treba neke stvari i ovako javno pohvaliti i Klub vijećnika Platforme za progres će svakako podržati ovu inicijativu tačnije ovu odluku. Ono što želim i ja da kažem jeste da pohvalim dosadašnji rad sadašnjeg direktora. Zaista direktor koji sam na neki način potencira razgovor sa vijećnicima, razgovara o situaciji na terenu. Lično sam imala priliku naravno kao što svakako vjerujem da imamo priliku i sa svim ostali direktorima, ali eto ovaj je put bilo i na njegovu inicijativu da razgovaramo o potencijalnim problemima, rješenjima naravno i eto imao je sluha za nekoliko naših inicijativa ali smatram da je ovo praksa koja treba opstati i praksa kojom se mogu svakako i drugi direktori javnih preduzeća i direktorice javnih ustanova svakako poslužiti iako to već do sad ne rade.

ANA PEJIĆ

Zahvaljujem se. Sljedeći za riječ se javio Nikica Vidović ispred Kluba HDZ i PDA.

NIKICA VIDOVIĆ

Pozdravljam. Ako je došlo vrijeme da i ja VD direktora pohvalim vjerujem da ću i savjete riješiti u skorij budućnosti. Sjećam se priče kad smo pričali o ovome i kroz Komisiju za mlade i sve i nikom nije bilo jasno zašto se ne koristi SMS i slični servisi koji su naravno u normalnom svijetu odavno. Uvijek je bilo da je to preskupo uzimati sa 80% operatere itd. itd.

Mene iskreno raduje najviše dijelom zato što će izravno biti prikazani porezi i sve će se plaćati 100% u realnom vremenu što je izuzetna i velika važnost.

Drago mi je da je ostao ovaj dio s novcem je li poznato vam je da u velikim gradovima vrlo često pogotovo ako ste iz inozemstva zna vam se desiti da morate SMS broj, uzeti broj i karticu da bi platili parking što nije nikako praktično tako da je dobro da je ostao novac. Možda neka varijanta za kiosk ili neko ko dođe bez novca našeg KM-a malo to teže, pogotovo sitno plati SMS ne možete, ovu opciju ne možete koristiti ako nije operater BiH. Naravno i aplikaciju ne možete koristiti ako nemate internet automatizmom, mislim da i server mora biti BiH da bi imali aplikaciju u državi u kojoj se trenutno nalazite.

Pozdravljam, samo evo skrećem pozornost da se te nejasnoće riješe. Ono što bi evo usput kad je već ovaj pravilnik nadam se da on neće štetiti onoj današnjoj inicijativi da se možda ovdje odma promijeni pod dva ova parking mjesta se tijekom ljeta promijene u moto parkinge. Zašto to govorim? Zato što ako bi bio onaj znak za ne parkiranje vozila nekih šest mjeseci moralo bi se imati zakonski okvir da se te ljude sankcioniraju ako parkiraju automobile na mjesta označena za motocikle od 01. 05. do 30. 09.

Izuzetno me raduje da evo imamo tu modernizaciju i evo svesrdno pozdravljam i evo nadam se da će evo usput kada sam tu rekao da, da bi bilo dobro i ovaj dio za motocikle evo. I da ne bude, da budem zvanično da i ja pohvalim (nerazgovjetno izgovorena riječ op.a) VD i koliko sam ja vidio isteklo mu je šest mjeseci. Hvala.

ANA PEJIĆ

Zahvaljujem se. Zatvaram raspravu klubova vijećnika.

Otvaram raspravu vijećnika. Za riječ se javio vijećnik Hasib Hirkić.

HASIB HIRKIĆ

Zahvaljujem dopredsjedavajuća. Ovdje se moram na neki način zahvaliti direktoru i menadžmentu to se sve vidi evo kroz same diskusije da je unaprijeđeno preduzeće SiK-a. S obzirom da nije niko imao kritiku, a prije šest mjeseci su se čak neki i oglašavali kako ne trebamo mi te neke brze odluke donositi itd. itd. Ali moram vam reći jednu stvar. Ovdje treba čestitati gospodinu Mensuru Aliću. Ipak je on znao prepoznati znači, kadar i kadrova ima samo ih treba prepoznati i postaviti.

S obzirom, s obzirom da su kroz čitavu raspravu vođene polemike kako su to politički direktori, kako su to direktori ispred političkih partija pa evo ako je već tako evo Tuzlanska alternativa je dala direktora, a dala je i dobro rješenje. Hvala.

ANA PEJIĆ

Zahvaljujem se. Sljedeći za riječ se javio vijećnik Šefik Husić.

ŠEFIK HUSIĆ – samostalni vijećnik

Evo ja samo da kažem ova inicijativa za izmjenu načina plaćanja parkinga je dobra i podržavam obzirom da imamo neka oprečna mišljenja da je dobro- nije dobro. Evo mislim da je najbolje i da iz inozemstva ljudi mogu vrlo lako plaćati svi imaju kreditne kartice. Imamo praktičan model u Holandiji pa evo nek se potrude vijećnici kojima nije prihvatljiv ovaj sistem nek dođu do tog projekta i riješit ćemo na sve ukupno zadovoljstvo.

ANA PEJIĆ

Zahvaljujem se. Sljedeći za riječ se javio vijećnik Omer Berbić.

OMER BERBIĆ

E hvala ljepo. Pa ovo je možda jedno od rijetkih preduzeća i generalno od nekih tačaka gdje se svi složimo i mislim da da je to stvarno jedan pozitivan primjer, dobar primjer šta se može uraditi kada svježa krv dođu u javna preduzeća, a kada kažem svježa krv mislim da tu tamo nije direktor koji je tamo 10,12, 15, 20 godina nego da je to čovjek postavljen na VD, VD mandat i da sam ja ako se sjećate, pa zaključak koji ste vi odbili da sam ja tražio kada je on trebao da bude postavljen na VD mandat da nam da plan rada. Tražio sam da nam da plan rada upravo zato što sam dobio informacije da ova, sadašnji direktor ima intencije da pokrene i ovo pitanje i pitanje senzora i pitanje čistoće parkinga, x-y stvari koje se nisu radile 10-15 godina koje se mogu uraditi za godinu dana i da je tada dao plan rada i da je sada ispunio, evo kao što i ispunjava ove stvari mislim da bi imali jednu situaciju koja je čista kao suza da niko a ne može reći i da svi pohvalimo evo kao što i sad pohvaljujemo. I to je razlog zašto ja tražim da, ako stavljamo nekog u VD situaciju, nekom dajemo mandat da ispred Vijeća dođe sa planom rada sa četiri-pet-deset tačaka i da kaže ovo ću uraditi u prvoj godini mandata, u trećoj i u četvrtoj godini mandata.

Želim javno još jednom da pohvalim direktora. Želim da pohvalim cijelo preduzeće koje je evo dostiglo taj neki, neki novi nivo koji je da kažem hajde u svijetu stvar koja je već sad manje više odrađena, ali evo kod nas je to očigledno novina, očigledno nešto što se napravilo i znam da se u budućnosti planiraju postavljati i senzori na parkinge kako bi ljudi na aplikacijama imali broj slobodnih, slobodnih parking mjesta i x-y stvari koje zaista onda pokazujemo da Tuzla može u segmentima gdje su novi ljudi, gdje su svježi ljudi, gdje je dobar menadžment da može postati pravi pametni grad. I nadam se da će ovaj primjer doći do ušiju ljudi unutar same Gradske uprave i da će se probati iskopirati ovaj model iz Saobraćaja i komunikacija i ovaj način razmišljanja na ostala preduzeća i na ostale javne ustanove koje su usporene, trome, ne sve ali ali dobar dio njih usporene, trome i koje ne prate ta nova da kažemo tehnološka dostignuća. Hvala još jednom i svaka čast.

NATAŠA PERIĆ

Hvala vam. Hvala. Zaključujem raspravu vijećnika.

Stavljam na izjašnjavanje ODLUKU O IZMJENAMA I DOPUNAMA ODLUKE O JAVNIM PARKIRALIŠTIMA NA PODRUČJU OPĆINE TUZLA. Molim vijećnike da se izjasne. (vijećnik Admir Čavalić govori bez uključenog mikrofona op.a.) Zaključila sam raspravu. Stavila na glasanje. (vijećnik Admir Čavalić govori bez uključenog mikrofona op.a.) Pa evo ima zaključak neki. (SLAĐANA KRAJINA – Kakav ste zaključak predložili?) (vijećnik Admir Čavalić govori bez uključenog mikrofona op.a.)

SLAĐANA KRAJINA – sekretar Gradskog vijeća Tuzla

Samo malo da pojasnim. Da vam kažem nešto. Ovdje se radi o prijedlogu odluke koju ste dobili takav znači, bilo kakva izmjena mora amandmanski da se djeluje. (NATAŠA PERIĆ – Ma ja.) Et. Jedino može sugestija službi da nekad prilikom sljedećih pismenih odgovora.

NATAŠA PERIĆ

Glasanje je okončano.

Konstatujem da je pročitani zaključak. Pardon ODLUKA O IZMJENAMA I DOPUNAMA ODLUKE O JAVNIM PARKIRALIŠTIMA NA PODRUČJU OPĆINE TUZLA usvojena sa, 25 glasova za, nije bilo protiv i nije bilo suzdržanih.

Pozivam sekretara da pročita zaključak. Samo uključite mikrofon molim vas.

SLADANA KRAJINA – sekretar Gradskog vijeća Tuzla

- Gradsko vijeće Tuzla sugeriše Javno komunalnom preduzeću Saobraćaj i komunikacije da se što prije krene u realizaciju zaključka Gradskog vijeća, usvojenog na 9. redovnoj sjednici Gradskog vijeća, održanoj 30. 09. dvadesetprve godine, kojim je od Javno komunalnog preduzeća Saobraćaj i komunikacije Tuzla, od Službe za komunalne poslove, izgradnju i poslove mjesnih zajednica i od Službe za budžet i finansije zatraženo da se analizira opravdanost ukidanja blokiranja vozila zbog prekoračenja vremena parkiranja i zakonska mogućnost uvođenja prekršajnih naloga, kao i zakonska mogućnost vraćanja sredstava prikupljenih od prekršajnih naloga u Budžetu Grada Tuzla ovom Preduzeću te da se, ukoliko se ovo pokaže opravdano, pripremi i uputi Gradskom vijeću Tuzla prijedlog izmjene Odluke o javnim parkiralištima grada Tuzla.

Jeste li na ovaj zaključak mislili? Vijećniče Čavalić jeste na ovaj zaključak mislili? (ADMIR ČAVALIĆ – Da, da.)

NATAŠA PERIĆ

Jeste. Predlažem, odnosno pozivam vijećnike da glasaju. Glasanje je okončano.

Konstatujem da je pročitani zaključak usvojen sa 26 glasova za, nije bilo protiv i nije bilo suzdržanih.

Prelazimo na šestu tačku dnevnog reda:

RAZMATRANJE I USVAJANJE POD:

a) ODLUKE O DAVANJU PRETHODNE SAGLASNOSTI NADZORNOM ODBORU JAVNO KOMUNALNOG PREDUZEĆA „PANNONICA” D.O.O. TUZLA ZA IMENOVANJE VRŠIOCA DUŽNOSTI DIREKTORA DRUŠTVA

b) ODLUKE O DAVANJU PRETHODNE SAGLASNOSTI NADZORNOM ODBORU JAVNOG PREDUZEĆA „DIREKCIJA ZA IZGRADNJU” D.O.O. TUZLA ZA IMENOVANJE VRŠIOCA DUŽNOSTI

Predlagач je Nadzorni odbor Javno komunalnog preduzeća „Pannonica“ d.o.o. Tuzla (pod a) i Nadzorni odbor Javnog komunalnog preduzeća „Direkcija za izgradnju“ d.o.o. Tuzla (pod b).

Obrađivač je Nadzorni odbor Javno komunalnog preduzeća „Pannonica“ d.o.o. Tuzla (pod a) i Nadzorni odbor Javno komunalnog preduzeća „Direkcija za izgradnju“ d.o.o. Tuzla (pod b) i Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za izbor i imenovanja i klubovi vijećnika.

Ima li potrebe za uvodnim izlaganjem? (Nema.)

Ima li potrebe da se pročitaju izvještaji komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Vijećnik Čavalić.

ADMIR ČAVALIĆ

Hvala puno predsjedavajuća. Ja bih samo imao nekoliko pitanja. Dakle, dobili smo ovu Odluku o davanju prethodne saglasnosti nadzornom odboru za imenovanje vršioca dužnosti direktora društva dakle, Panonika Tuzla.

Zanima me jel, jel smijemo to jer vidim da je u biografiji 65 godina napunjeno prije nekoliko dana 29. 05. dakle, VD je napunio 65 godina. Zanima me samo da dobijemo informaciju da li, da li možemo imenovati osobu koja je penzioner za VD-a? (NATAŠA PERIĆ – Pa nije još penzioner.) To me zanima. Pa dobro po starosnom. Možda nije ušao u pravo. Izvinjavam se. Ma ja. (NATAŠA PERIĆ – Pa nemožete reći da je penzioner.) Dobro.

Ko je? I zanima me nisam znao ko je bio direktor od mislim pošto ovo stvarno kad gledam ove direktorske pozicije u Tuzli ono 17, 20, 25 godina ko je bio direktor od 2003. do 2005. godine? Pa nije. Piše da nije. (NATAŠA PERIĆ – Nemojte molim vas. Hajde.) Samo me zanima dakle, od službe da dobijem da mi neko izađe i samo da kaže ko je bio direktor od 2003. do 2005. godine Panonike? Pošto ovdje se u biografiji par puta navodi da je prijedlog VD-a dakle, da je direktor od 2005 dakle, on je već 17 godina direktor dakle, a ja sam mislio da je faktički 20 godina, tako da je to moglo još. Dakle, on je 17 godina. Znači, još je mlad. (NATAŠA PERIĆ - Pa nemojte molim vas tako da pričate o nekom.) Ne, ne kao direktor još je mlad u tuzlanskim okvirima. (NATAŠA PERIĆ – Nemojte tako molim vas.) Dakle, zanima me koliko je generalno dugo već direktor jel 17, jel 20 godina i zanima me jel smijemo generalno izabrati osobu sa 65 godina za VD-a koja je napunila i da li, da li je to zakonski moguće da nećemo ući u neke zakonske probleme? Hvala puno.

NATAŠA PERIĆ

U redu. Vijećnik Omer Berbić. Izvolite.

OMER BERBIĆ

E hvala ljepo. Pa evo opet kažem moj je princip generalno kada bilo šta radim i kada bilo šta biram da mi se dostavi neki plan rada, plan i program rada da vidimo zašta mi to tačno glasamo. Nije sporno glasati ni za osobu, ali ja bi izuzetno cijenio kada bi mi glasali za program umjesto da glasamo za osobe ili da glasamo za oboje u kombinaciji pa da vidimo da li ta osoba može ispuniti plan i program koja je zacrtala i da mi imamo nešto da pratimo iz izvještaja, jer mi u izvještajima dobijemo trenutno informaciju, ali ne znamo koji su zadani ciljevi, koji su postavljeni ciljevi i bilo bi izuzetno interesantno da i taj i taj dio dobijemo.

Tako da evo ja prije svega predlažem taj zaključak. Predlažem zaključak da direktori ili kandidati za direktore ili kandidati za VD direktore daju Vijeću plan i program rada za mandat kako bi Vijeće moglo pratiti implementaciju tog plana i programa.

I ja sam generalno, moram to reći bez obzira ne želim da ulazim u meritum ovoga ali ja sam generalno principa da je dva mandata puno za svakoga, odnosno da je to sasvim dovoljno da se iskaže da se ide na neke druge pozicije od gradonačelnika pa do direktora javnih funkcija, javnih preduzeća.

I bez obzira sada da ne ulazim u to koliko je kvalitetan rad ili nije Panonika stvarno ima neke standarde koji su visoko postavljeni. Ja bih volio još jedan zaključak s obzirom da su Panonska jezera i to da se zahtjeva, Gradsko vijeće zahtjeva od budućeg direktora ukoliko se usvoji, s obzirom da su Panonska jezera isfinansirana od strane Budžeta Grada ja bih volio da stanovnici sa CIPS-om u Tuzli imaju 50% nižu cijenu za ulazak na Panonska jezera. Eto. Hvala ljepo.

NATAŠA PERIĆ

U redu hvala. Zaključujem raspravu vijećnika. (ADMIR ČAVALIĆ – Javio sam se još jednom. Izvinjavam se.) Aha. Hajde.

ADMIR ČAVALIĆ

Samo vezano pošto je ovo druga, mislim da zajedno ide ova odluka samo sekunda. (NATAŠA PERIĆ – Molim Admire?) i Direkciju za izgradnju jel tako radimo? Samo pitanje. Zašto nismo dobili biografiju? Dobili smo biografiju VD-a, odnosno prijedloga za Panoniku i čestitam na tome gospodinu koji je dostavio. Zašto nismo dobili biografiju gospođe Jasminke Šehić dakle, ne vidim je ovdje, a sjećate se da smo usvojili par puta kao zaključak dakle, Gradskog vijeća da nam se obavezno dostavljaju biografije? Čak je predstavnik službe gospodin Lugavić dakle, par puta javno naveo da se to radi i sl.

Možda, moj prijedlog ili da napravimo pauzu da dobijemo biografiju ili da jednostavno ne glasamo o VD-u jer nemamo biografije. Mislim zaista moraju se poštovati neke stvari. Hvala puno.

NATAŠA PERIĆ

Zaključujem raspravu vijećnika. Zamolit ću predstavnika službe da da odgovore koje su postavili vijećnici.

DIJANA DIZDAREVIĆ RADOVANOVIĆ - šef Odjeljenja za lokalni ekonomski razvoj

Evo dobar dan svima. Evo ja ću ukratko da pokušam dat odgovor na ova postavljena pitanja.

Što se tiče prijedloga za imenovanje vršioca dužnosti Javnog komunalnog preduzeća Pannonika d.o.o. Tuzla ovo znači radi se o imenovanjima na privremenoj osnovi. To su vršioći dužnosti na period od šest mjeseci i u tom smislu je nadzorni odbor znači, u nadležnosti nadzornog odbora je provođenje kompletne procedure vezano za izbor i imenovanje direktora uključujući i vršioca dužnosti direktora. Mi smo dobili znači, Prijedlog odluke nadzornog odbora koja je i u materijalu da se za vršioca dužnosti imenuje dosadašnji direktor gospodin Majid Porobić.

Činjenica je da se radi znači, o privremenom imenovanju dakle, na period od šest mjeseci. U tom smislu se znači, nije pretpostavljam da nije se vodilo računa, odnosno jel mu to, koji je mandat po redu a što se tiče njegovih godina starosti isto tako radi se znači o privremenom imenovanju. Dakle, konkursna procedura je pokrenuta i u konkursnoj proceduri koja će se provesti, mislim da je već u toku ili je završena, onda će se znači u skladu sa uslovima i kriterijima koji su propisani poštovat će se znači i taj kriterij a u ovo slučaju radi se znači o privremenom imenovanju. On nije ni penzionisan a zaključuje se ugovor menadžerski kada je u pitanju pozicija direktora tako da u tom smislu se taj kriterij ne gleda sada za ovo privremeno imenovanje. Kakvi su kriteriji to znači nadzorni odbor je utvrdio u svojoj odluci i to je uslov i kriterij u javnom oglasu. To je što se tiče.

A prije Maida Porobića opet koliko se i ja sjećam, ali evo mislim da je to tako direktor je bio Suad Gavranović. On je radio u Javnom preduzeću Panonika, mislim da je sad penzionisan ali je bio on u prvom mandatu u tom prvom periodu imenovan za direktora preduzeća. (NATAŠA PERIĆ – Dobro.) Sulejman. Pardon. Nije Suad nego Sulejman Gavranović.

NATAŠA PERIĆ

Hvala. Hvala Dijana.

Stavljam na izjašnjavanje ODLUKU O DAVANJU PRETHODNE SAGLASNOSTI NADZORNOM ODBORU JAVNO KOMUNALNOM PREDUZEĆU „PANNONICA” D.O.O. TUZLA ZA IMENOVANJE VRŠIOCA DUŽNOSTI DIREKTORA DRUŠTVA. Glasanje je okončano.

Konstatujem da je ODLUKA O DAVANJU PRETHODNE SAGLASNOSTI NADZORNOM ODBORU JAVNO KOMUNALNOG PREDUZEĆA „PANNONICA” D.O.O. TUZLA ZA IMENOVANJE VRŠIOCA DUŽNOSTI DIREKTORA DRUŠTVA usvojena sa, 22 glasa za, nije bilo protiv i 1 suzdržan.

Sada stavljam na izjašnjavanje ODLUKU O DAVANJU PRETHODNE SAGLASNOSTI NADZORNOM ODBORU JAVNOG PREDUZEĆA „DIREKCIJA ZA IZGRADNJU” D.O.O. TUZLA ZA IMENOVANJE VRŠIOCA DUŽNOSTI DIREKTORA DRUŠTVA. (ADMIR ČAVALIĆ – Poslovnička.)

ADMIR ČAVALIĆ

Ja nisam dobio objašnjenje za ovo zašto nema biografije? (NATAŠA PERIĆ – Nije tražio.) Jesam tražio. (NATAŠA PERIĆ – Pa kad ste tražili?) Tražio sam.

NATAŠA PERIĆ

Niste tražili nemojte pričat. Jel neko čuo da je tražio pauzu od 5 minuta? Niste. Jeste samo tražili...To ste rekli u diskusiji, ali slažem se ovo da gospođa nije odgovorila na drugo. Molim vas Dijana odgovorite samo vezano za direktora. Nije. Za ovo drugo. De molim vas malo. Ma ja. Molim vas malo tišine.

DIJANA DIZDAREVIĆ RADOVANOVIĆ - šef Odjeljenja za lokalni ekonomski razvoj

Dakle, što se tiče imenovanja vršioca dužnosti Direkcije za izgradnju tu imamo dakle, odluku nadzornog odbora i prijedlog nadzornog odbora i oni su donjeli odluku da se dosadašnji da kažem vršilac dužnosti ponovo predloži do opet jel do okončanja ove procedure s obzirom na činjenicu da se radi o osobi koja je upisana u sudski registar kao osoba za zastupanje i u tom smislu s obzirom i na ovu situaciju sa direkcijom išlo se za tim da se ista osoba, jer je ovlaštena, odnosno ona je upisana za zastupanje preduzeća da se imenuje i za vršioca dužnosti direktora a to je gospođa koja je diplomirani arhitekt, u stvari ona je i bila i prije uposlenik, ali evo sad u ovom periodu zadnjem je upisana u sudskom registru kao osoba za zastupanje.

NATAŠA PERIĆ

U redu. Hvala vam.

Stavljam na izjašnjavanje ODLUKU O DAVANJU PRETHODNE SAGLASNOSTI NADZORNOM ODBORU JAVNOG PREDUZEĆA „DIREKCIJA ZA IZGRADNJU” D.O.O. TUZLA ZA IMENOVANJE VRŠIOCA DUŽNOSTI DIREKTORA DRUŠTVA. Molim vijećnike da se izjasne. Glasanje je okončano.

Konstatujem da je ODLUKA O DAVANJU PRETHODNE SAGLASNOSTI NADZORNOM ODBORU JAVNOG PREDUZEĆA „DIREKCIJA ZA IZGRADNJU”

D.O.O. TUZLA ZA IMENOVANJE VRŠIOCA DUŽNOSTI DIREKTORA DRUŠTVA usvojena sa, 23 glasa za, niko nije bio protiv i nije bilo suzdržanih.

Molim sekretara da...i 3 suzdržana. Pardon.

SLAĐANA KRAJINA – sekretar Gradskog vijeća Tuzla

Prvi zaključak:

- Gradsko vijeće Tuzla traži da ubuduće kandidati za vršioca dužnosti direktora i direktora dostave Vijeću plan i program rada za period trajanja mandata na koji se biraju kako bi Gradsko vijeće moglo pratiti implementaciju dostavljenog plana i programa rada.

NATAŠA PERIĆ

U redu. Stavljam na izjašnjavanje. Glasanje je okončano.

Konstatujem da pročitani zaključak nije dobio potrebnu većinu, 8 vijećnika je glasalo za, niko nije bio protiv i 17 suzdržanih.

SLAĐANA KRAJINA – sekretar Gradskog vijeća Tuzla

Drugi zaključak:

- Gradsko vijeće Tuzla zahtjeva od budućeg direktora Javnog komunalnog preduzeća Pannonika Tuzla da stanovnici sa prebivalištem na području grada Tuzle plaćaju 50% jeftiniju kartu.

NATAŠA PERIĆ

Molim vijećnike da se izjasne. Glasanje je okončano.

Konstatujem da pročitani zaključak nije dobio potrebnu većinu, 3 vijećnika su glasala za, niko nije bio protiv i 21 suzdržan.

Prelazimo na sedmu tačku Dnevnog reda:

RAZMATRANJE I USVAJANJE POD:

a) ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM UDRUŽENJU HO "MERHAMET" MDD SARAJEVO – REGIONALNI ODBOR TUZLA

b) ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM JAVNOJ USTANOVI "CENTAR ZA KULTURU" TUZLA I

c) ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM MINISTARSTVU SIGURNOSTI BOSNE I HERCEGOVINE – SLUŽBI ZA POSLOVE SA STRANCIMA

Predlagač je gradonačelnik.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Imal potrebe za uvodnim izlaganjem? (Nema.)

Imal potrebe da se pročitaju izvještaji komisija? (Nema.)

Otvaram raspravu klubova vijećnika.

Zatvaram raspravu klubova vijećnika.
Otvaram raspravu vijećnika. (Nema.)

Stavljam na izjašnjavanje ODLUKE O DODJELI U ZAKUP POSLOVNIH PROSTORIJA “MERHAMETU” MDD SARAJEVO – REGIONALNI ODBOR TUZLA, ODLUKU O DODJELI U ZAKUP POSLOVNIH PROSTORIJA NEPOSREDNOM POGODBOM JAVNOJ USTANOVI “CENTAR ZA KULTURU” TUZLA I ODLUKU U ZAKUP POSLOVNIH PROSTORIJA NEPOSREDNOM POGODBOM MINISTARSTVU SIGURNOSTI BOSNE I HERCEGOVINE – SLUŽBI ZA POSLOVE SA STRANCIMA. Molim vijećnike da se izjasne. Glasanje je okončano.

Konstatujem da je pročitani. Pardon.

Konstatujem da su pročitane odluke usvojene sa, 25 glasova za, nije bilo protiv i nije bilo suzdržanih.

Prelazimo na osmu tačku Dnevnog reda:

RAZMATRANJE I USVAJANJE ODLUKE O IZMJENAMA I DOPUNAMA ODLUKE O ADMINISTRATIVNIM TAKSAMA I TARIFI OPĆINSKIH ADMINISTRATIVNIH TAKSI

Predlagač je gradonačelnik.

Obrađivač: Služba za geodetske i imovinsko-pravne poslove.

Materijal su razmatrali: Komisija za statutarna pitanja i propise, Komisija za ekonomske odnose i klubovi vijećnika.

Ima li potrebe za uvodnim izlaganjem? (Ima.) Ima.

Molim predstavnika službe da da uvodno izlaganje. Jasmina Šimleša pomoćnik gradonačelnika. Izvolite.

JASMINA HASANEFENDIĆ – ŠIMLEŠA - pomoćnik gradonačelnika za Službu za geodetske i imovinsko – pravne poslove

Hvala. Pozdravljam sve vijećnice i vijećnike. Dakle, radi se o Odluci o izmjenama i dopunama odluke o administrativnim taksama i tarifi općinskih administrativnih taksi.

Prije nego što započnem obrazloženje smatram najbitnijim istaći činjenicu da kroz izmjene i dopune nije propisana niti jedna nova taksa u oblasti geodetskih i imovinsko pravnih poslova koja nije bila primjenjena u dosadašnjem periodu, niti je izvršeno povećanje iznosa važećih, odnosno postojećih taksi. Pojedine takse su samo izuzete dakle, izbačene iz ove, ovog novog prijedloga izmjene i dopune.

Dakle, jedan dio taksi koji sada vidite pred sobom bio je zapravo propisan Federalnom odlukom o naknadama za vršenje usluga iz oblasti premjera i katastra Federacije Bosne i Hercegovine, dok je onaj dio koji nije obuhvaćen pomenutim odlukama bio dakle, predmet odluke naše tad općinske, odnosno Gradske odluke o administrativnim taksama i tarifi općinskih, općinskih administrativnih taksi.

Vlada Federacije je donjela novu Odluku o naknadama za korištenje podataka premjera i katastra i objavila je u Službenim novinama Federacije BiH broj: 30/22 čime je prestala da važi pomenuta odluka o naknadama iz 2015. godine a koja se primjenjivala za naknade iz oblasti katastarskih poslova.

Dakle, izbacili su takse i to iz oblasti katastra komunalnih uređaja jer su smatrali kao što je zapravo trebalo i od samog početka biti da su u stvari ove naknade čisto vlasništvo jedinica lokalne samouprave.

Dakle, Federalna geodetska uprava kao neko ko zastupa sve službe za katastar na području jedinica lokalnih samouprava znači, obavijestila nas je o ovoj novoj odluci i zapravo nam sugerisala dakle, da svoje takse mi sad da propišemo našom, našom odlukom.

Dakle, ne mijenjaju se takse. Nema niti i jedne nove takse koja do sad nije postojala i koja se nije plaćala, samo je sada regulisana našom opštinskom odlukom umjesto federalnom, federalnom odlukom. Hvala.

NATAŠA PERIĆ

U redu. Hvala Jasmina.

Imal potrebe da se pročitaju izvještaji komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i stavljam na izjašnjavanje ODLUKU O IZMJENAMA I DOPUNAMA ODLUKE O ADMINISTRATIVNIM TAKSAMA I TARIFI OPĆINSKIH ADMINISTRATIVNIH TAKSI. Molim vijećnike da se izjasne. Glasanje je okončano.

Konstatujem da je ODLUKA O IZMJENAMA I DOPUNAMA ODLUKE O ADMINISTRATIVNIM TAKSAMA I TARIFI OPĆINSKIH ADMINISTRATIVNIH TAKSI usvojena sa, 23 glasa za, nije bilo protiv i nije bilo suzdržanih.

Prelazimo na devetu tačku Dnevnog reda:

RAZMATRANJE I USVAJANJE POD :

a) ODLUKE O DAVANJU SAGLASNOSTI ZA ZAKLJUČENJE UGOVORA IZMEĐU GRADA TUZLE I UDRUŽENJA „ZEMLJA DJECE U BIH“ U TUZLI O REGULISANJU MEĐUSOBNIH PRAVA I OBAVEZA U VEZI SA KORIŠTENJEM OBJEKTA U OKVIRU STADIONA „JEDINSTVO“ U KLOSTERSKOJ ULICI U TUZLI (S TEKSTOM UGOVORA) I

b) ODLUKE O DAVANJU SAGLASNOSTI ZA ZAKLJUČENJE UGOVORA IZMEĐU GRADA TUZLE I JAVNOG KOMUNALONOG PREDUZEĆA “PANNONICA” D.O.O. TUZLA O REGULISANJU MEĐUSOBNIH PRAVA I OBAVEZA U VEZI SA KORIŠTENJEM SPORTSKOG TERENA I PRATEĆEG OBJEKTA U OKVIRU STADIONA „JEDINSTVO“ U KLOSTERSKOJ ULICI U TUZLI (S TEKSTOM UGOVORA)

Predlagač je gradonačelnik.

Obrađivač: Služba za geodetske i imovinsko-pravne poslove.

Materijal su razmatrali: Komisija za statutarna pitanja i propise, Komisija za ekonomske odnose i klubovi vijećnika.

Imal potrebe za uvodnim izlaganjem? (Nema.)

Imal potrebe da se pročitaji izvještaji komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. Vijećnik Elvir Bijedić. Izvolite.

ELVIR BIJEDIĆ

Zahvaljujem predsjedavajuća. Ma ne, mi smo samo podsjećanja radi dakle, da smo mislim negdje krajem godine novembarska sjednica koliko se sjećam imali inicijativu

Omladinskog košarkaškog kluba „Sloboda“ da se da predmetni stadion dakle, na raspolaganje. Pa evo koristim ovu priliku dakle, imajući u vidu to navedeno u cilju realizacije te pomenute inicijative koju smo već imali, a koju smo i usvojili je li i da u konačnom cilju promociju unapređenja sporta i rekreativne aktivnosti predlažem dakle, da danas usvojimo zaključak u okviru ovog dnevnog reda kojim zadužujemo Javno komunalno preduzeće Panonika koji će dobiti je li s kojim će se napraviti ugovor, da pod istim uslovima koji su utvrđeni u ugovoru, a koji je sastavni dio ove odluke koji razmatramo sa OKK Sloboda Tuzla zaključi se ugovor o korištenju predmetnog sportskog terena.

Dakle, ništa novo osim ta inicijativa koju smo imali. Dakle, samo da je sad, da se zaključi ugovor između Panonike kojoj se daje i OKK Sloboda. Hvala.

NATAŠA PERIĆ

Dobro. Zaključujem raspravu vijećnika. (vijećnik Zijah Rifatbegović govori bez uključenog mikrofona op.a.) Molim? (vijećnik Zijah Rifatbegović govori bez uključenog mikrofona op.a.) Hajde. Izvolite. Vi istovremeno nešto radite i ja vas pratim. (ZIJA RIFATBEGOVIĆ - Ne, ne. Ja radim.) Ja vas pratim. (ZIJA RIFATBEGOVIĆ – Ja radim što ja radim ali...) Ja vas pratim. Vi se naknadno uključujete. (ZIJA RIFATBEGOVIĆ – Ne uključujem se naknadno i nemojte vi mene kontrolisati.) Niste se na vrijeme javili. Hajde, hajde. (ZIJA RIFATBEGOVIĆ – Javio sam se ja na vrijeme.) Hajde izvolite.

ZIJA RIFATBEGOVIĆ

Što se tiče Teleksa mi nismo dobili odgovor nikad ko je koristio Teleks, odnosno ko je naplaćivao karte a nije davao fizikalne račune. Nismo nikad odgovor na to dobili. To je jedna stvar. A druga stvar obzirom da vi pratite mene šta ja radim, druga stvar naša djeca ovdje u gradu Tuzli ne moogu da dođu da igraju košarku na Teleksu nego moraju da idu u Grabovicu da bi igrali košarke. Moj sin je košarkaš pa to znam.

Na brojne inicijative da dođu nekako do termina na Teleksu to je prosto nemoguće. Zaključaje se teleks kao da je to privatno vlasništvo. Nisam protiv toga da se to potpiše i da naravno treba, treba da se omogući i da se taj Teleks koristi, ali to treba da se koristi transparentno a ne na ovakav način na koji sad je korišten. I ono što želim da čujem i da znam. Posebno evo vjerovatno ima neko od ovih koji mi može dati odgovor.

Kakva je mogućnost našoj djeci da zakupe termin na Teleksu, djeci iz Tuzle da mogu da igraju košarke na Teleksu? Do sad to nije moglo ili ako je moglo nisu dobijali nikakav račun fiskalni za termine. Uzimalo se 20 konvertibilnih maraka, dođe čovjek pa pokupi pare i ne zna se ni gdje odoše te pare ni šta ni kako. O tome smo ja mislim razgovarali jedne prilike ovdje.

Sada mene interesuje da li naša omladina može igrati košarku na Teleksu, da li će to biti privatizirano, polu privatizirano ili transparentno? I ja bih vas zamolio dajem kao zaključak da se jasno definiiraju termini i ugovor i sa Panonikom i do sad ko je to koristio i kako je to radio i da se ostavi tu prostora da naša djeca mogu u određenom vremenskom periodu u određenim danima u sedmici da zakupe termin za basket. Eto.

NATAŠA PERIĆ

U redu. Hvala vam. Vijećnica Merima Softić Sprečić.

MERIMA SOFTIĆ SPREČIĆ

Evo takođe sam nekako na ovom razmišljanju poput doktorove diskusije iz razloga što ne bih samo uzela u obzir korištenja terena u svrhu odigravanja basketu recimo košarke. Vjerujem da i vi niste baš mislili samo na jedan sport. Teleks je generalno, stadion je jedan od onih koji je na neki način prilagođen i za održavanje i drugih rekreativnih aktivnosti i drugih sportskih manifestacije posebno zato što ima neke tribine vidljive recimo i za roditelje, za nas građane koji dolaze možda tu da odgledaju poneki trening, rekreaciju, neku manifestaciju. Neko će možda napisati neki lijep projekat za bavljenje, za promociju određenog sporta ili bilo koje vrste sportsko rekreacione aktivnosti pa bi želili da to pogledaju.

Ono što mene interesuje takođe nekog ko dolazi iz svijeta sporta je slično pitanje doktora Zijaha je: Na koji način ostala udruženja, evo recimo da sam član Komisije za mlade i obrazovanje pri Gradske komisije mi smo imali upit od strane Vijeća mladih na koji način Vijeće mladih može preko određenih projekata kome pristupiti kako bi iznajmili stadion?

I ja bih željela da dobijem odgovor na ovo pitanje. Kome se obratiti, da li to košta i kako možemo i sva ostala udruženja sportska u gradu Tuzla koristiti ovaj stadion? Koliko znam on je na neki način javno dobro, a pristupačan je i u centru je grada i svi ga koristimo. Hvala.

NATAŠA PERIĆ

U redu. Zaključujem raspravu vijećnika.

Zamoliti ću ispred službe da neko da odgovor ako ima?

JASMINA HASANEFENDIĆ – ŠIMLEŠA - pomoćnik gradonačelnika za Službu za geodetske i imovinsko – pravne poslove

Nažalost ja ne mogu dati precizne odgovore ko može, na koji način ili na koji način se to do sada realiziralo. Ono što smo mi nakon inicijative koja je bila na Gradskom vijeću i usvojenog zaključka Vijeća da se implementiraju sportske aktivnosti i sportski događaji na ovom stadionu u gradu uspjeli doći do informacije jer u tom trenutku ja nisam imala odgovor ko koristi, na osnovu čega i kako. Onda smo zapravo došli do ove odluke iz 2006. godine kojom odlukom je općinsko tada Vijeće dalo stadion Jedinstvo znači, Teleks govorim o stadionu sa tribinama i jednom svlačionicom i objekat hug „Zemlja djece“ na korištenje dakle, hug „Zemlja djece“ a zgradu, govorim o zgradi u kome oni implementiraju svoje humanitarne i druge aktivnosti i stadion koji je dat Panonici na upravljanje. I tad je ostala obaveza dakle, po odluci Vijeća je ostala obaveza da Grad zaključi ugovor sa udruženjem jedan ugovor i sa Panonikom, Javnim preduzećem Panonikom za korištenje stadiona kako bi se realizovale zapravo ove sportske, sportske aktivnosti.

Dakle, nakon što je ovo, ovaj saziv Vijeća usvojio zaključak da se da to OKK čini mi se Sloboda je bio, mi smo zapravo došli do ove odluke iz 2006. i vidjeli da ona nije realizirana. Jedino što po zakonu mi možemo učiniti u ovom momentu jeste da realiziramo odluku Gradskog vijeća, odnosno da postupimo po odluci Gradskog vijeća i zapravo sada evo predložimo ovu odluku koja je pred vama i čiji sastavni dio je ugovor.

A evo vijećnik Bijedić je dao zaključak mislim to ćete vi odlučiti, ali to je recimo jedan od načina da se realizira vaš zaključak, zaključak Vijeća da Panonika pod istim uslovom može preneti na OKK Sloboda s obzirom da, nisam sigurna da je Panonika u mogućnosti dalje održavati. To je moje mišljenje, ali dakle, ovo će biti jedan način da mi zapravo taj stadion koji je u gradu i koji je praktično, pa evo i sami kažete i slažem se s vama nije se znalo od koga će zakupiti sad ćemo imati uređeno, sad ćemo to imat tačno uređeno. Dakle, mi smo dali po odluci Vijeća iz 2006. na upravljanje i korištenje hug „Zemlja djece“. Oni će koristiti svoj objekat a

stadion smo dali Panonici i evo ima, upravo u ove svrhe u koje ona može dalje, dalje ustupati. E hvala.

NATAŠA PERIĆ

Nema replike. Nema. Zaključila sam raspravu. U redu Jasmina.

Stavljam na izjašnjavanje ODLUKU O DAVANJU SAGLASNOSTI ZA ZAKLJUČENJE UGOVORA IZMEĐU GRADA TUZLE I UDRUŽENJA „ZEMLJA DJECE U BIH“ U TUZLI O REGULISANJU MEĐUSOBNIH PRAVA I OBAVEZA U VEZI SA KORIŠTENJEM OBJEKTA U OKVIRU STADIONA „JEDINSTVO“ U KLOSTERSKOJ ULICI U TUZLI (S TEKSTOM UGOVORA) I

b) ODLUKE O DAVANJU SAGLASNOSTI ZA ZAKLJUČENJE UGOVORA IZMEĐU GRADA TUZLE I JAVNOG KOMUNALNOG PREDUZEĆA “PANNONICA” D.O.O. TUZLA O REGULISANJU MEĐUSOBNIH PRAVA I OBAVEZA U VEZI SA KORIŠTENJEM SPORTSKOG TERENA I PRATEĆEG OBJEKTA U OKVIRU STADIONA „JEDINSTVO“ U KLOSTERSKOJ ULICI U TUZLI (S TEKSTOM UGOVORA). Stavljam na glasanje. Glasanje je okončano.

Konstatujem da su pročitane odluke usvojene sa, 24 glasa za, nije bilo protiv i nije bilo suzdržanih.

Ima zaključci sad. Izvolite.

NEDŽAD JUSIĆ

Jel može prije zaključaka pauza pet minuta?

NATAŠA PERIĆ

5 minuta može. (Pauza.)

Kolega Bijediću hoćete samo vezano za zaključak reći? Izvolite.

ELVIR BIJEDIĆ

OK. Obavještavam vas da povlačim zaključak. Hvala.

NATAŠA PERIĆ

Dobro. Ima još jedan samo.

SLAĐANA KRAJINA – sekretar Gradskog vijeća Tuzla

Drugi zaključak:

- Gradsko vijeće Tuzla traži da se jasno definiraju termini i uslovi korištenja sportskog terena i pratećeg objekta u okviru stadiona „Jedinstvo“ te da se ostavi prostora da mladi Tuzle mogu u određenim terminima koristiti terene ovog Stadiona za basket kao i da se Gradskom vijeću dostavi informacija o tome ko je do sada i pod kojim uslovima koristio ovaj teren.

NATAŠA PERIĆ

U redu. (vijećnik Zijah Rifatbegović govori bez uključenog mikrofona op.a.) (SLAĐANA KRAJINA – Dobro, dobro.) Ma dobro. Dobro razumjeli smo. Razumjeli smo.

SLAĐANA KRAJINA – sekretar Gradskog vijeća Tuzla

Evo brisat ću basket.

NATAŠA PERIĆ

Dobro. Stavljam na izjašnjavanje. Doktore molim vas nemojte dobacivat. Glasanje je okončano. Omere niste glasali. Selma? De molim vas malo se skoncentrišite. Glasanje je okončano.

Konstatujem da je pročitani zaključak usvojen sa, 24 glasa za, nije bilo protiv i nije bilo suzdržanih.

Prelazimo na desetu tačku:

RAZMATRANJE I USVAJANJE ODLUKE O USPOSTAVI I NAČINU VOĐENJA ADRESNOG REGISTRA I NAČINU OZNAČAVANJA NASELJENIH MJESTA, NASELJA, ULICA, TRGOVA I UTVRĐIVANJA KUĆNIH BROJEVA OBJEKATA I ZEMLJIŠTA U GRADU TUZLI

Predlagач je gradonačelnik.

Obrađivač: Služba za geodetske i imovinsko-pravne poslove.

Materijal su razmatrali: Komisija za statutarna pitanja i propise, Komisija za komunalne poslove i pitanja mjesnih zajednica i klubovi vijećnika.

Imal potrebe za uvodnim izlaganjem? (Nema.)

Imal potrebe da se pročitaju izvještaji komisija? (Nema.)

Otvora raspravu klubova vijećnika. Vijećnik Čavalić.

ADMIR ČAVALIĆ

E hvala puno predsjedavajuća. Pozdravljam ovu odluku. Klub će je podržati. Ja ću samo uputiti jedan zaključak koji zaista znači puno za mještane jedne ulice. To je Fočanska dakle, da iskoristimo ovu odluku da pozovemo dakle, nadležne službe da im damo, urgiramo da čim prije pokrenu shodno datoj odluci numeraciju Fočanske ulice u Tuzli.

Dakle, oni nemaju brojeve. Dajte da uradimo nešto konkretno dakle, da riješimo to pitanje. Ja upućujem taj zaključak, evo da glasamo o njemu. Dakle, da se čim prije izvrši numeracija Fočanske ulice u Gradu Tuzla i to su mještani već godinama, već godinama traže. Imaju brojnih problema u vezi navedenog i mislim da je ovo dobra prilika da iskoristimo ovu odluku da sada uputimo taj zaključak nadležnim službama dakle, za komunalne poslove i sl. da čim prije to riješe. Hvala.

NATAŠA PERIĆ

Dobro. Hvala. Da li se još neko javlja?

Zaključujem raspravu klubova vijećnika.

Otvaram raspravu vijećnika.

Zatvaram raspravu vijećnika i stavljam na izjašnjavanje ODLUKU O USPOSTAVI I NAČINU VOĐENJA ADRESNOG REGISTRA I NAČINU OZNAČAVANJA NASELJENIH MJESTA, NASELJA, ULICA, TRGOVA I UTVRĐIVANJA KUĆNIH BROJEVA OBJEKATA I ZEMLJIŠTA U GRADU TUZLI. Molim vijećnike da se izjasne. Glasanje je okončano.

Konstatujem da je ODLUKA O USPOSTAVI I NAČINU VOĐENJA ADRESNOG REGISTRA I NAČINU OZNAČAVANJA NASELJENIH MJESTA, NASELJA, ULICA, TRGOVA I UTVRĐIVANJA KUĆNIH BROJEVA OBJEKATA I ZEMLJIŠTA U GRADU TUZLI usvojena sa, 25 glasova za, nije bilo protiv i nije bilo suzdržanih.

Molim sekretara da pročita zaključak.

SLADANA KRAJINA – sekretar Gradskog vijeća Tuzla

- Gradsko vijeće Tuzla traži od Službe za komunalne poslove, izgradnju i poslove mjesnih zajednica da, u skladu sa usvojenom Odlukom, čim prije izvrši numeraciju objekata u Fočanskoj ulici u Tuzli.

NATAŠA PERIĆ

Molim vijećnike da se izjasne o pročitanoj zaključku. Molim vas malo ozbiljnosti. Glasanje je okončano.

Konstatujem da je pročitani zaključak usvojen sa, 25 glasova za, nije bilo protiv i nije bilo suzdržanih.

Prelazimo na jedanaestu tačku:

RAZMATRANJE I DONOŠENJE ODLUKE O UTVRĐIVANJU JAVNOG INTERESA ZA IZGRADNJU PJEŠAČKE STAZE – TROTOARA U DUŽINI OKO 3.510 METARA NA DIJELU REGIONALNE CESTE R470 TUZLA – DUBRAVE NA PODRUČJU MJESNE ZAJEDNICE PAR SELO

Predlagач je gradonačelnik.

Obrađivač: Služba za geodetske i imovinsko-pravne poslove a materijal su razmatrali: Komisija za statutarna pitanja i propise i klubovi vijećnika.

Imal potrebe za uvodnim izlaganjem? (Nema.)

Imal potrebe da se pročitaju izvještaji komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Stavljam na izjašnjavanje ODLUKU O UTVRĐIVANJU JAVNOG INTERESA ZA IZGRADNJU PJEŠAČKE STAZE – TROTOARA U DUŽINI OKO 3.510 METARA NA DIJELU REGIONALNE CESTE R470 TUZLA – DUBRAVE NA PODRUČJU MJESNE ZAJEDNICE PAR SELO. Molim vijećnike da se izjasne. Glasanje je okončano.

Konstatujem da je pročitana odluka usvojena sa, 25 glasova za, nije bilo protiv i nije bilo suzdržanih.

Pod dvanaest:

RAZMATRANJE I USVAJANJE IMOVINSKO-PRAVNIH AKATA POD

a) Rješenje o odbijanju zahtjeva za kupovinu nekretnine u vlasništvu Grada Tuzla („Inter Auto” d.o.o. Tuzla

b) Zaključak o odbacivanju zahtjeva za utvrđivanje prava vlasništva (Skenderović Isat) i

c) Zaključak o obustavi postupka (Okanović Davor)

Predlagač je gradonačelnik.

Obrađivač: Služba za geodetske i imovinsko-pravne poslove.

Materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline i klubovi vijećnika.

Imal potrebe za uvodnim izlaganjem? (Nema.)

Imal potrebe da se pročitaju izvještaji komisija? (Nema.)

Otvaram raspravu klubova vijećnika.

Zatvara raspravu klubova vijećnika.

Otvaram raspravu vijećnika.

Zatvara raspravu vijećnika i stavljam na izjašnjavanje Rješenje o odbijanju zahtjeva za kupovinu nekretnine u vlasništvu Grada Tuzla („Inter Auto” d.o.o. Tuzla)

b) Zaključak o odbacivanju zahtjeva za utvrđivanje prava vlasništva (Skenderović Isat) i

Zaključak o obustavi postupka (Okanović Davor). Molim vijećnike da se izjasne. Glasanje je okončano.

Konstatujem da su pročitani zaključci i rješenje usvojeni sa, 23 glasa za, nije bilo protiv i 1 suzdržan.

Pod trinaestom tačkom Dnevnog reda je:

UTVRĐIVANJE DRUGOG PREČIŠĆENOG TEKSTA POSLOVNIKA GRADSKOG VIJEĆA TUZLA

Podsjećam vijećnike da je članom 140. Poslovnika Gradskog vijeća Tuzla propisano da prečišćeni tekst odluke ili drugog akta Gradskog vijeća priprema Komisija za statutarna pitanja i propise a utvrđuje Gradsko vijeće na svojoj sjednici.

Komisija za statutarna pitanja i propise je pripremila prečišćeni tekst i isti ste dobili u materijalu podijeljenom pred sjednicu.

Otvaram raspravu klubova vijećnika.

Zatvara raspravu klubova vijećnika.

Otvaram raspravu vijećnika.

Zatvara raspravu vijećnika.

Stavljam na izjašnjavanje **PREČIŠĆENI TEKST POSLOVNIKA GRADSKOG VIJEĆA TUZLA.** Molim vijećnike da se izjasne. Glasanje je okončano.

Konstatujem da je drugi **PREČIŠĆENI TEKST POSLOVNIKA GRADSKOG VIJEĆA TUZLA** usvojen sa, 25 glasova za, nije bilo protiv i nije bilo suzdržanih.

Prelazimo na petnaestu tačku Dnevnog reda:

(MENSUR ALIĆ – Poslovnička.) Molim? Izvolite. Mensur Alić.

Četrnaesta. (MENSUR ALIĆ – Predlažem da...) Koja je? Četrnaesta. (MENSUR ALIĆ – Javna preduzeća ja mislim.) Ja ja. Javna preduzeća.

MENSUR ALIĆ

Predlažem da direktori ne odgovaraju na pitanja pošto je već pola osam. Da sva pitanja koja budu postavljena za svako javno preduzeće i javnu ustanovu da se pismeno dostavi sekretaru Vijeća a sekretar Vijeća da dostavi svim vijećnicima Gradskog vijeća Tuzla. (NATAŠA PERIĆ – Dobro.) Zahvaljujem. Molim vas da stavite na glasanje.

NATAŠA PERIĆ

Ko je za ovaj prijedlog? (SLAĐANA KRAJINA – I da stručna služba...) Da se zaduži Stručna služba da vodi, da ima koordinaciju?

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži od direktora javnih preduzeća čiji su izvještaji o radu i poslovanju koji će se u stvari razmatrati na današnjoj sjednici Gradskog vijeća da najkasnije do naredne sjednice Gradskog vijeća dostave pisane odgovore na pitanja postavljena tokom... (NATAŠA PERIĆ – Ne samo preduzeća već i ustanove.) Pa ne možemo kod kod tačke preduzeća usvojiti zaključak za ustanove. Moramo kod ustanova zaključak. A ovo, ovo je u stvari trebalo biti na kraju rasprave, ali nema veze. Tokom rasprave kao i na date sugestije i primjedbe.

- Zadužuje se Stručna služba Gradskog vijeća da izvode iz stenograma sa današnje sjednice Gradskog vijeća, u dijelu rasprave o izvještajima o radu i poslovanju javnih preduzeća, dostavi direktorima preduzeća radi pripreme pisanih odgovora na pitanja postavljena tokom rasprave i na date sugestije i primjedbe.

NATAŠA PERIĆ

Poslovnička. Vijećnik Berbić. Samo malo. Nisam stavila na glasanje. Nisam. Nije pročitala bila zaključak. Izvolite Omere.

OMER BERBIĆ

Nemam ja ništa protiv, odnosno imam svašta protiv ali hajde evo radi treba da budemo kolegijalni. Ali zaista kada dobijemo odgovore ako ih dobijemo, jer bilo je slučajeva kada ne dobijemo potpun odgovor na sva naša pitanja. (NATAŠA PERIĆ – Dobili ste sve prošle godine Omere.) Ne dobijemo na sva. Nismo dobili na sva. (NATAŠA PERIĆ – Jeste.) Nismo dobili. (NATAŠA PERIĆ – Pa može se dokazati da jeste. Hajte.) Dobro hajde dokažite mi. (NATAŠA PERIĆ – Dokazat ću.) Hoćete mi dokazati? (NATAŠA PERIĆ – Hoću.) Hajde čekam. (NATAŠA PERIĆ – Pa dokazat ću vam u narednom periodu.) Dobro tako onda recite. (NATAŠA PERIĆ – Hajde.) Ja mislim da nismo dobili na sve odgovor jer su veoma šturi odgovori, tako da ja bi ipak volio da to bude uživo.

NATAŠA PERIĆ

Stavljam na izjašnjavanje prijedlog... (ADMIR ČAVALIĆ – Poslovnička ako može samo? Samo poslovnička. Jesmo dobili od prošle sjednice odgovore pošto su bili takođe je bilo?) Jel bilo ovaj rok stavljen? Jel bio rok? Ne.Ne, ne.nije rok stavljen. (ADMIR ČAVALIĆ – Možemol sad, možemo staviti rok u okviru zaključka?) Možete. Možete. (ADMIR ČAVALIĆ – Evo da stavimo rok do naredne sje...) Evo do avgusta pošto idu i

godišnji odmori da sva preduzeća i evo kad bude red i na ustanove do avgusta. (OMER BERBIĆ – Pa de nek odma sad završe i da završimo poso?)

NATAŠA PERIĆ

Stavljam na izjašnjavanje prijedlog Mensura Alića. Glasanje je okončano.

Konstatujem da je prijedlog zaključka usvojen sa, 22 glasa za, nije bilo protiv i 3 suzdržana.

Dakle, pod četrnaestom tačkom **RAZMATRAMO IZVJEŠTAJE JAVNIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2021.**

Pod a) Javnog preduzeća Gradska veterinarska stanica d.o.o. Tuzla

b) Javnog preduzeća RPC Tuzla-Inkubator „Lipnica” d.o.o. Tuzla i

c) Javno komunalno preduzeće Komemorativni centar d.o.o. Tuzla.

Predlagač je Skupština preduzeća.

Obrađivač menadžment preduzeća, a materijal su razmatrali Komisija za ekonomske odnose, Komisija za poduzetništvo, Komisija za komunalne poslove i pitanja mjesnih zajednica (pod c) i klubovi vijećnika.

Imal potrebe za uvodnim izlaganjem? (Nema.)

Imal potrebe da se pročitaju izvještaji komisija? (Nema.)

Otvaram raspravu klubova vijećnika. Vijećnik Admir Čavalić.

ADMIR ČAVALIĆ

Hvala puno predsjedavajuća. Dakle, sada ću nastojati ispred Kluba Stranka za BiH i Naša stranka da dadnem doprinos dakle, ovoj raspravi da u vezi u vezi izvještaja ovih poduzeća.

Prvo krećem sa KOMEMORATIVNIM CENTROM TUZLA. Vidimo dakle da, navodi se u izvještaju da pogrebници u mrtvačnici dakle uvijek se traže, teško in je nać i slično moje pitanje za menadžment koliko in trenutno ima i na koji način motivišemo dakle, iste?

Volio bi da nije taćno da su upravo ti pogrebници dakle na minimalcu od 549 konvertibilnih maraka kolko se navodi za njih osam i to da svi osam imaju toliku platu. Bilo bi mi žao ako je to tako i razumljivo zašto je teško naći pogrebнике kao što se navodi u izvještaju ovog poduzeća. Dakle, to su rijeći (NATAŠA PERIĆ – Molim vas malo tiše.) ko god je pisao ovaj izvještaj on to navodi da je teško naći pogrebнике i da imaju problema sa fizićkim radnicima. Moždab bi bilo dobro da povećaju plate fizićkim radnicima pa onda nećemo imat problema sa fizićkim radnicima. Razumljivo je zašto neko za 549 KM neto neće da radi te poslove. Ali ono što je uvijek problematićno kod ovog poduzeća, ja to uvijek navodim. Odmah posmatram racio najviše i najniže plate i prvo hvala svim onima koji su stavili u izvještaju taj racio dakle, stavljaju i navode koja je najviše isplaćena plaća i najniže isplaćena plaća. Ako se ne varam, a to ću se osvrnut kasnije mislim da samo Dom penzionera to ni iz jednog ili drugog razloga nije naveo.

E sada da se vratimo na KOMEMORATIVNI CENTAR D.O.O. TUZLA. 3195 KM je najviše isplaćena plaća. Dakle, pretpostavljam direktoru. Moja pretpostavka. Bilo bi ćudno da je drugaćije ne ukljućujući topli obrok, naknadu za prevoz i regres. Nije problem da se tolika plaća isplaćuje. Vi se sjećate da ste dobili zaključak ja sam naveo da treba samo gradonaćelnik da ima najvišu platu u odnosu na sve direktore u javnom sektoru Grada Tuzla. To je odbijeno. Svejedno ja ću to opet nekad podržat. Ćisto evo podržavam našeg gradonaćelnika i treba imat najveću platu. Ali vidite ovo šta je problem dakle, nije problem visina. Problem je racio spram najniže plate dakle, najviše iplaćena plata je 3195 KM u komemorativnom, samo

Komemorativni centar Tuzla ima ovaj problem ni jedan drugi javna ustanova i javno poduzeće dakle, sjećate se da se Mejdan toliko puta hvalio upravo zbog skromnosti menadžmenta i slično. Ali kažem nije problem visina u apsolutnom iznosu, problem je racio što je najniža 549 KM. Dakle, obično u našem javnom sektoru se uzima neki racio spram najniže 5 naprema 1 ili čak negdje imate 4 naprema 1 što znači da je najviše isplaćeno četiri puta ili pet puta veća od najniže isplaćene. Ovdje je evo ako posmatrate dakle, gotov šest puta veća najviše isplaćena plaća. Moje pitanje zašto je to tako? I upućujem zaključak da se ta praksa ukine dakle, da nemamo toliki jaz između najviše i najniže isplaćene plate pogotovo u poduzećima gdje imamo fizički posao dakle, kopanje mezarjeva, ukop, dakle svi procesi i poslovi u vezi toga.

Dalje me zanima dakle, ovaj, ovaj rast prihoda jel se mogao iskoristiti za navedeno? Vidi se u 2021. godini oporavak poslovanja i zanima me na strani 20 spominje se da postoje izuzetna potraživanja od tužiteljstva. Koja su to potraživanja volio bi da dobijem odgovor na to pitanje dakle, zaista su izuzetna i kako, koji su rokovi plaćanja kada govorimo o tužiteljstvu?

Na strani 24 dakle, ovaj autori ovog izvještaja zaista upozoravaju i kažu neće biti grobnih mjesta. Zbog toga alarmiram dajte da požurimo sa Drežnikom. Zaboravimo kišne dane, zaboravimo neradne dane kao što jutros reče gradonačelnik, dajte da pokušamo od naredne godine da imamao groblje dakle Drežnik, jer ako ne budemo imali, evo ovdje u izvještaju dakle, to nisu opet moje riječi. Autor ovog izvještaja navodi i kaže na strani 24 uskoro neće biti grobnih mijesta u gradu Tuzla i to će biti strašan problem, barem u okviru ovog Komemorativnog centra.

Zanima me zašto nema Odbora za reviziju? I to se navodi na strani 11 dakle, finansijskog izvještaja. Zašto nije uspostavljen Odbor za reviziju? Znamo da postoji Odbor za reviziju u nekim drugim javnim poduzećima.

Što se tiče dakle, zaključaka to je prije svega taj racio plate najniža/najviša da se smanji da bude manji i generalno da se stimulišu više ovi radnici pogrebni dakle, u mrtvačnici i navodi se da oni nedostaju i teško in je naći na tržištu. Inače teško je naći manuelce možda zbog jaza u platama. Napominjem da je 1651 prosjek za VSS u ovom javnom poduzeću, a opet 549 za ove manuelce.

Idem dalje dakle, mislim da je sada Lipnica pa ću na kraju dakle, Gradsku veterinarsku stanicu.

Prije svega pohvala ovom JAVNOM PREDUZEĆU RAZVOJNO PODUZETNIČKI CENTAR TUZLA-INKUBATOR „LIPNICA” što su naveli tamo i naša pitanja. Mislim da je od kolege Berbića, Esane i moje malenkosti i davali su odgovore na pitanja. Ali opet se vješto zaobišlo jedan odgovor i ja ću ga samo ponoviti dakle, zato što ne vidim ga ovdje, a odgovor, pitanje je vrlo jednostavno.

Zanima me kakav je to proces inkubacije, koliko u konačnici može trajati inkubacija i koje je prosječno vrijeme inkubacije kompanija u ovom Inkubatoru dakle, u Lipnici? I to je vrlo konkretno. To mi treba. Ne trebaju mi riječi tu mi trebaju cifre, odnosno brojevi koji je prosjek dakle, da li su to sati, dani, mjeseci, godine, ali koji je prosjek, odnosno prosječno vrijeme inkubacije jedne kompanije? A šta to konkretno znači? Kada kompanija uđe u Inkubator Lipnica koliko u prosjeku kad sve uzmemo broj svih kompanija koliko u prosjeku joj treba da izađe? I to je vrlo konkretno pitanje na koji očekujem odgovor. Hvala još jednom što su odgovorili dakle, na stranici 29 i na stranici 30 meni i kolegama, ali evo napominjem dakle, da se ne sakrivamo iza riječi dajte konkretan odgovor.

Ono što želim još navesti dakle, evidentiran je pad plata opet str. stranica 14 dakle, NK radnicima. Mislim da je to nekakvo obilježje tuzlanske javne privrede i zamolio bi odgovor zašto je to tako? Znam da je kolega Berbić ranije zaključke upućivao gdje je naveo da treba zaštititi one najugroženije radnike a pogotovo sad u vrijeme inflacije.

Ono što još dakle, me zanima jeste ovaj veći rast. Dakle, navodi se da je veći rast transfera četrnest do šest...6% zašto je to tako na stranici 18? I opet napominjem dakle, još

jednom radi zapisnika moramo praviti izuzetnu distinkciju između starta poduzeća i običnih poduzeća. Nije sramota biti obično poduzeće dakle, većina poduzeća u privredi 99% su obična, samo je mali broj starta poduzeća.

Ja bi volio odgovor na vijećničko pitanje koje su to konkretno starta poduzeća koja su nastala u Inkubator „Lipnica“ da ispunjavaju uslov starta? Pa šta to znači da su krenuli od jednog zaposlenika i da su u vrlo kratkom roku, a evo kao što imamo. Evo danas je otvorena kancelarija dakle, odnosno nove prostorije jednog starta poduzeća u gradu Tuzla gdje vidite eksponencijalni rast dakle, od jednog zaposlenika na preko 500 zaposlenika i velikog igrača u privredi Tuzlanskog kantona otprilike među 20 najjačih po zaposlenosti. Koliko ima takvih u Inkubator Lipnica? Jer kad pogledamo ukupni broj zaposlenih dakle, u Inkubatoru vidimo da je to vrlo skromno dvijehiljadepetnest samo u 2021. godini. U komparaciji npr. sa 2013. godini kada je bilo 292 sad je 215, pardon nije dvijehiljadepetnest znači 215 zaposlenih. 215 zaposlenih je zaista skroman broj za jedan Inkubator. Pitanje je zašto konstantno opada? Evo možete vidjeti ovdje. Pregled broja uposlenih po godinama to je stranica 16 izuzetno dobar grafikon. Od početnih 52 u 2004. godini do 269 u 2008. godini, a sad u 2021. godini 215. Jel to neki zamor pri djelovanju ovog Inkubatora, jel nema više oglašavanja, znajul građani za ovaj Inkubator itd.? Dakle, ovo ako bi nekom pokazali ovo pokazuje da jednostavno tendencija nije dobra. Evo grafikon tendencija se jasno vidi da je maksimum dostigla neki i onda očigledno pada. Toliko predsjedavajuća. Evo evo nisam minut zadnji iskoristio. Hvala vam puno.

NATAŠA PERIĆ

Hvala vama. Vijećnik Mensur. Nećete vi? Dobro dobro učinilo mi se. Vijećnik Ana. Hoću. Vijećnica Ana Pejić. Izvolite. Ispred Kluba SDP-a.

ANA PEJIĆ - zamjenik predsjedavajućeg Gradskog vijeća Tuzla, - vijećnik Socijaldemokratske partije

Zahvaljujem. Evo ja ću vrlo kratko. Svakako bih pohvalila sva tri ova izvještaja i istaknut ću da će Klub SDP-a podržati ova tri izvještaja ovih javnih preduzeća.

Što se tiče VETERINARSKE STANICE TUZLA moram evo napomenuti da su na današnjem rebalansu izdvojena dodatna sredstva znači za rad ovog preduzeća što je svakako pohvalno i oni to zaslužuju, a s ciljem zaštite interesa Javnog veterinarskog zdravstva i zdravlja naših građana predlažem da usvojimo zaključke od Kolegija gradonačelnika, a koje smo dobili u današnjim materijalima.

Pa Slađana ja ću pročitati zaključke ako nije problem?

- Gradsko vijeće Tuzla traži od organa nadležnih iz čl. IV. C. (3).10 stav 2. alineja c), (predsjednika Federacije BiH, dopredsjednika Federacije BiH, premijera Federacije BiH ili zamjenika premijera Federacije da pred Ustavnim sudom Federacije Bosne i Hercegovine pokrene postupak za ocjenu ustavnosti Pravilnika o uslovima za osnivanje i obavljanje veterinarske djelatnosti i načinu dodjele područja djelovanja.

- Također da Gradsko vijeće konstatuje da osim što se radi o o protivustavnom aktu, navedeni Federalni Pravilnik je u suprotnosti i sa Zakonom o veterinarstvu Bosne i Hercegovine kao Zakon o veterinarstvu Federacije Bosne i Hercegovine kao i Zakonom o principima lokalne samouprave Federacije Bosne i Hercegovine.

- Te da Gradsko vijeće Tuzla konstatuje da je Kantonalni sud u Tuzli svojom presudom br. 03 0 U 021169 21 U od 15. 06. dvadesetprve godine i drugim presudama, poništio drugostepeno rješenje Federalnog ministarstva poljoprivrede, vodoprivrede i šumarstva i

prvostepena rješenja Kantonalnog Ministarstva poljoprivrede, vodoprivrede i šumarstva Tuzlanskog kantona, upravo iz razloga što sud u obrazloženju smatra da ne postoji pravni osnov za dodjelu područja djelovanja, i iz razloga nezakonitosti gore pomenutog Federalnog Pravilnika. Gradsko vijeće Tuzla konstatuje da se bez obzira na ovako donesenu naprijed pomenutu presudu, ista kao ni slične presude ne poštuju, ni od strane nadležnog federalnog niti kantonalnog ministarstva poljoprivrede, vodoprivrede i šumarstva i još jednom podsjećamo na obavezu provođenja donesenih sudskih presuda.

NATAŠA PERIĆ

U redu hvala. Zaključujem raspravu klubova vijećnika. Otvaram raspravu vijećnika. Vijećnik Omer Berbić. Izvolite.

OMER BERBIĆ

Hvala ljepo. Evo ja sam u proteklom periodu zajedno sa kolegama iz svoje stranke napravio da kažem tako jednu vrstu otvorenog dana. Javio sam se svim preduzećima i svim ustanovama da nam dodjele neki termin kada bi mi mogli da dođemo u posjetu tim javnim preduzećima i javnim ustanovama i moram da kažem da smo bili u sva tri javna preduzeća i da smo donekle i na terenu upoznati sa problemima, sa rješenjima i sa tim šta se uradilo. Generalno dosta dobro stvari stoje, dosta dobro stvari stoje ovo što vidimo u izvještajima jesu realno, realni problemi koja se dešavaju evo hajde da kažem u sva tri ova javna preduzeća.

Prije svega moram da podržim kolegu Čavalića što se tiče KOMEMORATIVNOG CENTRA. Stvarno iz dubine svoje duše smatram da je nesrazmjer plate jedan od većih problema ne samo u ovom javnom preduzeću nego i u velikom broju drugih javnih preduzeća i javnih ustanova gdje radnici dobijaju zaista onaj minimalac a direktori imaju imaju zaista visoke plate. Mislim da se to može urediti i da je u jednom manjem broju javnih preduzeća i javnih ustanova u gradu Tuzla to uzeto kao princip i da se tako napravilo i da su generalno odnosi ljudski i svi ostali unutar tih preduzeća dosta, dosta bolji.

Što se tiče LIPNICE. Bio sam, bio sam u Lipnici i moram da kažem da sam, imao sam pozitivna iskustva od samog Inkubatora. Ove sve stvari stoje što je Čavalić rekao i ja sam izuzetno zadovoljan što je direktor naveo da smo mi imali svojevrzne razgovore, odnosno, odnosno da smo doprinjeli diskusiji na ovu temu i moram da kažem da sam izuzetno ponosan zato što su jedina, jedina, jedina tri odgovora tri vijećnika Progresivnog bloka Esana, Admir i ja i u tom kontekstu moram da kažem da sam, da sam, da sam ponosan evo na ovaj naš neformalni, neformalni vijećnički Klub.

S obzirom da sam ja imao jednu inicijativu koja bi zaista doprinjela građanima Tuzle, a to jeste da se napravi jedna vrsta robne rezerve peleta koja bi se kupila u proljeće od velikih proizvođača za do 350 maraka, te da se skladišti u Inkubatoru „Lipnica“ ja bi ovdje volio da pitam direktora da li ima prostora te koliko bi taj prostor koštao na godišnjem nivou da se skladišti nekih hajde da kažemo 1000 tona koje bi kasnije koristili kao robnu rezervu u mjesecima zimskim, mjesecima?

Dalje, također volio bi da podržim ove zaključke što se tiče JAVNOG PREDUZEĆA VETERINARSKA STANICA TUZLA. Ovo je javno preduzeće koje mene lično najviše iznenadilo, iznenadilo me u smislu organizacije, iznenadilo me u smislu čistoće i svega onog ostalog, kvalitete koju, koju ova ova javna, Javno preduzeće Gradska veterinarska stanica postiže i ja bi evo iskreno volio da svi, da svi vijećnici obiđu veterinarsku stanicu i da obiđu ostala preduzeća kako bi vidjeli šta se može uraditi ukoliko se sistematski pristupa, pristupa poslu, jer mislim da evo trenutno i magnetnu, da li je magnet, da li je CT za životinje dobijamo

u Javnom preduzeću Gradska veterinarska stanica Tuzla koji bi možda čak mogao da bude bolji nego na UKC-u u velikom broju ostalih, ostalih preduzeća sa puno većim budžetima.

Također bih volio, također, također bih volio da se ovi zaključci koji ste vi na Kolegiju donjeli volio bih da se prosljede tužilaštvu pošto sam dobio informacije da se svjesno krši zakon od strane dvoje ministara. Ukoliko je to tačno, ukoliko je ta informacija provjerena ove zaključke treba prosljediti tužilaštvu da vidi da li tu postoji jedna vrsta krivične, krivične odgovornosti.

I ono zadnje što bi ja volio da predložim i to bi volio da predložim kao zaključak da sve, sva javna preduzeća i sve javne ustanove trebaju da naprave otvoren dan za vijećnike kada bi svi vijećnici bili pozvani kada to odgovara, kada se dogovorimo nebitno je, bili pozvani i kada bi direktori evo što se kaže na terenu objasnili probleme, objasnili s čime se oni suočavaju, objasnili kako, kako stvari napreduju u tom javnom preduzeću u toj javnoj ustanovi i da vidimo kako se tu može pomoći. Hvala ljepo.

NATAŠA PERIĆ

Hvala vama. Da li se još neko javlja? Vijećnik Čavalić. Izvolite.

ADMIR ČAVALIĆ

Hvala puno. Samo nastavljam ovu raspravu. Još sam zaboravio kazati vezano za Izvještaj o radu dakle, Inkubatora „Lipnica“. Na 18-toj stranici ono što želim navesti da su prihodi od osnovnih djelatnosti rasli samo za 6%, a generalno podrška Grada Tuzla u toj pripadajućoj godini u kojoj smo posmatrali je rasla za 14%. Nije možda dobro da prihodi od osnovnih djelatnosti rastu za 6% a podrška Grada Tuzla 14% za Inkubator koji bi zaista trebao da bude samo održiv na jedan od drugi načina al većina inkubatora se inkubira nakon određenog vremena dakle, nakon desetljeća i sl. napravi valjda svoj neki model održivosti da ne bude zavisano toliko od osnivača.

I na kraju dakle, vezano za VETERINARSKU STANICU. Prije svega pohvale za metodološki korektno napisan izvještaj. Zaista mi se sviđalo. Uvijek sa užtkom čitam i čestitke dakle i menadžmentu i svim ljudima koji rade dole. Posjećivao sam. Znam u kakvim uslovima rade. Znam šta su napravili. Znam koliko se promijenilo od kako je ranije bilo dakle, i pasa lotalica na nivou našeg grada i sl. Međutim, svejedno ja imam par pitanja a to je: Generalno koji je broj ujeđa od pasa lotalica na nivou grada Tuzla godišnje? Znam da je smanjen. Čestitke još jednom direktoru na tome. Zašto to navodim? Zato što se na jednoj stranici ovog izvještaja navedeno je da u stvari 90% bjesnoče prenose upravo psi, a 10% mislim da je lisice.

Dalje me zanima generalno. Možda nije njihova nadležnost. Šta možemo uraditi, da li imaju neke prijedloge u vezi pojave krpelja, ovih vrana? Evo kolega je Berbić upozoravao na neke vrane koje haraju gradom i napadaju stanovništvo, lisica i zmija pogotov u vrijeme ljetnih mjeseci.

Također navodim dakle, shodno zaključcima ovog izvještaja na 41-voj stranici navodim zaključak da se preko RTV-7 Tuzla sprovede kampanja pogotov sad gdje se upozoravaju vlasnici pasa i mačaka i drugih kućnih ljubimaca na njihove zakonske obaveze koje imaju u smislu da vode računa o tim kućnim ljubimcima. Dakle, bilo bi dobro, evo ako već plaćamo RTV-7 700 000 maraka dajte da u suradnji sa Gradskom veterinarskom stanicom Tuzla se sprovede javna kampanja informisanja prije svega u vezi obaveza odgovornosti vlasnika tih kućnih ljubimaca i da Gradsko vijeće Grada Tuzla ili Kolegij izda jedno saopštenje gdje će prije svega upozoriti na ove nemani gore krpelje, vrane, lisice, zmije, a s druge strane. To je drugi zaključak da upozori opet. Jer ima dosta pravo dobro informacija. Zato kažem ovaj

izvještaj stvarno dosta govori da upozori na sve ono što je napisano u ovom izvještaju, a odnosi se npr. na odgovornost vlasnika kućnih ljubimaca. Hvala puno.

NATAŠA PERIĆ

Hvala. Zaključujem raspravu vijećnika.

Stavljam na izjašnjavanje Izvještaj o radu i poslovanju Javnog preduzeća Gradska veterinarska stanica d.o.o.Tuzla za 2021. Molim vijećnike da se izjasne. Glasanje je okončano.

Konstatujem da je **IZVJEŠTAJ O RADU I POSLOVANJU JAVNOG PREDUZEĆA GRADSKA VETERINARSKA STANICA D.O.O.TUZLA ZA 2021.** usvojen sa, 25 glasova za, nije bilo protiv i nije bilo suzdržanih.

Sada stavljam na izjašnjavanje Izvještaj o radu i poslovanju Javnog preduzeća RPC Tuzla-Inkubator „Lipnica” d.o.o. Tuzla za 2021. Molim vijećnike da se izjasne. Glasanje je okončano.

Konstatujem da je **IZVJEŠTAJ O RADU I POSLOVANJU JAVNOG PREDUZEĆA RPC TUZLA-INKUBATOR „LIPNICA” D.O.O. TUZLA ZA 2021.** usvojen sa, 25 glasova za, nije bilo protiv i nije bilo suzdržanih.

Sada stavljam na izjašnjavanje Izvještaj o radu i poslovanju Javnog komunalnog preduzeća Komemorativni centar d.o.o. Tuzla za 2021. Molim vijećnike da se izjasne. Glasanje je okončano.

Konstatujem da je **IZVJEŠTAJ O RADU I POSLOVANJU JAVNOG KOMUNALNOG PREDUZEĆA KOMEMORATIVNI CENTAR D.O.O. TUZLA ZA 2021.** usvojen sa, 25 glasova za, nije bilo protiv i nije bilo suzdržanih.

Stavljam na izjašnjavanje. Ne. Pozivam prvo sekretara da pročita zaključke.

SLAĐANA KRAJINA – sekretar Gradskog vijeća Tuzla

Gradsko vijeće Tuzla traži od direktora javnih preduzeća čiji...Ove smo izglasali u stvari.

- Gradsko vijeće Tuzla sugeriše menadžmentu Javnog komunalnog preduzeća Komemorativni centar Tuzla da se smanji razlika između najviše i najniže plate koja se isplaćuje ovom Preduzeću kao i da se pokušaju više stimulisati pogrebници u mrtvačnici koji su svakako deficitarni kadar.

- Gradsko vijeće Tuzla traži od organa nadležnih iz čl. IV. C. (stav. 3).10 stav 2. alineja c), (predsjednika Federacije Bosne i Hercegovine, dopredsjednika Federacije Bosne i Hercegovine, premijera Federacije Bosne i Hercegovine ili zamjenika premijera Federacije Bosne i Hercegovine) da pred Ustavnim sudom Federacije Bosne i Hercegovine pokrenu postupak za ocjenu ustavnosti Pravilnika o uslovima za osnivanje i obavljanje veterinarske djelatnosti i načinu dodjele područja djelovanja (“Službene novine Federacije Bosne i Hercegovine“, br. 5/16.).

- Navedenim Federalnim Pravilnikom je neustavno i nezakonito izvršena podjela područja za obavljanje veterinarskih djelatnosti, što uključuje i obavljanje i poslova iz oblasti javnog veterinarskog zdravstva i povrijeđena prava i temeljne slobode iz odredbe čl. 2. Ustava Federacije Bosne i Hercegovine (pravo na jednakost pred zakonom, pravo na imovinu, temeljne slobode kao što je sloboda rada).

- Gradsko vijeće konstatuje da, osim što se radi o protivustavnom aktu, navedeni Federalni Pravilnik je u suprotnosti i sa Zakonom o veterinarstvu Bosne i Hercegovine („Službeni glasnik Bosne i Hercegovine“, br. 34/02.), Zakonom o veterinarstvu Federacije Bosne i Hercegovine („Službene novine Federacije Bosne i Hercegovine“, br. 46/00.) kao i

Zakonom o principima lokalne samouprave Federacije Bosne i Hercegovine (“Službene novine Federacije Bosne i Hercegovine“, br. 49/06. i 51/09.).

- Gradsko vijeće Tuzla konstatuje da je Kantonalni sud u Tuzli svojom presudom br. 03 0 U 021169 21 U od 15. 06. 2021. godine i drugim presudama, poništio drugostepeno rješenje Federalnog ministarstva poljoprivrede, vodoprivrede i šumarstva i prvostepena rješenja Kantonalnog Ministarstva poljoprivrede, vodoprivrede i šumarstva Tuzlanskog kantona, upravo iz razloga što sud u obrzaloženju smatra da ne postoji pravni osnov za dodjelu područja djelovanja, i iz razloga nezakonitosti gore pomenutog Federalnog Pravilnika. Gradsko vijeće Tuzla konstatuje da se bez obzira na ovako donesenu naprijed pomenutu presudu, ista kao ni slične presude ne poštuju, ni od strane nadležnog federalnog niti kantonalnog ministarstva poljoprivrede, vodoprivrede i šumarstva i još jednom podsjećamo na obavezu provođenja donesenih sudskih presuda.

- Gradsko vijeće Tuzla sugeriše direktorima javnih preduzeća i javnih ustanova čiji je osnivač Grad Tuzla da periodično organizuju dan otvorenih vrata za vijećnike kako bi se vijećnici bolje upoznali sa njihovim radom i problemima sa kojima se susreću u svom radu i poslovanju.

- Gradsko vijeće Tuzla smatra potrebnim da se putem javnog servisa RTV7, u saradnji sa Javnim preduzećem Veterinarska stanica Tuzla, provede kampanja, kako bi se vlasnici kućnih ljubimaca upoznali sa svojim obavezama i odgovornostima.

- Kolegij Gradskog vijeća Tuzla će u saradnji sa Javnim preduzećem Veterinarska stanica Tuzla izdati odgovarajuće saopštenje kada su u pitanju krpelji i druge opasnosti. Krpelji?

NATAŠA PERIĆ

Vrane. Jel to sve? (SLAĐANA KRAJINA – Aha.)

Stavljam na izjašnjavanje pročitane zaključke. Molim da se izjasnite. Sabiha? Glasanje je okončano.

Konstatujem da su pročitani zaključci usvojeni sa, 24 glasa za, nije bilo protiv i nije bilo suzdržanih.

Prelazimo na petnaestu tačku:

RAZMATRANJE I USVAJANJE IZVJEŠTAJA O RADU JAVNIH USTANOVA ČIJI JE OSNIVAČ ILI SUOSNIVAČ GRAD TUZLA ZA 2021.

- Javna ustanova **Gradski stadion „Tušanj“ Tuzla i**

- Javna ustanova **Dom penzionera Tuzla.**

Predlagač je Upravni odbor ustanove.

Obrađivač direktor ustanove, a materijal su razmatrali Komisija za ekonomske odnose, Komisija za poduzetništvo, Komisija za mlade, obrazovanje i sport (pod a) i klubovi vijećnika. Poslovnička. Mensur Alić. Izvolite.

MENSUR ALIĆ

Predlažem isti zaključak kao maloprije i za javne ustanove.

NATAŠA PERIĆ

Dobro. Imal potrebe za uvodnim izlaganjem? (Nema.)

Imal potrebe da se pročitaju izvještaji komisija? Nema.
Otvaram raspravu klubova vijećnika. Vijećnik Admir Čavalić. Izvolite. Kao Klub.

ADMIR ČAVALIĆ

Hvala puno predsjedavajuća. Mislim da je sasvim korektno da raspravimo dakle, i o ova dva izvještaja koja su ostala. To se barem od nas očekuje.

Dakle, prvo vezano za IZVJEŠTAJ JAVNE USTANOVE DOM PENZIONERA TUZLA. Zaključak molim vas da se doda u okviru izvještaja iznos najviše i najniže plate. U svim izvještajima koje sam dobio (NATAŠA PERIĆ – Molim vas malo tišine.) dakle u proteklih gotov dvije godine navodi se u izvještaju najviše i najniže plate samo u ovom izvještaju nema toga.

Ne znam iz kojeg razloga nek se to navede eto u zaključak da ide ubuduće mislim ne vidim šta je sporno. Pozdravljam na stranici osam kaže: Po osnovu zaključka Gradskog vijeća koji sam prošli put uputio. Mislim da je kolegica Merima isto imala slične zaključke, sedam radnika je zaposleno po osnovu onih programa Zavoda za zapošljavanje.

Ja preporučujem i dajem ko zaključak ili ko preporuku da se nastavi s tom praksom. Svaka čast Domu penzionera što je to ispoštovo i što je sedam radnika, dakle, dao im je mogućnost da, da tu vide kako se radi posao pa šta će s njih biti dalje vidjet ćemo. Evo i to je, to je za sve nas dakle, čestitam i Gradskom vijeću. Evo vidite da ima nekih primjera gdje se zaista zaključci Gradskog vijeća poštuju i daju konkretne rezultate. Tih sedam ljudi ne bi imalo priliku da radi da nije bilo nekog prijedloga zaključka i da nismo jednoglasno ga usvojili.

Molim vas dakle, vezano za pitanja.

Zanima me jesu li riješeni problemi sa sindikatom? Znae na Kolegiju Gradskog vijeća, a samo je do Kolegija išlo, nije išlo do Gradskog vijeća Tuzla, dosta smo dobivali dopisa o sindikatu u Domu penzionera. Brojni nekakvi problemi, nesuglasice sa menadžmentom na relaciji menadžment-radnici itd.

Dalje, ovaj slučaj Asim Horozić dakle, naš istaknuti tuzlak dakle, da li je tu šta bilo sporno? Volio bih informaciju. Ja sam dobio neke neformalne informacije da je bilo nekih konverzi, problema itd.

I zanima me zašto su troškovi naknada po osnovu Ugovora o djelu na strani dvadesetri gdje se to navodi rast je od preko 600%. Dakle, ko je angažovan po osnovu tih ugovora o djelu? Volio bih da dobijem konkretan odgovor. To su tri jasna pitanja.

I na kraju upit za Upravni odbor.

Na trećoj stranici Izvještaja o radu Upravnog odbora kaže se da su razmatrali nekakve dopise Institucije ombudsmena za ljudska prava Bosne i Hercegovine od 28. 10. 2021. godine i da su dalje razmatrali dopis advokata Damira Alića protokolisan pod brojem taj i taj od 01. 11. 2021. godine, pa onda dopis Službe za ekonomski razvoj, poduzetništvo i poljoprivredu, pa onda dopis nas kao Kolegija, vjerovatno u vezi sindikata itd. Da nam malo razjasni Upravni odbor šta se uradilo jel se to smirilo, jel tu kaos? Jel tu je bio neki požar i možete tačno ga vidjet evo na stranici 3 Upravnog odbora vidi se da je nekakav požar bio, ne govorim požar u pravom smislu nego u međuljudskim odnosima narušenim u Domu penzionera Grada Tuzla. To je Upravni odbor moro dokumentovat kroz ove tačke dnevnog reda koje su... dakle, da li je taj požar, ako ga tako možemo simbolički nazvat ugašen/saniran i šta se sad dešava u Domu penzionera? Inače još jednom pohvale za ispunjenje zaključaka.

I dozvolite da završim dakle, raspravu sa GRADSKIM STADIONOM „TUŠANJ“ TUZLA.

Zaključak da se uradi rekonstrukcija ovog stadiona da se malo ubrza, da ne bude 0% izvršenja budžeta. Zanima me takođe ovaj odnos najviša i najniža plata da li je taj racio dakle OK i sl.? I generalno dakle, da li je planirano zanima me povećanje cijena usluga stadiona

„Tušanj“ razumijevajući da je došlo do ovih inflatornih efekata i da oni imaju troškove kao i bilo ko drugi? Da li generalno možemo racio promijeniti u smislu da je stadion više ovisan o vlastitim uslugama i pružanju istih, a manje o subvencijama Grada Tuzla?

Na stranici broj 15 mislim da menadžment vrlo korektno i čestitam na tome, navodi niz stvari koje treba uraditi, pa kaže: Zatvaranje istočne tribine, sređivanje zaštitnih zidova, završavanje novoizgrađene sjeverne tribine. Onda činjenica da se mora riješit dakle, tribina na pomoćnom terenu stadiona „Tušanj“ gdje su oronule, nategnute itd. Zaštitna ograda je problematična i sl. Dakle, oni na stranici broj 15 brojne probleme naglašavaju.

Ja dajem zaključak da prihvatimo sve ovo što su naveli da se treba uraditi i smatrati prioritetom i da Gradsko vijeće Grada Tuzla daje apsolutnu podršku menadžmentu ove institucije da se ovo riješi. Hvala.

NATAŠA PERIĆ

Hvala vama Admire. Da li se neko javlja ispred Klub...Aha. Senad Mehmedinović. Izvolite. Zajednički Klub.

SENAD MEHMEDINOVIĆ

Dio Kluba je. (NATAŠA PERIĆ – Pa dobro.) Hvala najljepša. (NATAŠA PERIĆ – Druga polovina je otišla.) Hvala najljepša. Pozdravljam prisutne direktore.

Imam potrebu na početku da samo obrazložim zašto sam u rebalansu Budžeta smatrao da se treba određen dio sredstava prebaciti Domu penzionera. Naime, obilazim tu instituciju obzirom da naš fakultet usko saraduje sa Domom penzionera na čemu ja prije svega čestitam i direktoru i naravno fakultet je prepoznao Dom penzionera kao jednu nastavnu bazu gdje naši studenti mogu da stiču određena znanja i vještine a naročito u praktičnom smislu. Međutim kroz obilazak mogao sam da vidim obloge tamo dakle, gdje se kreće populacija osoba treće životne dobi da imaju određene pukotine i dakle, te pukotine tamo gdje se kreću osobe treće životne dobi trebaju da se saniraju u smislu tamo parketa. Zašto to govorim? Mi govorimo o jednoj instituciji gdje imamo korisnike koji su preko 65 godina starosti. Osobe koje se teško kreću i usljed tih pukotina nažalost može doći do pada. Ukoliko dođe do pada nažalost može doći do loma kuka, da ne pričam dalje šta se može dešavati i samom sanacijom ovih pukotina može se prevenirati pad kod osoba treće životne dobi i zato sam smatrao da određeni dio sredstava treba da se prebaci Domu penzionera, ali i to je u skladu i ja čestitam vijećnicima dakle, 2020. godine i koji su bili kada je usvojena strategija za osobe treće životne dobi dvijehiljadedvadeset-dvijehiljadestšest naročito ovaj Akcioni plan koji se odnosio dvijehiljadedvadeset-dvijehiljadestšesttri a jedna od tačaka tog Akcionog plana odnosi se na tzv. institucionalnu brigu osoba treće životne dobi a misli se na adaptaciju i saniranje postojećih objekata u Domu penzionera. Dakle, govorim o Aktu i strategiji koje je ovo predstavničko tijelo usvojilo i zato mislim da ima smisla da se što više sredstava ulaže u Dom penzionera. I na kraju jedna istina koja nas sve čeka ovdje a to je da ćemo i mi akobogda biti osobe treće životne dobi i trebamo ulagat u institucije ovog profila.

Ono što mislim da je interesantno da se navede. Evo možda neko zna, možda neko ne zna. Imaju neki dokumenti koji se mogu pratiti a to su tzv. socio-ekonomski pokazatelji na nivou Federacije Bosne i Hercegovine i posljednji dokument koji je dostupan, a odnosi se na broj osoba treće životne dobi mislim na penzionere iznad 65 godina. Na nivou Federacije grad Tuzla je drugi po broju penzionera iznad 65 godina starosti. Dakle, imamo oko 14 hiljada i 6 penzionera i samo je ispred nas Novi Grad Sarajevo koji ima negdje 300-400. Zašto ovo govorim? Ovo govorim u stvari da mi doista trebamo da brinemo o populaciji osoba treće životne dobi i kad se vidi sad ovdje kroz izvještaje tužno je da vidite da je to, da su to pretežno

osobe treće životne dobi koje su ostale same, tako da misiju koju ima Dom penzionera mislim da trebamo maksimalno da kao vijećnici podržavamo.

Ovdje iz ovog izvještaja vezano za poslovanje ustanove to ekonomisti vole, vole da u terminologiji koriste riječ indikator, pa vole da koriste kako kvalitativni tako i kvantitativni indikator. I ovdje iz ovog poslovanja ustanove može se dakle pročitati i vidjeti da kada govorimo o prizemlju, pa ne znam ulaznih hol recepcija, frizerski salon, dnevni centar za zdravo starenje dakle, to su sve prostorije koje su renovirane u Domu penzionera i posebno mi je drago zato što smo to budžetom izdvojili i vidim da je to u Domu penzionera urađeno, a to je u sklopu projekta termo-energetske efikasnosti koje finansira Grad Tuzla a odnosi se na vanjsku stolariju i vidim da je to urađeno tako da čestitam radi se. Ustanova koja ne da je radila u specifičnim uslovima. Znači, ustanova gdje smo imali dakle, dvije godine kovida. Dobro se nosila s ovom situacijom koja se desila svima mislim planetarno. I ono što je, što se može vidjeti na četvrtom spratu izvršena je adaptacija prostora za medžlis i kapele katolička i pravoslavna.

U rehabilitaciji mi često govorimo ima jedan termin koji se, koji se navodi a to je hagioterapija-sofrologija nebitno. Misli se u stvari na ovo harmonizaciju duše i tijela, ali je nešto lijepo gdje mogu osobe treće životne dobi da se posvete, (NATAŠA PERIĆ – Molim za tišinu malo.) da se posvete vjeri.

Drago mi je zbog dnevnog centra za zdravo starenje zato što se vodi računa o populaciji osoba treće životne dobi, al mi je još draže kad vidim ovdje ko se sve uključio u rad dnevnog centra od aktiva žena Medžlisa, Udruženja građana samohrani roditelji dakle, što govori u stvari o jednom vidu saradnje vladinog i nevladinog sektora što sam uvijek u potpunosti podržavo i ovo treba maksimalno da se uključuje, ali evo i da kažem da je i Dom penzionera na jedan određeni način i nastavna baza studenata Edukacijsko-rehabilitacijskog fakulteta na čemu se ja iskreno zahvaljujem zato što zbog pandemije. Mi u šali znamo da kažemo za studente pod navodnicima da me pogrešno ne shvatite ratna generacija. Dakle, mislimo na studente koji su doista bili spriječeni da izvode i da budu na praksi u bilo kojim institucijama pa između ostalog i Doma penzionera, ali evo drago mi je što je to pokrenuto. I kad pogledam na kraju i završavam s tim.

Prihodi i rashodi može se vidjeti da je to u plusu 9 hiljada i 420 konvertibilnih maraka. Kroz ono što je sve prošao Dom penzionera kroz ove protekle dvije godine u smislu kovida ja čestitam na izvještaju i to bi bilo to. Hvala.

NATAŠA PERIĆ

Hvala vam Senade. Zaključujem raspravu klubova vijećnika.

Otvaram raspravu vijećnika. Mišo. Miodrag Tanasilović izvinjavam se. Zvani Mišo.

MIODRAG TANASILOVIĆ

Zahvaljujem predsjedavajuća. Srdačno vas sve pozdravljam. Evo ja ću nastojati da budem što kraći. U svom izlaganju evo osvrnut ću se dakle na IZVJEŠTAJ O RADU I POSLOVANJU JAVNE USTANOVE GRADSKI STADION TUŠANJ TUZLA ZA 2021. GODINU i kao vijećnik ispred SDP-a, ispred Kluba vijećnika SDP-a u potpunosti ga podržavam jer zadovoljava sve kriterije i metodologiju za izradu Izvještaja o radu i poslovanju javnih preduzeća i ustanova.

Ono što je svakako za svaku pohvalu jeste činjenica da je ustanova poslovanje za 2021. godinu završila sa iskazanim viškom prihoda nad rashodima u iznosu od nekih 15 hiljada i 684 konvertibilne marke što dakle, dokazuje efikasno upravljanje ustanovom.

Javna ustanova Gradski stadion „Tušanj“ Tuzla u potpunosti dakle, opravdava epitet javne ustanove jer pruža usluge rekreativcima tj. korištenje atletske staze našim sugrađanima bez ikakve naknade.

Kao što je navedeno u Izvještaju o radu i poslovanju evidentan je dakle, veliki broj korisnika koji također koriste bez naknade atlešku stazu za izvođenje dakle svoje nastave i takmičenja, a to su sve osnovne i srednje škole kao i fakultet za tjelesni odgoj i sport.

Obzirom da je Ministarstvo za kulturu, sport i mlade Tuzlanskog kantona najviše nadležan za sport i za funkcionisanje hajde dakle sportskih organizacija mogu takođe istaći da smo dobili određena sredstva po projektu za rekonstrukciju jendog pomoćnog terena za rekreativce.

Također evo istaću da su u toku kao što svi znamo radovi na rekonstrukciji zapadne i sjeverne tribine koji će uskoro biti završeni a očekuje se dakle i zamjena trave na glavnom fudbalskom terenu koja će biti finansirana od strane Fudbalskog saveza Bosne i Hercegovine, te jednim dijelom iz Budžeta Grada Tuzla.

Dakle, do početka naredne fudbalske sezone, prvenstva dakle, do jeseni iskreno se nadam da će svi radovi, da će se okončati i da će stadion „Tušanj“ pružati još bolje usluge kako igračima na terenu tako i navijačima na tribinama, te ostalim mnogobrojnim korisnicima.

Takođe evo pohvalio bi, pohvalio bih kolegu Čavalića na na podršci koju je evo on istakao vezano za stadion „Tušanj“ da je potrebno da se, da damo svi saglasnost i vjetar u leđa da se što više uradi na ovoj infra-strukturi koja je evo navedena u izvještaju i toliko od mene. Hvala.

NATAŠA PERIĆ

Hvala vam. Da li se još neko javlja ispred vijećnika? Vijećnik Zijah Rifatbegović. Izvolite. Samo malo. Uključite mikrofon.

ZIJAH RIFATBEGOVIĆ

Želim reko da pozdravim sve. Mislim da su ovi izvještaji vrlo korektno napisani uredno i podržavam posebno nadovezat ću se na diskusiju kolege Mehmedinovića. Posebno želim pohvaliti rad i napredak koji se ostvaruje u Javnoj ustanovi Dom penzionera jer mislim da manje više nas sve čeka slična sudbina kao što su naši sugrađani u tom Domu penzionera i vrlo lijepo je da čujemo da to ide naprijed.

Želio bih nešto da da pojasnim više sam sebi, a vjerujem i vama će to biti interesantno da je ovdje navedeno da su ukupni prihodi izdavanja poslovnih prostora pod zakup u 2021. godini iznosili 110.930 konvertibilnih maraka a ukupno ima 48 prostora koji su izdati od čega njih je 10 izdato na korištenje boračkim udruženjima. Ako izuzmemo boračka udruženja znači 38 prostora je izda-to fizičkim licima pretpostavljam ili pravnim licima kako se to formuliše. Kada se to podijeli sa ovih 38 dobije se iznos da je to negdje otprilike oko dvijehiljade i devetsto, odnosno 2901 marka pa me interesuje da li tu postoji konkurs ili koji su kriteriji za izdavanje prostora? Ko može konkurisat na izdavanje ovih 38 prostora obzirom da je to lokacija u samom centru grada i sigurno da postoje neki kriteriji po kojima se ti prostori izdaju i kolika je njihova tarifa po kvadratu? Obzirom da vidim da ovdje nije navedeno ali pretpostavljam da osim, osim je li kancelarijskog prostora tu ima prostora gdje se obavljaju i druge djelatnosti koje nisu samo kancelarijske prirode. Tako da mislim da je ovaj iznos od od zakupnine, bar meni tako izgleda dosta manji nego što bi se moglo očekivat obzirom na atraktivnost lokacije i ne znam po kojim i na koji način se taj konkurs i na koji vremenski vremenski period se taj prostor izdaje i po kojoj tarifi se to izdaje. (NATAŠA PERIĆ – U redu.) A pohvaljujem izvještaj. Mislim da je izvještaj odličan.

NATAŠA PERIĆ

Hvala vam. Vijećnik Omer Berbić. Izvolite.

OMER BERBIĆ

Hvala ljepo. Evo i ja ću vrlo kratko. Prvo želim da se referišem na jednu situaciju koja mi se desila na STADIONU „TUŠANJ“ i da pitam evo generalno menadžment da li oni planiraju da šta urade povodom tog pitanja i da li oni, da li oni podržavaju jednu takvu vrstu, takvu jednu vrstu ponašanja?

Bio je mjesec, mjesec Ramazana, došli su mi neki prijatelji iz Srbije i Hrvatske i kao nebrojeno puta do tada smo probali da na utakmice drugo ovog Premijerligaša Tuzla Citiya uđemo sa pivom u ruci i uvijek je prolazilo bez ikakvih problema. Niko nije zatezao, niko nije pravio probleme. Međutim u mjesecu Ramazana kada su momci krenuli zajedno samnom da uđemo na utakmicu sa pivom u ruci gospodin na ulazu mi je rekao ne možete ući Ramazan je. Ne bi bilo ništa sporno da je to princip koji se koristi na svim utakmicama. Da nema alkoholnih pića nikako nego da, nego je to princip koji se selektivno koristi samo u jednom mjesecu koji svako mora poštovati, ali uz, uz to treba shvatiti da postoje druge vjere, nacije itd. koje su u Tuzli a imaju ljudi koji dođu iz vana koji neće zloupotrijebiti to ni na kakav način, nego jednostavno žele u miru da popiju, da popiju piće na stadionu „Tušanj“ koji je gradski stadion pravljen gradskim parama i mislim da je sramotno da se na ovaj način pravi diskriminacija čime se krše i zakoni diskriminacije konkretno član 2. diskriminacije. Evo ja ću citirati, diskriminacija će se u smislu ovog zakona smatrati različito pristupanje ili isključivanje na osnovu njihove rase, boje kože, vjere, etničke pripadnosti itd.

Tako da evo ja trenutno želim da pitam menadžment preduzeća da li se planira poduzeti nešto po, po ovom pitanju i da li možemo mi dobiti eventualno taj ugovor sa drugim Premijerligašem na uvid da vidimo da li je, da li je nekako to napravljeno da se, da se, da se minimaliziraju ovakve stvari, s obzirom da evo ja sam bio kako bi rekao, baš ružno sam se osjećao u gradu Tuzla koju, kojim participira veliki broj različitih vjera i nacija?

Ono što dalje želim da pitam za stadion (NATAŠA PERIĆ – Tišina molim vas.) jeste šta znači ovih 180.000 maraka koji su rebalansom smanjeni? Tamo ima u fazi izvještaja šta sve treba uraditi, a zanima me šta će se prioritizirati, odnosno šta se neće prioritizirati za ovih 180.000 koji su smanjene, odnosno šta se neće uraditi s obzirom da je taj novac smanjen? I zanima me šta se dešava sa balona u zimsko doba da li se on planira popraviti, da li se planira nabavljati novi i koliko će to oštetiti je li strukturu prihoda ili povećati strukturu prihoda u ovoj godini?

Za DOM PENZIONERA također, ne bih ulazio evo sad previše u detalje, ali smo mi evo i na Kolegiju i dobili smo taj jedan dopis od sindikata gdje su se neke stvarno katastrofalne stvari spominjale, pa čak i tako da je neka jedna, jedna gore od od sestara ili njegovateljica bila kriva što je neka gospođa slomila, slomila neku kost. Možda čak da je, da je, da je svojim nemarom dovela do smrti. Iz tog dopisa evo zanima me da se direktor osvrne na te stvari iz dopisa i da dobijemo informaciju o tome šta je od toga tačno što su članovi tog sindikata, tog sindikata potpisali? Eto toliko od mene. (NATAŠA PERIĆ – U redu.) Hvala ljepo.

NATAŠA PERIĆ

Hvala vam. Zaključujem raspravu vijećnika.

Stavljam na izjašnjavanje Izvještaj o radu Javne ustanove Gradski stadion „Tušanj” Tuzla za 2021. Molim vijećnike da se izjasne. Glasanje je okončano.

Konstatujem da je IZVJEŠTAJ O RADU JAVNE USTANOVE GRADSKI STADION „TUŠANJ“ TUZLA ZA 2021. usvojen sa, 24 glasa za, nije bilo protiv i nije bilo suzdržanih.

Sada stavljam na izjašnjavaње Izvještaj o radu Javne ustanove Dom penzionera Tuzla za 2021. godinu. Omere? Glasanje je okončano.

Konstatujem da je IZVJEŠTAJ O RADU JAVNE USTANOVE DOM PENZIONERA TUZLA ZA 2021. GODINU usvojen sa 24 glasa za, nije bilo protiv i nije bilo suzdržanih.

Zamoliti ću sekretara da pročita zaključke.

SLAĐANA KRAJINA – sekretar Gradskog vijeća Tuzla

- Gradsko vijeće Tuzla traži od direktora javnih ustanova čiji su izvještaji o radu razmatrani na današnjoj sjednici Gradskog vijeća, da najkasnije do avgustovske sjednice Gradskog vijeća Tuzla, dostave pisane odgovore na pitanja postavljena tokom rasprave kao i na date sugestije i primjedbe.

- Zadužuje se Stručna služba Gradskog vijeća da izvode iz stenograma sa današnje sjednice Gradskog vijeća, u dijelu rasprave o izvještajima o radu javnih ustanova, dostavi direktorima ustanova radi pripreme pisanih odgovora na pitanja postavljena tokom rasprave i na date sugestije i primjedbe.

- Gradsko vijeće Tuzla traži od Javne ustanove „Dom penzionera“ Tuzla da ubuduće sastavni dio izvještaja o radu bude i tabelarni pregled najviše i najniže isplaćene plate.

- Gradsko vijeće Tuzla preporučuje Javnoj ustanovi „Dom penzionera“ Tuzla kao i drugim javnim ustanovama čiji je osnivač ili suosnivač Grad Tuzla da se nastavi sa praksom prijema radnika po projektima i programima zapošljavanja.

- Gradsko vijeće Tuzla daje podršku menadžmentu Javne ustanove Gradski stadion „Tušanjski“ Tuzla kada je u pitanju realizacija prioriteta navedenih u Izvještaju o radu ove Ustanove.

NATAŠA PERIĆ

Pozivam vijećnike da se izjasne o pročitanim zaključcima. (vijećnik Omer Berbić govori bez uključenog mikrofona op.a.) Ne može. (SLAĐANA KRAJINA – U paketu ide samo ako su svi saglasni. Ako bilo ko insistira znate da je...) A što Omere odmah niste rekli mislim kad je već pročitala? (vijećnik Omer Berbić govori bez uključenog mikrofona op.a.) Pa ne. Pa nije. Znate da kad se pojedi na... Izjasnite se sad. Pa nemo... De izađite makar. Evo izaće Omer. (vijećnik Omer Berbić govori bez uključenog mikrofona op.a.) Ma ja, al trebali ste ranije stvarno. Glasanje je okončano.

Konstatujem da su pročitani zaključci usvojeni sa, 23 glasa za, nije bilo protiv i nije bilo suzdržanih.

Prelazimo na šesnaestu tačku Dnevnog reda:

RAZMATRANJE IZVJEŠTAJA KOMISIJE ZA IZBOR I IMENOVANJA

Molim sekretara da pročita prijedloge. Molim vas malo tišine. Brzo ćemo.

SLAĐANA KRAJINA – sekretar Gradskog vijeća Tuzla

Komisija za izbor i imenovanja je razmatrala zahtjev za imenovanje predstavnika Vijeća mladih Grada Tuzla u Komisiju za mlade, obrazovanje i sport Gradskog vijeća broj 4622 od 20. 05. 2022., te usvojila sljedeći zaključak. (NATAŠA PERIĆ – Molim vas tišina.)

Komisija za izbor i imenovanje je razmotrila te Gradskom vijeću Tuzla na izjašnjavanje upućuje zahtjev Vijeća mladih Grada Tuzle, da se:

- Amar Kavgić, ispred Vijeća mladih Grada Tuzle izabere na dužnost člana Komisije za mlade, obrazovanje i sport Gradskog vijeća Tuzla.

NATAŠA PERIĆ

Molim vijećnike da se izjasne o prijedlogu. Omere zar nećeš glasat za mlade? (SLAĐANA KRAJINA – Pa Vijeće mladih. Ovo je. Oni su dostavili prijedlog.) Glasanje je okončano. Ma šta je problem? (SLAĐANA KRAJINA – Izađe neće da...) Glasao je. Jeste.

Prijedlog je usvojen sa, 25 glasova za, nije bilo protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Hasiba Hirkića, samostalnog vijećnika, za razrješenje i imenovanje člana Komisije za jednakopravnost polova te usvojila sljedeći zaključak:

Komisija za izbor i imenovanje je razmotrila te Gradskom vijeću Tuzla na izjašnjavanje upućuje prijedlog Hasiba Hirkića, samostalnog vijećnika, da se:

- Damir Džafić razrješi dužnosti člana Komisije za jednakopravnost polova,
- Vinko Piljić izabere na dužnost člana Komisije za jednakopravnost polova.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani prijedlog usvojen sa, 22 glasa za, nije bilo protiv i 1 suzdržan.

SLAĐANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Hasiba Hirkića, samostalnog vijećnika, za razrješenje i imenovanje novih članova Savjeta Mjesne zajednice Dobrnja te je usvojila sljedeći zaključak:

Komisija za izbor i imenovanje je razmotrila te Gradskom vijeću Tuzla na izjašnjavanje upućuje prijedlog Hasiba Hirkića (NATAŠA PERIĆ – Samo malo tišine molim vas.) samostalnog vijećnika, da se:

- Zehrudin Bečić razrješi dužnosti člana Savjeta Mjesne zajednice Dobrnja,
- a da se na dužnost člana Savjeta Mjesne zajednice Dobrnja izabere Almerisa Sakić,
- Samir Galčević razrješi dužnosti član Savjeta Mjesne zajednice Dobrnja,
- a da se na dužnost člana Savjeta Mjesne zajednice Dobrnja izabere Medin Bečić.

NATAŠA PERIĆ

Molim vijećnike da se izjasne o pročitanim prijedlogu. Glasanje je okončano.

Konstatujem da je pročitani prijedlog usvojen sa, 23 glasa za, nije bilo protiv i 1 suzdržan.

SLADANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Hasiba Hirkića, samostalnog vijećnika, za imenovanje člana Koordinacijske radne grupe za izradu Programa kapitalnih investicija Grada Tuzla, te je usvojila sljedeći zaključak:

Komisija za izbor i imenovanje je razmotrila te Gradskom vijeću Tuzla na izjašnjavanje upućuje prijedlog Hasiba Hirkića, samostalnog vijećnika, da se:

- Hasib Hirkić izabere na dužnost člana Koordinacijske radne grupe za izradu Programa kapitalnih investicija Grada Tuzla.

NATAŠA PERIĆ

Molim vijećnike da se izjasne. Nemojte dobacivat molim vas. Glasanje je okončano.

Konstatujem da je pročitani prijedlog usvojen sa, 24 glasa za, nije bilo protiv i nije bilo suzdržanih. Molim vas tišina. Molim vas tišina. Hasibe? U redu je.

SLADANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Kluba samostalnih vijećnika (NATAŠA PERIĆ – Molim vas tišina.) za izmjenu predsjednika Komisije za prostorno uređenje i zaštitu okoline, te je usvojila sljedeći zaključak:

Komisija za izbor i imenovanje je razmotrila te Gradskom vijeću Tuzla na izjašnjavanje upućuje prijedlog Kluba samostalnih vijećnika da se:

- Vanja Bajrami razrješi dužnosti predsjednika Komisije za prostorno uređenje i zaštitu okoline,

- Andreana Husejnović izabere na dužnost predsjednika Komisije za prostorno uređenje i zaštitu okoline.

NATAŠA PERIĆ

Glasanje je okončano.

Konstatujem da je pročitani prijedlog usvojen sa, 21 glas za, nije bilo protiv i 1 suzdržan.

SLADANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Kluba samostalnih vijećnika za izbor članova savjeta mjesnih zajednica, te usvojila sljedeći zaključak:

Komisija za izbor i imenovanje je razmotrila te Gradskom vijeću Tuzla na izjašnjavanje upućuje prijedlog Kluba samostalnih vijećnika da se:

- Nesib Dautović izabere na dužnost predsjednika Savjeta Mjesne zajednice Ljepunice,

- Asmir Dautović izabere na dužnost člana Savjeta Mjesne zajednice Ljepunice,

- Samir Aljukić izabere na dužnost člana Savjeta Mjesne zajednice Sjenjak.

NATAŠA PERIĆ

Molim vijećnike da se izjasne. Glasanje je okončano.

Konstatujem da je pročitani prijedlog usvojen sa, 22 glasa za, nije bilo protiv i nije bilo suzdržanih.

SLAĐANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Kluba vijećnika Platforme za progres za izmjenu člana Koordinacijske radne grupe za izradu Programa kapitalnih investicija Grada Tuzle, te je usvojila sljedeći zaključak:

Komisija za izbor i imenovanje je razmotrila te Gradskom vijeću Tuzla na izjašnjavanje prosljeđuje prijedlog Kluba vijećnika Platforme za progres da se:

- Adnan Karahmetović razrješi dužnosti člana Koordinacijske radne grupe za izradu Programa kapitalnih investicija Grada Tuzla,
- a da se na dužnost člana Koordinacijske radne grupe za izradu Programa kapitalnih investicija Grada Tuzla izabere Amira Ajdaslić – Okanović.

NATAŠA PERIĆ

Molim vijećnike da se izjasne o pročitanoj prijedlogu. Glasanje je okončano.

Konstatujem da je pročitani prijedlog usvojen sa, 24 glasa za, nije bilo protiv i nije bilo suzdržanih. Jel to to? (Još jedan.)

SLAĐANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Kluba vijećnika Socijaldemokratske partije BiH za izmjenu člana Komisije za odlikovanja i priznanja i člana Komisije za ekonomske odnose, te usvojila sljedeći zaključak:

Komisija za izbor i imenovanje je razmotrila te Gradskom vijeću Tuzla na izjašnjavanje upućuje prijedlog Kluba vijećnika Socijaldemokratske partije BiH da se:

- Marija Jurčenko razrješi dužnosti člana Komisije za odlikovanja i priznanja,
- a da se na dužnost člana Komisije za odlikovanja i priznanja izabere Mišo Hrgovčić.
- Elvir Bijedić razrješi dužnosti člana Komisije za ekonomske odnose,
- a da se na dužnost člana Komisije za ekonomske odnose izabere Igor Gavrilović.

NATAŠA PERIĆ

Molim vijećnike da se izjasne o pročitanoj zaključku. Selma glasaj. Joj Selma. Poništavam glasanje. (vijećnik Selma Čatibušić govori bez uključenog mikrofona op.a.) Molim? (vijećnik Selma Čatibušić govori bez uključenog mikrofona op.a.) Zašto? (vijećnik Selma Čatibušić govori bez uključenog mikrofona op.a.) Pa Marija je bolesna. Nije ništa sporno. Žena ne može da hoda više. (ANA PEJIĆ – I ne može da dolazi na Komisije.) Ne može da dolazi. Pa nije ništa protiv nje. Pa nemojte Selma tako. Pa moram reći vidiš da misli da je nešto. Pa nije sjednica još završena. Glasanje je okončano. Sačekajte pa ima još dvije tačke. (SLAĐANA KRAJINA – Nemojte molim vas. Pa ne može Janja u isto vrijeme davat tamo za glasanje i razduživati aparate.)

Glasanje je okončano. Pročitani prijedlog je usvojen sa 24 glasa za nije bilo protiv i nije bilo suzdržanih.

Sedamnaesta tačka:

INFORMACIJA U VEZI SA IZRADOM ZONING PLANA PRIVREDNE ZONE “PISKAVICA” I “GRIJAČICE” U GORNJOJ TUZLI

Obrađivač je Služba za prostorno uređenje i zaštitu okoline.

Materijal su razmatrali: klubovi vijećnika.

Ima potrebe za uvodnim izlaganjem? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Konstatujem da je Gradsko vijeće Tuzla primilo k znanju INFORMACIJU U VEZI SA IZRADOM ZONING PLANA PRIVREDNE ZONE "PISKAVICA" I "GRIJAČICE" U GORNJOJ TUZLI.

POD TEKUĆIM PITANJIMA

Obavještenje Javnog preduzeća „Mejdan“ d.o.o. Tuzla o razlozima prolongiranja izrade Izveštaja o radu i poslovanju za 2021. i

Obavještenje Službe za kulturu, sport, mlade i socijalnu zaštitu o razlozima prolongiranja Gender akcionog plana Tuzle za period 2022. - 2024. Godina.

Obrađivač su: „Mejdan“ i Služba za kulturu, sport, mlade i socijalnu zaštitu.

Materijal su razmatrali: klubovi vijećnika.

Konstatujem da su oba obavještenja primljena k znanju.

Zaključujem 15. redovnu sjednicu Gradskog vijeća.

(S obzirom da je Dnevni red iscrpljen i 15. redovna sjednica Gradskog vijeća Tuzla zaključena ista je završena u 20:37 sati.)

STENOGRAM SAČINILA

Jasminka Delalić

PREDSJEDAVALA

Nataša Perić, prof. s.r.